



14 Feb. 29







# TANI IACOBI

BOISSARDI VESVN-  
TINI

POEMATTA.

ELEGIARUM LIBRI II.

HENDECASYLLABOR. LIB. II.

TUMULORUM ET EPITAPHIORUM  
LIB. I.

EPIGRAMMATUM LIB. II.



METIS,

Excudebat Abrahamus Faber.

---

M. D. XIC.

*Cum Privilegio Regis.*

LP II 4, c

1800



232648 I



---

# PAVLI MELISSI

COMITIS PALATINI,  
EQUITIS TORQUATI, ET CIVIS  
Romani, in Poëmata Iani Iacobi Boissar-  
di, Hendecasyllabum.

AD IACOBVM PASCHARIVM  
*Medicum Lotharingum.*

**S**E V stylo vel acu decente pingat  
Vividas animantium figurarum,  
Sive carmina doctiora fingat  
Boissardus cedrinis inuncta succis:

Seu quæcunque sagace mente gignat  
Priscis lemmata comparanda sacris,

Pictores simul, & simul Poëtas  
In sui rapit incitos amorem.  
Sic magnes trahit obvium metallum:  
Sic fax Palladios bibit liquores.

Naturam intuitus putabis artem,  
Non artem: sed ubi intueris artem,  
Naturam superarier putabis.

Paschari, mihi tolle in uniuersum  
Phœbum Pieridesque Gratiasque:  
Boissardus subitò novos regignet  
Phœbum Pieridesque Gratiasque.

---

IOANNIS POSTHI  
Archiatři Palatini.

IN EADEM.

**C**edite Boissardo reliqui concedite vates:  
Hic omnes unus, iudice me, superat.  
Vos homines verbis tantùmmodo pingitis: ille  
Egregio mentes carmine, & ora manu.

Ejusdem.

**E**ffigies hominum depingens alter Apelles,  
Alter & est idem dum carmina fingit Apollo  
Boissardus geminas tractans industrius artes.  
Noane etiam geminos idem mereatur honores?

L AE.

---

LAELII CLEOPASSI HY-  
DRUNTINI.

**N**ugas qui sua scripta vult vocari  
Boissardus, merito suos labores  
De fraudans precio, suáque laude,  
Non parùm Aonidasq; Apollinemq;  
Atque ipsas Charitas Cupidinemque  
Offendit: sale sic facetiisque  
Cuncta temperat & loquace risu ,  
Ut & seria misceat cachinnis,  
Et doctos Epigrammatum libellos  
Suo Bilbilis adstruat Poëtæ :  
Quem factum putat esse castiorem,  
Et mores magis induisse puros.

Legat quilibet, utilis jocosæ  
Iuncta lectio cui placet, simulque  
His conjungier optimè libellis  
Discat Aonidasque Apollinemque,  
Atque ipsas Charitas Cupidinemq;.

---

RVTILII SARAVESAE  
I. C. Veneti.

**N**on cuivis Phæbo nec Musis scribere fas est  
Dignacienda suo est Gratia ab Orchomeno.  
Non satis est Latii nervos sermonis in unum  
Cogere, facundi vel Ciceronis opes.

*Hec nisi congeries, pratorum imitata colores,  
Lectoris vario tadia flore levet.  
Quod studio auctorem sollerte videbit adeptum,  
Hujus cui fuerit lectio nota libri.  
Sic risu lacrymas, sic pinxit gaudia luctu,  
Sic junxit placido serua verba sale:  
Iudicet ut quivis Musis & Apolline dignum  
Hunc, & Acidalio rore madere librum.*

---

ALARDI QVINTVLI  
NARNIENSIS I. C.

**I**ve legā lepidosve sales, suavesque cachinnos,  
Seu qua Pelignis verba canis numeris,  
Expieri mentem nequeo: mihi sic placet illa  
Qua tibi dicendi copia dives inest.  
Cur nugas, Boissarde, vocas qua Palladis arte  
Carmina Arionis sunt tibi fusa modis?  
Subsannent scioli quę tu tinxisti sale, quodque  
Molle solet Musis pectus inesse tuis.  
Crede mihi, illorum tibi sunt fastidia laudi.  
Doctis, si nescis, docta placere sat est.

---

VETVRRI LEONTII HY-  
DRUNTINI.

**N**on omnes Curij sumus, austerive Catones,  
Moroso qui dant jura supercilio.

Nec

Nec nos Democriti semper stillantia fletu  
 Scripta juvant: nec qua Stoa severa docet.  
 Nec qua discipulis Zeno inculcare solebat:  
 Nec qua divino protulit ore Plato.  
 Quamvis Democritus nonnunquam riserit, atque  
 In circo visus saepe sedere Plato.  
 Factaque & in media constat convivia Stoa,  
 Sæpius & grandes evacuasse scyphos.  
 Nostra relaxari gaudet natura, jocisque  
 Acludo curas imminuisse graves.  
 Idque licet cunctis: modò sic servetur honestum,  
 Desertor ne sit vir bonus officij.  
 Turpia lascivis spectacula facta theatri,  
 Et digni Satyrus cura profana chori,  
 Aleaque, & media protractus nocte fritillus,  
 Et vix exorto cæna peracta die,  
 Ingenuis indigna puto. Sed honesta voluptas  
 Est, quam culta jocis lectio docta parit.  
 Nèc tamen hac Veneres nudas, nec schemata tractet,  
 Tenta quibus lumbo vena salace crepet.  
 Libera sit verbis, mollique inspersa cachinno:  
 Vrere felle potest, atque madere sale.  
 Hac ita Boissardi docto variata libello est,  
 Ut cum delectet, prosit & illa magis.  
 Ingeniosè etenim hoc sic miscuit utile dulci,  
 Omnibus ut possit non sine fruge legi.



---

---

PETRI FRIDERI MINDANI.

**D**oissarde ingenij exēplum melioris, atque rarū  
Virorum decus eruditiorum.

An viciāne tuam motus pateris domi pōēs in

Delitescere, negligentia ve

Sopitus, tu a linquis scripta situ perire? blattis

Exponens monumenta literarum

Corrodenda? Nefas opera ingenii mori, futuris

Legi digna nepotibus. En bonorum

Quos fructus aliter vel prēmia noveris laborum,

Quām clarum per eos parare nomen?

Cælo sancta beat pietas, timor & Dei, & parentum,

Proximique amor integer benignus.

Conciliant sera sed posteritatis, omniumque

Nobilem monumenta scripta laudem.

Et laudem quam rara potest sepelire vel vetustas,

Vel rubigo, vel igne flamma edaci.

Sunt ubi pyramides, ductique per aërem Colossi,

Mausolique superbius sepulchrum?

Turris ubi Pharia est? Babylonis & alta mœniūmq;

Moles? templum ubi, quid ve jam Dianæ?

Quin neque tantarū vel nomē & umbra parva rerū,

Scriptorum sine literis, vigeret.

Publica fac igitur qua scripta domi tenes, premisque

Clausis pulverulenta sub tablinis. (batis

Omnia, quicquid habes, fac publica: cuncta sunt pro-

Doctisque ingeniosa cogitatis.

Non



Non tu ñ inutilibus, Boissarde, oneras poëma nugis:  
Sed morum saluberrimis refertum  
Præceptis, celebrat dignis benefacta nominata  
Personæ titulis, bonosque amicos.  
Nec tamen interea describere desinus modestè  
Mutandos hominum & notare mores. (danti  
Nominibus fictis sed Hypocritæ, & Omphaces, Ny-  
Fucos exprimis, atque fraudulentos.  
Namque tui hoc semper tenuère libri, maligniore  
Nulli scommata dictitare morsu.  
Tu simul immisces benè convenienter hinc & inde  
Argutosque sales, jocosque, risus.  
Omne tulit punctum qui miscuit utile & jocosum.  
Severique jocantur & Catones.  
Inde tuos multi celebrâre Epigrammatum libellos  
Dactylo celebres, levi & trochæo.  
Et simul adjunctos quis non elegos, epistolasque  
Ob venam coluit disertiores?  
Et tu lector amat q, Emblemata plurimus frequensq,  
Facta Emblemata sub poësi utraq.  
Iudicij ingenij manuumque simul stupet potentes  
Naturam tibi sic dedisse vires.  
Ingenij exemplum rarũ, graphide atque acu & poësi  
Te uno tot superarier magistros:  
Sed doctum antiqua quando historiæ volumen exit  
Et diu meritas videbit auras?  
Sapius hoc celebris petit alter Horatius Melissus,  
Clarus Pindarico Cycnus cothurno.  
Omnesque hoc poscunt: Vario quia colligit labore  
Antiquis monumenta sculpta saxis.

Denique Casareos vultus, faciesque clariorum  
Noli suppressere altius virorum.  
En tibi presentes quid non Epigrammatum libelli,  
Subtiles Epigrammatum libelli.  
Conciliant culto cum nomine laudis atque honoris?  
Carmen nam facis elegans acutum.  
Concertet Elegis quicunque volent, metrisve, Regum  
Certent scribere facta maximorum.  
Indiceme, lyrico nullus pede celsior Melisso:  
Puro mirificusne Dusa Iambo?  
Boissardus palmam rapit Hendecasyllabi virentem  
Artifex Epigrammatum hic magister.

---

## POMPONII RICII NOLANI.

**P**ublica qui tractas urgente negotia curâ,  
Cui gravis incumbit nocte diêque labor:  
Ut renoves animum, & longè a te tadia pellas,  
Perlege Boissardi carmina, letus eris.  
Tu quoque languentem quem res privata fatigat,  
Quemque sua retinent otia pigra domi:  
Tempora cum ignava dederis selecta Vacuna,  
Heic ludet genius non sine fruge tuus.  
Seria si poscas, heic Stoâ digna legentur:  
Ludicra, & heic visu tu potes usque quati.  
Et quamvis nugas hac auctor scripta vocavit,  
Mille his lectori commoda proposuit.

*Præcepto vacua est nulla heic pagella salubris.*

*Laudat virtutes: arguit aut vitia,*

*Quæ depravati corrupta licentia sæcli*

*Sancto Virtutis nomine dissimulat.*

*Denique cùm decies perlegeris omnia, dices*

*Atqui iterum decies sunt ea digna legi.*

**PAVLVS MELISSVS IN**

**Boissardi effigiem.**

**AD NICOLAVM REVSNE-**

**rum Leorinum.**

**V**jus heic labia & genas, comamque,

**R**eusnere, eminulam virente lauro

**A**dmirantibus inspicis Camœnis,

**B**oissardus meus est vetus sodalis,

**A**micusque bonus velutque frater.

**M**î versatur in evidente lingua:

**I**nque ipsis oculis perenne fertur.

**O**mnis hæret in intimis medullis:

**D**iverſo varius colore pictor,

**V**estium Phrygio nitore textor,

**C**arminum Latio decóre fictor.

**T**ernis muneribus remuneravit

**M**e sodalis amicus atque frater,

**P**ictura, & Phrygia plica, & poësi.

**Q**uei discederet a sonante lingua?

Quei relinqueret is meos ocellos?  
Aut quei defereret meas medullas?

---

IACOBVS PASCHARIVS  
MEDICVS, IN EANDEM  
Effigiem.

---

**E**Ximius Phaëthonta Myron depinxit: at ejus  
Non potuit vires docta notare manus.  
Boissardum expressit pictor: decus at que labores  
Scire quidem potuit, pingere non valuit.

---

PETRVS LEPIDVS ME-  
TENSIS, IN EANDEM.

---

**P**icta heic spiranti qua cernitur arte tabella,  
Boissardi vivis exprimit ora typis.  
Ingenium ex scriptis, lector, cognosce: simulque  
Veram animi observa & corporis effigiem.

---

LAE LIVS CLEOPASSVS  
HYDRUNTIVS.

---

**B**oissardi egregia ora pinxit arte  
Spirante in tabula & fere loquente

Natura

Naturæ æmulus artifex. Quid, inquit,  
Bella in nos Lachesis parantur ista.  
Hém! rescindere nostra sic licebit  
Iura cuilibet? & Iove improbante  
Audebunt homines vigore magni  
Confisi ingenij, peculiare est  
Quod Diti eripere? & negare morti  
Quod mortis proprium est? Deis nec ipsis  
Concessum facinus. Licet: patratum est  
Immortale opus. Ah, fatisco sensim.  
Vita in perpetuum tibi erogata est,  
Invitis etiam, Iacobe, Fatis.  
Scriptis ut tibi ad astra iter parasti,  
Magnus sic statuit tibi perenne  
Sculptis nomen ubique Apollodorus.

---

MICHAEL CORMAEVS  
PAXIVS PANNONIVS.

**A**cfacie, his oculis animi testantibus amplas  
Dotes Boissardus conspiciendus erat.  
Protagenē, Zeuxin, Polygnotū, Euphranora Fræcua  
Vicit, Apellaum quando peregit opus.  
Quod si virtutes animi fas pingier esset:  
Qualis & o quantus, Iane, futurus eras!  
Cui Musa victura parant, qua lingua disertē  
Eloquitur, docilis pingit & illa manus.



AD LECTOREM.

**Q**VI scatere libros probabit istos  
Mendis, censor erit bonus. Fatebor  
Negligentiùs exarata multa  
Esse, sed veniam simul precabor.  
Ludo liberiùs licentiùsque.  
Heic oratio nec mihi instituta est,  
Qua scriptis sacra mysticis recludam;  
Sanctis quæ doceant libris Prophetæ.  
Lectori damus hæc minùs severo.  
Qui dum tres leget, aut duas, vel unam  
Pagellam, idque obiter cibus remotis,  
(Plures quis legeret nisi otiosus?)  
Incidat precor in jocosiores:  
Vt profit rudibus jocus salebris.  
Sed ne decipiaris, eruditum  
Nihil invenies: meras leges heic,  
Quas proment tibi nostra scripta, nugæ.  
Nugas cur tetrica exigas statera?





IANI IACOBI  
BOISSARDI VESVNTINI  
ELEGIARVM LIBER  
primus.

AD ILLVSTRISSIMVM POTEN-  
tissimumque Principem

IOANNEM Comitem Palatinum Rheni, Du-  
cem Bauariæ, Comitem in Veldens  
& Sponheim.



V M venerabundum gem-  
mati aurata cadurci  
Purpura te circum, Dux ra-  
diose, tegit:  
Aulaque distinctis fulget  
tua conopseis,  
Diuersisque micant atria  
marmoribus:

Sancta Themis dextrum stipat latus: Et tibi laevum  
Majestas firmo roborat imperio.

Et confert sceptrum, fulva quod iaspide cultum  
Astra æternum munus habere dedit.

Non tantum e folio magnorum reddere avorum

Responsa, & populis pandere iussa iuvat:

Sed tibi Castalidumque cohors, & doctus Apollo

Personat aurata cantica sacra chely.

Auspicijsque tuis Aganippidos Hippocrenes

Antiquum prisco fulget honore decus.

Maecte animi, Princeps, virtute: tibi ista paratur

Gloria, de qua olim fama loquatur anus.

Namque pius passim doctorum praeses inaudis:

Arbitrio exponunt qui sua cuncta tuo.

Inter quos si merecipis, ter clarus habebor:

Tuque mihi magni numinis instar eris.

Et studij posthac dives dabis argumentum:

Teque iuvante mihi vena diserta fluet.

Culta laboratis transcribat carmina chartis,

Qui regum inflata publicat acta tuba:

Martia sanguineo committat praelia versu,

Atque metum & lacrymas pagina lecta ciat.

Et gerat Aoniam lauri de frunde coronam,

Et praeat merita laudis honore prior:

Huic palma tribuam precium, cedamque libenter:

Nec mihi erit scriptis hunc coluisse pudor.

Non inter primos numerari posco poetas:

Musa etenim non est ambitiosa mihi.

Multum erit utatur si te lectore benigno:

Et cum non possis omnia, multa probes.

Sique tuo exemplo de doctis unus & alter

De multis laudet paucula, letus ero.

Et dicat, grandem sapiunt non ista cothurnum:

Est illis quadam gratia iuncta tamen.

Et genium



Et genium sale cultus habet liber iste, potestque  
 Vivere, nec scombris tegmina curta dare.  
 Id mihi nempe tuo continget munere: nam te  
 Vindice non fuerit mî grauis invidia.  
 Sed vatis titulos ultro concedet Apollo:  
 Et Musa, & sera posteritate fruatur.

---

AD EVNDEM ILLVSTRIS-  
 SIMVM PRINCEPEM.

In Genealogiam Palatinæ gentis.

**S** I nisi se dignos aspernaretur honores,  
 Supremo caderet victima nulla Iovi.  
 Nec superûm templis ferrentur dona, nec ulla  
 Strideret sacris pinguis acerra focus:  
 Illi animum spectant, qua laudatissima doni  
 Pars est: per se sunt cætera grata minus.  
 Voti vis crepitet virgo si laurus in aris,  
 Cecropiam placant Attica sacra Deam.  
 Conciliatque suum Gortynia turba Tonantem,  
 Mollia Panchæo thura vapore cremans.  
 Et libo contenta brevi Iovis uxor: & alma  
 Mitior est pauco reddita farre Ceres.  
 Nec Baccho gemmis (quamvis devicerit Indos)  
 Sed modico solitum est rite litare mæro.  
 Nec quenquam e Divis hominum curasse videmus  
 Munera, sed mentem pectôris atque fidem.  
 Offerimus tibi sic, Princeps clarissime, donum  
 Quod non ingratis charta dabit numeris.  
 Magnus Otho fuerit qua natus origine pandit:  
 Stirps eadem vobis, & genus extat idem.

Exprimit illustres Heroas imagine viva,  
 Clara Palatina quos tulit aula domus.  
 Magnorum seriem tibi pagina promit auorum,  
 Sanguinis agnati grande recenset opus.  
 Heic videas habitus, & nomina nota tuorum,  
 Teutonicis leges qui imposuere plagis.  
 Franaque mansuetis rexerunt mitia habens:  
 Et dici patriæ sic voluere patres.  
 Si per se spectes, res non est magna: fatemur.  
 Indigna est titulis non tamen illa tuis.  
 Cùmque animum dantis, Princeps, trutinare videris  
 Non precium, magnos sic imitare deos.

### AD PRISCUM.

**P**risce, tuas fugiam quod dudum rusticus ades,  
 Nec quo consueram te prius ore canam,  
 Succenses, fastu meque insectaris acerbo,  
 Et tumidum Galla me levitate vocas.  
 Dum commune fuit nobis studiumque fidesque,  
 Te colui: sed tunc tu mihi amicus eras.  
 Teque loco semper quocunque, quibuslibet horis  
 Visere jussus eram visere dulce fuit.  
 Atque meas lato nugas recitare cachinno,  
 Et placida nugas excipere aure tuas.  
 Nec timui cælum ventis spirantibus, esset  
 Frigore seu boreas, seu gravis imbre notus.  
 Omnia (noster amor fecit) toleranter obibam:  
 Nunc eadem præstem, dummodo Priscus amet.  
 Priscus amat, fateor, sed qua ratione Iacobum?  
 Ut servum dominus suevit amare suum.

Inter

*Inter Patricios occurram si tibi cives,  
Vix me prima acie lumina flexa notant.  
Dicis, sed possit quam nemo audire, salutem:  
Imminuit nostram nec tua mensa famem.  
Tu mihi non modicum laudis tribuisse videris,  
Et quod mercedis nomen habere velis,  
Obsequiis fessum si me, fractumque labore  
Excipias aliquo blandius alloquio.  
Nemo sibi tales quæret, puto, sanus amicos:  
Nî seruam cupiat reddere amicitiam.  
Nemo hoc ingenio Burgundis nascitur oris,  
Ut libertati præferat ista sua.  
Si tibi de Siculo fertur murena profundo,  
Si de Bajanus ostrea rapta vadis:  
Si grandes rhombos portet tibi vasta paropsis,  
Si nisi de mullo, Prisce, bilibre vores:  
Vina racemiferi si sint generosa Vesui,  
Et (quem expresserunt Gnosia præla) liquor;  
Mollia torquatum velent bombycina pectus:  
Atria si vario marmore picta colas,  
Non equidem inuideo. Cui sors sua sufficit, ille  
Pactolum solus, possidet ille Tagum.  
Ut mihi nec Serum sit stamine texta lacerna:  
Nec sit conchylî murice tincta toga,  
Quid tum? Partenope nitidis in vestibus ire  
Quæ solet, Aonias seruat amatque Deas.  
Non mihi clauatis scintillant pallia limbis,  
Nec me gemmato pileus orbe premit,  
Vili frugales absolvo peloride cœnas:  
Et iuuat Illyrico de petasone cibus.*

6 I. I. BOISSARDI  
Vnctaque fumoso satiat me brassica lardo:  
Sed bibo de annoso Massica fusa cado.  
Sed mihi Lælius est, parilisque Leontius ardor:  
Libertas eadem, Musaque grata tribus.  
Cur non, Prisce, tuas possim contemnere mensas,  
Tam certis potiar dummodò pignoribus?  
Interdum est aliquid magnis potuisse placere:  
Invitus dominas sed colo amicitias.  
Te vehit auratus sonipes: latera undique creber  
Stipat sollicitus prosequiturque cliens.  
Quacunque ingrederis, tibi odora Neapolis instat,  
Flexum demittens ad tua verba caput.  
Hac inter potero sudoribus udus anhelis  
Metiri quot sunt compita in urbe pedes?  
Nequaquam: breviora domum compendia ducunt:  
Non fuerit tanti pristina amicitia;  
Inter inaequales quæ nunquam substitit æqua.  
Quis servit, domino non benè amicus erit.

---

AD PAVLVM MELISSVM,  
COMITEM PALATINVM, EQUI-  
tem & civem Romanum.

**T**V ne etiam superos ut vivas, Paule, requiris?  
Nec nostra ætatis te mala tanta movent?  
Præterita meminisse potes, nec lumina rivis  
Stillant, & lacrymis ora sinusque madent?  
Cum sæcli portenta hujus regnantia latê,  
Monstraque Circeæ turpia cernis haræ.  
Anne putas quicquam probitatis in orbe relictum?  
Aut aliquo Themidis numen honore coli?

Sunt ubi

*Sunt ubi natura affectus, pietasque, fidesque?  
Indicium ne aliquod restat amicitiae?  
Hac spectare juvat, simul & superesse miselli,  
O cælum! quando hac infima deserimus?  
Vt patris aetherij cælo capiamur, ab hujus  
Corrupti immunes corporis exuvijs.  
Sed Deus hacce vetat statione recedere: nosque  
Invitos prohibent fata se vera mori:  
Vivendum est igitur, quia Djs placet: ergo age, tu me  
Præstare id possim quâ ratione doce.  
Nostra novas quoniam vivendi tempora leges  
Cæperunt: trita cogimur ire viâ.  
Mutandum vita genus est: quid me juvat esse  
Integrum, & prisca simplicitate bonum?  
Si domino bonitas videatur inutilis, atque  
Integritas reddat me mea ridiculum.  
Improbitas precium suum habet, de paupere dives  
Fiet, qui plausu dicere digna potest.  
Qui benè mentiri sciet, & prætexere verum:  
Et de nescio qua religione loqui.  
Namque impune tibi quidvis patrare licbit  
Dum placas: mores temporis hujus habe.  
Quid prodest sera noctes vigilasse lucerna?  
Et pluteum tusa comminuisse manu?  
Quidve meris longas nugis implessse papyros?  
Si risum absque lucro carmen inane ciat.  
Res alia ratione tibi querenda: supellex  
Cum Musis semper curta futura tua est.  
Omne feres punctum, nummis si turgeat arca:  
Præsidium vitæ est in quibus omne situm.*

*Vndique corrade, accumula, auge: Dum tibi res sis  
 Ampla, erit & virtus, quique sequetur honos.  
 Postquam diueseris, poterisque beatus haberi,  
 Et sapiens, & erit primus in urbe locus:  
 Vtare praeceptis, moneo, scriptoris Hetrusci,  
 Qui qualis Princeps debeat esse, docet.  
 Differe de Superis, de recto aequoque: piliq;  
 Quæ facis, austerè jura colenda jube.  
 Sic opus est vitium virtutis imagine pollet.  
 Impositura levis, dummodo prosit, erit.  
 Et si quis fucum olfaciet, ridebit apud se:  
 Et gestu & verbis annuet ille tamen.  
 Quis non excuset locupletem insulsa locutum?  
 Infidus lucris nû velit esse suis.  
 Assentatores habuit Dionysius: Et qui  
 Laudaret Phalarin tunc parasitus erat.  
 Sæpius atque Midam tonsor dum pecteret, inquit,  
 Hæ quadrant solis regibus auriculæ.  
 Stultitiam Plutus thalamo olim iunxit: & illâ  
 Est Plausus patri de genitrice satus.  
 At quia difficile est ad opes attingere (non est  
 Cuilibet ad Plutum posse venire datum.)  
 Si desint tibi qui versentur vomere sulci,  
 Algeat & nullo macra culina veru:  
 Et tamen inflat honos & amor sceleratus habendi:  
 Vt primo placeas est ineunda via.  
 Sit tibi compositus pro quovis tempore vultus,  
 Larvaque personæ quam geris apta tua.  
 Et quia mos hodie est de sacris plurima fando,  
 Et restaurata de pietate loqui,*



In promptu tibi sint sanctis dictata Prophetis:  
Quæ Mosis quinum scripta volumen habet.  
Quæ patrare soles, alius si admittat, acerbè  
Carpe: & te pœnas sollicitante luat.  
Per superos nunquam, iurandi formula, certè,  
Sit tibi: & hac fultus fallere nempe licet.  
Cumq; neges humana Iovem observare, licenter  
Quidlibet, id cautè dummodò fiat, ages.  
Conditio hac vitæ tuta est: Sapienter at illam  
Instituit, qui se his moribus instituit.  
Scorta pudicitiam verbis ad sidera tollunt:  
Atque è suggestu suadet amare latro.  
Et servanda piæ concordia fœdera pacis,  
Qui bellis turbant omnia jura, docent.  
Omnis amicitia est mala fraus: delirus habetur,  
Cui pudor est caussa fallere quâque fidem.  
Nobile censetur raptas abducere prædas.  
Magnanimi nomen fert homicida viri.  
In populum censuram agitant, moresque refofant  
Pelle sub agnina turba superba lupi.  
Et tu summe Pater, potes hæc tolerare: nec ullus  
Contempti metuit numinis esse reus.  
Hinc multorum animis irrecipit opinio, frustra  
Nil nos curanti fundere vota Deo.  
Cocyti explodunt flammæ, Acherontaque, Et illæ  
Quæ sub Tartaræ sunt Phlegethonte rotas.  
Nemo voluptates, aiunt, neque gaudia sensit,  
Credita dum hæc patribus fabula vera fuit.  
Ut metuant matrem timidus pallentia nocte  
Proponi pueris spectra subinde solent.

10 I. I. D U G I S S A R D I  
Vt fugiant volucres ab amata cannabis horro,  
In summa crepitat tessera fixa sude.  
Pauperibus solis cœlestia regna patère  
Christi, si fas est credere, verba canunt.  
Perque foramen acus transmitti posse rudentem,  
Dum locuples superis annumerandus eat.  
Quisquis divitibus locus assignetur, ad illum,  
Sit licet Orcus atrox, suavius ire mihi est.  
Interea placida satiabor munere lucis :  
Et dulcis vita commoditate fruor.  
Perque tot arumnas miseris sperata relinquam  
Pramia: qua tanti non benè sanus emat.  
Sintque, nec invideo, cultores juris, & aequi:  
Atque pauperibus non licet esse malis.  
Pauper eget semper: lacrymosa quod prece poscat  
A Superis supplex semper egenus habet.  
Huic leges posita, laquei, tormenta, cruceſque.  
Pro nullo positum est divite iudicium.  
Hos, Anacharsi, inquis fucos abrumpere casses,  
Irretita quibus parvula musca perit.  
Cur non portentis tellus his ima dehisceat?  
Vibratove poli fulminis igne cadunt?  
Ne simul & terras, & polluat aëra virum  
De Strygio pestis quæ fuit orta lacu.  
Abstrusa potiùs deinceps secludar Erema,  
Et sedet modico cœnula farre famem :  
Aut clausum algenti crucient jejunia cella,  
Duriter aut strato rudere nocte cubem:  
Et patiar vita quævis incommoda: quæque  
Mors dabit extrema funera pulla die.

Quam tanta



*Quam tanta impietas mentem subvertat, & ante  
Saucia quàm simili pectora labe geram.*

AD FABIANVM BVRGRA-  
VIVM ET BARONEM A DHONA  
Borussum.

**V**Rbano tantùmne etiam indulgebis amorì?  
Heros Prusiaci lumen honosque soli.  
Vt nunquam ruris moveare tepentibus auris:  
Nec subeas latum frunde virente nemus.  
Ecce Cleonæi cælum face sideris ardet:  
Imperiumque poli Sirius ustus habet.  
Tu tamen invisa resides pertasus in urbe,  
Et victa urgenti Musa calore jacet.  
Quin age, rumpe moras, teque altis mœnibus effer,  
Dum pictus variis floribus habat ager:  
Dum resonant querulis passim dumeta cicadis,  
Implet & argutis Daulias arvæ sonis.  
Heic somnum molli faciet tibi mota susurro  
Vnda, & de nitido glareæ fusa lacu.  
Adspicies virides sub opaco vepre lacertos:  
Turtur & in densa frunde pudica gemet.  
Spectabisque Alpes tenera prostratus in herba,  
Aëria gelidum condere nube caput.  
Vnde levis Zephyrus modicis loca flatibus implet:  
Et calidum blando mitigat ore diem.  
Quòd tibi si gravior sudorem moverit astus,  
Quæ tergat strophio tempora Phyllis erit.  
Phyllis crispa comas, nudis formosa papillis,  
Cui teretes suræ, cui juvenile femur.

Illa feret cerasumque rubens, montanaque fraga:  
 Et decerpta agili cerea pruna manu.  
 Nigraque vimineis depromet mora quasillis,  
 Et de pampinea vite racemus erit.  
 Non lac defuerit, non pingui caseus orbe:  
 Non sub ferventi cocta placent a foco.  
 Illa ministrabit patera nova vina nitente:  
 Frigidiorque liquens diluet unda merum.  
 Suspiciens roseasque genas, & eburnea colla,  
 Pectoraque alpina candidiora nive.  
 Optabisque sinus palpare, & jungere dextram,  
 Et lateri cupidum conseruisse latus.  
 Quod tibi si pressis libauerit oscula labris,  
 Oscula Cecropij tincta liquore savi,  
 Urbana, dices, procul hinc procul este puella:  
 Dulcior est ruri namque reperta Venus.

AD IACOBVM SANTALBI-  
 NVM TRECENSEM  
 medicum.

Si tãquam locuples, tãquam cui cuncta super sint,  
 Securos vivo tempora lata dies,  
 Divitia contempta id agunt, & vivere parvo  
 Quod possum, & patrio quod mihi rure venit:  
 Quodque mea degam contentus sorte, nec ulla,  
 Qua cruciat multos, ambitione ferar.  
 Quodque salubre mihi corpus, quod ad ocia natus  
 Non sim, quodque pares sint mihi amicitia.  
 Quod possim fastus hominum suspendere naso:  
 Quodque procul nummi sit malesuada fames.

Quod mihi

Quodd mihi libertas non sit temeraria sandi:

Applaudat vitiis nec tamen illa nimis.

Conscia nullius quodd mens mihi criminis, audeat

Ad cœli puras sidera ferre manus.

Hæc propter si me dici vis posse beatum,

Hæc dici felix conditione libet.

Sed ne magnatum me credas munere ditem:

Non mihi sunt parta munere divitiæ.

Tetua, Santalbine, juvat doctrina, sed illa

Seria cum tractet, commoda mille parit.

Illæ docet Medica morbos avertere cura.

Ægraque Pæonia membra levare manu.

Concursus populi inde frequens tua limina servat:

Hinc tibi honos & opes, hinc tibi fama venit.

Ludicra nos canimus, quæ si placuisse putemus,

Suscepti merces ampla laboris erit.

Mandamus culto vigilas carmine nugas,

Vnde mihi messis, sed sine fruge, reddit.

Nemo hodie confert explosis dona poetis.

Commoda quisque suis quærere rebus amat.

Mæcenas nostro, quodd rem prodegerit, ævo

Ridetur coëmens carmina muneribus.

Nobilium subeant Musæ, & contemptus Apollæ

Tecta, jubebuntur protinus ire foras.

Assentator eris, leno, vel conscius, aut qui

Versutus fumis scurra placere queas:

Auratus domini caligis ornaberis, & te

Pallia Sidonio murice pota tegent.

Nec sine te fient convivium: Massica vel quæ

Fuderunt olim Gnosa præla bibes.

*Ridiculi pueris cœperunt esse poëta:*

*Illi, ajunt, nobis verba jocosa canunt.*

*Qui nescit, nec vult laudanda patrare, ruborem*

*Illi vel sua laus, aut aliena feret.*

*Et qui laudari potuit, ne laude fruatur*

*Ingrata labes præstat avaritia.*

*Adde quòd ignavis omnis doctrina pudori est:*

*Non intellectum nemo probabit opus.*

*Altera ab undecimo ætatis vindemia lustrò*

*Intentat senij jam mihi frigus incers.*

*Et nullius adhuc sum factus munere dives:*

*Nec data qua junctis jugera bobus arem.*

*Multa licet vario calarim signa labore:*

*Et mihi non una scripta notata die.*

*Spem fecere diu nobis promissa parari,*

*Arcula quas nunquam nostra videbit opes.*

*Et quem munificum versu describo, monetur*

*Officij tandem sit memor ipse sui.*

*Meque queri meritò contracta fronte fatetur,*

*Ac de se me illud dicere nemo putat.*

*Fortè mihi servat, quæ post extrema capeßsam*

*Funera, & ad manes dona ferenda meos.*

*Sic ego in immeritum cæcus convitia solem*

*Iactò, & defectus non benè nosco meos.*

*Posce, inquis, lucri quoties occasio facta est.*

*Munera quòd nolis poscere, nulla refers.*

*Me mea non fecit, certè, natura petacem:*

*Sed solet in nostra fronte sedere pudor.*

*Adde quòd utiliùs nobis toleratur egestas,*

*Quàm gravis indigno facta repulsa modo.*

*Nescio*

Nescio qua interea pascit me gloria, vatus  
 Quòd Musa titulos non renuente geram.  
 Et mea cum plausu quòd scripta legantur amicis:  
 Et mihi sit Musis fama reperta meis.  
 Meque sodalicio superi junxere Melissi:  
 Et tantum credar promeruisse virum.  
 Quòd mihi sit Lepidus, quòd Santalbinus amicus,  
 Prima anima pars hic, ille secunda mea:

---

AD LUDOVICVM MA-  
 LARMAEVVM VESVN-  
 tinum I. C.

**D**Vm, Ludovice, mihi fato meliore precaris  
 Quod reliquum est vitæ tempus ut omne fluat,  
 Quas possum grates tibi ago: sed sera senectus,  
 Quæque ligat nostros dura podagra pedes  
 Abnuat: optatus & respondere salutem  
 Obstet, vivo hilaris nil tamen ipse minus.  
 Sancta & recta mihi bona sunt: sicut parvula quævis:  
 At faciunt nostris usibus illa satis.  
 Sum calebs: securus ago noctesque diesque:  
 Crastina lux curas nec movet ulla mihi.  
 Quæ vetulos fraudet thalamos, dubiumque cubile  
 Reddat, nulla mihi est insidiosa Venus.  
 Nec mihi diminuunt nimio patrimonium sumptuum  
 Filius, aut auri prodiga nata procax.  
 Si lessum nemo faciat mihi funeris ergo  
 Heres de nostro sanguine progenies,  
 Quid tum? hunc defectum fidus supplebit amicus:  
 Externis ego sum dives amicitiiis.

*Quòd me si patria ingratus Dubis arcet ab urbe;*

*Nulla mihi regio dehegat hospitium.*

*Me Nicer, & me Rhenus amat, mihi Mœnus & Ister*

*Applaudunt, vitreis atque Mosella vadis.*

*Belgica mî tellus peragrata est: inque Batavis*

*Consedi, Phrisii littoris arua petens.*

*Meque Eburon tenerê, fortisq; Sicamber amavit,*

*Quos Mosa, quos flavis Scaldis inundat aquis.*

*Catthorum saltus, me Francica culta, Turingique,*

*Et Chersonesi Cimbrica vidit humus.*

*Tu quoque vicino gaudens Pomcrane Borusso,*

*Et vos grata animo tecta Gedana meo.*

*Illâ ubi quondâ inopê, expositum, morboq; gravatum*

*Excepit propria me Radegunda domo.*

*Pauperiem donis minuit, largita benignê*

*Quod nato solita est officiosa parens.*

*Saxones, & Moravi tenere, & pulchra Budorgis:*

*Et tu silvosis cincte Boheme jugis.*

*Danubiusque pater glaucis me lavit in undis,*

*Quâ Boij florent, Austriaque ima patet.*

*Sarmatiae ingressum fines coluere Poloni:*

*Meque suo adscripsit Panno sodalicio.*

*Et tunc viventes felici pace Croata:*

*Accolaque Illyrici gens mihi nota sali.*

*Nec sat erat Germana vijs decurrere longis*

*Regna, & in Austrasiam vertere rursus iter*

*Bisquinas tuto lepidissima tempora messes*

*In culta quondam viximus Oenotria.*

*Me Veneti & Ligures, Tusciq; Vmbriq; Sabinique*

*Et Calabri norunt oppida crebra soli:*

*Adria*



*Adria quot quot habet, Tyrrenaque littora cernūt:  
Hospes in his grata conditione fui.  
Me Siculo quondam tenuit Messena Peloro  
Proxima, & igniti sulfuris Aetna ferax.  
Corcyra subij bijugis in rupibus arces:  
Tecta que Chaoniae Cassiopæa domus.  
Argolicas urbes vidi, quas Thrax ferus armis  
Opprimat, indignis excruciatque malis.  
In quibus ingenuum sum saepe expertus amorem:  
Emensus latos non sine honore dies.  
Nec locus est ullus, qui me olim exceperit, in quo  
Semper dulce aliquid non mihi contigerit.  
Sola odio me patria habet: burgundia sola  
Boissardum infestis prosequitur studiis.  
Aqua lustra novem vagus & peregrinus aberro:  
Iam mihi pro patria quælibet ora venit.  
Nil gravius tamen ingrata sumus antè precati,  
Hac nisi sinceram mentem animumque gerat.  
Utque bonos cives foveat, tutetur, ametque:  
Oderit & pravos, & sit iniqua malis.  
Sed licet, tetigere Deos mea vota precesque:  
Ecce antiqua mea pignora amicitia  
Pristina nunc recolunt veteris vestigia flammæ:  
Inque mea se offert plurimus urbe favor.  
Ille Malarmaus, nostro qui in pectore sedit  
Pars animæ semper dimidiata mea,  
Invidiam metuens, pestemque exosus acerbam  
(Quæ vigil in nostram perniciem excubuit)  
Cum nihil esset opis, gliscente furore, relictum,  
Boissardum satius dissimulare ratus,*

Occuluit sese, atque indonea tempora vultus  
 Subtraxit, mæstus tristia corda tamen.  
 Nunc sudum rediit, nunc mitior aura serenat  
 Aethera: purgatis nubibus astra patent.  
 Convaluit, pulsoque procul languore rediit  
 Ad sese ex longi spalmate deliqui.  
 Quique diu sopitus erat, rursus incipit ardor  
 Noster in immensam surgere velle pyram.  
 Certatim gemini illius duo candida fratres  
 Pectora amicitia me asseruere sua.  
 His Chassignetus, dias Amythaonis artes  
 Qui callet, voluit proximus ire comes.  
 Saugetoque ortus de stemmate jungitur illis  
 Musarum Stephanus cultor, amansque mei.  
 Felicem meme ante alios, longæque beatum:  
 Conciliata brevi tota Vesuntis erit:  
 Et postliminio tandem ad mea tecta reverti  
 Sors dabit, & dulcem cernere posse Dubim:  
 Sed vercor posthac ne me jam serior atas  
 Impediat reditu, quique Mosella placet..  
 Instruæti que lares, quos nobilis ille Vienna  
 Perpetuum nobis munus habere dedit.  
 Vos tamen, o patrû cultissima turba sodales,  
 Prosequar officiis, prosequar usque fide.  
 Tuque, Malarmæ a puero mihi care, coævam  
 Profer ad extremum funus amicitiam.  
 Nec te pœniteat, nostri si mentio fiat,  
 Dicere, & is nunquam desinet esse meus.  
 Si mihi Burgunda semper tellure carendum,  
 Vester amor nobis leniet exsilium..

Me premat



Me premat usque licet livor, pensabis abunde  
Tu solus noxas, damnaque nostra simul.  
Teque ego dum potiar, vilescunt multa malorum  
Millia, nec scoriam hanc pertinuisse ferar.  
Adversæ: didici fortune obducere callum:  
Obviaque invicto pectore damna pati.  
Dum non pallescam culpa, dum conscia recti  
Sit mihi mens, ac dum non inhonorus agam.  
Glorior his tantum, vatesque quod audio passim:  
Quodque mihi est Musis fama reperta meis.  
Hæ mihi divitiæ sunt, hæc mea sola voluptas:  
Præcipua a cunis hæc mihi cura fuit.  
His magna cumulentur opes, quibus inclyta virtus  
Nullius tribuit nominis elogium.  
Contentus qui sorte sua est, quem nulla latenter  
Invidia, aut ardens vellicat ambitio:  
Magnatum cœnis, nec servili indiget auro:  
Nec metuit lingua tetra venena mala.  
Nec, si convulsa fracti compage rotentur  
Cœli orbes, pavidum facta ruina teret.

---

AD IOANNEM ROCOSSO-  
VIUM IACOBUM ET ANDREAM  
Crottoffios fratres Palatini-  
das Polonos.

**E**rgo Sauromatas inter, Lithavosque feremur:  
Noverit & nomen Manalis urfa meum.  
Principibusque viris iterum placuisse juvabit:  
Quos Deus officijs promeruisse dedit.  
Sed quibus officijs? quem tu non videris unquam,

*Detali dices te meruisse aliquid?*

*Nequaquam: primi te illi meruere, voluntque  
Obsequium meritis conciliare tuum.*

*O Superum proles certissima? pectora queis sunt  
Culta tot & tantis dotibus ingenij.*

*Boissardus vester deinceps cur esse recuset?  
Fortuna studeat ni inscius esse sue.*

*Certè ego sum vester, quia sic voluistis: & ut sim  
Vester, in æternum cura perennis eat.*

*Atque hic vester amor vita mihi dulcior ipsa  
(Dum dabitur solis cernere lumen) erit.*

*Is mihi gemmiferis thesaurus gratior Indis:  
Vilior Hesperij dives arena Tagi.*

*Huic nec opes Lydi cupiam conferre tyranni:  
Nec tellus unctæ quas dat odora Sabæ?*

*Iam Crottoſiaco felix reputabar amore,  
Qui vastat Scythicos dux animosus agros:*

*Illius en gemini fratres, fraterna secuti  
Pectora, amicitie me asservare sua.*

*Atque Rocossorij locupletior ibo favore:  
Nam votis deerat scilicet ille meis.*

*Lascio veteri totum hoc debemus amico:  
Perquem possum istis auctior esse bonis:*

*Vos tamen, o regni tria sidera clara Poloni,  
Omnibus officiis prosequar atque fide.*

*Nec quisquã immemorem vestri me viderit unquã:  
Me Christus terris dum superesse sinet.*

*Arctox gaudete plage, tuque optime Princeps  
Batthoride, regni qui diadema geris.*

*En tria fulcra tuis surgunt certissima rebus:*

*Et patria*

Et patrię per quę sustineantur opes.

Crescite magnorum digni virtute parentum:

Vestraque percelebres gloria vincat avos.

Crescite, & illustri generis splendore coruscis.

Plausibus ad cælum Sarmatis ora vehat.

Crescite, & ad vestrum Moschi formidine nomen,

Atque phalanx Scythiæ, Massagetęque tremant,

Vosque triumphali redimitos tempora lauro

Cantibus, & festa patria voce sonet.

Et partem decoris (meritis ne gratia cedat)

Lascius vester, Bromoviusque ferant.

Nam ducibus tantis virtutis carpere callem

Concessum, & sacre tangere claustra via.

Quod sumus, id Superis tribuit natura: Parentes

Vicino laudum præcipit esse gradu.

Hos simili sequitur Præceptor honore colendus:

Nec certum an sancto sit genitore prior.

Næque animum format virtute, ut sanguine corpus

Ille: sed aqualis gloria utrique venit.

De qua aliquid tribuit pietas communis amico:

Per quem vita domi dulcior atque foris:

Namque ille arumnas, nostręque incommoda vitę

Prudenti alloquio, consiliisque levat.

Hoc ego non visus describier ordine posco:

Estе mihi faciles, si tamen aqua peto.

Sum novus, at veteri non concessurus amico:

Est mihi non dubię pectus amicitia.

Sed quò prorumpit festino audacia cursu

Nostra? nec his me me composuisse pudet?

Lascius jubet ut redamem quos censet amandos:

Quod mandant fidi iussa sodalis, amo.  
 Forsitan & vestro dignum dicetis amore,  
 Si vobis constet quàm mihi certus amor.  
 Quem neque dissolvi adversis, nec morte notatum est:  
 His titulis ingens fama reperta mihi:  
 Consuetudo mihi cum magnis facta frequenter:  
 Nec quemquam facti pœnituisse liquet.  
 Virtutem quisquis sequitur, constanter amabit:  
 Omnis amor sine qua nil nisi fucus erit.

---

AD LAELIVM CLEOPAS-  
 SUM HYDRUNTINUM.

D Vm sacra Medoaci colimus, Cleopasse, fluenta,  
 Et Phrygio quondam valla habitata Ducis:  
 Nosque tenent umbrosa mei pomaria Caj,  
 Et densum mira quod viret arte nemus.  
 Dum vario curas animi sermone levamus,  
 Et recitare juvat vitæ utriusque vices:  
 Quàm mihi se ipse dies fugitivis subripit horis!  
 Colloquijs brevior quàm mihi saepe venit!  
 Lectio librorum tam grata est docta tuorum,  
 Et qui mellifluo manat ab ore lepos:  
 Vt mora nulla mihi, quantum vis longa, relinquat  
 Tadia, nec crebrò dissimulata fames.  
 Non qui grassatur Nemeæo Sirius æstu,  
 Ruraque qui flagrans torret adusta leo.  
 Tam tua sustentat nostrum facundia pectus,  
 Vt mihi sit vita suavior illa mea.  
 Nunc pugnata tibi toties dum bella recensēs:  
 Classicaque ancipiti mota subinde Deo.

*Threicia dum clade ardens saturatur Enyo:*

*Tota Lepantina est dum obruta classis aqua.*

*Dum stupefacta Thetis Saraceno in sanguine vidit*

*(Quarum dux fueras) vela agitare rates.*

*Edidit ut diros imitata tonitrua bombos*

*Machina, & ut magno fulmina torta Iove.*

*Cùm cœlum terris misceret, & aëra ponto,*

*Hinc flammis Mavors, hinc metuendus aquis.*

*Dum subit illius nobis narratio belli,*

*Quassa metu gelidum pectora frigus obit.*

*Singula tam docto ante oculos quæ carmine ponis,*

*Vt videar medio cernere signa mari.*

*Teque sciã incolumem quamvis, Cleopasse, reversum,*

*Victricique manu munera ferre Deo:*

*Per medias acies stricto mucrone vagantem*

*Semianimis quoties ex animis que lego?*

*Votaque suspensis facio temeraria labris,*

*Ne fias trucibus præda cruenta Getis.*

*Neu dum virtuti nimium fortique iuventæ*

*Fidis, inhumano fusus ab hoste cadas.*

*Fortunate nimis, quem cultum utrâque Minerrâ*

*Mars gladijs, calamo Musa diserta beat.*

*Nec solum arma canis bimavē quæ victor ad Isthmū*

*Gessisti, & Turcis quando subacta Cyprus.*

*Dum Calabram vastaret humum pyrata, suasque*

*Vexatis prædas Adria fletet aquis.*

*Sed se laudari pulchra cum matre Cupido*

*Gaudet, & a cithara nomen habere tua.*

*Dum patriam illustrat formosa Maryca Ravennam,*

*Et versu superat sidera summa tuo.*

Quicquid agas, Cleopasse, tibi est fors aqua, Charisq;  
 Et veniunt faciles ad tua vota Deę.  
 Divitię doctrina, decor, roburque, genusque;  
 Et clarę precium nobilitatis honos.  
 Cęlitus arrient tibi cuncta: & iure beatus,  
 Si quisquam meruit dicier, ipse potes.  
 Dulcia jucundę currunt tibi tempora vite;  
 Vnde fit & meritò Musa disertatibi.  
 At me (cui luxit sol primo inimicus ab ortu,  
 Infaustam nevit cui sera Parca colum)  
 Scribere cur postcis transacti incommoda cursus?  
 Atque infelici quam rate sulco viam?  
 Nil nisi perpetuis maria heic agitata procellis,  
 Naufragaque in rabidis transtra videbis aquts.  
 Frigus, egestatem, morbos, dispendia rerum,  
 Et vitam peior quę mihi morte venit.  
 Tuque, animo postquam lustraris singula, dices,  
 Ut nasci iste mori tam citò dignus erat.  
 Crebrò hæc narrantem miseratus es, & mea verba  
 Vdis te vidi sepe notasse genis.  
 Cumq; eadem jubeas scriptis committere, feci.  
 Vltro etenim imperij jussa capeffo tui.  
 Ipsam si fido vitam debemus amico,  
 Officij indicium scripta dicata dabunt.

---

## AD ALARDVM QVINTVLVM

I. C. NARNIENSEM.

**P**ingo & acu, pingo & calamo quodcunq;, mihiq;  
 Callosas reddunt ducta metalla manus.

Et mihi



Et mihi Lasseus præceptor, & Aubrius alter:

Hic celebris cælo est, ille colore potens.

Hos redamo ut de me meritos benè: Quin etiam (me

Vt dacet) hos omni prosequor officio.

Ingeniumq; utriusque colo, admirorque: nec unquã

Discipulum tantis me pudet esse viris.

Sive tibi sculptor, seu pictor, Quintule, dicar,

Nil refert: fieri nempe ego utrumque volo.

Dedecet hoc cui musa placet, cui nota poësis:

Et studiosum isthæc turpe agitare putas.

Sed decet hoc cui Musa placet, cui nota poësis:

Nec studiosum isthæc turpe agitare puto.

Me juvat ignitis rutilum fornacibus aurum

Eximere, atque cavis insinuare typis.

Artificesque illos argento imitatus & ære,

Naturæ formas quasi libet exprimere.

Conflare antiquos Heroas imagine vivâ:

Sectarique artes, docte Lysippe, tuas.

Sumptibus & tantis operosa volumina pinxi,

Quæ mihi tot regum, totque Ducum ora notant.

Hinc exacta mihi series a Cæsare primo

Vsque ad avum legitur, magne Rudolphe, tuum.

Tu que paterque tuus numerum venietis in horum,

Cum, quo vos possim pingere, tempus erit.

Quod si, quam spernis, picturæ nescius essem,

Quis legeret digitis signa notata meis?

Scriptaque Romanis olim quæ credita saxis,

Nunc nos antiqui temporis acta docent.

Tot Latius Græcisque numismata picta figuris:

Quorum nullius est ars imitanda manu.



*Addidimusque illis (studium sed inutile diccs)*

*Quotquot nunc habitus integer orbis habet.*

*Illā tibi, hāc aliis placeant: mens omnibus una*

*Non est: quod forsā despicias, alter amat.*

*Quāq; placet, satis illa juvāt: datur auribus hymnus:*

*Atque hymnos scimus saepe movere Deos.*

*Si sonus exiguo demulcens tempore sensus*

*Vsq; adeo dulci nos rapit harmonia,*

*Nil oculis dabitur? multo plus, clamat Apelles:*

*Subscribit Phidias Praxitelisque manus.*

*Totque alii, quibus historias tribuisse videmus*

*Inter honoratos nomina magna viros.*

*De quorum numero si demens esse recusem,*

*Transmitti fuero dignus in Anticyram.*

## IACOBO CODRAEO CLAU- RIO PICTAVINO.

**S**ic te Santonicis olim sudasse sub armis  
Nunc juvat, & partum pulchra per arma decus:

*Vt neque te Patavi sedes, nec amœna liquentis*

*Medoaci fluctu rura rigata levent?*

*Nec maris Adriaci fulgentibus aspera signis*

*Atria, & innumera littora pressa rate.*

*Nec quæ gemmato incedit matrona paratu*

*Te capit, aut nudo crebra puella sinu.*

*Non te delicia, non blandimenta, leposque*

*Delectant, quibus est fertilis OEnotria.*

*Sed solum patriam gliscente tyrannide pressam,*

*Et patria raptas tu meditaris opes.*

Nunc

Nunc Aponi lustras stagnantia sulfura flammis:  
Fervidaque ignitis fusa lavacra jugis.  
Quodq; sub Euganeis nem<sup>o</sup> est convallibus, & quod  
Nobilis Arquati busta Petrarcha tenet.  
Parce tuam, Codræe, metu quassare juventam:  
Parce caput canis contemerare pilis.  
Et tua sollicitis distringere pectora curis:  
Nulla heic legitimi caussa timoris adest.  
Convenere duces, Materque, & Regia proles,  
Cui tractent socia fœdera firma manu.  
Gallia civiles posthac exosa maniplos,  
Patriæ composita prædia pace colet.  
Sancta reviviscet domitis Ecclesia monstros:  
Tinctæque Lernæo dogmata felle teret.  
Grassatum inter nos Erebæ virus Echidnæ  
Occidet: & Stygiis eruta monstra vadis.  
Larvarumque diu quamvis informis hiatu,  
Et Sathana furiis sit temerata fides,  
Restaurata tamen sursum caput alta levabit,  
Arma terens variis insidiosa malis.  
Compedibus vincti Sæctarum dura magistri  
Præbunt niveo colla premenda pedi.  
Illa locata altè solio, pia munera sumet:  
Sertaque lacteolos implicitura sinus.  
Tum casti mystæ pompis solennibus urbes  
Lustrabunt, votis adjicientque preces.  
Templa vaporabunt Nabathæo thure puella:  
Stridebitque sacris pinguis accerra focus.  
Et facies prisca renovabitur aurea sæcli:  
Dum caruit gladiis, & sine lite fuit.

*Mollia pacifici capiebant gaudia cives :*

*Summus erat nulli consuluiffe pudor.*

*Inter & aequales primatûs nomine dignus,*

*Si quos officiis promeruiſſet, erat.*

*Quid tibi mentis erit, cùm tu ſpectabis eâdem*

*Gallorum populos conditione regi ?*

*Tunc jucunda tibi, Codrœe, videbitur atas :*

*Vitaque ſuavis erit, quę gravis antè fuit.*

## L A E L I O C L E O P A S S O

HYDRUNTINO.

**L** Iberiûs mecum ſolita eſt Lazœa joci ;

*Vérbaque virginibus non referanda loqui.*

*Parce tamen fama nimium indulgere ſiniſtræ :*

*Ne ſis non æquâ ſuſpicionē nocens.*

*Eſt mihi nescio quę libertas plurima fandi :*

*Quæ vitio patrię non ſolet eſſe meę.*

*Illā tamen nulli mordaci injuria ſannā eſt :*

*Nec cuiquam ſtolidā ſutilitate gravis.*

*Nuda eſt ſimplicitas technæ non gnara, nec artis :*

*Sed quę nata pari eſt pectore, fronte pari.*

*Polanę placet hæc, ſtudium ut commune, puellę,*

*Cui fuci aut fraudis nil, Cleopaffe, ſubeſt.*

*Ingenio eſt facili: quamvis & ſexu & atas*

*Moribus utiliûs talibus abſtineat,*

*Noſtrates poſſent qui commendare : ſed iſtiæ*

*Longè diverſos adprobat Italia.*

*Debuerat, fateor, regionis legibus uti :*

*Lędere nec quenquam ſuſpicionē mali.*

*Temnere*

Temnere nec virus quod habet mala lingua. Pudice,  
Quæ casta est, nomen non ea semper habet.  
Cum terso doctos componat carmine versus,  
Censorem Musa me jubet esse suæ.  
Ludît & interdum: nimiumq; procaciter urget,  
Ut sociem Illyrica Celtica metra lyra.  
Et quia Gallorum numeros vox suavior ornat,  
Dulcior & teneri carminis harmonia:  
Exprimit affectus nictu pellacis ocelli:  
Et Veneri stimulos voxque manusque movent.  
Ast ego, teste Deo juro, mihi crimine nullo  
Notam: si tollas basia pauca tamen.  
Quæ, dum Burgundos mores ediscere gestit,  
Nuper ab invitis sunt mihi rapta labris.  
Nil mihi tentatum est ultra: neque plura liceret:  
Imo impune isthæc non rapuisse datum est.  
Non foret id Calabro facilè: ut vicinior ignis  
Invadit subitis lina propinqua rogis.  
At cum pectore mî flagret moderatior æstus,  
Apta joco cum sit, vita pudica mihi est.  
Concedo interdum lascivis multa libellis:  
Ardemus flamma sed petulante minùs.  
Est mihi relligio studium prætexere culpæ,  
Et vetitis puras non tenuisse manus.

## AD PETRUM LEPIDUM

## METENSEM.

**D**icitur Itia ab Eois disquirunt Serica Bactris,  
Qui dant principibus xenia lauta viris.

*Aut ab Erythreo fulgentes aequore baccas:*

*Texta Semiramia vel variata colu.*

*Succina, & extremo gemmas oriente petitas,*

*Leſta vel in Lydis fulva metalla vadis.*

*Sed tibi non tantæ infederunt pectore curæ:*

*Te jucunda magis, quàm precioſa juvant.*

*Ludicæ dum mittis Iani mihi dona Calendis,*

*Arguti nimium proderis ingenii.*

*De tenui ligula nobis venere papyro,*

*Quas armant facili ſtramina flava modo.*

*Scilicet imbelles noſtri eſſe Cupidinis ignes*

*Arguis, & ſenii robor a fluxa mei.*

*Vt quæ tam fragili retineri compede poſſint,*

*Arcta ſui modicis carceris obicibus.*

*Nempe ita vivaci polles ut acumine mentis,*

*Libraſti juſto ſingula judicio.*

*Eſ quod eram luſtris ſex iam pane antè peractis:*

*Sum quod eris dum te cana ſenectæ premet.*

*Ferreæ vix cohibent rapidos ut clauſtra leones:*

*Fulminat ut rupto caſſe cruentus aper:*

*Mollia ſic mites arcent virgulta columbas:*

*Et tenui claudi vimine turtur amat.*

*Sic quoque dum vegeto ſervet tibi corpore ſanguis,*

*Auræque Idalio te Venus igne quatit.*

*Et promiſſus Hymen, connubiaque ampla ſubinde*

*Sollicitant, ſuadet quæ juvenilis amor:*

*Integer ut propria poſſit ſtatione teneri,*

*Petre, tuus forti freno opus ardor habet.*

*Cui vix ſufficiant ſolido ex adamante catenæ:*

*Retia Lemniaca nec fabricata manu.*

*At mea*

At mea jam duplici præcordia frigore torpent:  
 Me senium torquet, me mala vexat hyems.  
 Ridiculum est duris illum frenare lupatis,  
 Quem nulla stimulat cuspide calcar equum.  
 Sat bene constringet femoralia nostra papyrus,  
 Vix prius interno dissoluenda gelu.  
 Si nescis, nobis titillat rara voluptas  
 Ilia jamdudum est algida nostra Venus.

AD GEORGIVM CAECILIANUM I. C. PATAVINUM.

Quare essent mutis tibi iussa silentia labris,  
 Quærebam solito, Cæciliane, jocq.  
 Num fauces angina tibi vitiaffet: aperto  
 Vidisset ve usquam te lupus ore prior.  
 Sed fauces angina tibi vitiatat: aperto  
 Viderat atque domi te lupus ore prior.  
 Non lupus imbellis cautus prædator ovilis,  
 Sed lupa, privigno se va nonerca suo.  
 Quis loqueretur enim, primas ubi scæmina partes  
 Obtinet, ignavo semper abusa viro?  
 Causa tua est melior, sed non sat iudicis æqui  
 Arbitrio, & iusta discutienda manu.  
 Et tibi se opponit non con vincenda trecentis  
 Testibus, ad quemvis scæmina ficta dolum.  
 Cui mota ingenium duplicat contentio: & ultrix  
 Redditur obiectis ingeniosa magis.  
 Nescio quid tamen est, quod culpæ te neget esse  
 Immunem, & pœnas promeruisse probet:



*Morosa est plerumque, Et tu morosior ipse:*

*Privigno cedit nulla noverca suo.*

*At sacra sunt momenta, quibus si se viat, iram*

*Subdola versuta calliditate tegit.*

*Hec foret arcani scrutanda potentia cœli.*

*Sidera namque quibus quisque agitetur habet.*

*Astrologus non es: nec quo lunarius orbis*

*Adspectu nosti cœtera signa regat.*

*Namque omnis mulier lunæ defectibus errat:*

*Et cerebro eclipsin deficiente refert.*

*Queris cur toties restauret cornua Phœbe?*

*Cur toties lunas dicimus esse novas?*

*Hæc veteres lunas occultant tegmine mitræ.*

*Esse sine hoc astro fœmina nulla potest.*

*Nec cœli donis solæ videantur abuti,*

*Vt sibi, sic aliis attribuenda volunt.*

*Non sunt ingrata: contentæ corpore lunæ*

*Vt sint, dant caris cornua habenda viris.*

*Te quoque participem fieri non dedecet horum:*

*Sed pars est peior, Cæciliane, tua.*

*Adverso quoties contraxit sidere labem,*

*Hæc tibi conceptâ iurgia bile movet.*

*Et furit obliquo frendens lunatica morsu:*

*Patre tuo mentem dissimulante suam.*

*Neve odium cesset, nec, quâ te exerceat, ira,*

*Et vexet miris exagitetque modis.*

*Crabronem irritas, oleumq; infundis in ignem,*

*Dum nimia quod agat sedulitate notas.*

*Non satis es prudens: licet illi quod libet: atque*

*Possidet illa domum, possidet illa patrem.*

Illi scrupulus es molli malè clausus aluta:  
 Spinaque sollicitos impeditura gradus.  
 Vtilius cœnare foris, vinoque madere,  
 Et ludo tota nocte vacare potes.  
 Atque impune magis famulæ vim inferre, vel ipsa  
 Admissum facinus conspiciente licet.  
 Indulgebit enim quævis, si, quando requireret  
 Tempus, & ipse domo tu quoque abesse velis.  
 Anne tua tantum refert, quod potet, edat quæ?  
 Utaturque tui commoditate patris?  
 Hoc reliqua faciunt. Iuvenis matrona vieto  
 Nupsit: & illa virum servat amatque senem.  
 Sed quia decrepitus nimis est, nec sufficit illi.  
 Ludo, quem vegeto convenit esse mari:  
 Illa relaxatis aliquando fertur habenis:  
 Luxuriatque epulis, luxuriatque choris.  
 Ætas concedit: non est gravis illa parenti:  
 Hæc solus vigilans Cæcilianus erit?  
 Privigni nomen nequeunt perferre novercæ:  
 Exploratoris quæ benè sana feret?  
 Esse illi, ut constat, cum te fatearis utrumque,  
 Mirum est si non sit res satis aqua domi?  
 Immorière prius quam vi superabis: at omnis  
 Fœmina, si cedas, illico victa cadet.  
 Illam ut vexabis, sic tu vexabere: sed ne  
 Anguillam speres frangere posse genu.

IN NVPTIAS NICOLAI  
 TAURELLI MEDICI  
 Montisbelgardi.

*S*ic tibi diva Paphi cultrix, Tauvella, favebit,  
 Miles ut aligeri castra sequare Dei?  
 Et thalami partem capiet Celleræ pudici,  
 Virginei castus flos Catharina chori.  
 Pulchra verecundo perfundens ora rubore,  
 Aemulaque æthereis lumina bina gerens.  
 Talis erat Priamo nubens Cissæis, & illa  
 Quæ Sparta dicta est præposuisse Parin.  
 Talis ad Oenidem ducta est Nonacria virgo:  
 Vætaque Dardanius Hippodamia rotis.  
 O te felicem, toties quotiesque libebit,  
 In cujus posthac oscula fusus eas.  
 Sed te felicem ter & amplius esse fatere,  
 Tanto successu quod tibi parva quies.  
 Mitia namque habili deduxit stamina fuso  
 Candida fatali Parca operata colo.  
 Et dixit, longum vivat Tauvellus in ævum:  
 Nec vitriata mala tempora labe ferat.  
 Fila eadem Clothûs nentur dum pollice, quorum,  
 Nympha, tibi simili sæcula lege cadant:  
 Quid moliris? ait Lachesis. communis utrique  
 Sors erit: & fatum continuabit amor:  
 Nec duo erunt: unum gemino de corpore corpus  
 Efficiet socii copula blanda tori.  
 Unica mens ambobus erit: sic pectore bino  
 Unam animam deinceps spiritus unus alet.  
 Hac ait: & gracili contexta pectine tela  
 Procedunt, radios non remorante pede.  
 Iamque opus exactum fuerat: Nilotide palma  
 Ora nitet: limbos proxima Cedrus habet:

Hanc seriem annorum trina statuere sorores,  
 Qua cum dilecto, Sponsa, fruarè viro.  
 Ergo agite aeterno connectite brachia nexu:  
 Lataque per molles vitæ cat illecebras.  
 Mille per amplexus, per suavia mille jocosque  
 Ludite: & ad luctum det puer ales opem.  
 Sponse, decus montis Belgardi, o quanta manent te  
 Gaudia! quàm claro sidere cuncta fluunt!  
 Sicut Erechtheis colles onerantur olivis,  
 Quas alit Aëtææ pallida silva deæ:  
 Sic tibi robusto cingatur mensa nepote,  
 Plenaque formosa sint tibi tecta nuru.  
 A quibus extremis placide foveare sub annis,  
 Casaries tinget quum tibi cana caput.  
 Tunc tibi nec gelido metuetur bruma decembri,  
 Dum riget argenti stiria crebra gelu.  
 Non aberit fesso sudanti Sirius æstu,  
 Dum sitit infestis ignibus ustus ager.  
 Certatim officio, studiisque intenta iuventus  
 Longevi senii dulce levamen erit.  
 Vivite concordi conjux cum coniuge flamma,  
 Virgine vir felix, virgo beata viro.  
 Disservent astris sociata cubilia faustis:  
 Nec carpant vestros tristia damna dies.

---

AD MICHAELEM COR-  
 MAEVM PAXIUM  
 Pannonium.

Desine membrorum brevitatem obtrudere nobis:  
 Nec me Saxonis, optime, confer equis,

*Ingenti qui mole ruunt. Palearia tauro  
 Aptam quidem, & curvo colla torosa iugo.  
 Nil mihi cum stiva, nihil est cum rure negotij:  
 Commendor vasta non ego materia.  
 Mi Cormae, viros metiri non decet ulna:  
 Sepius in longis est minus ingenij.  
 Queris at uxorem si quando ducere vellem,  
 Momenti anne parum corpus habere putem.  
 Multum: virginibus, certè, nostratibus istud  
 Cura est: in studiis talibus arte valent.  
 Pygmæis nolunt, scio, sesquipedalibus ortum:  
 Nec quemquam turpi pumilione satum.  
 Nulla tamen poscit, cui centum ex ordine costa  
 Distendunt vacuum parte ab utraque latus.  
 Sint procul a nobis delumbia corpora, dicunt:  
 Nam tantum ronchis illa supina vacant.  
 Norunt, mi Paxi, norunt, mihi crede, puella  
 In mediis aliquid dulce latere viris.  
 At tu: conveniens si sit proportio toti,  
 Ex uno quæ sint cætera membra liquet.  
 Tu malè concludis: promissæ sformata cauda  
 Cernimus exiguo sæpius esse cani.*

---

## DE CHILONE ET NYDARTO.

**Q**uid mihi cum sævo Busiride? quid mihi tecum  
 Phalari? aut homines qui Polypheme voras?  
 Et mihi quid fuerit cum istis pejore Nydarto?  
 Quid cum nequitia, Chilo nefande, tua?  
 Nil mihi cum monstris, hominem qui corpore solo  
 Ostentant: intus corda ferina gerunt.

Nil mihi

Nil mihi cum illis est, qui nobilitatis avitæ  
Obliti, effrænes in scelus omne ruunt.  
Non tibi amicus ero, divis odioſe Nydarte:  
Nec tibi, tam turpi putide Chilo nota.  
Non, mihi divitias ſi dono obrudat uterque,  
Et quotquot ciſtis clauſa talenta tenent.  
Nec quas illi habitant ædes de marmore, nec quæ  
Tercentum patrius jugera bobus arant.  
Convivet citiùs milvus ſine fraude columbis:  
Et cum concordi dormiet agna lupo:  
Noxque dies fiet: ſient lux clara tenebræ:  
Et volvi aſſiduo deſinet orbe polus.  
Incipiet medio tardiſſimus ire decembri  
Phæbus, & æſtivas accelerare rotas.  
Eurus ab occaſu, Zephyrus ſpirabit ab ortu;  
Ex Auſtro Boreas, ex Aquilone Notus:  
Antè miniſtrabit, recipit quæ, lumina fratri  
Diëtynna, & gelidus Sirius ardor erit.  
Inque ſuos fontes converſo flumina curſu,  
Et pluvia in nubes antè ſerentur aqua.  
Nec ver producet flores, nec meſſis ariſtas,  
Poma nec autumnus, frigida bruma nives.  
Nulla apis Aëtæum citiùs depaſcet Hymettum:  
Nullaque montoſa vivet in alpe fera.  
Nec celeri placidum remo ſulcabitur æquor.  
Quàm mihi vobiſcum concilietur amor.  
Veſtra ego devoveo cunëtis conſortia diru:  
Devoveo ſimili nomina veſtra modo.  
Nomina quæ ſcriptis nunquam relegentur in iſtis:  
Fædabunt ve ullo noſtra labella ſono.



*Ab, vestri possem nunquam meminisse: sed istud  
 Posse unquam fieri damna recepta vetant.  
 Sed quoties vestri memor est mens, pectore ab imo  
 Suspirans, Superos supplice voce rogo,  
 Dj procul à nobis tales avertite pestes:  
 Vestraque sit nostris mitior ira malis.  
 Si queritur lassas Rhadamantus Erinnyas esse,  
 Accipiat furias queis opus Orcus habet.*

---

## AD PAVLVM MELISSVM.

*V*Xorem duxit formosam, Paule, Phlogiam  
 Prognatus Veneto sanguine Crispus eques.  
 Felsina sed tenera patria est nemorosa puellæ,  
 Blanda habitare solet quo Cytherea loco.  
 Venit ad Adriacas postquam nova nupta paludes,  
 Est ubi continuo semita nulla mari:  
 Non audet prodire foras, campoque vagari  
 Dum libet, aut cultum merce subire forum,  
 Nec licet irriguas horti recubare per herbas,  
 Et vario niveos pingere flore sinus.  
 Carpere nec gravido digitis pendentia ramo  
 Poma, nec e vitreo fonte levare sitim.  
 Tunc silvas patrii recolens memor Apennini,  
 Et libertatis pristina jura suæ,  
 Perpetuo, infelix, nunquid me carcere claudi  
 Sub thalami, dixit, nomine coget Hymen?  
 Nec præter fluctus, & densum littus arenis.  
 Spumosi que vadum mœsta videbo salis.  
 Quid mihi marmoreis laquearia fulta columnis,  
 Quid prosunt Græca facta a sarota manu?

Nobili

Nobilitasque viri proavis a regibus orta?  
Quid tot centenis millibus arca gravis?  
Quid tot Minoa flaventia jugera messe?  
Quæque replent nostros Gnosia musta cados?  
Quid numerare juvat tot opes terraque marique,  
Quas in diuerso vir meus orbe tenet?  
Quid, quòd apud Venetos uxores esse beatas,  
Sicut apud Ligures, jactitat Italia?  
Imperitare suis cum libertate maritis,  
Et dominus se se dicere posse domus.  
Quid prodest gerere Eois splendentia gemmis  
Pectora? & aurata veste nitere sinus?  
Si secreta domi lateam, viduumque cubile  
Tristis, & indigna frigida nocte premam.  
Crèbraque suspensio suspiria pectore ducam,  
Dum recolo vexet quanta libido mares.  
Hareat externa ne fortè in pellice, dum me  
Detinet ingrata cura molesta domus.  
Sæpius hæc lacrymis iterare solebat obortis,  
Et longo intra se victa dolore queri:  
Sed tandem precibus durum est aggressa maritum,  
Deferat ut Veneti tecta marina laris.  
Tellurisque bonis instanti vere fruatur:  
Lónaque mutat a tedia sede levet.  
Annuit: atque moram statuunt Antennoris urbe:  
Non alio potuit gratior esse solo.  
Tunc ubi per medias pilento vecta plateas  
Fulget inaurato læta Phlogilla sinu,  
In patriam rediisse putat: sic cuncta placere  
Incipiunt, ær mitior, atque locus.

*Nec semper falsis lentandus remus in undis,*

*Hortorum quoties visere septa libet.*

*Nec semper curis illic agitata Juventus*

*Exercet patriis publica jura togis.*

*Sed studium armorum Patavinos atque palestra*

*Detinet, & circi pulvere tectus equus.*

*Et schola, Musarumque domus, sacrumque tribunal,*

*Sunt ubi Castali docta Lycea chori,*

*Ad qua dum Eugenius (quo non formosior alter*

*In tota Italia est) itque reditque frequens:*

*Conspicit intrantem Sophiae delubra Phlogillam:*

*Ardet, & insano mersus amore furit.*

*Me miserum, exclamat, nisi me cum matre Cupido*

*Adjuvet, & flammis huic velit esse pares.*

*Nata erat obscuris Dagolina parentibus, at qua*

*Astuta multos arte juvabat anus.*

*Porticus hanc omnis norat, fora, templa, theatra,*

*Plebeiaque casa, patriciaeque domus.*

*Noverat hac rota quicquid fiebat in urbe:*

*Quam vir diligeret, quemque puella virum.*

*In vultu atque oculis animum mentemque legebat:*

*Artem ac judicium longa senecta dabat.*

*Hanc adit Eugenius, pectus depromit, opemque*

*Postulat, & merces penditur officij.*

*Dignus es ante alios, o formosissime rerum,*

*Cui faveat blando numine Cypris, ait.*

*Qua te non redamet? nisi qua sua non bona novit:*

*Aut rigeat cujus pectore dura flix.*

*Non hoc natam animo mansuetam credo Phlogillam,*

*Vt damno, atque tuis gaudeat exitiis:*

*Nec*

Nec tales alere est assueta Bononia tigres:

Mitius, ut fama est, namque ea pectus habet.

Ibo, & tentabo eventus: ars docta fefellit

Me rarò, & nostris verba disert a labris.

Festa dies aderat. Panchæo templa vapore

Cùm redolent divo condita Prosdócimo.

Iustina ad sanum matres, juvenesque senesque

Conveniunt: erat his pulchra Phlogilla comes

Flava comas, Venetoque sinus perlucida cocco:

Cui colli gemmis Gratia cingit ebur.

Hanc tremulo Dagolina gradu comitata salutat:

Sis semper felix urbis & orbis honos.

Hinc laudanda magis, quòd cùm tibi forma decorque

Sit, summis possit qui placuisse deis,

Est tibi quod blandum nolit secludere amorem

Pectus: sic opus est, filia, sic opus est.

Noster in hoc sexus semper peccare videtur,

Se sinat ut nimia credulitate rapi.

Dum sequimur laudem specie virtutis & umbra,

Nomine qua dura est tecta pudicitia.

Mille per insidis servimus damna maritis,

Queis crimen nullum est destituisse torum.

Franetur nulla quorum dum lege libido,

Cogimur indignè sœva capistra pari.

Vt rosa, quam verno circundat purpura flore,

Mane rubet, sed fit sole cadente rubus:

Sic decor hic noster fugitivis interit annis,

Atque hoc frontis ebur ruga senilis arat.

Quæque hodie sedit summo admiranda theatro,

Cras erit extremo despicienda loco.

*Vixi & ego florente olim formosa juventa,  
Despexique meos sepe superba procos.  
Quosque, ut eram juvenis, rejeci dona ferentes;  
Nunc prece, nunc multis provoco muneribus.  
Pœnitet, at serò, genium fraudasse, nec illis,  
Qua natura offert, me satiasse bonis.  
Ut neglectorum memor est properata senectus,  
Nunc desiderium mî superesse dolet.  
Sic eadem, canos dum gignet inertior ætas,  
Ne cruciet pectus pœna dolenda tuum,  
Vtere divina, tibi dum licet, ùtere forma,  
Nec tibi sis stolidæ simplicitate nocens:  
Nec te nescio quæ remoretur gloria fama:  
Formosæ excusat dulcia furtæ Deus.  
Peccati titulum tollet prudentia: tutò  
Quidlibet, id cautè dummodo fiat, ages.  
Nulla est quæ soli socialia jura marito  
Servet: si possit credere salva, sat est.  
Te tantùm dives, vel qui mereatur amari,  
Et culpa vultu tollere nomen, amet.  
Cernis in opposito juvenem qui vota sacello  
Solvit? in hoc potis est ludere tuta Venus.  
Ille preces supplex libato munere fundit,  
Ut, cui se vo vit, te potiatur amans.  
Namque tua captus forma cruciatur & ardet:  
Atque suam vocitat te, mea vita, Deam,  
Nobilitas illum commendat, opesque, decorque,  
Quæque Cupidineo est apta juventa joco.  
Prudentem doctrina facit: commissæ tacere  
Vir prudens solus qualiacunque potest.*

Baccatum hoc mittit rutilante monile pyropo,  
Quod fortunati pignus amoris erit.  
Iamdudum arcanis flammis incensa medullis  
Hauferat Idalia tacta Phlogilla face.  
Audit ut Eugenium parili vexarier igne,  
Assumpto duplex robore crevit amor.  
Gratia & egregii cultus nitidissimus inde  
Corporis, hinc dubiam munera missa movent.  
Invaditque decens subito rubor ora pudore,  
Verbaque summissa talia voce refert.  
Cara anus, & longo dudum prudentior æva  
Reddit a, consilio victa quiesco tuo.  
Est mihi vir, fateor, sed cui mento aspera pendet  
Canicies, annis non satis apta meis.  
Hunc segnem assiduè tractata negotia reddunt,  
Et cura insomnes, perpetuusque labos.  
Et studium in seras quo incumbit pervigil horas:  
Aut latus exhaurit quæ peregrina Venus.  
Et quamvis nulli statuam succumbere culpa,  
Sacratumque illi non temerare torum.  
Si me a proposito quisquam divertere posset,  
Vni noster amor cederet Eugenio.  
Quæque maritalis super est reverentia lecti,  
Illa juberetur protinus ire foras.  
Vror, & insolitis torrentur viscera flammis:  
Vtar enim, video, commeditate viri.  
Cras Venetam quando cymba descendet in urbem,  
Tunc nostri cupido copia fiet, ait.  
Dicta dies fuerat: mora longa videtur utrique.  
Et jam conducto remige Crispus abit.



*Præsensit tamen ille dolos, celerique regressu  
Non expectatus sub sua tecta redit.*

*Ingressus thalamos deprendit utrumque jacentem,  
Defessos lucta quos sopor obruerat.*

*Vtque furor suasit, stricto mucrone necasset  
Incautos: precibus sed dedit ira locum.*

*Livia, quæ domine crimen promoverat, & quam  
Sæpe aliàs fido juverat obsequio:*

*Ad domini cadit illa pedes, dextraque prehensa  
Sanguine, ait, noli hanc contemnerare manum.*

*Eac meruisse: animas iustum est servare piumpque:  
Confessos factum confice: jure potes.*

*Divina concessa reis confessio lege:  
In superos tulerint arma profana licet.*

*Vade, sacerdotem siste huc: volat illa, citoq;  
Limina anūs multo fessa tremore petit.*

*Occidimus, proh, clamat: Hero deprehensus amator:  
Et jugulis miseri proxima sica fuit.*

*Sed mystæ sacro culpam fateantur oportet:  
Mors certa est, subita nū Deus adsit ope.*

*Primò anus extimuit, mutoque expalluit ore:  
Tandem ad se rediens talia verba dedit.*

*Difficile est in amore modum servare: Cupido,  
Dum coleris semper siccine cæcus eris?*

*Nata, animo forti esto: aderit fortuna, meoque  
Consilio afflictis conferet auxilium.*

*Hoc mihi delega munus: Confinia Patrum  
Claustra petam, atque usu quæ fore rebor agam.*

*Vt rediit vultum monachali tecta cucullo,  
Cum puero jussa est Livia ponè sequi.*

Veste sub ignota Venetum furialiter actum  
Convenit, & ficto quid velit ore rogat.  
Sancte Pater, dixit, thalamo mihi dormit adulter:  
Hoc illi pectus transfodiam gladio.  
Verum animæ fas est rationem habuisse misellæ:  
Confessus merita crimina cade luat.  
Ingredere, & verbis objurga utrumque, docendo  
Posse hoc deleri non nisi morte nefas.  
Introit, & placido distentos membra sopore  
Excitat: utque oculos liquit amica quies,  
Obstupuere ambo Patre viso: sed timor illis  
In risum nota protinus exit annu.  
Non opus heic crisu est, ubi sunt discrimina certa:  
Qui mortem intentet vir tuus, inquit, adest.  
Surgite: at intrepido ne desit pectore virtus:  
Audaci facinus sum meditata dolo.  
Elabi ut possit primis ex ædibus iste,  
Tutela vires salva, Phlogilla, mea.  
Hoc totum celet monachali symmate corpus:  
Sed nostra primum forsice barba cadat.  
Paret, speq; metum reprimat, cellaque relicta  
Limina demisso cernuus ore petit.  
Ac paucis Crispum alloquitur: commissa peregi:  
Cui Venetus: factum est id bene, salvus abi.  
Ille nihil contra: neque enim libet addere plura:  
Ad rem cum intentus spectet uterque suam.  
Dimitti gaudet dicta acceptæque salute:  
Mercedem officij nec petit ille pñ.  
Sollicitè interea excipitur Dagolina cubili,  
Pendet ab eventu cui malè certa salus.

*Irruit armatus furiosa mente maritus:*

*Intentatque avida vulnera dira manu.*

*Exclamant uxorque & anus: juvat ire sub umbras,  
Si mentem subiit tanta cupido necis.*

*Hec saltem immerita referam solatia mortis,  
Perdita quod nimio dicar amore tui.*

*At tua servet anum hanc clementia, cui fuit olim  
Obsequijs nostram cura juvare domum.*

*Vix portu exieras, mihi cum lethale per artus  
Frigus iit: tecum nam mea vita fuit.*

*Quod postquam sensit, pede sedula currit anili:  
Atque ait, absenti quid cruciari viro?*

*Non illum a caro diduxit pectore pellex,  
Spes mea, nec fallat qui te alienus amor.*

*Dandum aliquid patrie est: revocat res publica, quaq;  
Publica pro patrio munia cive gerit.*

*Nec mora, tu reducem accipies, & basia mille  
Iungent dilectis roscida labra labris.*

*Postquam his solata est verbis, oculisque fluentes  
Absterfit lacrymas, composuit que toro:*

*Vix gelido gelidum mihi fovit corpore corpus,  
Oppressit donec fusus utramque sopor.*

*Cumq; huc irrupit monachus qui sacra doceret,  
(A casta poterat qui tamen esse procul.)*

*Ignosces fassa, mi vir, si sola fuisset,  
Cum metuam reliquos, exanimata forem.*

*Arguta interea lustrans indagine Crispus  
Omnia, dum nullum heic comperit esse virum:*

*Sola anus est sola cum conjugē, utramque jacentem,  
Testantemque Deos supplice voce videt.*

*Tunc*

*Tunc in fit lacrymans, ira gladioque remisso,  
O Superi, quibus est nostra retenta manus!  
O homines cæci, & sanæ rationis egentes,  
Zelotypis quoties mens furit acta rogis!  
Credideram, mea lux, mea vita, errore maligno,  
Da veniam, nostrum te violasse torum.  
Tanta meis oculis caligo infederat, ut quam  
Cernis anum arguerim te penès esse virum.  
Sic visa est major, sic curti a fronte capilli,  
Sic mento densis barba rigere pilis.  
Et nisi me fida tenuisset Livia dextra,  
Ensis hic in geminum pectus iturus erat.  
Crudelique meos fœdassent cede penates,  
Et qua non tota est castior urbe domum.  
Da veniam, facti tædet me namque, pudetque:  
Fecit amor, mea lux, hæc mala, fecit amor.  
Tempore ab hoc credit sua cuncta, Melisse, Phlogille  
Crispus, thesauros, tecta, pudicitiam.  
Securèque suæ, quoties libet, ora puellæ  
Eugenius felix nocte dièque premit.  
Vlla nec ad Crispi posita est custodia limen.  
Sic facta est victrix ingeniosa Venus.*

AD IANVM DELABERVVM  
ANGLVM.

*I**Ane Caledonios inter numerande Britannos,  
Quos tulit illustri nobilitate genus,  
Nonne ego Medoacum frustra coluisse tot annis  
Credar? & obscures tot numerasse dies?*

Qui tua non novim commercia, & inter amicos  
 Censeri dicar non potuisse tuos.  
 Ergo erit in Rhetis. cœli clementia major  
 Alpibus? & gelidis mitior aura jugis?  
 Quæ nostra aeterno sociarunt pectora vinclo,  
 Hyrtacidi vinctus qualierat Eurialus.  
 Talis amor Strophij natum conjunxit Orestî:  
 Pirithooque idem Thesea vinxit amor.  
 Non vobis rigida scopulosa cacumina rupes,  
 Non vobis, inquam, tantus habetur honos.  
 Non Clavenna tibi patriis immanior urfis:  
 Non tibi, claudæ tua barbarior patria.  
 Vos inter filices, inter versate salebras:  
 Conveniens vestris is locus est animis.  
 Delabere, tuus candor, probitasque, decorque,  
 His virtus auxit me tua divitiis.  
 Me tua melliflua cepit facundia lingua, &  
 Ingenuus comi qui fluit ore lepos.  
 Non erit ulla dies, dum spiritus hos reget artus,  
 Quin te omni posthac sedulitate colam.  
 Dessubris dum flava Dubim petet unda, tuique  
 Oxonios Tamesis lymphæ rigabit agros,  
 Inter nos sancitus amor sine fine manebit:  
 Mutuaque officiis continuata fides.

# AD POMPONIVM RICIUM NOLANUM.

Non ego te carpsi ingratus, neq; carmina tempis:  
 Carmina quæ laudes continuere meas.

At tibi

*At tibi ago aternas pro tanto munere grates,  
 Quod mihi thesauri divitis instar erit.  
 Paucula rejeci meritum superantia nostrum:  
 Non facit ad stomachum gloria vana meum.  
 Ampullas nostrę nolunt admittere chartę:  
 Namque his ingenuus suevit inesse pudor.  
 Sic docto nostras commenda epigrammate nugas,  
 Iudicio falli ne videare tuo.  
 Sim tibi, si placeat (titulum hunc admitto) Poëta:  
 Namque mali vates sunt simul atque boni.  
 Quem mihi cunque locū adsignabit nostra Thaleia,  
 Hoc, licet exigua laude, superbus ero.  
 Dum patrię lumen, dum me Burgundię ocellum,  
 Dum Phœbi socium, Pieridumque decus  
 Pomponi, vocitas, o, inquam, nomina bellal  
 Quęque sui ignarus non sapienter amet.  
 Est mihi sed speculum, ratio sub pectore verax,  
 Casariem cuius cominus arbitrio.  
 Illa ait: hæc alij sumant cognomina: sed tu  
 Nugarum scriptor non malus esse potes.  
 Quis sim scripta docent: id lector judicet æquus:  
 Quem tribuet nobis, hoc ego honore fruar.  
 Adscribo mihi nil ultra: imo sponte fatebor,  
 Cū nil detulerit me meruisse minus.  
 Ridiculum est toto populum insedisse theatro,  
 Pro magno ut spectet Rhinocerote caprum.*

---

CELEBRIORVM MVNDI FLV-  
 MINVM BREVIS DESCRIPTIQ.

Ad Philippam Lazęam Polanam.



**D**um graderis resono Pimplæa per ævia plectro,  
Phæbus & Aonidum te chorus omnis amat:  
Doctæque tam faciles dictant tibi carmina diva:

Quæ polit ipsa Venus, quæ polit ipsa Charis:  
Vis tamen interea a nobis, Lææa, doceri.

Sic vatem vates nempe juvare potest.  
Callorum fluvios redigam tibi in ordine poscis:

Et quos præcipue Teutonis ora colit.  
Quiq; lavât geminâ Hesperîâ, extremosq; Britannos:  
Fhuminibusque suis Dorica culta secant.

Irriguisque Asiâ lymphis, Syriamque pererrant  
Gurgite, queis Libyes sicca rigatur humus.

Hoc studiumque operamque tibi præstabo libenter:  
Dum possit meus hic utilis esse labor.

Dicam igitur quoscunque amnes vulgata celebres  
Fama per antiquas denotat historias.

Ordîar a Gallis: suscepti carminis ordo  
Exigu ut patrius præficiatur Arar.

## GALLIAE FLUVII.

**B**urgundos Araris placido secat, & Dubis alveo:  
Dessubris rapidis at primis auctus aquis.

Allobrogas Rhodanus celeri perlabitur unda,  
Lugduno, & pulchra se Avenione rotans.

In Rhodanum urget aquas Alpina Druentia: cursu  
Massiliam gaudet Rauraris ire brevi:

Saxosam linquit desertâ rupe Pyrenen,  
Narbonæ humectat qui sata mitis Atax.

Celtarum fines Aquitanis terminat agris  
Santonicas sœtus ferre Garunna rates.

Oceanum

Oceanum Arverno Ligeris petit amne Britannum,  
 Aedua sed primum & Pictona rura lavans.  
 Parrifios mediis qui Séquana dividit undis,  
 Belgarum a Celtis separat arva plagis.  
 Gallica Campanos præterfluit Axona Rhemos:  
 Collibus ortus abit Mátroa Lingonibus.  
 E Vogeso manans Eburones atque Sicambros  
 Alluit, & Rheni se Mosa miscet aquis.  
 Lingonicum Austrasii jactant cum laude Mosellam:  
 Quem Sela & flavo duplicat amne Madon.

## ANGLIAE.

Oxonios Tamesis, Tamarus præterfluit Anglos:  
 Declivi fluvio quos, Tuberole, rigas.

## GERMANIAE.

Rhenus ab Alsatis ad Belgica littora tendit,  
 Frumenti hinc dives, fertilis inde meri.  
 Suevus in Euxinum pelagus devolvitur Ister  
 Latè Pannonicis antè vagatus agris.  
 Vindelica ora Lycum, Pegnesum Norica servat:  
 Latantur vitreo Suevica regna Nicro.  
 Oenus ab Alpina demanans rupe Tyrolus  
 Præterit, & Boios Danubiumque petit.  
 Luppia Vestfalicis, Catthorum prodit ab oris  
 Vnda Amesi, campos quæ rigat, Emda, tuos.  
 Prima Turingorum e saltu fluit unda Visurgis:  
 A Francis ortus est tibi, Mæne, jugis.  
 E silvis Albi summa exit origo Bohemis:  
 Quem post Saxonica navita lintre premit.

*Marchiacos Viadrus Moravorum finibus ortus  
 Transgreditur campos, & Pomerane tuos.  
 Istula Sauromatum vastis spatiat in arvis,  
 Balibica confusis aquora pulsat aquis.  
 Pannonicus Savum Calapys permixtus adauget  
 Dalmata in Adriacos ferris Iadre sinus.*

## HISPANIAE.

**A** Vrifer occiduo Tagus intrat Doridis undas:  
 Et se Tyrrhenis miscet Iberus aquis.  
*Hispanus Durium fulvis extollit arenis:  
 Lantabrum Banis præterit amne solum.  
 Tarraco in herbosi piscatur flumine Vacca:  
 Rimaturque tuas, lente Terebris, aquas.  
 Limpidus Hesperiam Sicoris decurrit Ilerdam.  
 Labitur Hispano vortice Cinga celer.  
 Hispalis ad placidi fundata est flumina Bathis:  
 Quem Tartessiaci suscipit unda freti.*

## ITALIAE.

**P** Apia Ticino est, Athesi Verona superba:  
 Vt glauco Patavi mœnia Medoaco.  
*Culta Placentini vitreus Trebia alluit agri:  
 Fatidice Mantus Mintius arva secat.  
 Eridanum Galli gaudent tranare togati:  
 Ad cuius ripas succina fulva legunt.  
 Felsina latatur Rhenus, Tergeste Timavo:  
 Sebetho tellus Parthenopea suo.  
 Cæsena Rubicon descendit Arimini ad agros:  
 Unde petit fines, uia Ravenna, tuos.*

*Flaminiam*

Flaminiam sulcat Sapis vicinus Isauro:  
 Atque suo humectat pradia Crustumio.  
 Nobilis Hetruscum Florentia suscipit Arnum:  
 Qui dehinc Pisana non procul urbe fluit.  
 Ausonius Tuscis ducens a montibus ortum,  
 Roma ad Tyrrhenum se mare Tybris agit.  
 Sulfureis Anien Tibur praterfluit undis:  
 Allia Crustumini collibus ortus abit.  
 Sarnus Campanos lavat, & Vulturnus: Acerras  
 Non equis Clanius fusus inundat aquis.  
 Umbria Flaminij sulcat vada lintre Metauri:  
 Sulfureo campus Nare Sabinus olet.  
 Vejentes Cremeram Fabiorum cede rubentem  
 Monstrant: Hyrpinis Ausidus instat agris.  
 Quem verrit Volscis Amasenum nauta phaselis,  
 Laudatos viridi gramine pascit equos.  
 UMBER Clitumno, Calaber maduisse Galeso,  
 Appulus ut Dauni flumine gaudet ager.  
 Exceptus missis Minturnensi urbe Fregellis,  
 Tyrrhena miscet flumina Liris aqua.  
 Ut Brutios Tanagrus, Calabros Sybarisq, Cratisque  
 Alluit: at Fabarim terra Sabina bibit.

## SICILIAE.

Limnyrii Siculi, atque undas bisaporis Himera  
 Potant, & lymphas, herbifer Acis, tuas.  
 Trinacrium sollers verrit piscator Aláxim:  
 Teque hamis tentat, pulcher Halése, suis.  
 Sicelides jactat, Thymbrimque, Chrysamque Gelāq:  
 Et te qui Nilum, pinguis Elóre, refers.

*Agros Symathus, Crimnísus, Atyisque Sicanos  
 Fœcundant, placidis atque Pachísus aquis.  
 Imo volvis aquas affinis Orete Pachino:  
 Tuque Syracusio fonte, Aretusa, fluis.*

## C R E T A E.

**H** *Aurit Cretæum cultor Gortynus Oaxem.  
 Gnosia per rivos prata, Cerete, rigas.*

---

**H** *Esperiam per utramq̃, & per sola Gallica, perq̃  
 Teutona præcipue hæc regna feruntur aqua.  
 Nunc tu quæ ripis decurrunt disce Pelasgus:*

*Queis Asia & Libya sicca rigatur humus.  
 Flumina quæ Graiis olim currentia rivis*

*Reddiderant cultum fertilitate solum:  
 Quædam amiserunt cursus occulta priores:  
 Et subter terras gurgite pressa latent.*

*Eurotas celebrer quondam Lacedamone salva,  
 Nunc vacuus nullis alveus aret aquis.*

*Si Xanthum & Simoënta roges in Troade, nemo  
 Ostendet Xanthum vel Simoënta tibi.*

*Cætera mutarunt peregrina nomina lingua:  
 Cunctaque barbarico serva sub hoste fluunt.*

*Si tamen antiquas vis me perscribere voces,  
 Ordine diverso singula quæque lege.*

## G R A E C I A E.

**A** *Lluit Aetolos Achelóus: Thessala Tempe  
 Penéus rivis uberiora facit.*

*Umbrifer Apidano sua flumina miscet Enípeus:  
 Cephisque vadis Atticus humet ager.*

Bœotis, Permesse, plagis Musis sacer erras:  
 Est ubi Palladio clarus honore Melas.  
 Inachus Argivos: Sperchius Thessala rura  
 Irrigat: Amphrysus Pharsalis ora bibit.  
 E Phebiâ manant suaves Haliacmonis undæ:  
 Sthymphalidas pulsat lentâ Erasinus aquâ.  
 Mygdoniam Chilorius Macedo petit: Apsus & altum  
 Adriacum: ut molli flumine Lâus adit.  
 Penêum Titarêse subis: Celadone tumescis  
 Alphêe: at Genusus Thessala culta lavat.  
 Pifso Alphêus qui emergit in Elide fonte,  
 Manat apud Siculos ore, Arethusa, tuo.  
 Agro Parrhasius decurrit ab Arcade Ladon:  
 Labitur Aetôlis flavus Anigrus aquis:  
 Bœotis Ismène places: Asôpon & iidem  
 Laudant: Cecropiam tinguit Ilissus humum.  
 Artas Limpiâ, Aetôlus lavat Atrace puro,  
 Callidromo atque Olyra corpora Thermopyla.

## THRACIAE.

EX Rhodope Ietêrus abit: cadit Athrys in Istrum,  
 Et Thrax Evenus per Calydona fluit.  
 Massagetæ Margus rapido præterfluit alveo:  
 Bystonias præceps Compsacus auget aquas.  
 Et cursu celerem Nestum, Thearum Darío  
 Pergratum, & Lissum Thracia dives habet.  
 Odrysium Rhodope colles protendit ad Hebrum:  
 Strymonis Orphêam vindicat unda chelyn.

## SCYTHIAE.



**B** Vthes & Gerrus, fulvisque Arimasæus arenis,  
 Et celer hastatos fert Tyrus amne Getas.  
 Glaucus Halys, Phasisque tumens, Sagarisq; sonorus  
 Euxini gelidis excipiuntur aquis.  
 Carpis, & Ordessus, Cyanusque, & lentus Iaxes  
 Volvunt per refugos flumina lata Scythas.  
 Thermodon præcep, rapidique Borysthenis unda,  
 Et Tanais Scythiæ rura, Hypanisque rigant.

## ASIAE.

**G** Ranicum Bithyne bibis, Troasque Caresum:  
 Et sua Phryx Hermi pocula miscet aquis.  
 Meandro Phrygia est, Troas perfusa Caico:  
 Pactoliq; auro Lydia flavet humus.  
 Tarsensis Cilices laudant vada cœrula Cydni:  
 Smyrnæi ripas Ionis ora Melis.  
 Oxum Asiæ deserta bibunt: Cilicemque Charadrum  
 Cœnosis metuit nauta subire vadis.  
 Lydia olorini perfunditur amne Caïstri:  
 Rhyndacon extollit Mysia jure suum.  
 Leucosyri Cilices, Lyparisque, Lamique fluentis  
 Culta sui reddunt fertiliora soli.  
 Ionie populi Gessi, simul Axonis undis  
 Corpora, sunt quoties fessa labore, lavant.  
 Cenchrius Ortygiam canoso permeat alveo:  
 Capro est atque suo Caria læta Lyco.  
 Cappadocas rapido transit torrente Ceraunus.  
 Auges Thermiacas, Axie mitis, aquas.  
 Armenium Medo Tigrin ferit amne Choaspis:  
 Cyro erat Gyndes castra tenente minor.

Imbri-

Imbrifer Assyrias Euphrates diluit oras:  
 Seque Semiramiam per Babylona movet.  
 Earsarus e Lybano: ex Carmelo Belus ad imam  
 Defertur Syriam cum sinuante Bada.  
 In ripa ludunt Medi florente Niphatis:  
 Et se Chaldeo purgat Oronte Syrus.  
 Tigribus Armenis Scythicus potatur Araxes,  
 Médaque barbarico flumine rura lavat.  
 Unda coloratos Gangis præterfluit Indos,  
 Gemmiferisque vehit flumina lata vadis.  
 Raucum Ochus resonans, & arundine septus opaca,  
 Indica prociduo gurgite regna terit.  
 Caucaseo in Gangem qui se rotat Indus ab ortu,  
 Nysæ auriferas sorbet Hydaspis aquas.

---

## A F R I C A E.

**F**ertilis est Phario tellus Mareotica Nilo,  
 Qui gravidam lato semine reddit humum.  
 Bragada per Libycas tepidus desertur arenas:  
 Asiaque Cyniphio gens levat amne sitim.  
 Cum diti grandes profert adamante pyropos,  
 Mauro qui gaudet Rhinocerote Melas.  
 Bamhoti innumerus serpit crocodilus in undis:  
 Æthiopum cujus terra liquore madet.



## AD ILLVSTRIS-

SIMVM POTENTISSI-

MVMQUE PRINCIPEM,

IOANNEM Comitem Palatinum Rheni, Du-  
cem Bavarix, Comitem in Veldens  
& Sponheim.

## LIBER SECVNDVS.



*Vt placuisse tibi librū testēre priorē,  
Nec frustra noctes tot vigilasse  
querar :*

*Hos, Princeps, Elegos vultu specta-  
bis eodem :*

*Aut finges lectos, vel meruisse legi.*

*Tanta etenim fuerit laus illis, iudice quanta*

*Te veniet, facilis dummodo adesse velis.*

*Hos tibi ne offerrem tenuis sibi conscia Musa*

*Doctrina, & timido fecerat ore pudor.*

*Sed tua me audacem reddit clementia: pectus*

*Mite etenim docti Principis esse solet.*

*Inque bonas artes studium propensus: in quo*

*Non vidēre tibi sacula nostra parem.*

*Iamque tuum visus sum promeruisse favorem.*

*(Testatum scriptis quod tua dextra dedit.)*

*Is jubet hoc domini meritis sacrare volumen:*

*Mentem aliquo posthac quod probet officio.*

*Si supereſt post fata aliquid de nomine nostro,*

*Poste-*

Posteritas sciet id muneris esse tui.

Quas ventura mihi quoniam post funera laudes

Fama paret cura est, sit tamen illa levis.

At quęcunque Charis dictarit, quęque Camęna,

Teque genusque tuum quo licet ore canent.

Sic magno dicent te successisse Parenti,

Virtute atque animo ut sitis uterque pares.

### A D E V N D E M.

**P**rinceps quo nec habet quicquā Germania majus,

Nec quicquam antiqua nobilitate prius.

Quem Musa, quę Phębus amat, quo pręside gaudet

Pallas, seu tractet Martia, sive libros.

Non ego sum ignarus, fortunatissime, quantis

Propritim cumulent te astra secunda bonis.

Quamq; tibi exacta librentur singula lance:

Lyncæis penetres quā omnia luminibus.

Ecce tamen stolido nimium tamerarius ausu,

Audeo iudicio hæc proposuisse tuo.

Vt videam nugasque meas, stultosque labores

Inter quisquiliās verrier, atque teri.

Suspensoque Apinas istas, doctissime, naso

Excipere, & sanna carmina digna tota.

Sed fallor: passim multo clementior audis:

Plebeium, Princeps, non geris ingenium.

Nec juvat hæc subito te subsannare cachinno,

Nominibus quę sunt inferiora tuis.

Vt bonus es, tu dona boni sic consulis, ut non

Cum fastu abjicias quę minus apta putes.

Gratia summa venit summis: mediocria laudes

Non tamen amittunt quantulacunque suas.

*Discutis ex aquo libra momenta fideli*

*Omnia, consilio qua sapiente regis.*

*Quemque locum teneas benè nosti: & fronte serena*

*Desuper, ut par est, inferiora notas.*

*Quòd si non recipis, meritis nisi congrua, nemo*

*Æquabit laudes, Dux generose, tuas.*

*Non qui Mæonio cantavit Pergama plectro,*

*Dulichioque dedit nomina clara Duci.*

*Non qui grandifono mandans Aneïda versu,*

*Descripsit Latia non imitanda tuba.*

*Altior es, quàm quem majoribus incrementis,*

*Aut fama, aut virtus inclyta promoveat.*

## AD PAULVM MELISSVM.

**G** Audeo te Venetę delectatum esse Pblogillę  
*Historia, & vafris obstupuisse dolis.*

*Heic non diverso eventu te Alpina puella*

*Quanta sit immodico vis in amore docet.*

*Quę tu (sist studio graviore, Melisse, vacabis,*

*Atque id permittent ocia) pauca leges.*

*Venerat Adriaca visura palatia gentis,*

*Et snasu fatui Caciliana viri.*

*Mirari non sat potis est delubra, plateas,*

*Pictaque diversis atria marmoribus.*

*Quęque peregrinis tolluntur tecta columnis:*

*Quęque volant passim per vada salsa rates.*

*Sed magis extremo merces oriente petitas:*

*Quicquid opum Ganges, pictus & Indus habet.*

*Et multo teneras auro radiare puellas,*

*Et comptas nulla rusticitate nurus.*

Stamine fulgentes Serum distinguere vestes,  
Et cinnamatis carbasa ferre comis.  
Sic placuere viri comi sermone disertis:  
Inque Cupidineis nata iuventa jocis.  
Alpinis posthac valeant, ait, oppida muris,  
Et quæ dumosa mœnia rupe latent.  
Et strumosa domo claudantur turba puellæ,  
Et quæ mammosa pectora mole tument.  
Ille inter pecudes, & ovilia sordida fessa  
Callosa versent fœda simeta manu.  
Et vir ab agresti nuper qui sumptus aratro,  
Rauci, propter opes, induit arma fori:  
Ebrius ignitis hypocausta calentia flammis  
Incolat: & largo proluat ora mero.  
Me me delectant Italæ spectacula terræ:  
Hæc loca sunt patria divitiora mea.  
Elanditia, luxurisque, & quæ jucunda voluptas  
Exhibet, heic sedes primo in honore tenent.  
Sobria gens mavult Veneri ludisque vacare,  
Quam potu, aut nimio membra gravare cibo.  
Felix O Enotrio quacunque sub æthere nata est:  
Quæque suæ potuit gentis habere virum.  
Ut mihi forma nec est vulgaris, & ora genasque  
Sic non mendaci murice tincta gero.  
Est coma Callaicum specie quæ vinceret aurum:  
Collaque sunt patria candidiora nive.  
Omnia sunt mecum, cultus nisi deesset: at ille  
Non deerit nobis, dummodo amare velim.  
Nec fuerit mihi amor forsan contrarius, illum  
Promoveat placida si Cytherea face.



O mihi si detur de tot modò millibus unus,

Pomponi, es votis anteferende meis.

Tam tua me certa perstrinxit arundo sagitta:

Tam collimatum cuspide vulnus alo.

Ricius audierat questum plorantis, & agrum

Solatus, posthac tu mea, dixit, eris.

Annu it illa, ruitque in basia, complexuq;

Heret, & indomitis ignibus usta furit.

Rusticus amissa luget consorte maritus:

Premiaque insane simplicitatis habet.

Pœnitet, at serò, Venetas vidisse paludes:

Pendat ubi naulum conjuge tristis amans.

Quid de plebeia dicemus, Paule? videmus

Hac quoque regales vertere sæpe domos.

Vidit ut Idæi faciem pastoris & ora,

Gemmatos torques, purpureosque sinus,

Urbe Therapneæ Troiam Spartâque relicta,

Ausa Phereclæa est Tyndaris irerate.

Viderat Aesonide clavato pallia limbo

Phasias, & Graia Dorica texta manu:

Colchi sint, dixit, viles, Ipsæque mater,

Æetesque senex, Chalciopeq; soror:

Ad Danaos ibo, & Magnetida subsequar Argo.

Instar eris patriæ, tu Pagasæ, mihi.

Quid dicam Ægiden, quem Gnosia virgo secuta est,

Minoos Theseo posthabitura lares?

Quid qua fatali spoliavit crine parentem?

Créssaque privigno se va noverca suo?

Quelibet infirmi sexus testantur Erinnyn

Tempora: & instructos fraude dolisque toros.

Forma, decus, cultus, blandę facundia lingue  
 Molliā pertentant pectora mille modis.  
 Peccavit fateor, cupidis Pomponius ansis,  
 Hospitis aggressus sollicitare fidem.  
 Sed gravior multo est alpinę culpa puellę,  
 Cui thalami visa est cura virique levis.

IN NVPTIAS LVDOVICI  
 MOUSTELII BAUROGGERII  
 & IOANNÆ BOLÆ.

**M**ajorum splendor, juvenis generose, tuorum.  
 Fulgide Nens triaca nobilitatis honos.  
 Cum tibi natura data sint bona cuncta favore,  
 Quę is dici jure hæc vita beata potest:  
 Stemma illustre, decus, mens sana in corpore sano,  
 Gratia, divitia, robur, & ingenium:  
 His studio accessit, pietas, moręque politi,  
 Et virtus præstans militię atque domi.  
 Cumq; tuis titulis accedere gloria nulla  
 Posse videretur, visit amica Venus.  
 Vxor habenda, inquit, nulli virtute secunda,  
 Quę tibi det natos vultu animoque pares,  
 Parte sui meliore caret, quem cęlibe vita  
 Hiærentem nulla conjuge donat Hymen.  
 Consilium placuit: votumque probante Minerva,  
 Ingressa est thalamos Iana Bolæa tuos.  
 Nortmannis qua nulla plagis illustrior unquam  
 Visa est ad ripas, herbifer Orne, tuas.  
 Nulla unquam Oceani ad littus prudentior, aut cui  
 Hæserit in tenero pulchrior ore lepos.

Mille petita procis cùm esset, mille illa repulsis

Vnum preposuit te, Ludovice, virum.

Nec temere elegit suadente id Pallade: namque

Vt tu illa, sic te digna puella fuit.

Quod felix faustumque igitur succedat utrique

Consilium: Et blandi fœdera amica tori

Inter vos stabili firmet concordia nexu,

Et qui perpetuo tempore duret amor.

Nec minùs extremos postquam venietis ad annos,

Sicut amabis anum, diliget illa senem.

## AD PETRVM LEPIDVM METENSEM.

**N**EC fortuna tibi contraria: nec tibi vitę  
Conditio ulla in re, Petre, dolenda venit.  
Nam benè si trutines equata singula lance,

Quę tu de Superis pauca queraris erunt.

Corporibus vegeti tibi sunt materque paterque:

Divorumque valet munere tota domus.

Casti tuæ thalamos servant penetralia Iannus:

Qua non est tota mitior Austrasia.

Iam tessellatis vagit tibi parvula cunis

Annula, sollicitæ dulce parentis onus.

Regia honore pari tu exerces munia: sunt que

Nunc, quibus innumeris anteferas, opes.

Anne parum esse putas, quòd nil tibi deficit horum,

Ista quibus dici vita beata potest?

Quòd culti patrio versentur vomere sulci,

Et spument plenis dulcia musta cadis.

Quòd

Quòd cingas latus spatiosos sepibus hortos,  
Alcinoum quales incoluisse ferunt.  
At quòd rara fides, quòd & ad sua cōmoda quisque  
Spectet amicitias utilitate probans:  
Magna tuam, ut video, subit admiratio mentem:  
Scilicet hæc nostris res nova temporibus.  
Si nescis, Pyladem (juncta ut sit fabula vero)  
Delirum & fatuum secula nostra notant.  
Suspensio quisquis recitabit Thesea naso,  
Et, pro quo subiit vincula, Pirithoon:  
O homines stultos! dicet: non ista pericla  
Pro patre pro natis sint subcunda mihi.  
Nemo mihi, ac meritò, est me carior: hinc procul este,  
De quorum censu non mihi præda venit.  
Vivo mihi: prodest hodie nulli sua virtus:  
Præstat hero certam sola crumena fidem.  
Sic sibi quisque sapit, Lepide, & sic vivitur, ut te  
Commoda si desint, nullus amicus amet.  
Vidi ego natorum foribus plorasse parentem, &  
Subtracto in validum procubuisse cibo.  
Vidi, proh facinus, dotem quæ impenderet ultro,  
De medio ut matrem tollere cade queat.  
Deservere suos quot (res est prisca) maritos?  
Toxicaque incautis proposuere viris?  
Rara nurus soccro est hodie, generoque fidelis  
Socrus: privigni mixta aconita bibunt.  
Et ne conciperent, plures hausere venenum:  
Ausæ aliæ fœtus dilaniare suos.  
Non hoc suasit amor, thalami aut desertor Iason:  
Non rapto pellex insidiosa toro.

*Iudice me veniam, Phœdra & Stenobaa, meretis.*

*Collata his quantum tu pia, Phasis, eris!*

*Vieta Cupidineo quoniam præcordia torre*

*Iudicium vobis, cordaque sustulerant.*

*At magis his hodie patrant crudelia cuncti:*

*Dum mente atque animo, dum ratione valent.*

*Ille animi affectus nostri mansuetior, & ius*

*Nature, humanum quo genus omne coit,*

*Languet, & exili perstringit pectora flamma:*

*In multis major cernitur esse fcris.*

*Erga decrepitos reverentia nulla parentes:*

*Quare? horum culpas ultio iusta subit.*

*In variis hi ne minuant patrimonia partes,*

*Barbarica inestant impietate domos.*

*Tres fuerint nata? bina claudentur, eruntque*

*Perpetua ex voto virginitate sacra.*

*Vt matura viro, & dulci cessura Hymenæo*

*Heres rem patriam tertia sola ferat.*

*Sic quoque de natis eadem sententia lata:*

*Qui rem possideant unus & alter erit.*

*Neve opibus reliqui excludi videantur a vitis,*

*Huic mitra & curvi cura relicta pedi.*

*Ille cucullata succinget pectora palla:*

*Servabit Melite littora quartus eques.*

*Sic malè provisum est aris: peiusque ministris*

*Ararum, inviti dum loca sacra colunt.*

*Ingrata est Superis hominum vi impulsæ voluntas:*

*In nobis illi libera corda volunt.*

*Sed nos nec Superos curamus: commoda nostra*

*Querimus: hæc nomen religionis habent.*

*Nec*

Nec scelus est ullum, quod non prætextus honesti  
Diluat, aut aliqua non ratione tegat.  
His callum obduxi dudum: & sic esse necesse  
Ut credam, mores lexque recepta jubent.  
Quid facias? monitis si nemo páreat. At tu  
Qui cadit, ut casu sac graviore cadat:  
Ut qui de scopulo quondam detrusit asellum.  
Nolentem nunc est namque iurare ne fas.  
Quippe foris cecum & surdum tibi proderit esse:  
Vidisse alterius crimina sæpe nocet.  
Te studia illa domi teneant, quorum expedit usus.  
Quæ patriæ atque tuis utilia esse queant.  
Quòd tibi si assidue tractata negotia portent  
Tædia, queis placidè tu recreeris habes.  
Seu tibi populea libeat recubare sub umbra,  
Quà circumfusus sunt saliceta vadis.  
Seu vitrei latices cymba transfrare Mosella,  
Et citrare docta fila movere manu:  
Applaudet tenero colludens filia risu:  
Tractabitque fides, impedietque modos.  
Et si obijgetur tanquam importuna canenti,  
Suaviolum patrijs imprimet illa genis.  
Parvaque convertens ad matrem brachia Ianno,  
Efficitas blando molliet ore minas.  
Hæc dum perpendes, huius fastidia vitæ  
Non venient: nec quæ te gravet ulla dies:

AD IACOBVM PASCHARIVM  
LOTHARINGUM MEDICVM.



**O**ptime amicorum Paschari, cognita cujus  
 In dubiis rebus mens studiumque mihi est:  
 Ferre tui desiderium sine fine jubebunt  
 Me Superi? nec te rursus ut antè frui?  
 Atque laboranti afflicti succurrere rebus,  
 Et dare quam poscit pressus amicus opem.  
 Opprimit immeritum fortuna adversa Philonem:  
 Obrutus, & cecis est Philo mersus aquis.  
 Auxilium implorat mediis jactatus in undis:  
 Nec re quisquam inopem consiliove juvat.  
 Siccine nos veterem non agnoscemus amicum?  
 Nec mæsta tanget pectora nostra prece?  
 Di procul avertant scelus hoc: solabimur ægrum,  
 Consiliisque tuis, consiliisque meis.  
 Nec te meque prius frustra coluisse queretur:  
 Sed bonè servatam fido in amore fidem.  
 Excipiam laribusque meis, opibusque jurabo:  
 Hunc, ceu germanum, nempe Richartus amat.  
 Heu quàm difficile est adversam avertere sortem!  
 Et conjuratis astra inimica polis!  
 Non semper Virtus sectatorem eximit illis,  
 Quæ nos circumstant parte ab utraque, malis.  
 Non tibi vel probitas, vel nescia fallere vita  
 Portum, quò fugeres, præsidiumque dedit.  
 Sed tanquam apposito invitavit flamina velo,  
 Quæ te precipitem per vada ceca darent.  
 Aula, Philo, astutos homines vafrosque requirit:  
 Integritas risu non nisi digna venit.  
 Te docui hos casus olim, jam doctior usu:  
 Nam mea per pelagus prora cucurrit idem

*Suasor enim fueram scelerata relinquare testā,  
Et pueri franos & muliebri jugum.  
Sed tua simplicitas jam exceperat ore capistrum,  
Vinctaque non facili discutienda modo.  
Quod si iudicium, si mens non lava fuisset,  
Debueras monitis cautior esse meis.  
Nec tibi compedibus servare ergastula duris,  
Nec fastus hominum ferre necesse foret.  
Idque quod imperitat iuvenis morosa voluntas,  
Iussaque vel servo non toleranda levi.  
Quid facerent hosti post longa incommoda capto?  
Si benefactorum fers mala damna loco.  
Nauplius Euboici salebroso in rupe Capharei  
Utricis bilem leniit igne facis,  
Iusta odia exercens: Ira Palamede perempto,  
Non levis injustum causa tribunal erat.  
Raptor Oilides scopulis jactatus in isdem,  
Commisso in Phrygia Phœbade furtum luit.  
Persidus abducta perijt Calydonide Nessus,  
Auxilio Lapithas Atracis ultor viri est:  
Totque alij pœnas vindicta urgente dederunt:  
Sed perpetratum est pœna secuta scelus.  
Nec quisquam ex Divis, aut ex Heroibus unquam  
In culpæ vacuos exeruit gladium.  
Nî Phalarin dicas, aut cum Scyrone Procrusten:  
Busirim, aut Alopes cum genitore Scinen.  
Aut quibus immani vita acta tyrannide, quosque  
Eumenidum flagris devovet orbis adhuc.  
De quorum numero fueris, quicumque Philonem  
Innocuum tacita prodicione premis.*

*Illiusque mala labefactas tabe quietem:*

*Carpis & occultis otia prima dolis.*

*Tempus erit, quando qui illum fecere nocentem,*

*De mixto inviti pocula felle bibant:*

*Hoc senis ingenuus promittit candor, & illa*

*Explorata satis per duo lustra fides.*

*O praeceptorum miserum genus: e quibus ille*

*Sisyphio demens saxa labore rotat:*

*Nobilium quisquis dubio dependet ab ore:*

*Verbaque sollicita qualibet aure notat.*

*Pollicitis vacuam tardè parientibus arcam*

*Ille implebit, & his illico dives erit:*

*At si colla iugo vel latum subtrahat unguem,*

*Ampullata illi spesque labosque perit:*

*Siccine fallacis vanus placet ambitus aula?*

*Et semper viridis, sed sine messe, favor?*

*Vt bona libertas precio vendatur & auro,*

*Quod senū extremo non nisi fine venit.*

*Quam melius sapiunt, qui parvo assuescere dacti,*

*In tenui prandent rustica farra casa.*

*Fumosi partem lardi, pisumve, gulave*

*Teutonicos caules esuriente vorant.*

*Pane domi nato, rebúsque fruuntur inemptis,*

*Et parcis quos dat parva culina cibis.*

*Hi neque dura ferunt torvi fastidia vultus:*

*Signa nec austera frontis iniqua parent.*

*Mollia post ponunt villosa serica panno:*

*Et crassa spernunt frigus in endromyde.*

*O te felicem, simili si sorte potiri, &*

*Tam facili cælum conditione sinat.*

*Sed tua, care Philo, est Lachesis tibi durior: illa  
Vincta catenato fata labore dedit.  
Fluxam operam ludis sterili incurvatus arena:  
Non profecturo vomere littus aras.  
Perfer & obdura interea, & potioribus instā.  
Irati semper non furit ira Iovis.  
Nunquam tam tetrico est fortuna obnoxia vultu,  
Restituat versa quin meliora rota.  
Nemo bonus vita felix reputandus in ista:  
Nostra alio spes est constituenda loco.  
Arx tamen invicta, & nullo expugnabilis astu,  
Conscia nullius mens sibi facta mali.  
Roborat, atque hominem facere est potis illa beatum:  
Cetera non stabili stantque caduntque pede.*

---

## A D E V N D E M.

**I***mpositum esse doles contra jus fasque Philoni:  
Hoc tua te pietas, hoc facere urget amor,  
Non equidem miror fieri jam talia, namque  
Non levius studium me quoque torfit idem.  
Si benè quid fiat, sit consuetudine prisca:  
Si malè, sic melius mos novus esse vetat,  
Tu potius mirere, bonum si videris usquam:  
Saturni tales tempora protulerant.  
Virtutem coluisse hodie est stultumque nefasque:  
Truditur, & risu non nisi digna venit.  
Tu promissa putas in debita posse relabi:  
At contra opponit sese hodierna fides.  
Spes ingens fuerat promissis facta Philoni:  
Paschari, nulla lege tenetur herus,*

Cum famulo verbis sese obligat. Illa vetustas  
 Antiqua nimium simplicitate rigens,  
 Tunc dominis sanctè jussit promissa tueri:  
 Turpe fuit lucro posthabuisse fidem.  
 At nunc longè aliud sapimus, prudentia longè  
 Major: quod doceat rectius, usus habet.  
 Deliri praecepta senes austeram sequantur:  
 Libertas nulli est subdita nostra iugo.  
 Consilia eventu metimur cuncta secundo.  
 In sola Virtus utilitate sedet.  
 Insuper fuerit, qui rumpere pacta veretur,  
 Prætextum quoties lucra futura dabunt.  
 Tres quamvis tantum tibi sit dolus utilis horas.  
 Sic benè fallacem proderit esse tamen.  
 Quisque sibi vivit: cur multum publica curet,  
 Qui, nisi quæ recipit, commoda nulla putat?  
 Sic hodie inter nos, Paschari, vivitur: Et sic  
 Pressa, loco Virtus inferiore jacet.  
 Mitis erat quondam regum suprema potestas,  
 Et domini in famulos mitius imperium.  
 De domino studuit servus benè posse mereri:  
 Et domini cura hæc digna favore fuit.  
 Si te sedulitas semper sine fruge fatigat,  
 Nec tibi parta quies, nec tibi partus honas:  
 Commoda ne speres seris capienda sub annis:  
 Cur sis alterius, cum tuus esse potes?  
 Pollicitis adhibere fidem temeraria res est.  
 Simplicitas vulgi luditur ista joco.  
 Dum fueris domino florentibus utilis annis,  
 Spes tibi promissis maxima semper erit.

*Sed qui credulus his fudit, fulcitur inani  
Veri umbra, & bulla, quam tumor inflat aqua.  
Hujus ab exemplo quod discimus: omnia fecit  
Quęcunque officio digna fuere suo.  
Debuerat fieri cū post quadriennia dives,  
Hunc vacuum argento jam duo lustra vident.  
Crediderat verbis, scriptura sulta nec ulla,  
Propterea illius est reddita vana fides.*

---

AD IACOBVM SANTALB-  
NUM TRECENSEM  
Medicum.

**D***Vm jucunda teris pacatę tempora vitę,  
Suntq; tibi studiis otia parta tuis.  
Scrutaris sollers natura arcana, juvasque  
Nostra Machaonius mœnia consiliis.  
Teque beant partusque favor, ditisque peculi  
Proventus, lecto & quę cubat Anna tuo:  
Dumque tenes tutos dimisso remige portus,  
Nec maris emensi longa pericla times:  
Tu me jactatū in pelago, fragilique carina  
Errantem dubii per vada caca freti  
Hortaris, totis contendam ad littora tonsis.  
Ne tandem quassam subruat unda ratem.  
Votivisque miser populo de more tabellis.  
Signa mei ostentem tristia naufragii.  
Vtile consilium das, Santalbine, sodali:  
Sed me non sinit id sors inimica sequi.  
Non licet ab divos mihi tam sperare faventes,  
Fortuna ut possim commodiore frui.*



Quinquaginta & sex aetatem duco per annos,  
Estque mihi lustris patria dempta novem.  
Hospes in externis vixi regionibus, idque  
A puero: & sortem hanc patria dura tulit.  
Laudavi tamen ingratham, injustisque peperci  
Civibus, ut videar non nocuisse bonis.  
Nunc mihi Metenses inter peragenda senectus:  
Esque loco patrii, culte Mosella, Dubis.  
Heic desiderium cognata gentis amici  
Immixtuunt, quorum est jam mihi nota fides,  
Perspectique animi, sicut res poscit & usus:  
(Antiqua cives heic probitate valent.)  
Vivo tamen calebs: faciunt mihi dulcia Musæ  
Otia, sive urbem, seu magis arva colam.  
Tu tamen esse putas miserum peregrinus haberi,  
Et, quod durius est, jussa aliena sequi.  
Serva maritali me subdere colla capistro,  
Vt possim proprio vivere jure, voles.  
Præstare id potui quondam florentibus annis,  
Ardorem robur dum juvenile dabat.  
Dum potui vegeta uxori non segnis haberi,  
Atque Cupidineis aptior esse jocis.  
Nunc mihi sanguis iners circum præcordia languet,  
Et variat nigros candida barba pilos.  
Canæ caput sunt porra quidem, caudaque virenti:  
Vendibile hac hedera sed nequit esse merum.  
Aut ducenda mihi est intacto flore puella,  
Aut cui jam primum contegit urna virum.  
Crambem his positam sequitur Libitina. secundi est  
Intolerabilior scæmina conjugii.

Cogetur domina imperio parère superba,  
Qui viduę infaustis nubserit auspiciis.  
Nunc dotem objiciet, tẽdasve proterva priores  
Præferet, & veteris gaudia prisca tori.  
Nunquam lata domus, nunquam sine lite sinistra,  
Noxque die pejor, nocte futura dies.  
Si mihi virgo datur, canos exosa seniles,  
Distortis fugiet suavia nostra labris.  
Aut vestes poscet, gemmas, redimicula, vittas,  
Et picta Italica Serica texta manu.  
Quod lateri parcam, supplendum nempe crumena:  
Sed latus & loculos hauriet ipsa dies.  
Restabis, curvate senex, & inutilis annis,  
Pulchraque ramosa cornua fronte geres.  
Adspiciesque tuo rivalem in limine, quem tu  
Cognatum credas conjugis esse tuæ.  
Paucula, ut errorem firmet, dabit oscula, teque  
Fictio indulgentem leniet obsequio.  
Nota erit impostura tibi, sed ferre juvabit  
Si sapias: lædet dissimulata minus.  
Sors hac contemptis senibus communis ubique.  
Me miserum, si crux hac subeunda mihi est.  
Quin potius primæ sc̃ctæ vestigia vitæ:  
Nec sternas thalamos, feste Hymenę, meos:  
Musęo immoriar. Faciles mea cura Camenæ:  
Quas dicar juvenis, quas coluisse senex.  
Providit nostrę domini pia cura senectæ:  
Meque vetat curis, pauperięque premi.  
Deque suo censu libellas ille trecentas  
Legavit posthac annua dona mihi.

*Non equidem locuples hoc munere factus abibo:*

*Sat fuerit, si non prorsus egenus agam.*

*Supplebunt reliquum quæ mihi patrimonia restant:*

*Et qui fraterno vomere cultus ager.*

*Et non vulgaris superest quæ summa peculi,*

*Quæ functo heredi patre relicta mihi est.*

*In patriam reditum dum se va injuria claudit,*

*Solus, & externa dum vagor exsul humo,*

*Quicquid id est, fratri totum concedo Richarto:*

*Cui (quod vult pietas) maxima cura mei est.*

*At tibi dum cuncta arident, cælumque benignum*

*Blanditur faustis dum tibi sideribus:*

*Vive diu felix, o Santalbine, tibi que*

*Ut favit, saveat semper amica Venus.*

*Trecarumque decus dicare illustre, juvesque*

*Nostra Machaoniis mœnia consiliis,*

*Quæ morbos arcere queant: Medicina senectam*

*Nunquam herbis nostram corriget aut thalamis.*

LUDOVICO MALARMAEO

I. C. VESUNTINO.

**T**E licet assiduis vigilem respublica curis

*Occupet, & studiis nocte dieque vaces:*

*Pauca tamen veteri concedes oia amico:*

*Horula colloquiis sufficit una meis.*

*Non ut inutilibus disperdas tempora nugis,*

*Effugiat totus vel sine fruge dies:*

*Heic, tibi quod profit, simul & delectet, habebis,*

*Quodq; det exigua commoda multa mora.*

*Te cesset.*

Te tessellato quamvis persape fritillo,  
Nonnunquam & talis ludere fortè juvet.  
Quando lauta paras geniali prandia mensa,  
Aut laxare animum sesta subinde movent.  
Tunc opportunum tibi erit, Ludovice, libellum hunc  
Tradere, quem vultu liberiore legas.  
Proponit variis calata Emblemata signis,  
Diversam ut tractant singula materiem.  
His ego describo nostra mala sacula vitæ,  
Quæ scelerum & luxûs obruta peste jacent.  
Sancta odium, & sannæ populi ludibria Virtus  
Attrahit: at vitio laus magis ampla venit.  
Nemo hac ignorat: nulli tamen hiscere tutum est:  
Sic hodie verum dicere nempe nocet.  
Non heic mordaci perstringam scommate quenquam:  
Non sum qui scripto tam petulante jocer:  
Sed faciam, quod tu quondam jucunde Poëta,  
Cui patria Hesperia Bilbilis urbe fuit:  
Namque docebo modû hunc nostrum servare libellû,  
Dicere de vitiis, parcere nominibus.

AD RICHARTVM BOISSAR-  
DUM FRATREM.

**F**OEmineas quicumque minas uxorius horret,  
Et timet imbellis jurgia vana coli,  
Dignus erat calathos servare, & pensile linum,  
Tortaque degeneri ducere fila manu.  
Sed qui blanda sua fastidit verba puella,  
Et tetrico placidas respuit ore preces,

*Mœreat in viduo privatus conjuge lecto:*

*Solus & infenso tristis amore cubet.*

*At tua ne titulis Michotæa tumescat avitis,*

*Laudo prudenti dum ratione caves.*

*Illa tuæ domui quamvis det jura, suisque*

*Ancillis, Frater, sedula præsideat,*

*Nomen habet domina: domini tibi summa potestas:*

*Illi summus honor, dum tua jussa facit.*

*Blandiciis quæ tu condis. Nam fallitur omnis,*

*Vxorem famula qui jubet esse loco.*

*Non facit ad castæ servandum uxoris amorem*

*Fastus, & immodici ruga supercilii.*

*Sentiat at socii partem se juris habere:*

*Sit tamen obsequiis prompta placere tibi.*

*Natorum curam gerat hæc, & stamina tractet:*

*Atque viro artifici pallia texat acu.*

*Et quando venient sternenda tempora mense,*

*Illa tibi docta præparet arte cibum.*

*Quem simul accipiat simul exhilaranda recumbat:*

*Et gustata tibi pocula deinde bibat.*

*Vtilius peragenda foris celabitur, & quæ*

*Publica pro patrio munia cive geris.*

*Talia commodius coniux tua nesciet: illam*

*Tutelam domui sufficit esse tuæ.*

*Nam quò plus tuleris, tanto magis esse ferendum*

*Stulta putat: servat fœmina nulla modum.*

BERNARDINO PATERNO  
MEDICO PATAVINO  
G. G. nomine.

*Astra*

**A**stra dedit Superis Virtus non quælibet : at quæ  
Humanum fovit per benefacta genus.  
Qui melius de gente sua potuere mereri,  
Illos fecerunt sæcula prisca Deos.  
Implevit meritis Gortynia Iuppiter arva,  
Erecta est merito protinus ara Iovi.  
Atq; eam Pallas fundavit legibus urbem,  
Huic crepuit festis laurus adusta focis.  
Ut docuit populos vini Semeleius usum,  
Doctori cecidit victima grata caper.  
Quis nato Alcmena dios sacravit honores?  
Auxiliatrici monstra subacta manu.  
Nunquam fulsisset radianti Dælius ostro.  
Alipedes franis impliciturus equos :  
Is nisi consiliis homines juvisset & herbis,  
Atque agros medica sæpe levasset ope.  
Denique si prima repetas ab origine mundum,  
Et benè quæ fuerint tempora quæque notes:  
Invenies benefacta Deos fecisse, polosque  
Ad superos facilem conciliasse viam.  
In quorum numero poteris mihi jure reponi,  
Mæcenas studii spesque decusque mei.  
Tu mea ad Aonios duxti vestigia fontes,  
Plena ubi Castalio pocula liquore bibi.  
Heic licuit vidisse senem, quo Coa superbit  
Terra, Claronque sibi non putat esse parem.  
Et (qui Thessalici spelæa reliquerat antri)  
Chironem, Amonium flectere voce Ducem.  
Quemque colit vasto tellus Epidauria templo,  
Atque Amythaonia lumina bina domus.



*Illic sedit Arabs Avicenna, & principe docto  
Lata est Eoæ gens Nabathæa plaga.*

*Quique pererrato est vigilantior orbe Galenus:  
Et Mesue: & fuscum turba secuta Rhasim.*

*Quotquot & Hesperia sub utrâque fuere: sacraque  
Arti non segnes applicuere manus.*

*Quos norunt Celtæ, quos Teutonis ora fatetur  
Ditis fatales impediisse minas.*

*Te quoque conspexi nitido fulgore coruscum,  
Inter primævos multa docere Patres.*

*Et cum nostra acies tua non penetraret ad ora,  
(Longè etenim a tanta luce remotus eram.)*

*Quasi vi a Musis, quæ proxima federat: oro,  
Cui micat OEbalio murice palla, quis est?*

*Subjicit hæc paucis. Patavini est ille Paternus,  
Quo gaudent hodie docta Lycea chori.*

*Audieras: quis enim quicquam te celet? & istis  
Mellita es visus solvere labra sonis.*

*Procede in medium, Gernere, pudore repulso:  
(Ingenuus mea tunc tinxerat ora rubor.)*

*Nunc tibi Apollineis velentur tempora vittis:  
Et cingat flavas Pæonis herba comas.*

*Vt cui virosis cedant aconita venenis,  
Morbus, & infesta toxica dira lue.*

*Sollertem Strygiis oppone sororibus artem:  
Tartarocoque audax obuius ito cani.*

*Teque licet ruptis Fatum implacabile fufis  
Increpet, & legem scriptam adamante citet:*

*Iura Machaonia propone potentia dextra.  
Forti animo esto: Deo vindice victor eris.*

*Dixisti,*

Dixisti, ambrosioque caput mihi rore rigasti,  
Exornans habili pectora nostra toga.  
Tunc ego conceptis verba hac letissima votis  
(Cum Phœbo annuerat turba novena) tuli.  
Herbipotens Latoë pater, cui Cyrrha Clarosque  
Servit, & invictò Delos amata Iovi:  
Quique oculis latum lustras radiantibus orbem,  
Occultoque favens semine cuncta novas.  
Et qua Pimpleas colitis Libethrides undas,  
Cincta ubi perpetuo silva nitore viret:  
Vos quoque, de quorum præceptis hausimus artem,  
Qua similes magnis credimur esse Deis.  
Vos, inquam, testor, postquam patrio orbe receptus,  
Brundusii in parva mœnia valle colam.  
Sive operam poscat nostram Burgundio, sive  
Alsato studiis utilis esse queam:  
Aut clara excipiar generosi antistitis aula,  
Rauraca commisso qui regit arva pedo.  
De vivo surgent vobis altaria saxo:  
Donaque vel Divis non renuenda dabo.  
Thura pijs precibus sociata adolebo, perenni  
Qui vireat circum gramine cespes erit.  
Deque mea possim si quid regione mereri,  
Acceptum omne tibi, docte Paterne, feram.  
Inque tuas laudes Dubis & Dessubris abibunt:  
Et Lycus, & lento gurgite fusus Arar.  
Quemque tegit furvo Crusus spelunca recessu,  
Brennus, & undosis Cepa volutus aquis.  
Et fluvij quotquot Burgundis finibus orti  
In mare præcipites per vada longa ruunt.

*Hi tua concordi tollent encomia voce:*

*Applaudes motis, alte Lomonte, comis.*

*Hæc tibi dum a nobis referetur gratia, dices*

*De non ingrato sic mernisse juvat.*

**A D I A C O B V M M O N A V I V M**  
**V R A T I S L A V I E N S E M P A T R I -**  
**c i u m : i n e j u s S y m b o l u m .**

**V** Ir bonus & simplex, & quæ fraus nulla subegit,  
 Qui recti est servans, justitiaque tenax,  
 Hunc non percellant Pharii Busiridis ara,  
 Quique Perillæum torruit igne bovem:  
 Nec timeat, quamvis confracti machina mundi  
 Desuper horrendo quassa fragore crepet.  
 Impavidus vastis submittet colla ruinis:  
 Illi tata arx est præsidiumque Deus.  
 Conspirent licet in me, inquit, contraria cælo  
 Sidera: sit tellus hæc inimica mihi.  
 Frendeat atque suis in me Djs torvus ab umbris,  
 Turbaque Tartareum qua Phlegethonta colit.  
 Christo committam meaque, & me. Spes mihi nunquã  
 Irrita: namque illo vindice tutus ero.  
 Ipse etenim faciet de victa ut morte triumphem:  
 Sitque mihi æterno munere parta quies.  
 Hæc tua, Monavi, mens est: emblemate qualem  
 Designat faciens iste viator iter.  
 Cui quamvis instent a tergo & fronte procelle,  
 Obrutus assiduis & videatur aquis,  
 Impavido tamen ille animo perdurat, & urget  
 Securus statuit quam prius ire viam.

Nulla

Nulla fatigatum sudore notaverit hora,  
 Seu mane aut sero sidere vesper erit.  
 Omnibus occurret pacata fronte periclis.  
 Namque illi in media est morte reposta salus.

## DE CHILONE.

**F**ormam in amicitia si tantum Chilo requirit,  
 Formam posthabito Chilo amat ingenio.  
 Hinc fit ut impuro me bellum rideat ore,  
 De forma veniat quod mihi cura levis.  
 Si mihi cincinnis minimè est spectandus amicus,  
 Sed cui villosis barba sit hirta pilis:  
 Hispida qui nullo attritus sit pumice crura,  
 Fuscus & impexa qui tegat ora coma:  
 Corporis ut membris, sic ille est mente virili:  
 Robusti ut formam militis esse decet.  
 Sardanapalæo recubans tibi semivir ostro,  
 Et pingui levis dropace cernet amans.  
 Livida compresso pallent tibi labra cinado.  
 Et gravis obscæno est putida bucca sero.  
 Te licet Assyrii perfuderis unguine moschi,  
 Pantheoque nitens spiret odore sinus,  
 Id crebro juveni stomachum movisse notatum est:  
 Dum cedunt olido pharmaca victa trago.  
 Ut placeam, Serum vestes, unguenta ve, nec quis  
 Gemmato articulos annulus orbe premit:  
 Sed Musæ faciunt, Phœbeæque numina: namque  
 Me meus absque ulla labe sodalis amat.  
 Fallimus integras studiis communibus horas:  
 Martia nam docta temperat arma chely.

*Virgineamque colit studio sollerte Minervam:*

*Præsidet illa armis, præsidet illa libris.*

*At tuus Aetæam posset lassare Cotytto,*

*Mollior Idæo sit Corybante licet.*

*Qui patiturque & agit, firmo latere (ut validus sit,*

*Et medio in cursu ne ilia ducat) eget.*

*Sumptibus hinc nullis, studio nec parcitis ulli,*

*Vt tento vobis inguine vena crepet.*

*Sed quicumque tuum limis spectabit ocellis,*

*Zelotypum certis te arguet esse notis.*

*Rivalem excipiens transversa tuentibus hircis,*

*Solliciti ostendis pectoris indicium.*

*Suetus & indomita prurire libidine nervus*

*Subsidet exanguis, contrahiturque metu.*

*At mea, Virtutis titulos quæ amplectitur, ullis*

*Obiectis ladi nescit amicitia.*

*Quæ tibi florenti facies atate probatur,*

*Contemptam domino tarda senectæ dabit.*

*Quam colo, decrepitis etiamnum augebitur annis:*

*Rugosa ut possit pulchrior esse cute.*

*Quilibet hinc mentem diversam cernit utrique:*

*Virtutis specimen namque amo, Chilo nates.*

## DE LIPPO.

**M**Ortuus est Chilo, factusq; anathema Nydartus:

Optaram neutri tam grave supplicium.

Nunc revoco quicquid generi æmula facta Lycambis

Lasa cruentato carmine Musa tulit.

Nostra odia erga illos, inimicaque nomina cessent:

Exosos summis sufficit esse Deis.

Ne tai

*Ne tamen a Nemese frustra exorata queratur  
 Vltio, & in vanas tandem abiisse minas:  
 In Lippi decerno caput sacra vota: sinistro  
 Licia per nodos pollice torta trahens.  
 Et trado flammis rhombo intertexta quaterno  
 Ejus in Illyrica nomina tincta pice.  
 Devoveoque hominem diris, Erebi que profanis  
 Manibus, & ternis fontem animam Furijs.  
 Et quod Chiloni quondam est socioque dictum,  
 Vltro equidem atque volens id tibi, Lippe, sacro.  
 Heres sis quorum est illis donatio facta  
 A nobis: faciet syngrapha certa fidem.  
 Invade absque mora quod munere cōtigit: atque his  
 Dignus ut es spoliis, Lippe, superbus abi.*

---

DE EODEM LIPPO, AD  
 PETRUM FRIDERUM  
 Mindanum.

**H**arpocratē simulare loco, est laus magna, Fridere:  
 Qui minimè curat facta aliena sapit.  
 Et pudet & tadet toties in bella ciere  
 Castalidas, sancta quæ bona pacis amant.  
 Discordes animos nempe averfantur, & horrent  
 Archilochi infesta scripta cruenta manus.  
 Accusare etiam pravos odiosior est res:  
 Ex defendendo laus tibi major erit.  
 Sed quis tam vecors, larva qui obtemperet? atque  
 Iura dare hanc populo qui sine bile ferat.  
 Quis videat monstrum hoc, teneatque silentia, mores  
 Corrigere, & semper de pietate loqui?



Exardere odiis, & conjugis ora protervæ  
 Putida mordaci garrulitate pati.  
 In luxum stomachari hominum, vitamque fluentem,  
 Pectore cum mollem scurra gerat Sybarin.  
 Certè has nequitias mutus qui præterit, inquit,  
 Dum tacet ille, sibi cordis inesse parum.  
 Dissimulare libet, scabiem hæc neque tangere (porcus  
 Immundo verset tergora sæda luto)  
 Sed stultum est pro thure finum mercarier: atque  
 Virtutis vitium detinuisse loco.  
 Tam vesanum ardens vexat dementia pectus,  
 Ut Divum Lippus vellet honore coli.  
 Vult Curius dici, cœnas cum cœnet Apici:  
 Hesternoque satur nauseet usque mero.  
 Cum mitem simulet, non illo vipera peior  
 Dente furit, tigris nec truculenta magis.  
 E pluteo adlatrat populum, & quæ crimina patrat,  
 Hæc olido miseris imputat ore reis.  
 Vis placare hominem, & rictus cohibere caninos?  
 Cernuus & supplex hunc reverenter adi.  
 Offer te, officiumque tuum serviliter: atque  
 Iussa ejus, quamvis imperiosa, subi.  
 Primaque in instructis præfer subsellia mensis:  
 Nec nisi vina unquam fac generosa bibat.  
 Hunc admirare: & divino numine tanquam  
 Afflatum sollers singula finge loqui.  
 Quicquid agat dicatve proba, licet omnia jura  
 Polluat, inque Deos turpia quæque vomat.  
 Protinus ad sacri admittèris munia cœtus:  
 Et populi iudex constituere tui.

Dicēris bonus, atque abservantissimus equi:  
 Sis quamvis patrię proditione nocens.  
 Iuraque confondas divina, humanaque: quid tum?  
 Integra erit tanto vindice fama tibi.  
 Audebitque tibi nemo obtrectarier: in te  
 Quisquis frendebit lege profanus erit.  
 Vsq̃ue adeo prodest homini te reddere amicum:  
 Servitium quamvis hac sit amicitia.  
 Quam gratum est te nosse! aveo te, Lippe, mereri.  
 Sed conviva tamen non potes esse meus.  
 Ornabo titulis semper te & nomine sacro:  
 Ibis sis alius, tu mihi Anubis eris.

AD LINVM SAGATIVM.  
 NV CERINVM.

**N**obilis agresti quid agat, Line, queris in aula,  
 Qua vivat ruri Plautia mundicie?  
 Oesypa dum redolet, caulas, & ovile, pecusque,  
 Stercus, & immunde spurca simeta case:  
 Argentem serò modico subit igne culinam.  
 Tractat & illota fercula parca manu.  
 Semesum scabra versat sartagine piscem:  
 Aut corrupta putri preparat ova garo.  
 Aut caulem erucis arrosū miscet olivo,  
 Quod stabuli nigra fece lucerna dedit.  
 Hoc se (sed tantum natali luce) saginat  
 Plautia, natali conveniente cibo.  
 Devorat & panem paleis & surfure pistum:  
 Et vappam (e vili quam tulit utre) bibit.

*Hanc vita instituit rationem, vincat ut una  
 Sordibus, & stolidi rusticitate pecus.  
 Ast ubi venter edax latrante voragine poscit  
 Quem prolatum avido glutiat ore cibum,  
 Ferventi plenas exhaurit fauce metretas:  
 Sorbet & ardenti pingua jura gula.  
 Farta decem, elixi vervecis pectus, & armus,  
 Et cum cristata pulpa trilibris ave,  
 Et lactes, vitulique jecur vix sufficit uni:  
 Immodicoque urens coxa suilla sale.  
 Interea famulos (tenuis quos trama figura  
 Vix notat, & macies, & cariosa cutis)  
 Larvatis similes spectris nidore culina,  
 Et crebris foedi ructibus oris alit.  
 Incluta nobilitas montano digna cucullo,  
 Et circum cujus colla botellus cat.  
 Cui fragrans olido fiat pastillus oleto,  
 Et subeat bulla marcida perna locum.  
 Hanc, Line, cum vitam rurali vivat in aula,  
 Non alia digna est Plantia mundicie.*

AD LIVIVM ALGERIVM  
 CAMPANUM.

**D**issimules licet, ostendit pallorque pudorque  
 Te captum ardenti pectus habere face.  
 Vix scabies & amor tegitur, vix igneus ardor:  
 Produntur proprio sapius indicio.  
 At tu, quod celes me vulnera facta sodalem,  
 Falleris: est gravior pectore tectus amor.

Dum

Dum refugit medicum, mens nō feret agra medelam:  
Sed deploratis languida rebus erit.  
His aliquando miser raperer dum naufragus undis,  
Vix tetigi lacera littora tuta rate.  
Signa meis cacus spoliis ornata sequebar,  
Turpiter usta truci stigmata ab hoste gerens.  
Nec tamen hanc cladem licuit sentire, priusquam  
Pronus in extremum laberer exitium.  
Tunc Metanœa solo solata est sera jacentem:  
Surge, ait: egressum res habet ista suum.  
Sume animos audax, & firmum robora pectus  
Sollicitent: ac te sis memor esse virum.  
Insanire tibi licuit, dum fata sinebant  
Mitia: clementes experiere Deos.  
Sit satis ætatis primos luisse per annos:  
Sæpe per hæc nimium stulta juvenia furit.  
Ne tamen ultricem cœlestis numinis iram  
Acceleres, rupta littora puppe cape.  
Spes tibi sit per me renovandę certa salutis:  
Ne dubita: capies patria tecta redux.  
Dixit, & eripuit vasti de gurgite ponti,  
Error quo pridem me meus abstulerat.  
Hinc mihi libertas vitæ revocata prioris:  
Acquisita mihi est hinc rediviva salus.  
At te non pejor manet exitus, optime Livii:  
Si tempestiva plaga juvetur ope.  
Vincla reluctanti dextra meretricia rumpe:  
Placato supplex at prius ito Iovi.  
Qui tibi languentes ad pugnam roboret artus.  
Si pugnes tanto vindice, victor eris.

*Præcipientes instant, a tergo & fronte ruinae:*

*At tibi præ sociis sistitur auxilium.*

*Te fortunatum ter & amplius æstimo, si tu*

*Exemplo potius es cautior esse meo.*

AD ILLVSTRISSIMVM PRIN-  
CIPEM IOANNEM COMITEM  
Palatinum Rheni, Ducem Bavariae, Comi-  
tem in Veldens & Spon-  
heim.



ACTENVS iste legi potuit liber, o-  
ptime Princeps:

*In quo sunt crebris seria mixta jocis.*

*Quod superest tristes lacrymas, planctum  
atque querelas*

*Continet: estque piis Manibus omne sacrum:*

*Fleete viam retro, atque oculos averte serenos:*

*Quos nulla carpi fas tibi tristitia.*

*Heic quoniam pullis regnat Libitina feretris,*

*Cui frontem inuisam nigra cupressus obit.*

*Illam implacato comitantur numine Parca,*

*Terribiles nentes stamina pulla colu.*

*Circa animæ (non quas Rhadamanti comouet urna,*

*Quæque ad Minos verba severa pavent,*

*Terreat aut latrans quas Cerberus ore trifauci:*

*Funereaque vehat trans Styga lintre Charon.)*

*Sed quas indiget ac cœlesti munere Virtus:*

*Et fama æternum vivere posse dedit.*

*Illæ iter ad summi facturæ templa Tonantis,*

*(Vita ubi perpetua parata quiete datur)*

*Munera*

Munera amicorum accipiunt extrema libenter,  
Cinnama, & incensis thura cremata focis.  
Et nardum, & casiam, & selecta ligustra, rosasque,  
Et ta, purpureas tincte amaranthe comas.  
Et quicquid pietas solet officiosa sepulchris  
Conferre, & tristes solvere ad inferias.  
Heic igitur per te liceat mihi carmine mæsto  
Fundere postremis ultima dona rogis.  
Et lacrymas animis nostras sacrare piorum,  
Queis possit noster se exonerare dolor.  
Ut sacris aliqua tester ratione futuris,  
Quos mihi perpetuo fœdere junxit amor.  
Qui mihi non solum colitur dum vita superstes,  
Integer a summa morte sed esse solet.

---

IN EFFIGIEM DOMITII  
FAINI VERONEN-  
sis hospitis sui.

Dilecti effigies nunquam moritura Faini,  
Quæ functi nobis hospitis ora refers:  
Ut tortum video circum tua tempora crinem,  
Et mento crispis vellera fusa pilis:  
Ut gemini flammæ mæstus contemplor ocelli,  
Et qui vivaci fulget in ore decor,  
Tum subit illius conjunctio temporis, arcta  
Quo nos fraterno vinxit amore fides.  
Impia quam nullo potuit discordia morsu  
Vellere, fallaci nec violare manu.  
Tum fuerat, memini, nostrum scopus unus utrique,  
Obsequio integros continuare dies.



Quod plus officii quis præstitit, hoc fuit ille

Major: in his Virtus amula nostra fuit.

In reliquis videre pares nos Dique hominesque:

Nec plus quam nobis tunc tibi juris erat.

Succesſu indoluit Fortuna domestica tanto.

Heic non parva mihi gloria restat, ait.

Obruere infirmas tenuis victoria turres:

Si validis obstem, laus mihi major erit.

Nentrius pectus nostro penetrabile telo est:

Morte opus est: sola morte labascet amor.

Ecce lues Venetam exhaustit jam flebilis urbem:

Medoacique eadem moenia pestis habet.

Occidat alteruter, si non succumbat uterque:

Claudus erit saltem sic mutilatus amor.

Dixit, & extemplo tua per præcordia virus

Injicit: at subitus corripit ossa tremor.

Frigidus e toto manabat corpore sudor:

Claudebatque tibi pallidus ora metus.

Excuteris tepido pavescit mentis cubili,

Et madido hirsutas imbre rigante genas,

Occidimus, Boissarde, inquis, dulcissime: vita

Hacce tuus finem luce Fainus habet.

Dj quorum imperium est, cœlique, solique, salique,

Numina devota sæpe rogata prece:

Peccavi, fateor: peccato debita merces

Est mors: at mortis victor Iesus homo est.

Credo & confiteor supremo numine natum

Hunc: verumque Deo de genitore Deum.

Huncq; hominẽ intacta factum de Virgine, passumq;

In cruce non merita robora dira trabis.

Plura.

Pluraque sint quamvis omni mea crimina dicto,  
Ille tamen fuso sanguine cuncta luit.  
Surrexit victor victa de morte Ereboque:  
Sacrauitque alto rapta trophæa Patri.  
Hunc quoniam geminis humiles amplectimur ulnis,  
Securi firma credimur esse fide.  
Nec flammæ Cocyti, aut duri Ixionis orbem,  
Nec metuo Furiis torta flagella tribus.  
Tu mihi, Christe, salus, tu factus, Christe, redemptor:  
Tu nec ovem e proprio me inficiare grege.  
Ecce animam hanc cōmendo tua tibi morte redēptam.  
Ne tibi sit pretio vilior illa suo.  
Talia cum gemitu rumpebas dicta frequenti:  
Arctatas vocis peste adimente vias.  
Et tibi conceptis ardebant viscera flammis,  
Iamdudum internis exagitata rogis.  
Pectora tum digitis nigro stillantia tabo, &  
Durum mortifero tracto tumore semur.  
Et quicquid remedi potui conferre veneno,  
Intrepida nosti me applicuisse manu.  
Consolor tristem verbis, relevoque dolorem,  
Sed non his gravior morbus habebat opus.  
Lurida contactu ne te contagia ledant,  
Parce tuas, inquis, contemnerare manus.  
Terque salutiferi repetito nomine Christi,  
Extremum dixti, dulcis amice, Vale.  
Ecce ad felices animas, cœlestiaque astra  
(Gratia Djs) ad vos non rediturus eo.  
Te si fata velint superesse, memento Faini,  
Et matris posthac sit tibi cura mea.

*Finieras: oculos caligo in morte natantes  
Occupat: & longa lumina nocte subit.  
Annueram: lacrymis faciesque madebat obortis:  
Artus cùm sensu destituyente tuos,  
Te sensu implicitis circum mea colla lacertis,  
Carum cervici deposuisse caput.  
Suspiransque altis singultibus expirasti,  
Pressaque sunt membris pectora nostra tuis.  
Heu mihi, cur post te solem vidique tulique?  
Cur non conjuncto funere succubui?  
At volui, fateor: lucemque hominesque refugi:  
Et dolui tecum non potuisse mori.  
Sum tamen amplexus: tuaque ora per oscula pressi:  
Applicuique tuis nostra labella genis.  
Exsuxique animæ quicquid restabat: at intus  
Frigida Lethæeis aura fluebat aquis:  
Heu, geminis iterum planxi mea pectora palmis,  
Ut vidi gelido corpus inane toro.  
Adstabat Parisola parens, & Francus, & Almo:  
Luce priore Helene Silviaque occiderant.  
Nos tua cum lacrymis mandavimus ossa sepulchro,  
Et thure & sertis solvimus inferias,  
Nil de te nobis restat, nisi cura laborque,  
Et desiderium, culte Faine, tui.  
Restat at effigies dilecti conscia vultûs:  
Quamvis sit cordi notior ille meo.  
Quæ tamen externa superant mihi signa tabella,  
Illa tuas subeant officiosa vices.  
Si qua mei ad seros veniet pars nominis annos,  
Testis amicitie est illa futura tua.*

## DE SEIPSO.

Cùm post Faini obitum mœrore contabescens,  
febrique continuâ æger, morituum se  
arbitraretur.

**V**T solet accepto Læcus vulnere mœstum  
Ad vada Mæandri clangere carmen olor,  
Sic mea decantans moribunda funera voce,  
Flebilibus solor proxima fata modis.

Lurida Lethæa febris præcordia tabe  
Occupat: & gelidus proluit ora liquor.

Lumina deficiunt: in gyrum cuncta videntur  
Verti, & nox oculis incubat atra meis.

Pallida mors instat: tremulis tinnitibus aures  
Obstrepuere: istos dat fera Parca sonos.

Sentio amicorum ploratibus omnia plena:  
Nemo tamen nostrum est ausus adire torum.

Diffugere omnes: perierunt vota precesque:  
Obsedit primas pestis acerba fores.

Prudenter vobis ista ratione caveris:  
Funeris heu vobis sat dedit una domus.

Deserto extinguar sine teste & luce cubili?  
Nec sitienti aquulam dextera fida dabit?

Lumina nemo aderit mihi qui digitisque labella  
Comprimat? & torto tollat ab ore minas?

Præstiti id officii tibi, culte Faine: suprema  
Cùm tibi crudeles intulit hora manus.

Par referat merito, si quis mihi restat amicus:  
Nullus adest, præstet qui mihi amicus opem.

O utinam hesternæ dum luce Fainus obiret,  
Clauisset nostros mors simul una oculos.

*Dum mea compressis arctavit colla lacertis,*

*Inque meo caram reddidit ore animam.*

*Efferrī capulo tempus jussisset eodem,*

*Componique uno corpora bina rogo.*

*Mortuus es, lacrymisque pijs tua busta subisti:*

*Indeplorati funeris umbra tegar?*

*Et mea funestę raptabunt membra quadrigę?*

*Et, qua componar, nemo notabit humum?*

*Nonne ego deliro? qui terra nostra creavit*

*Corpora, in hanc iterum quassa redire jubet.*

*Non, quę cernis, homo est, sed qui super astra volabit*

*Spiritus, & Superis annumerandus erit.*

*In cinerem redeat caro putrida, tectaque terra*

*Deliteat: liber spiritus astra petat.*

## DE SEIPSO.

*Cum peste se correptum putaret.*

**E**Xpectata dies venit, qua luce perenni

*Tecum in cœlesti sede, Faine, fruar.*

*Languida mortiferum mihi pectora frigus oberrat:*

*Corque mihi vita deficiente labat.*

*Hoc deerat votis (Di sic voluere) quod uno*

*Non possum tecum claudier in tumulo.*

*At si fata negent nobis commune sepulchrum,*

*In cœlis eadem gloria utrumque manet.*

*Inscribet saxo, si quis mihi restat amicus,*

*Qui curet nostri funeris exequias:*

*Hoc situs est, vixit qui quinque decennia, busto*

*Si vita exsilium est continuusque labos.*

Nemo

*Nemo alius meliore fide dilexit amicum.*

*Dives in hoc tantum: cetera pauper erat.*

*Illi thesaurus libertas, candor, amorque:*

*Has heic divitias credidit esse suas.*

*At tu, qui legis hæc, lacrymas compesce, viator:*

*Si gratus nostris Manibus esse velis.*

*Præstitit hoc Fatum, ut vita meliore fruis car:*

*Sitque mihi ex omni parte beata quies.*

### INFERIAE.

*Ad tumulum Domitii Faini: C. A. B. auctore  
Boissardi nomine.*

**A**ccipe postremum lugentis munus amici.  
Solvendum tristes munus ad inferias,

*Hospes adempte mihi, heu crudeli funere adempte,*

*Aeterna junctum pectus amicitia.*

*Nam quid ego optavi exoptandum fido ab amico,*

*Quod non officiis viceris antè tuis?*

*At mihi tot meritis non defuit aqua voluntas:*

*Obstitit heu votis mors inimica meis.*

*Mors inimica suum testando tempus amori*

*Prævertit, celeri mors inopina pede.*

*Nil præter lacrymas lamentaque tristia restant:*

*Restat id officii, care Faine, mei.*

*Quod si aliquid Manes, si Lethum haud omnia finit:*

*Nec nihil ad verum conscia terra sapit.*

*Hæc sunt post obitum solatia magna sepultis.*

*Ipsa pios cineres ultima dona juvant.*

*Nulla tui suberunt nobis oblivia, nulla:*

*Hoc tibi præstabo dum fera Parca sinet.*



*Interea placidè, & feliciter ossa quiescant:*

*Atque in perpetuum, mi hospes ave, atque vale.*

EIVSDEM AD BOIS-  
SARDUM.

**F** Idus Tartarcas Theseus descendit ad umbras,  
Conqueritur raptum dum sibi Pirithoon.  
Illinc non potuit superas evadere ad auras:  
Nec minùs in tetro carcere præda fuit.  
Amphitryonæum genus, & Djs æmulus Heros,  
Optatq; luci pro pietate refert.  
Sic, Boissarde, tui dum flès ad busta Faini,  
Et querulus mutos alloqueris cineres:  
Trans Styga perrumpunt fido quæ fundis amico  
Carmina flebilibus continuata modis.  
Cimmeriosque lacus, nec non Acherontica tardant  
Flumina, & argutis ire vetant numeris.  
Nec serpentifera canis in turba ore trifauci  
Stridet, & est duras mirior ante fores.  
Et tua dum recolunt sedes in nocte profunda,  
Gaudia concipiunt, Orpheon esse ratq;  
Fata dolent cessisse tuis in gloria plectris:  
Nec tot ab Herculeæ damna tulisse manu.  
Lesa minùs quando lectis Epidaurius herbis  
Restituit patriis Androgeona focis.  
Certa fuere illos sub terras posse reverti,  
Spirantes certis corpore temporibus.  
At, Boissarde, tuo redivivum carmine amicum  
Spes non est ullo tempore posse mori.

RIN-

**T**Indaret ex natis cū cælo Iuppiter illum  
 Adderet, hunc Stygiis mergeret Orcus aquis:  
 Dicitur ætherea Pollux modò sede relicta,  
 Alternis Erebi claustra petisse vijs.  
 Dumque suo Castor luceret sidere nautis,  
 Mortales fratris sustinuisse vices.  
 Clara quidem pietas: nam sacro munere vatum  
 Aeterni meruit nominis illa decus.  
 Sed tamen illius minus haud exemplar amoris  
 Tu Boissardè simul, tuque Faine, datis.  
 Hic tibi morte sua graviolem morte dolorem  
 Attulit, & vitæ portio dempta tua est.  
 Tu, quos Parca fero jam pollice ruperat, illi  
 Restituis lacrymis carminibusque dies.  
 Digni hinc siderea cæli quibus arce receptis,  
 Proxima dent geminis signa habitanda Dei.

SIMONI CLIVERO I. C. DAN-  
 TISCANO.

**P**ostquam hospes nostris animã exhalavit in ulnis,  
 Debueram infesta tunc quoque peste mori.  
 Sed mala vicerunt mæsti contagia luctus:  
 Oppressitque ardens tetra venena dolor.  
 Ecce Mycon morbo correptus languet eodem:  
 Cui desperata iusta salute paro.  
 Chirurgum me fecit inops occasio: namque  
 Aegroto est nostra vena resecta manu.

*Sed dilatato qui fluxit vulnere sanguis,  
 Pēnē fuit juveni proxima caussa necis.  
 At, quantum video, pestis consumet utrumque:  
 Hoc remedi morbo provida Parca dabit.  
 Tunc est extincto mihi parcere visa Faino,  
 Dimidium vitę dum tulit illa mea.  
 Evasisse semel nimium est, Clivere: molestum  
 Tędia ferre, quibus vita referta mea est.  
 Si moriar (misero Superi hoc concedite munus)  
 Scripta libro hoc fidei paucula mando tua.  
 Inclusi exiguum chartis quod suppetit aurum:  
 Quo mihi, si liceat, busta paranda velim.  
 Quoque loco fuerint erecta sepulchra Faino,  
 Accipient istas marmora cęsa notas.  
 Boissardus jacet heic, qui quo est defunctus, eundem  
 Principium vitę credidit esse diem.  
 Scire velis quid opum vivens cumulaverit? illam  
 Quam quarit samam vir bonus ingenio.  
 Cętera contempsit: non quod nocitura putaret:  
 Ast animo ut posset liberiore mori.*

L E N T V L O    V E N T I D I O .  
 N U C E R I N O . I . C .

**M**E nimium indulgere meis affectibus usque  
 Arguis, & turpi vi vere mollicie.  
 Evincat que jubes prudentia firma dolorem,  
 Quem mihi paulo post auferet ipsa dies.  
 Perque jocum rogitas: Quid si moreretur amica,  
 Cujus inexausto mersus amore fores

Non

Non tibi sufficeret revoluti terminus anni:  
Qui debet vidui tēdia ferre tori.  
Lentule, res loquitur verum esse quod arguis: Et mi  
Quam par est pectus mollius esse liquet.  
Orta bis est, geminumque novavit Cynthia cornu,  
Hospitis est ex quo funere mersa domus:  
Bisque est hospitii mutata habitatio, nobis  
Sors ut mutato sit magis aqua loco.  
Tempora nec minuunt nostros diuturna labores:  
Nec moceror magna est anxietate minor.  
Sentio sed magis hinc quātum hospes ab hospite distat:  
Clariūs ex obitu hoc disco, Faine, tuo.  
Es tantum ante alios excellere visus amicos:  
Et tua perspecto major amore fides:  
Quantum humiles superat quercus frūdosa myricas:  
Quantum alios vincunt Attica mella favos.  
Si mihi tanta rei carę jactura molesta est:  
Pectora ab humanis non aliena gero.  
A molli differt nam purus amicus amica,  
Quantum amor a casta cecus amicitia.  
Virtutem colit hęc, cujus vestigia servat:  
Ille Cupidinei est vanior igne foci.  
Forma, anni, robur, facundia, gratia, nummi  
Ne desit facient vilis amica tibi.  
Quasi si priveris, subducta damna secunda  
Pensabis: curam trudet amoris amor.  
Si mundum Eois lustres peregrinus ab oris,  
Occidus donec pressa erit ora plagę:  
Invenies ex tot vix usquam millibus unum,  
In quo aliquid certa subsit amicitia.

Multos nostra atas titulotenus ornat amici,  
    Nomine qui solos se, & sua commoda amant.  
Commune omnibus est, etiam lenonibus ipsis,  
    De Virtute palam qualiacunque loqui.  
Atque incorruptos verbis extollere mores:  
    Sed qui horum monitis párcat, alter erit.  
Scis cur tam multos hodie numeremus amicos?  
    Rebus in adversis núllius utor ope.  
Non quòd diffidam quibus est propensa voluntas  
    In nos, atque animo nos, studiūque colunt.  
In primo vereor sed tantum impingere portu:  
    Nostra nec experto tradere vela freto.  
Hinc procul est animæque meę pars prima Melissus,  
    Temporibus duris præsidiumque meum.  
Tu quoque abes, Paxi: patriam, Cleopasse petisti:  
    Tu mihi vix bino mense vidére semel.  
Addixit Virtus caro me sola Farno,  
    Assiduisque usus cognitus officiis.  
Hospitiū hunc gemino jam conciliaverat anno  
    Consuetudo, ulla quę sine labe fuit.  
Festini mores, candor sine fraude dolore:  
    Ingenuo qualis pectori inesse solet.  
Non fuit Illyrica ignarus lingueque Pelasga:  
    Norat & Hispano purius ore loqui.  
Fecit prudentem longa experientia rerum:  
    Et quiddam diversis vixerat antè locis.  
Ille quidem primos studiis formaverat annos:  
    Reddideratque illis cultius ingenium.  
Viribus at postquam vegetis maturuit atas,  
    Pubuit & flavis gnava juventa pilis.

*Arma, tubas, gladios, arcus, pharetrasque secutus,  
 Præposuit cultis Martia tela libris.  
 Militiæ studium viginti exercuit annis,  
 Sub Venetis Ducibus munia prima gerens:  
 Inde petens Libyam, gentique admixtus Iberæ,  
 Protexit forti Punica regna manu.  
 Postinodò cùm furerent Galli civilibus armis,  
 Quinque per æstates regia signa tulit.  
 Rursus in Italiam visum est a morte reverti  
 Regis, & Euganea legit in urbe domum,  
 Pristina dum recolit studiosa tempora pubis,  
 Pergratum Musis præbuit hospitium.  
 Meque unum ante alios tanto complexus amore est:  
 Hunc poteram cari fratris habere loco.  
 Nemo unquam mihi erit posthac, cui fidere quævis,  
 Et mea liberiùs credere sensa queam.  
 Quòd si ego nunc lacrymis illius prosequor urnam,  
 Officio res est, Lentule, digna meo.*

SIMONI CLIVERO I. C.  
 DANTISCANO.

**D**Esere urbana funesta pericula pestis,  
 Rusque implacatus suaserat ire dolor.  
 Vt dum Mcdoaci gembundus obambulo ripis,  
 Euganeumque agro dum pede lustrò nemus:  
 Tristitia & duris releventur pectora curis:  
 Fallanturq; aliqua tadia longa mora.  
 Sed neque amœna meos minuerunt rura dolores:  
 Nec mihi secessu reddita cura minor:



*Mel icet umbrosis resupinum silva sub antris,  
 Palmitibusque suis vitis opaca tegat,  
 Seu tremulū vitreis plaudat mihi murmur ab undis,  
 Aut strepat argutis rauca cicada sonis,  
 Vlcera non sanant lasam rodentia mentem,  
 Vlcera per nullos attenuenda dies.  
 Nunc subit extincti funus crudele Faini,  
 Ex casu nobis cujus adempta salus.  
 Illiusque parens nati mihi morte relicta  
 Continuis animam febribus agra trahit.  
 Certa erat afflictis mihi consolatio rebus.  
 Ad Calabros vertit qui Cleopassus iter.  
 Lentulus ad ripas Benaci fugit: ubi ille est  
 Mutato expertus non meliora loco.  
 Paxi consilio fultus, non pauca gerebam:  
 Nunc petiit celeri teſta Polona fuga.  
 Adde quod & patrias iterum revocamur ad oras.  
 Nec facilem admittunt certa pericla viam.  
 Pestis ubique furit: Patavi deserta videntur  
 Mœnia: sunt simili saucia rura lue.  
 Deficiunt nummi, vitæ adjumenta: nec ullus  
 Ad nos ex Gallo nuncius orbe venit.  
 Nunc mihi amatarum crescunt fastidia rerum:  
 Ipsa oculis etiam lux odiosa meis.  
 Odi Pierias Parnassia numina Musas:  
 Odi Phœbæa fila canora chelys.  
 Sordent, quos laudat pictura operosa, colores:  
 Cala, & non segni fusa metalla manu.  
 Nec picti riguis flores plantantur in hortis:  
 Lecta nec arcanus semina sulcus habet.*

Congressus notos fugio, cœtuque meorum  
Tristis amicorum colloquiisque gravor.  
O utinam eripiar mundo, vel cortice laevi  
Induar: aut subeat pectora nostra lapis.  
Aut saltem in fluidos abeant ut membra liquores,  
Sufficient lacrymis lumina mœsta meis.  
Quamcunque accipiam formã, mihi lucro erit, ardens  
Me modo curarum desinat esse rogus.  
Ecce abeo volucres sensim tenuatus in auras,  
Qualiter absorpta lampade flamma perit.  
Interno torpent gelida languore medulla:  
Et nodosa rigens vix tegit ossa cutis.  
Qui solidam tanto arumnarum pondere pressis  
Contulerit nobis nemo repertus opem,  
Præter te, Clivere, manum qui tendis amicam,  
Et promptum fesso porrigis auxilium.  
Dj mihi dent aliquo tam mitia corda mereri  
Obsequio posthac, parque referre pari.  
Vivat at inter nos per secula sera superstes  
Parrhisii fausto sidere cœptus amor.  
Vt tandem patrio cùm restituere Gedano,  
Te non pœniteat tunc meminisse mei.  
Me (Superos testor) quacunque alet hospita tellus,  
Sive domi liceat vivere, sive foris,  
Vitam uni posthac tibi me debere fatebor:  
Frustrari meritis ne videare tuis.

IN TVMVLOS LAELII  
CLEOPASSI HY-  
druntini.

**S**i lacrymis, Lali, potuissent Fata moveri,  
 Orta meis essent flumina luminibus.  
 Si pensò vita hæc esset mercabilis auro,  
 Nî nostræ precio sufficiatis opes,  
 Vendite agros, adesque meas, patrimonia, meque:  
 Mancipium, vivat dummodo amicus, ero.  
 At redimi alterno si posset funere funus,  
 Tunc tibi eram Pollux, ut mihi Castor eras.  
 Fortè Mycengum Strophii minùs arsit Orestem  
 Natus, dum Scythici præda Thoantis erat:  
 Nec se liberius Rutilis injecerat armis  
 Hyrtacides, captus cùm foret Euryalus,  
 Quàm devovissem certo mea pectora Letho,  
 Ut vitæ longis perfruerere bonis.  
 Nil juvat: ab gemitu cælum lassamus inani.  
 Prætereunt surdos irrita vota Deos.  
 Nil tibi singultus, tibi nil suspiria nostra  
 Profunt: flere quidem non revocare licet,  
 Proh dolor, ergo jaces, & doctis sacra Camænis  
 Ante suum tempus pectora condet humus?  
 Oraque Cecropio stilantia nectare quondam  
 Appula Gargano comprimet urna solo?  
 Et nitor eloquii, & dulcis facundia lingua,  
 Urbanique sales, plènaque verba joci,  
 Digna que Arioniis mutescent carmina pleetris?  
 Tot bona, proh Superi, merferit una dies?  
 Hei mihi, sic sine me potuisti durus abire?  
 Nec præsens, Lali, dum morerere, fui?  
 Non tibi cordolium mortis solatus ademi:  
 Nec sitienti aquulam dextera fida dedit.

Nec collo

Nec collo implicitus compressi his labra labellis :  
Atque hausi his animam, dum fugitura fuit.  
Non erat id raptum: mea erat, quam pectore clausit  
Ille: atque illius, quam gero, jure fuit.  
Cur mihi, qua mea erant, Divæ, rapuistis? ut orbus  
Parte mei posthac tempora amara feram.  
O mors crudelis! Crudelis tu quoque, Leli!  
Cur mihi non licuit te moriente mori?  
Mortuus es, Domiti, nostris effusus in ulnis:  
Nec tantum invidiæ fata habuere tua.  
Oscula complexus postremo in fine dedisti,  
Et tua sunt lacrymis ora rigata meis.  
Nil sentire hominem fama est post funera: falsum est.  
Ad planctus tibi sunt lumina aperta meos.  
Firmius atque mea cervici hæscere lacerti:  
Et solvi arctatæ vix potuere manus.  
Et mecum, quamvis lethali frigore merisus,  
Non benè compresso visus es ore loqui.  
Concessum inferias atque ultima solvere busto  
Dona, & sincera pignora amicitie.  
Cur se nunc simili Cleopassus amore colendus  
Subripit? & nusquam conspiciendus abest?  
Non suprema dedit caro mandata sodali:  
Nec dixit moriens, dulcis amice, Vale.  
At non impedit Parcarum injuria, quin te  
Ut potero, justis prosequar officiis.  
Non fudi cineri lacrymas, barbamve revulsi,  
Quam manus incensis ferret amica rogis.  
Nec nardum, costumque dedi pullatus, & ipsos  
Cinnama nata homines nata movere Deos,

Non posui monumenta meos testantia luctus:

Marmora nec tristes cęsa habuere notas:

Męstus ad Euganeos plorabam namque recessus,

Cum te Gargani noxia texit humus.

Parcere fortę mihi tunc Dj voluere nec unum

Tam multis hominem fluctibus obruere.

Te Calabra dudum rebar regione receptum:

Atque Hydruntinis solvere thura Deis,

Arva ubi Ladeo tibi sunt vicina Tarento,

Qua ferris placidis, lente Galese, vadis.

Prima tui casus mihi venit fama re verso,

Pomponi scriptis cognita fama mei.

Predia quę Austrasię Metensia versat aratris

Rusticus ad ripas, flave Mosella, tuas.

Absens nil potui, nisi pectora tundere planctu,

Et fletu assiduo sollicitare oculos.

Sed tibi vocales tumulos, & carmina ponam:

Teque canam scissis tempus in omne comis.

Narrabitque olim te sera nepotibus atas:

Si post fata frui posteritate datur.

Et vives nostris, si vivant hę quoque, chartis:

Sic non ex omni parte sepultus eris.

Quique Guisadovio positus fidoque Faino,

Is tibi pro meritis nunc statuetur honos.

Cuique suus finis datus est: sic vivere oportet,

Vixisse ut nunquam postmodo pęniteat.

Vita hominis brevis est, variisque agitata procellis,

Nec secura quidem, nec diuturna quies.

Inter delicias, inter Veneremque jocosque

Obrepat tacito mors inopina pede.

Mane

*Mane rosa orta viget, murex quam lacteus ambit:  
Pallidior, sed jam sole cadente, c adit.  
Conditio peior nostra est: non ipsa juventa  
Tuta, nec in cunis est puer ipse suis.  
Omnia deficiunt subito nutantia casu:  
Non expectata est dura ruina magis.  
Sola immortales Virtus facit: illa beatos  
Reddidit una homines, reddidit una Deos.*

---

## AD AMICOS.

*S* I mihi tristitia multo plus fertis, amici,  
Ex vobis veniat quàm mihi latitia:  
Si mihi perpetuis sunt fata dolenda querelis,  
Et dandum tristes carmen ad inferias:  
Vestri ego depono curam: Tot ferre labores  
Tadet: fracta istis est mihi vita malis.  
Tandem liberiùs vivam. Mihi jam sit amicus  
Qui volet: hunc monitum terque quaterque volo.  
Non fallam: hac ideo repeto: redamabo vicissim:  
Vulgaris tamen est iste futurus amor.  
Si tamen in nostro tantum sit pectore robur:  
Esse quod ingenuo molle in amore solet.  
Sum mihi suspectus: succumbam, sentio: justum  
Nostra modum rarò servat amicitia.  
Non ego sum Timone satius: nec consule claudio  
Clavennate, bonis qui negat hospitium.  
At cùm sic opus est ut amem, sum hac lege paratus:  
Vincam indefectis quemlibet officiis.  
Nullum ego de vobis, vos me mandate sepulchro:  
Atque infinitas vivite Olympiadas.



## IN CHILONEM.

C Hilo meas ridet lacrymas, quas fluminis instar  
 Assiduus volvit mœsta per ora dolor.  
 Insperata sui luget dum fata Faini,  
 Raucus suppressa est voce Iacobus, ait.  
 Aspera si scabro meditetur carmina metro,  
 Id vitium vocis non erit ingenii.  
 Iste tui, Chilo, sarcasmus pectoris index,  
 Si nescis, mentis te arguit esse male,  
 Sum miser, hoc certum est: imo tibi plura fateri  
 Nil vetat: invitus lucem hominesque fero.  
 Atque utinam, quando nostris meus hospes in ulnis  
 Caram animam efflavit nuper & occubuit,  
 Me comitem secum moriens traxisset, & idem  
 Hausisset flammis pectora bina rogos.  
 Utque illo fruerer, sic me gauderet amante:  
 Defunctis esset nec tua sanna gravis.  
 Parce laborantem opprimere, & calcare jacentem:  
 Deque meis ungues subtrahere vulneribus.  
 Firma valebit enim sano ulcere ducta cicatrix:  
 Reddeturque suo tempore cura minor.  
 Spicula tunc mihi erunt morsus ultura caninos:  
 Et tumeat nigro quod mihi felle jecur.  
 Utilius, moneo, poteris compescere posthæc  
 Labe verecundi putida labra seri.

IN TVMVLOS ADRIANI  
 CHENERI, LOIDIS  
 Boissardæ mariti.

Non

**N**on fuit in fatis caro ut frueretur amante,  
Deserto Lois tam citò mœsta toro.  
Illud erat quod mens cedis præfaga futura  
Annuerat, lacrymis usque madente sinu.  
Consortem quoties mater quæssisset alumne,  
Cresceret ut dulci læta nepote domus:  
Ingemuit tadas virgo averfata jugales:  
Infausto annosa est omine mota parens.  
Viſta tamen fratrum hortatu, monitisque sororum,  
Te recipit roseis, feſte Hymenæe, genis.  
Candida cum decimum vix Cynthia promeret orbem,  
Occidis infanda, sponse dolende, manu.  
Reſciit id factum (quis talia celet amantem?)  
Irruit effuſis exululata comis.  
Corpus & amplectens moribundi exſanguis mariti,  
Conjuncto voluit funere poſſe tegi.  
Et ſocio trepidum laniaret vulnere pectus:  
Obſtitit incepto crine ſoluta ſoror.  
Vt tamen adſeſe rediit, mentemque recepit,  
Extremo impoſuit corpus inane rogo:  
Infelix conjux, ſciſſos lacerata capillos,  
Pro thalamis tumulos nunc, Adriane, locat.  
Dumque illa in luctu, clauſa recubabis in urna,  
Expectans ſummi tempora judicii.

IN OBITVM LAVRENTII  
MAGNERI CANONICI  
Hippolytani.

**T**E mihi ſubreptum crudeli funere flebam:  
Nec potui ſuncto triſtior eſſe patre.

*At venerande senex, cū tempora nostra notare,  
Quis amor & pietas sanctaque jura cadunt:  
Felix o nimium, Laurenti, morte videris:  
Hostibi quæ luctus non sinat esse graves.  
At quaecunque mihi terno de numine vitæ  
Durius infesto pollice ne vit opus:  
Illa utinam stamen properata forfice rumpat:  
Nec miseram sortem per mala tanta feram.  
Hoc tuus in culta pridem poscebat Eremon  
Frater, & orantis tunc valere preces.  
Tu quoque idem assiduo Superos clamore rogabas:  
Sensisti votis numina flexa tuis.  
Hippolyti parva recubas tumulatus in urbe:  
Chrysopoli Henricum sacra sepulchra tegunt:  
At mea seu claudent cognatæ lumina dextræ,  
Sive peregrino me teget urna solo,  
Non ea cura mihi: Defunctis omnibus una est  
Terra parens: quævis corpus habebit humus.  
Dum modo vincla sinat, veniatque ad sidera liber  
Spiritus & Superis annumerandus eat.  
Illic te, fratremque tuum fulgentia cernam  
Lumina, cælestis templa tenere poli.  
Te quoque, sancte Parens, patriis effusus in ulnis  
Aspiciam: nato sospite latus eris.  
Et cū de annosa quæres genitrice, fatebor:  
Vivit: at invito sustinet ore jubar.  
Te sequeretur amans (sincerent modò fata) libenter:  
Orba viro viduos servat at usque toros.  
Felices anima, quibus est iam vita peracta:  
O quando simili conditione fruar!*

*Quando*

Quando istos artus & membra caduca relinquam?  
Deque procelloso naufragus orbe ferar?  
Et capiam emenso promissos aequore portus?  
Quàm longa est fragili lintre terenda via!  
Da, Pater, at hereo miseris considerare regno:  
Da requiem seßis: planta soluta labat.  
Aut dum nimbis abit, dñ que heic de grādinat, adsis:  
Et capita opposita protege nostra manu.  
Nec patiare, suis dum Gallia corrui armis,  
Civili tinctas sanguine habere manus.  
Inque Dubim Dessubris eat sine crimine fluctus:  
Et Lycus, & lento gurgite fusus Arar.  
Quæque secāt nostros Burgundica flumina campos,  
Innocuo ripis absque cruore fluant.  
Nec, quæ sollicitos Belgas invasit, Erinny  
Accipiat ritu patria pressa malo.  
Aut si immota manet tibi mens, veniamque recuses  
Immeritis, longas ne trahat ira moras:  
Tu me inter primos mortalibus eripe fatis:  
Ne videam gentis tristitia damna meæ.  
Hoc solamen erit, quòd deinceps funeris expers,  
Non metuam vitæ deterioris onus.  
Et simul exceptos æterna sede sodales  
Invisam, & juncto lucis honore fruar.

---

AD NICOLAVM VILLÉ-  
RUM I. C. VALVIL-  
Iartium.

**D**igna tuis meritis tibi si, Villére, Deûm rex  
Redderet, o quantis obruerére bonis!

Nonne tuo hanc vitam, si vita est, munere ducor?

Quam tamen optarem funere posse tegi.

O quoties subit illa tua facundia lingua!

Eloquii & comi qui fluit ore lepos!

Cum tibi narrarem rerum momenta mearum:

Vt fuerit lustris fors inimica tribus.

Es meritis meliora, inquis, Boissarde: sed isthæc

Tempora, si nescis, non meliora scrunt.

Ecquid in obtutu semper versare malorum?

Nec finem luctus queris amice tui?

Vt tuus est candor, tu ponere dignus es annos,

Ne qua perstringat te mala fama nota.

Vive domi, utque potes deinceps conare molestas

Aoniis curas attenuare modis.

Ecce peregrinum cur mavis ducere cælum?

Quam patrius placidè consenuisse focus.

Atria nobilium vano turgentia fastu

Linque atque indigno subtrahere colla iugo.

Siccine te patinæ capiunt, nidorque culinae?

Vt servus domina tu videare gula.

Vt video, ignoras urbana gaudia vita:

Sintque in plebeia commoda quanta casa.

Cepa magis grata est cum libertate saporis,

Regia quam serva fercula sumpta manu.

Munia sollicito quisquis colit aulica cultu,

Ignavo sterilem vomere sulcat humum.

Hæc dixti nobis, & talia multa, meusque

Diminui est visus per tua verba dolor.

Dulce laboranti solamen amicus amico

Præstat, & auxilium, si modo fidus erit.

*Quæ sine amicitia trahitur, cæca illa putanda est  
Vita, ut vanescit qui sine sole dies.  
Quod si vera loquor (quis dicere vera negabit?)  
Extincto vitam lumine cæcus ago.  
Sum miser, & miseri nemo miscratur: onusque  
Nemo aliqua est nostrum qui ratione levet.  
Dum matura Ceres gravidis religata maniplis  
Horrea congesta rustica mole replet:  
Dumque calor tostis regnat furibundus in agris,  
Corporaque assidua vexat anhelata siti,  
Sperabam Vogesi silvis vicinus opacis  
Transigere hos grata conditione dies.  
Fallere colloquiis animum fratrisque tuisque:  
Quæis cedunt lectis Attica mella savis.  
At me infelicem Lachesis quid acerbior urget?  
Atraque cur Stygia net mihi fila colu?  
Terra Cleonæo terretur adusta Leone:  
Candentique ardens Sirius axe micat:  
Extorris, solusque & inops, gembundus, & ager  
Aspera languenti pectore fata gero.  
Invaluit nostri morbi exitiale venenum:  
Et curæ in sola spes mihi morte venit.  
Impetus ad patrios mihi venerat ire penates:  
Sed patria afflictæ non mihi fida satis.  
Mæstiria pereor, misero qua membra maligna  
Paulatim mihi sunt attenuata lue.  
Ut solet absumpta radians languescere cera, &  
Decrescens sensim perdere tæda jubar:  
Sic ego, dum totas his sex noctesque diesque  
Insomnes vigili lumine tristis ago:*



Nec potu robur rest auro cibove, sodalis  
Nec qui consilio me juvet ullus adest,  
Extinguor: moestoque cadunt e pectore vires:  
Atque anima tanquam corpus inane feror.  
Vix roseo assurgit thalamo Titbonia conjux,  
Phœbææ metuo lumina clara facis.  
Odi congressus hominum: nam fidere cui vis,  
Nec mea non noto credere sensa volo.  
Sive Dionæo jubar efferat Hesperus orbe:  
Adproperat votis nox inimica meis.  
Crebra mihi tenues rumpunt suspiria somnos:  
Membra vel in viso torqueo lassata toro.  
Esseda contemplor patulis Tegeæa fenestris,  
Et tardum parvis Arctophylacta focus:  
Astraque diversis passim fulgentia flammis,  
Corpora convexo suspicienda pole.  
Felices animæ, exclamo, queis munere Divum  
Illic concessum est obtinuisse locum!  
Ab, cur tam longe superant mihi tempora vita?  
Tempora quæ nunquam contigit ulla quies.  
Atque utinam quando Patavinæ tempore pestis  
Millia sunt una tot tumultata die:  
Dum me complexus præsentî morte Fairus.  
In nostro caram reddidit ore animam:  
Funeribus, sociis communia busta subissem.  
Dicerer Euganea quàm benè tectus humo!  
Non mihi limosis coleretur Apansia ripis:  
Et tantum rudibus villa habitata viris.  
Me licet hospitio tractet Reverus amico,  
Reverus Medicæ dignus honore togæ.

Ille soporiferis mulcet mibi tempora succis,  
 Qui somnos oculis molliter eliciant:  
 Officiis tectum lenit sub mente dolorem, &  
 Tadia fraterna sedulitate levat.  
 Di, quibus est hominum cura benefacta tueri,  
 Cuilibet & meritis reddere digna suis.  
 Fortunent foveantque virum, tueantur amentque,  
 Cui bene suscepta est nostra tuenda salus.  
 Et tibi me reddant, vel me tibi: sic mea posthac  
 Consiliis fiet sors magis aqua tuis.

PHILOVINITOR: ET IANUS  
 VPILIO.

Vesper erat, cum sol radiis declivibus umbras  
 Duplicat, & salsam Dorida pronus adit.  
 Rura suburbani relinquens tum fessus agelli,  
 Fundebat lacrymis talia verba Philo.  
 Dure ligo, rastrumque tenax, falcesque recurva,  
 Et si quæ ingratus sarcula sensit ager:  
 Nonne ego palmitibus renovata pedamina fixi?  
 Vitis & a nostra est ablaqueata manu?  
 Et si quæ multa cariem traxisse senecta  
 Visa est, malleolis est reparata novis.  
 Nonne simum ingessi sulcis? rigidumque novale  
 Runcarunt toto pastina trita die?  
 Redditaque aprico per nos est vinea soli,  
 Dum gravis umbrosis frundibus ulmus erat.  
 Infectum infelix, intentatumque reliqui  
 Nil, quo commissus fertilis esset ager.

*Successere tamen votis contraria nostris*

*Omnia: nescio quo est spes mihi fracta malo.*

*Quid coluisse juvat generosæ palmite vitem?*

*Si tantum omphacium botrus acerbus habet.*

*Si mihi nunc vacuo luget vindemia prælo:*

*Et mihi si nullo musta liquore fluunt.*

*Audiit Vpilio Ianus mala damna querentem:*

*Indignæ custos tunc quoque Ianus ovis.*

*Tu commune jugum mecum trahis, inquit: eosdem*

*Ad scopulos nobis fluctuat æta ratis.*

*Infelix positis lugendo vinitor armis,*

*Incumbens baculo tempus inane teris.*

*Heic tibi nil fructus, spe ne frustrare, relictum est:*

*Ex alio posthac commoda quare loco.*

*Longa quidem poterat fundum cultura feracem*

*Reddere, si fructum littoris alga ferat.*

*Electus fuerat palmes tibi nobilis, at quem*

*Degenerem fecit terra noverca loci.*

*Advena viniferos vitiat labruscaracemos:*

*Et peregrina tuos inficit uva cados.*

*Sudatum frustra satis est: perit irritus omnis*

*Qui labor in sterili cogit aratra solo.*

*Horam unam ante ipsam præstat resipiscere noctem,*

*Quàm damno integrum continuare diem.*

*Si fido ingrata est cultori vinea, quare*

*Majoris qui sit fertilitatis agrum.*

*Et mihi non æqui fulserunt sidera cæli,*

*Cum primum his hausi lumina luminibus.*

*Vita sed a primis gravior mihi tradita cunis,*

*Ad canos semper fluxit acerba pilos.*

Cultus erat mihi grex jam per duo lustra: nec unquā  
Me vidit vacuum festa labore dies.  
Non me grandinibus, non imbribus Eurus obortis,  
Non me nimboris terruit Auster aquis:  
Non lassum vidit sudanti Sirius æstu,  
Sicca Cleonæo dum sitis igne furit:  
Non qui frigus alunt borealia flamina venti,  
Non quæ Parrhasio nix venit orta polo:  
Sedula quin vigili stimulata industria cura,  
Proventum culti redderet officii.  
Pascua civilis quando infestabat Enyo,  
Vastabatque ardens Gallica rura furor:  
Cum mea turbarent infesti septa leones,  
Et premeret miserum creber ovile lupus:  
Tum trepidæ stabulis non ausa exire bidentes,  
Vrgentem, dixtis, fer bone pastor opem.  
Quot mihi sunt vigili traductæ lumine noctes?  
Fecit & invisos sollicitudo dies?  
Testor vos Vogesi nemora alta, atque invia lustra:  
Terror & ad Sarram, Parrhisisque metus.  
Et meministis adhuc, o conscia sidera: namque  
Ter ducibus vobis est repetita fuga.  
Senferunt nostros, Rhenusque Nicerque dolores:  
Quos lacrymis vidi condoluisse meis.  
Ad quorum ripas quarta est mihi cognita messis:  
Gramina dum felix me duce carpit ovis.  
Vidisti profugum Rhodani celer unda: meusque  
Est tibi per spectus, dure Lemanne, labor.  
Quid dicam, Euganeis fureret dum pestis in arvis?  
Dum bis mille simul sustulit una dies.

*Et dedit antiqua lacrymas Antennor ab urna,  
Medoacusque suas fletibus auxit aquas.  
Exhaustam ut Phrygiis viderunt civibus urbem,  
Quam constructam alio tunc voluere loco.  
Tunc quos non gemitus? quæ non suspiria fudi?  
Quæ non est votis ara oncrata meis?  
Ne funesta lues pavidum aggredieretur ovile,  
Et mihi commissæ præriperentur oves.  
Ut vos subtraherem crudelibus ipse periclis,  
Pro vobis visum est tunc mihi dulce mori.  
Patria me Venetis quamvis revocaret ab oris,  
Urbani munus grande datura pedi,  
Offerretque amplos magnus mihi Cæsar honores,  
Vos potui patriæ præposuisse mea.  
Nec Nymphæ me torsit amor, quæ propter amœnum  
Danubium docta gausapa pingit acu.  
Urget & ad thalamos reditum, assiduisque querelis,  
Et tristi longas increpat ore moras.  
Testis, qui sortem nactus, Boissarde, secundam es:  
Namque, ut me, studium te quoque torsit idem.  
O quoties nostros minuisti voce labores!  
Et dixti, tanto quid cruciari metu?  
Vota precesque tuæ divos tetigere faventes,  
Quorum dextra tuam protegit usque domum.  
Ad patriam, dum fata sinent, properabitis: & te  
Excipiet senii tempore amica quies.  
Prædixti mihi vera quidem: nam munere Divûm  
Redditus est patriis salvus uterque focis.  
Sed cur non votis respondent cætera? rebus  
In reliquis vates an mihi vanus eris?*

*Cæperunt albo canescere tempora crine:*

*Et caperat rigidam pendula ruga cutem:*

*Languescit gelidus circum præcordia sanguis,*

*Ætatisque mihi jam minitatur hyems.*

*Eia age, dicebam: longus labor otia poscit:*

*Emeritamque petit tarda senectus rudem:*

*Mulctra paranda mihi, & lento de vimine corbis,*

*Durato liquidum quæ exprimat orbe serum.*

*Vasæque formando quæ sunt aptata butyro,*

*Et quæ servando commoda lacte patent.*

*Lana dabit sagulum, caligas & bardocucullum.*

*Lenior his posthac bruma futura mihi est.*

*O cælum! longè hæc mentem sententia fallit:*

*Hem! nondum capti pellem ego vendo lupi.*

*De grege non vellus, lactisve coagula pressi,*

*Fructus ab ingrata nec mihi venit ovis.*

*Esse ego nunc primum progenerum ab Amazone crude*

*Agnosco nullum quod pecus uber habet.*

*At foret exiguum frustra sudasse tot annos:*

*Damna sed ex longa sedulitate fero.*

*Cornibus insultant ariesque, agnique petulci:*

*Atque suo gravior torva capella mare.*

*Discite pastores (nam vos manet exitus idem)*

*Amisero tristes upilione vices.*

*Ingratis nimum posthac ne fidite caulis:*

*Querite ab exemplo commoda vestra meo.*

*Nunc viget audaci robur juvenile lacerto:*

*Et cingunt nitidas florea sorta comas.*

*Hic cantat Satyros, alter meditatur Alexin,*

*Et quibus ornatur petra Pbillogilla genas.*



*Dulcia secura traducitis otia vita,  
 Dum vacuum curvis tempus inescat amor.  
 Vos, inquam moneo, restat dum integra facultas,  
 Dum vires animis, pectoribusque vigent:  
 Quarite quæ veniens paulo post exiget ætas,  
 Et quorum illabens indigus usus erit.  
 Succedunt flavis cani citò namque capillis,  
 Præcipitique ruit curva senectæ gradu.  
 Et quicumque nihil cumulat florente iuventa,  
 Aetatis meritò finibus esuriet.  
 Quique per æstatem nil vexit in horrea messis,  
 Illum bruma inopem jure inopina premet.  
 Serò sapit quisquis sublata scrinia gaza  
 Servat, & erepto claudit ovile grege.*

---

IN ANAGRAMMATA N.  
 REUSNERI LEORINI  
 I. V. Doctoris.

**P** Hæbada miramur solventem oracula Delphis,  
 Verba Deum sacro pandere de tripode.  
 Miramur Laio genitum, qui Sphingæ superbam  
 Præcipitem arguto reddidit ingenio.  
 Atque senem Pylum, gemino Prudentia sæclo  
 Cui non adversa est Pallade facta comes.  
 Sed valeant Delphi, atque aditis cortina reclusis,  
 Proponat Clarii mystica sensa Dei.  
 O Edipodemque suæ tollant ad sidera Thebæ,  
 Et sit prudenti Nestore clara Pylos.  
 Antiquis fama hæc vulget miracula libris,  
 Quæ priscis ad nos permeet historiis.

Nunc se nostra etas transactis conferat annis:

Vnde hec laudari sit potis inveniet.

Mille in promptu aderunt Musis & Apolline digni,

Quosque aequet divisi amula posteritas.

Inter quos, Reusnere, locum nisi jure priorum

Vsurpes, nulli tu hercle secundus eris.

Seu legum ambages juvet explanare, Solonem

Sancta suum credet rursus adesse Themis.

Sive chelyn docta tractes seu barbiton arte,

Orphea de dicet Calliopea suum.

Seu tu per varios formes anagrammata sensus,

Ardebit tibi mens enthea pectoribus.

Denique quicquid agas, tu cuncta favete Minerva

Perficies, & genio gratia juncta tuo est.

Euge igitur, Reusnere, tuos secutura labores

Fama tibi cinget frunde virente caput.

Est aliquid multis generis splendore preire.

Doctrina at majus nomen habere sua.

## IN EIVSDEM ICONAS.

**S**plendidius nihil est fama Virtute parata,  
Aut bello, aut culti dotibus ingenii.

Cui qui contulerit fortunę dona faventis,

Et quas illa solet tradere divitias:

Vilia componet caris, firmisque caduca:

Et solidi umbra illi corporis instar erit.

Nec bona sunt vocanda, quibus fors imperat: aut quę

Sunt dubia: aut tantum nomen inane gerunt.

Quęque suo intereunt cum possessore, nec illi

Ad verso veniunt tempore in auxilium.

*Sola suo virtus pro se ctatore laborat*

*Obscura Lethes flumina ne subeat.*

*Marmorei ereptum gravida de mole sepulchri*

*Inter honoratos collocat Indigetes.*

*Mortales tantum exuvias tellure recondit:*

*Nomen at insigni posteritate beat:*

*Vtens scriptorum calamis, qui pondera rebus*

*Reddere divino sunt soliti eloquio.*

*Inter quos primas delegat hac tibi partes,*

*Reusnere, & factum dia Minerva probat.*

*Addit se socium Phœbus, facilesque Camœnæ:*

*Peithoque, & terno numine firma Charis.*

*His ducibus nullos posthac moriture per annos*

*Aeternum scriptis aggredieris opus:*

*Aonia immortale decus Reusnere cohortis,*

*Hac debebantur munia nempe tibi.*

*Vt nostri caneres illustria nomina sæcli,*

*Spiranti vulgans vivida signa typo.*

*Elogiis quæ cuncta ornas, & honore decoro:*

*Sic facis ut tota hæc non Libitina ferat.*

*Defunctis vitam reddis, vitæque fruenter*

*Egregia prohibes sedulitate mori.*

*Sic tibi consultum est, aliis dum prospicis, estque*

*Communis quæ te gloria nobilitet.*

*Dum famam sollers alienam condis, eadem*

*Tuque tuum tollis nomen ad astra tuba.*

*Te simul & præsens, & postera noverit ætas:*

*Et tibi erit pulchra laude perennis honos.*

IANI IACOBI

BOISSARDI VESVN-  
TINI HENDICA-  
syllaborum.

LIBER PRIMVS.



## AD LECTOREM.

**S**I non displicuere, Lector, illa  
Quæ primis tibi lecta sunt libellis,  
Gratulor mihi. Amabo, quæ sequuntur  
Eadem patientia revolve: &  
Boni consule quæ rudis Thaleia  
Mandavit calamo minùs polito.

Laudem non nimiam peto: sat esse  
Ratus, paucula si probes: meosque  
Si non prorsus inutiles putabis  
Conatus. Lege ludicra otiosus:  
Teque his exhilara, & fave: meorum  
Sic fructum egregium feram laborum.

IANI



## I A N I I A C O B I

BOISSARDI VESVN-  
TINI H E N D E C A -  
syllaborum.

## L I B E R P R I M V S .

## A D S U U M L I B R U M .



*OSTRIS stulte liber referte nugis,  
Cur doctos Domini subire ocellos  
Contendis? gravioze qui implicatus  
Tenetur studio: nec his legendis*


*Serias sine occupationes  
Turbari. Daberis coquis, cucullus  
Ut fias piperisve capparise:  
Vel scombros lacerâ teges papyro.  
Dum licet, moneo, domi maneto:  
Nec te trade via periculose.*

*Stat sententia? te jurat videri?  
Et dextra populi subinde ferri?  
Tuis fratribus ut comes legaris  
Insulsis fatuis, ineruditis.*



*Sed quo vindice publicam ad coronam  
Audax pervenies? feresque nasum  
Tot censorum? adeone es obstinatus?  
Perfrictæque adeo libelle frontis?  
Exactam ut trutinæ ad bilancem  
Securus: miser, hinc & inde amusses  
Cum tuo quoties feres pudore!*

*Principis video in sinum volabis,  
Quo præstantior est fuitve, critve  
Nemo, nec melior benigniorve.  
Hunc ut Phœbus amat, novemque Musæ,  
Phœbum sic amat & novem Camænas.  
Tu patrocínio illius superbus,  
Livoris rabiem, malasque linguas  
Temnes. O sapienter institutum!  
In tuto omnia sunt: liber sapis, qui  
Principem tibi feceris patronum.*



AD ILLVSTRISSIMVM PO-  
TENTISSIMUMQUE  
Principem.

IOANNEM Comitem Palatinum Rheni, Du-  
cem Bavarix, Comitem in Veldens  
& Sponheim.

\*\*\*



ILLVSTRISSE  
Principum huius ævi,  
Cui largê Deus omnia ero-  
gavit  
Quæ vitam facere hanc quænt  
beatam :  
Vnquam si ille hominum ero-  
gavit ulli.

Felix conjugium, tori pudici  
Dulces pignora suaviora natos,  
Robur, nobilitatem, opes, honores,  
Ceras, stemmata, imaginesque avorum.  
Et (quam Principibus dedere rarò  
Prisca tempora, maximêque nostra  
Ætas rariùs) erudit ionem.

*Magnum est his titulus satum esse: sed tu  
 Illis querere nomen estimasti  
 Non tutum esse satis: nisi) ut paterni  
 Sceptri & certus opum es relictus hares)  
 Virtutem sequerere: quâ tuorum  
 Majorum aucta potentia est decusque.  
 Qua tuus genitor domi forisque  
 Effulsit venerandus: illiusque  
 Fama ad sidera vecta, dum superstes,  
 Et Djs amulus extitit, simulque hunc  
 Immanes furias, gravemque Erinny  
 Gallorum rigida manu domantem  
 Terris abstulit intulitque cælo.*

*Hunc non degeneri gradu secutus,  
 Colis justitiam bonus, Deoque  
 Divinos sine fraude reddi honores  
 Pius præcipis aequitatis auctor.  
 Quin ut barbariem procul repellas  
 Tuis finibus, arceasque longê,  
 (Quam ignorantia ceca parturit) te  
 Doctis associas, tuamque fulcis  
 Horum consiliis domum, docesque  
 Orbam luminibus vagamque vitam,  
 Musarum in scia qua venit: sit inde,  
 Ut non sat liqueat suum parentem  
 An natus superet, parensve natum.  
 Tuque hospes pietatis, atque clemens  
 Fauter Pierii chori vocaris,  
 Illustrissime Principum hujus ævi.*

AD ILLVSTRISSIMAM SE-  
SERENISSIMAMQUE PRINCIPEM  
Magdalenam Gueldriæ, Iuliæ, &c.

Ducem.

Illustrissimi Principis IOANNIS Com. Palat.  
Rheni, Ducis Baviariæ & Biponti vxorem.

*Electissima Principum Dearum,  
Sive Opis Superum parens, vel ipsa  
Magni uxor Iovis, aut virago Pallas,  
Sive tu es patiens Themis vocari:  
Herde tu Dea, Disque nata magnis.*

*Heros ille tuus parens, coruscum  
Gentis Iuliæ jubar, phalanges  
Fortium moderans Menapiorum,  
Tantum nobilitate, honoribusque,  
Tantum divitiis, potentiaque  
Principes reliquos (quibus reguntur  
Belgarum populi) preit, cupressi  
Quantum alta superant breves miricas.  
Quid mater tua? nonne clara Divis  
Stirps à Cesaribus sata est? Vocatur  
Ferdinandus avus tibi, Imperator  
Augusti diadematis coronam  
Tuus liquit Avunculus Rudolpho.*

*Sed quid hæc recito? Toro jugali  
Te junxit sibi magnus ille Ianus  
Bojorum geniale fidus: altos  
Qui magni titulos Parentis æquat.*

Imo in hoc superat, quod a Camœnis  
 Enutritus, Apollinis favore  
 Doctus ingenium artibus polivit:  
 Vtramvis pariter colens Minervam.

His tu dotibus & peculiaves  
 Addis & proprias, benignitatem,  
 Tutelam pietatis, atque mentis  
 Prudens consilium, elegantiamque  
 Formæ, quam cuperet suam Dione.

O Deum soboles! Dea ipsa! Divis  
 Quam junxit thalamis Hymen, marito  
 Vt Divos generes. Beatus ille  
 Qui tuas poterit sonare laudes  
 Digno carmine. Tu mihi, Minerva,  
 Et vos Pierides, favensque Apollo,  
 Hoc concedite munus. Hanc canamus,  
 Inflem seu graciles sedens avenas:  
 Seu clangore tubæ efferar superbus.  
 Si tu virque tuus, Marone digna  
 Heroïna, meos probetis ausus,  
 Vestrîs nominibus sacro Poëta  
 O quantam dabitîs beatitatem!

---

AD ILLVSTRISSIMVM PRIN-  
 CIPEM OTHONEM HENRICVM,  
 Ducem Brunsvigæ & Lune-  
 burgi.

**P** Rinceps inclyte, liberalitatis  
 Munus egregium tuæ recepi:  
 Munus conveniens meo patrôno,

*Munus*

*Munus conveniens tuo clienti.  
 Namque ut munera Principum aurea esse  
 Debent, sic quoque congruum poëtis.  
 Aurum est, aurea sæcla qui reducunt.*

*Sed quis Principe lautiora donet?  
 Cui Pluti gravior domi sit arca.*

*Aut cui fundere dona, quàm poëta,  
 Posset utiliùs? datum rependit  
 Qui cum scœnore: non rudi metallo,  
 Textis vestibus, unionibusve:*

*(Quæ pridem domui tuæ supersunt.)  
 Sed dat carmina posteris legenda,  
 Duratura futurum ad usque tempus.*

*Ergo Sardonychæ, nec in Sabai,  
 Natum littoribus maris pyropum  
 Expectato. dabit levis papyrus,  
 Quod lætus videas probeſque donum:  
 Versus nempe: canent genus celebre,  
 Quod Selenopolin regit potenti,  
 Brunſvigamque manu: nec inter altos  
 Poſtremus numeraberis parentes.*

*Tu gentis columnen tuæ decusque  
 Dicæris mihi: teque anus loquetur  
 Charta: te ſciet extitiſſe qui vis  
 Comem munificum, optimèque de illo  
 Boiſſardo meritum, ſuam dicavit  
 Qui vitam & ſtudium tibi patrono.*

*Nonne hæc dona magè æſtimanda nummis?*

**AD FABIANVM BVRGRA-**  
**vium & Baronem a Dhona Boruſſum.**



**N**onne in te fuerant reposta blandi  
 Veris tempora, lenis & Favoni  
 Aure? quæ placido solum tepore  
 Mulcebant, beneolentibusque terram  
 Pingebant violis, thymoque suaves  
 Pergratosque apibus dabant odores.  
 Nonne te hinc abeunte Phœbus ipse  
 Contraxit radios, suasque furva  
 Textit nube comas, malis rigentem  
 Exponens aquilonibus Lemannum?  
 Ergo lætitia ille destitutus  
 Slavata est tuus, & tui sodales  
 Mœrent assiduis domi querelis.

Sic, Dhongæ, rogo, fuit necesse  
 Hinc te solvere? ut omnibus relictis  
 In luctu, ora Borussidis puellæ  
 Basis premeres, toroque dulcem  
 Accires Hymenæon? euge faustis  
 Heros auspiciis, lares paternos  
 Expectatus adi, & citus revise  
 Commota aquora Balthicis procellis.

Felices reditus tibi precabor,  
 Et Nympha meritum tua favorem:  
 Et dignos studiis tuis honores:  
 Amoremque mei simul perennem.

---

AD MARCVM CLAVDIVM A  
 RYA BARONEM DICAËI  
 & Boclani.

**S**alve nobilium decus virorum,

Hujus

Hujus gloria sæculi, tuique  
 Læte flos generis, nec invidente  
 Quoquam. Magnanimus parens (relatus  
 Iam pridem ad Superos) queri & dolere  
 Iam senex poterat, nec absque caussa:  
 Quod patrocínio suo indigentem  
 Linqueret patriam, nisi æmulum te  
 Heredemque habuisset eminentis  
 Virtutis. Patrimonium expetendum,  
 Amplum, magnificum, tuisque quadrans  
 Moribusque animisque: quodque vincat  
 Lydi fluminis aureas arenas,  
 Et Cræsi rutila talenta gazæ.

At tantis opibus bonisque mentis,  
 Quibus proximus es Deis relatus,  
 Vnam addis propriam & peculiarem,  
 Hisce temporibus nec usitatam  
 Gratitudinem: Et hanc benignitate  
 Exornas, animique lenitate:  
 Quodq̃, adhuc puero biennio uno  
 Præceptor fuerim tibi, ut patrem me  
 Absentem redamas bonus, colisque,  
 Præstiti officii memor, jubesque  
 Non solum dominum, sed & futurum  
 Patronum mihi te æstimem atque amicum.

Gratias agere audeo: at referre  
 Dī velint merito. Clientem habebis  
 Me, dum vixero, gratum & obsequentem.  
 Nec me quisquam alio notabit unquam  
 Quàm Rya domino beatiorum,

AD MICHAELEM SLAVATAM  
BOHEMUM, BARONEM IN CHLUM  
& Cossamburg, quartana labo-  
rantem.

**F** Ebris noxia, qua dolore anhelò  
Slavatam crucias meum, dieq;  
Quarto semper ades, fuge: & repente  
Hinc te proripe: sic jubet. Fuge, inquam,  
Febris pessima, te nec huic molestam  
Præbe, non merito tuos rigores.

Veni, Phœbe salutifer, gravesque  
Æstus, perque vices gelu recurrens  
Mitiga: aridulis para labellis  
Dulces qui reprimant sitim liquores.  
Redde pallidalis genis ruborem  
Illum, quem rosa vere nata primo,  
Vel quem Sidonia cruore concha  
Tinctum præbet ebur: vel hunc amicis  
Talem restituas, puella qualem  
Mirata est Patavi, virente serto  
Impetens juvenem, frequente scenâ.  
Sed munus foret hoc tuum, Cupido.

---

AD FRANC. A VIENNA,  
Claudii Antonii Baronis Clerevantii, Co-  
petii, &c. filium:  
De gladio sibi dono misso.

**A** Nni principio & novis calendis,  
(Quæ solet xenium suis amicis

Quisli-

Quislibet dare & optimè precari)  
Transmittis gladium mihi caduco  
Imbellique seni, atque ad arma pridem  
Desueto. Tamen hoc, Vienna, dono  
Præceptorem oneras, jubesque missum  
Tuo nomine munus ut capeßsam.  
Tempori benè congruum est, mea sed  
Ætati minùs id potest quadrare.

Iamdudum emeritū, & gravè senectæ  
Donari rude me annuit Minerva:  
Signis imperioque me cruenti  
Gradivi eripui, feros tubarum  
Clangores, aciesque, plumbeasque  
Mixto sulfure grandines perosus,  
Nomen Pieriæ ut darem cohorti:  
Et lauro mihi jam favens Apollo  
Cœpit tempora cingere, & vocare  
Sacratos Heliconis ad recessus,  
Illic otia litterata nostros  
Mulcebunt animos quietiorè  
In vitæ melioris instituto.

Sed tu magnanimum patrem secutus,  
Ætas fervida dum calensque sanguis  
Robur suppeditant, tuorum avorum  
Virtutes imitare, gloriamque.  
Fortiterque viriliterque tela  
Sume pro patria: unde laus, honorque,  
Et nomen veniet tibi perenne.

Dum te prælia Martis occupabunt,  
Victricique manu hostium catervas

*Sternendo subiges, o vansque opimis  
 Onustus spoliis domum redibis  
 Gestorum seriem, & tuos labores,  
 Bellicasque canam expeditiones:  
 Quaque & quanta subiveris pericla,  
 Arguto referam notata plectro.  
 Tuam ad sidera summa uterque famam  
 Armis tu, calamis ego feremus.*

---

**AD GEDEONEM AVIEN-**  
**NA, CLAUDII ANTO.**  
 Filium.

**A**ntiqua radians ocelle gentis  
 Priscis edite regibus Vienna:  
 Ergo nostra tibi futura cura  
 Res est: ergo tibi tuus Iacobus  
 Nunc amabitur, & tui favoris  
 Sub umbra otia carpet & quietem  
 Præceptor tuus ille, cariorem  
 Qui te quondam habuit suis oculis.  
 Qui te præposuit suæ salutis:  
 Qui te plus patria, parentibusque,  
 Plus sororibus, unicoque fratre  
 Dilexit: Recolis memor bonusque  
 Ist hæc omnia, gratitudinisque  
 Reddis officium. Pij parentis  
 Clara progenies, quibus veham te  
 Cælo laudibus? optimè merenti  
 Quonam carmine gratias rependam?  
 Nunquam Pierii virens cacumen

Parnassi tetigi: nec ad canoros  
Conscendisse Heliconidum recessus  
Permissum est. Humilis mihi Camæna:  
Musa rustica barbiti jocosas  
Tantum sollicitat fides, agresti  
Gaudens harmonia sonare Faunos:  
Aut Palis placidum vocare numen:  
Aut si quæ tetrico minùs vagentur  
Præcepto riguis agris Napæas.

Sed si me tamen altiore metro  
Posthac instituat, pedemque grandi  
Subnixum Dea fulciat cothurno:  
Insurgam Aonio excitatus æstro,  
Et pugnanda tibi tuba sonante,  
Et pugnata tuo simul parenti.  
Canam prælia, & hostibus fugatis  
Signa crepta, minasque fabricarum,  
Propugnacula, turriumque moles.  
Æquatosque solo arcium pavores.

Præibit pater eminente sultus  
Gloria: caput huic virens obibit  
Laurus, & Tyrio decorus ostro  
Cum Gracis Latiiisque (quos vetusta  
Summis tempora laudibus coronant)  
Certabit meritis. Patri propinquus  
Et Virtute animoque par sequeris.  
Vestra encomia publico relatu  
Discet posteritas: erit beatus  
Sic natoque parens, parente natus.

At dum conveniens tuis volumen



Gestis prodeat, his meam Phalœcis  
Obligabo fidem: & fatebor uni  
Devotam domino tibi esse vitam.

AD IACOBVM SOLIACVM  
ASSARACVM.

**S**plendor Soliaca Iacobe gentis,  
Annos qui superas tuos sagaci  
Mentis consilio, scientiisque  
Queis jam pridem animum imbuis, probasque  
Nil tam difficile arduumve, quod non  
Possit assiduo labore vinci.

Legi & lecta iterum lubens relegi  
Dulci carmina dulciora melle,  
Suavi carmina dictitata Musa,  
Quę tu (dum sequeris feras per alta  
Catthorum nemora, & tuę Dianę  
Venator sociam facis Thaliam)  
Fudisti lepidis canora pleetris.

Te certę video bonę Camœna  
Amant, & meritò favent alumno.  
Ut cujus violas dedere cunis:  
Et parvo latices equi volantis  
Sugendos tribuere, Appolinisque  
Indulserē lyram: favore eodem  
Annis atque animis vigentem & auctum  
Prosequuntur habentque cariorem.

Hęc est nobilitas, Iacobe, vera:  
Qua majoribus & tuo parente

Dignum

Dignum te arguis, optimamque de te  
Spem præbes patriæ. Euge, & instituta  
Ne te pœniteat viq̃. Iuventa  
Exerce studiis, quibus beatam  
Possis ducere pulchro honore vitam.  
Ætas dum potis est tua erudiri,  
Præceptisque salubribus poliri,  
In doctis Sapientiæ viretis  
Flores sedulus artium atque fructus  
Excerpe, inque animi penu recunde.

Harum dives opum fugacis orbem  
Fortunę pedibus teres, & iras  
Contemnes placidè illius, metuque  
Securis posito notabis hircus.  
Et te, siue Lemovicum penates,  
Sive olim teneant lares amœni  
Dulces Assaraci, aut tua sequare  
Arma pro patria, tuoque Rege:  
Aut te exerceat illa trux Enyo,  
Gallis noxia quę fuit tot annis:  
Seu musæa suo avocent recessu:  
Vbi Castalium haurias liquorem,  
Et mel Pieridum favis receptum:  
Seu sacris operaberis litando,  
Panchæoque Deos odore plâces:  
Inter quaslibet occupationes,  
Domi militia exigasre vitam,  
Mille commoda senties laboris  
Suscepti prius, uberemque messem  
Leges ingenua eruditionis.

## AD PAVLVM MELISSVM.

**N**i te pectore amem, Melisse, toto,  
 Ni te gestem animo intimaque mente,  
 Ni te plus oculis, meaue vita  
 Diligamque colamque, Di faventes  
 Nunquam sint mihi, nec dies serenos  
 Detur cernere, gaudioque plenos.

Sic me (cum celeri essedo Grimontem  
 Venisses) subito tuo beasti  
 Adventu. Fateor, Melisse, verum:  
 Caligare mihi repente, viso  
 Te, cœpere oculi, & per ossa leni  
 Mixtus latitia dolor cucurrit.  
 Hæsit lingua palato, & ad salutem  
 Dicendam minùs expedita visa est.  
 Verborumque loco osculo frequente,  
 Et complexibus, & madente ocello  
 Tunc me prompta necessitas cœgit  
 Amicum excipere. O quater quaterque  
 Candido illa dies notanda signo,  
 Quæ me restituit mihi, integramque  
 Perquam tãdem animam meam recepi!

Tute testis es hunc mihi peractum  
 Iejuno esse diem, & sopore pulso  
 Nobis pervigilem fuisse noctem.  
 Et vix alloquiis benè absolutis  
 Auroram micuisse, equisque Phœbum  
 Citatis roseam tulisse lucem.

Quàm brevis tamen hæc fuit voluptas!  
 Quæ gradu instabili voluta fugit.

*Dum vix tempore bidui heic moraris:  
Fugit illa quidem brevis voluptas:  
Et longum ex abitu tuo dolorem,  
Et desiderium tui reliquit.*

*Vt messor, quoties furens anhelos  
Æstu Sirius ardor urit agros,  
Labellis inhiat siticulosis:  
Cui si guttulam aque scipho propines,  
Non illi satias erit bibendi,  
Sed duplo renovabis appetitum,  
Aridamque sitim magis movebis.  
Sic mihi accidit: ut tui videndi  
Mira me tenuit prius cupido:  
Adventu illa tuo aucta non minuta est.  
Nanque te heic benè biduo intueri  
Mens commota nequivit, atque dulci  
Tuo colloquio satis fruisce.  
Magna sed brevis hæc fuit voluptas:  
Quæ longum ex abitu tuo dolorem,  
Et desiderium tui reliquit.*

---

**A D I O A N N E M P O S T H I V M**  
**E L E C T O R I S P A L A T I N I**  
Archiatrum.

**S**ollertissime Hyantidum sororum  
Comes: Cui Charis & diserta Pitho  
Lavere ambrosiis labella succis:  
Phœbi abscondita sensa qui sagacis  
Habes pectoris intimo recessu:  
Qui fructus Sapientiæ reclusos

E penu locuplete mentis altæ  
 Promis in medium, docesque summi  
 Tecta arcana poli, abditasque rerum  
 Causas: utilibus notans papyris  
 Quæ natura parens bonisque in usua  
 Humani generis Deus creavit.  
 Quæ sic arte tenes, ut & Machaon,  
 Crethæoque satus, senexque Cœus,  
 Et vivum Androgeona qui parenti  
 Fertur restituisse, Thessalusque  
 Pelidæ juvenis catus magister  
 Palmam cedere non tibi recuset.

Nec tantum juvat in scientiarum  
 Abstrusis spatiarier viretis:  
 Ecce te melius lyram increpando  
 Nemo suavius exprimit canoras  
 Parnassi harmonias: melosque nemo  
 Perfectum ad numeros, & expolitum  
 Carmen te melius canit, nec ipse  
 Si certent Heliconia puella  
 Tecum, Castalidumque Apollo præses.

Sic, Posthi, audis ubique gratiosus,  
 Sincerusque poëta & eruditus.  
 Non solum ad patrii fluent a Mœni, aut  
 Quæ Suevis Nicer exiens ab oris  
 Pulchri docta Lycea Myrtilæti  
 Undis alluit, & tumente Rhenum  
 Pulsat gurgite: fama te ad Mosellam,  
 Dessubrimque meum Dubimque vexit.  
 Imo Gallia tota, & Italarum

*Musis dedita gens suum ante cunctos  
Posthūm meritò colitque amatque.*

*Quid ergo impedit, aut vetat meum inter  
Nomen millia ne meum reponam?  
Boissardumque tibi peculiari  
Iungam fœdere, dedicemque in avum.  
Quòd si me recipis, putesque dignum  
Tua amicitia, diem hunc quotannis  
Vt natalicium exigam celebrem:  
Qui me participem benè auspicatus  
Tanta reddiderit beatitatis.*

## IN NVPTIAS IACOBI PASCHA- RII MEDICI.

**I***Te versiculi mei minuti,  
Ite versiculi mei faceti,  
Ite suaviter, ite cantitando,  
Ite molliter, ite saltitando,  
Nunc dextro pede, nunc levem sinistro  
Gradum flectite, nunc tenete gressum.  
Atque imo modicè a solo levati,  
Libratum ad numeros rotate corpus.  
Nunc ultro atque citro pedes movete,  
Et volubilibus micate gyris.  
Sublataque manu & sequente voce  
Doctis cymbala motitata palmis,  
O Hymen Hymenæ cantitate,  
O Hymen Hymenæ personate.  
En Cupidines petitus havis,*



*En Cupidineis repente telus  
 Est Pascharius ictus, aureamque  
 Sub præcordia cuspidem recepit.  
 In te prompta quies, Hymen, relicta est:  
 In te certa salus, Hymen, reposta est.  
 Sis Hymen Hymenæe sublevator:  
 Sis Hymen Hymenæe liberator.*

*Paschari Aonidum decus sororum,  
 Magni delicia atque alumne Phœbi:  
 Cui sunt signa vagi viaque solus,  
 Et secreta cavi relecta cœli:  
 Qui quæ pharmaca vel juvare possunt  
 Vel nocere tenes, scientiamque,  
 Quæ Djs æmulus extitit Machaon,  
 (Sed non est patiens amor medela)  
 Vires graminis universi, & omne  
 Quod natura parens creasse visa est,  
 Arte Pæonia docente calles.  
 Ergo deposita severitate,  
 Et vitæ ratione durioris,  
 Cyprius puer ad jugum parentis  
 Perductum excipiet, suisque flammis  
 Perstringet tibi pectoris sub imo  
 Demulcens Citherea saucium cor.  
 Et te dulcis Hymen, Charisque blanda  
 Pudicæ thalamo asseret puella,  
 Susannæ thalamo asseret venusta.  
 Quæ non pulchrior illa olore quondam  
 Nata Tyndaris, aut amore cujus  
 Ardentes Lapiha toro mariti*

Prognatam Attraxe sustulere Nympham.  
 Qua non castior illa, quæ subinde  
 Funesta satiat a potione,  
 Exhaust cineres viri sepulti.  
 Qua non castior illa, quæ cruento  
 Pudicum feriendo pectus ense,  
 Vltæ est magnanima manu tyrannum.

O culti Idalio lepore crines!  
 O frontis decor integer serena!  
 O arcus ciliū utriusque! & oris  
 Rubens coralium, & rosa genarum!  
 O eburnea colla, lilioque  
 Tincti & candidulo sinus ligustro?  
 Sed quæ fulgura, quas vibrant sagittas  
 Coruscis radiis amati ocelli?  
 Ocelli illius alitis puelli  
 Turgidi ignibus, & sua Diones  
 Lucidi face, Gratiisque pleni.  
 Ocelli cupis usque suaviari  
 Quos quater deciesque centiesque:  
 Quos per millia basiationum  
 Optas sugere tot, polis quot astra  
 Lucent, quot ressecantur agro aristæ,  
 In Hybla quot apes, quot in profundo  
 Latent ostrea, & radiis amorem  
 Quot replevit amarior Cupido.

Euge versiculi mei minuti:  
 Euge versiculi mei faceti:  
 Festini properate saltitando, &  
 O Hymen Hymenæe cantitate,

O Hymen Hymenæe personate.

Paschari tibi siderum æquitate  
 Invidenda Deis bona hæc parantur.  
 Æternum illa dies canenda, quando  
 Genas virgineo rubore tincta,  
 Myrteamque comis gerens corollam,  
 Solvet thuricremas puella ad aras  
 Dona florea, cereaque tæda  
 Lustrati ambo: viro beata virgo  
 Et vir virgine sis beatus: ac tu  
 Benignorum ineas favore Divûm  
 Faustis auspiciis torum maritus.  
 At vos interea gradu citato  
 Iucundique, hilaresque, comptulique  
 Ite versiculi mei minuti,  
 Ite versiculi mei faceti,  
 Ite molliter, ite saltitando,  
 Ite suaviter, ite cantitando:  
 Castæ vincula nectæ Hymen puellæ:  
 Caro vincula nectæ Hymen marito:  
 Dulci vincula junctiora concha:  
 Suavi vincula duplicata nexu:  
 Sancto vincula copulata amore.  
 Nullo dissidio mala ve lingua,  
 Nullo dissoluenda vincla sine.

Hæc Hymen Hymenæe sacra esse:  
 Mansuetusque bonusque providusque  
 Sis per sæcula, Hymen, favens utrique.

AD DOMITIVM FAINVM  
 VERONENSEM.

Inscribi

**I**Nscribi cupis hoc mea volumen  
 Syngrapha, tibi testimonium quæ  
 Posthac exhibeat fidele amoris  
 Contracti. En cape syngrapham fidelis  
 Testimonium amoris omne in ævum  
 Duraturi: & in hoc nota libello  
 Devotum tibi pectus, atque vitam,  
 Et quicquid mihi Dî boni dederunt,  
 Cordis dimidium mei, Faine.  
 Nec te pœniteat fideli amore  
 Boissardum redamasse, qui te amavit  
 Prior. Cur ego non amem virum, qui  
 Me tam comiter, hospitâliterque  
 Excepit laribus suis, opesque  
 Liberaliter obtulit paternas?  
 Arte tristitiam levavit, & mî  
 Curas alloquiis suis ademit.

Vrbs Antennoris, optimè precabor  
 Tibi dum fuero superstes, & te  
 Tantis laudibus eveham, ut nec ipsam  
 Sera posteritas Vesuntionem  
 Præferri tibi sentiat, Dubisque  
 Ripis Hippolytum adjacens: scietque  
 Quantis dotibus auxeris Iacobum,  
 Quem tanto facias beatum amico.

## A D E V N D E M.

**H**ospes, quo meliorem habet, nec unquam  
 Verona est habitura: nec videre  
 Cui parem mihi contigit (nisi ipsum  
 Dicas Hammelium hospitâlitate

*Cum quovis animoque conferendum)*

*Quo precor tibi siderum favore,*

*Quove stamine texuere vitam*

*Concordes habili manu sorores?*

*Vt læsum hospitii infidelitate*

*Prioris, laribus tuis Iacobum*

*Libens excipias, juvesque partis*

*Illum divitiis, arcesque quantum*

*Germanum potis est amare frater.*

*Ingratus meritò queam videri,*

*Nî posthac tibi gratias rependam*

*Iusto munere gratitudinemque*

*Tester officiis habere apud me*

*Locum. Non fuerit dies, tui quæ*

*Boissardum immemorem notare possit:*

*Testatum quoque posteris relinquam,*

*Dilexisse aliquando me Fainum.*

## AD LAELIVM CLEOPASSVM HYDRUNTINUM.

*C*onsuetudine quòd mei Faini

*Vtar liberiùs libentiusq̃*

*Quàm multorum aliorum, id ægrius tu*

*Fers, ut autumo, Leli, & ante poni*

*Hunc tibi arguis: ex eo, quòd ad te*

*Rariùs veniam, licet vocatus.*

*Amicus mihi tuque es & Fainus:*

*Sed est nescio quid, quod astimari,*

*Quàm dici meliùs potest. Colendum*

*Te jubent*

Te jubent benefacta quæ ingeris: sic  
 Te mihi dominum facis. Fainum,  
 In quem consero quicquid est tua olim  
 Donatum mihi liberalitate,  
 Affectu parili, nec obligatus  
 (Tam carè mihi cùm sit emptus antè)  
 Amo jure habeoque cariorem.

## A D E V N D E M.

**A** Mico, Cleopasse, deprecanti  
 Si neges veniam obstinatus, esse  
 Te mihi dominum asseres superbè,  
 Non sodalicio atque amore junctum.  
 Boissardum potius mori quereris,  
 Et quasso statues sepulchra vita:  
 Luce sol priùs ignea exuetur,  
 Et luna radios suos negabit:  
 Concretos citius videbit amnes  
 Ardor Siviùs, & calente bruma  
 Antè pampinea sedens in umbra  
 Dulces vinitor auferet racemos:  
 Quàm partum meritis tuis amorem,  
 Ingratis violct Iacobus ausis:  
 Aut quam posthabitu alteri insolenter.  
 Perstringat petulans suis Camœnis.

Cùm nuper legeres mihi Fainum  
 Propter munera, quæ dedi merenti,  
 Et tanquam hoc precio esse cariorem,  
 Preponi tibi ne arbitrere: Carum est  
 Id carè quod emis, magisque carum  
 Quod tu cariùs obtinebis emptum.



*Scripti te dominum & simul colendum:  
 Me tibi ob benefacta dedicatum:  
 Excludi hinc amor haud potest, opinor.  
 Ut te iudice (nî jocere) versu  
 Charta audax temerario locuta est.*

## AD VETVRIVM LEONTIVM HYDRUNTINUM.

**N**on est congrua cuilibet, Leonti,  
 Laus: & qui meruere prædicari  
 Scriptorum calamis (iota binum aut  
 Quos ternum excipiet) tenacitate  
 Ingrata a studio avocant poëtas.  
 Phrygum reliquias vadis adaclas  
 Cycladum ingeniosus eruditæ  
 Auctor Franciados reliquit: & cur?  
 Damnavit steriles chelys lucernas.  
 Civiles gemini tubæ decenni  
 Sublimi pede Gallicum furorem  
 Cantassent: Solymi & modos poëta  
 Germano legeremus ore, avara  
 Nî avertisset utrumque dextra vatem.  
 Si vivat Macedo Imperator isto  
 Non lugeret Homerum abesse saclo.  
 Mæcenæ fuerit, suisque donet,  
 Quantum Vergilioque Horatioque,  
 Erunt Vergiliique Horatiique.  
 Huic adde & Venetum simul Senatū,  
 Qui tetra stichon ut relegit Acci

*Divini ingenii, dedit merenti  
Dono millia bis duo aureorum.*

*At nunc ridicula valete Musa:  
De spectas Heliconis itè ad undas.  
Vos fastidia nauscamque nostris  
Fertis temporibus: valete: namque  
Mercimonia fabuleque vestre  
Explosæ fatuo jacent popello.  
Nec, ut moris erat diebus illis,  
Cum Virtus habuit suos honores,  
Magnatum licitum est sedere mensis.  
Vnctis (dum pateat culina) posthac  
Vos coquis dabitis breves cucullos.*

*Vt laudabilium est relicta cura,  
Laudari quoque turpe judicatur.  
Castam Thaida qui asseret, movebit  
Risum Thaidi: nec ferus benignum  
Se dici Phalaris sinet: nec abs re:  
Nam mendacia cur repenset auro?*

*Vobis, Castalides, probè cavetur:  
Dum jubemini habere pura labra.  
Ne malum referatis hinc odorem,  
Ab his cimicibus manus tenete.*

## I N I N G R A T O S.

**D***Elirare aliquando me juvabat:  
Atque horum benefacta prædicare,  
Quorum munere sublevata egestas  
Est nunquam mea: liberalitatem  
Illorum neque senserim: nisi quam*

Nemo aut unius aestimaret assis.

At versa vice, me meisque abusi

Sunt semper studiis laboribusque.

Quicquid tempore sedula juventæ

Donis nobilium simul coëgi,

Antiqui aris & aureæ figura,

Nummorumque (quibus referta dives

Nobis arcula sæpius refulsit)

Subduci mihi sum volensque passus.

Dum fui locuples, superfuere que

Res donanda, superfuere amici,

Palpum qui injicerent, opesque ferrent.

Quis non obsecro prodigos amaret?

Laudabam quoque & aestimabam amicos,

(Tanta amentia pectori incubabat)

Qui meis spoliis onusti abibant.

Mecenasque mihi vocatus ille est

Gratus, splendidus, atque liberalis,

Qui cautè mea subtraherat. At nunc

Auxit judicium imminens senectus:

Tot dispendia me pudet tulisse:

Nostram dilapidasse pœnitet rem,

Et fucis mea mella contulisse.

Hami, retia, spongiæ trahaces,

Quæ furtim rapuistis, abstulistis,

Vorastisque mihi meos labores,

Mutuas neque quis vices rependit:

Vestris nominibus meas papyros

Fœdastis satis: hinc foras abite:

Æternùmque valete sanguisuga.

A D D O M I T I V M F A I N V M  
B A R D O L I N U M , P R O F I C I S -  
centem, ut uxorem duceret.

**I** Felix, abitum tuum, Faine,  
Di boni auspiciis bonis secudent.  
Tollat se viridi revinctus ulva  
Benacus, Titiamque Bardolina  
Natam conjuge conjugem nepoti  
Iungat. Tuque iterum tuis revertas  
Amicis, tenerę comes puella.

Nos festas Hymenaeon ad choreas,  
Nymphas & Venerem Cupidinemque  
Plaudentes hilari manu ciemus.  
Te mater Parisola anus sequetur,  
Cana tempora vincietque myrto.  
Et dicet bona verba, lucidaque  
Lustrabit face filium nurumque.  
Venturisque nepotibus superba,  
Sacra thura feret Deis acerra.  
Indignata Helene torum occupatum  
Lugebit: Dominam tamen verenti  
Colet servitio, tuum illiusque  
Vultum sollicitis notans ocellis.

I felix, abitum tuum, Faine,  
Di boni auspiciis bonis secudent.

A D B A S I L I V M C H A R O N -  
D A M E P I R O T A M .

**I**ntegerrimus omnium Italorum,

*Omnium lepidissimus virorum.  
 Optimusque sodalium meorum  
 Te noster, Basili, Fainus orat  
 Ad cœnam venias tibi paratam,  
 Timandraque: Aderunt simul vocati  
 Lentulus, Cleopassus, Æliaque  
 Nata Silvia, cum sua parente.*

*Nos ad Simplicii vireta Cai  
 Conducta vehimur phaselo, in urbem  
 Sub noctem redituri. Age ergo, teque  
 Expedi citò: navigationem  
 Urget aura secunda, remigumque  
 Manus. Scire velis quibus ciborum  
 Cœna lautitiis paretur? illis  
 Quas locus, dominusque, quasque rēpui  
 Admittit. Quia delicatiore  
 Es gula & tenerum est tibi palatum.  
 Erunt quæ moveant tibi salivam  
 Tenellis adipata farta pulpis.  
 Erit nectoreo liquore potus,  
 Melle dulcior & favis Hymetti:  
 Quem parum geminis bibes ocellis,  
 Et pressis simul hauries labellis.  
 Sed uxor tua tunc potest abesse:  
 Ne te sollicito misella vultu  
 Tam dulci notet ebrium meraco.*

AD TIMANDRAM RAPHA-  
 DEM ALBANAM.

Timan-

**T**Imandra o Veneris nitens ocellæ,  
 Molles diliciā alitis Dei, quæ  
 Quid vis blandiciis tui Charondæ  
 Cor flectis, dominum virumque solis  
 Nutibus moderando, ego & Fainus  
 Cœnam in Simplicii paramus hortis:  
 Vbi Medoaco adjacens viretum  
 Odorā recubantibus per herbam  
 Vmbras præbet amœnitate tanta,  
 Vt te iudice, si locum annotaris,  
 Præferri Elysiis queat rosetis.  
 Quæ vebamur eò simul, phaselus  
 In portu instruitur: morasne solus  
 Tuus vir faciet, meo recusans  
 Indulgere dieculam Faino?

Rue in basia, & implica lacertis  
 Omnium precibus recalcitrantem.  
 Hunc bis terque quaterque suaviare,  
 Quinquies deciesque centiesque,  
 Donec compuleris venire, sive  
 Id nolens faciat volensve: nolet  
 Non venisse, ubi viderit tot esse  
 Illum qui redament simul sodales  
 Atque heic imperio, minisque honestè  
 Vtère: in reliquis modestiam ille  
 Laudatumque silentium requirat.  
 Vim sibi fieri sinet: modò & tu,  
 Quæ riges, posita severitate,  
 Dum fictum misero exprobas amorem,  
 Paulo seriùs ad torum reuerso.



*Illius quoque vim feras libenter.*

## AD LAELIVM CLEOPASSVM.

**L**æli, juro tibi Deos Deasque  
 Terraque & maris & poli nitentis:  
 Iuro amicitiam tuam, meamque,  
 Et pectus tibi deditum Iacobi:  
 Nobiscum nisi naviges ad hortos.  
 Cai Simplicii, fore ut Fainus,  
 (Qui te plus oculis suis amat, quem  
 Amasti quoque plus tuis ocellis)  
 Si quando officium illis requiras  
 Flagitans, operam suam recuset.

Quæ, rogo, levitas tua est, sodali,  
 Cui paulo antè tuam fidem obligasti,  
 Diem dimidium negare? tantè  
 Tuum scilicet occupationes  
 Distringunt animum: quasi id lateret  
 Quod te detinet & vetat venire.

Si tanta est rigidi libido nervi:  
 Si tantum tribuis minis Maryca,  
 Ut vilis tibi simque ego & Fainus:  
 Ad cœnam ut renuas venire, nervus  
 Fascia tibi mollior madente  
 Sit, loroque remissior soluto.  
 Languida piger arguare vena:  
 Proditor thalami tui & Marica,  
 Irataque foris cubes amica.

## AD BASILIVM CHARONDAM.

*Larissa*

**L** Ariffa Basili lepos, Fainum  
 Qui vinclum retines, tenebricofis  
 Dum noctis medię vagatur horis,  
 Basio Hippolyta ut fruatur, arce  
 Liſtorum arcitenentium catervam:  
 Meum carcere libera ſodalem:  
 Aut ad Hippolytam remitte: velſi  
 Amanti invidas, ſuo Iacobo  
 Redde: Sic Raphais tibi favens ſit:  
 Sic conchas imitata, ſic columbas,  
 Preſſis oſcula det proterva labris:  
 Sic morſu tibi vellicet comantes  
 Myſtaxis rutila pilos, notaſque  
 Collo dentibus imprimat cruentas.  
 Et tu, cui dolor acris, & voluptas  
 Riſumque & lacrymas ſimul movebit,  
 Dura verbera dum ſeres puella,  
 Diſce quanta neceſſitas amantes  
 Invitos etiam incitet: Fainoque  
 Indulgeto aliquid, tenebricofis  
 Dum noctis medię vagatur horis,  
 Basio Hippolyta ut ſrui potis ſit.

A D R V T I L I V M S A R A V E -  
 S A M V E N E T U M. I. C.

**V** Rbis Euganea & ſacri Senatûs  
 Lecteſſos Saraveſa, cui reorum  
 Pro patrociniis bona, atque vitam  
 Dulce eſt fundere: qui ſeveritatem

*Legum corrigis, & benignitate  
Mitigas rigidam necessitatem:*

*In te heri potuit meus Fainus  
Quid committere? cur pati repulsam  
Apud te mereatur. Id reposcit  
Non quod crimine perdidit, sed ipso  
Juventa vitio. Sua puella  
Furva nocte torum petens, nec ulli  
Dum est injurius (ut levi est juventus  
Oestro percita amoris) ense nudo  
Dum solusque vagatur, in cohortem  
Incurrit vigilum, quibus Charondas  
Præst: hos gladio (arbitratus esse  
Rivales) premit, urget, instat, omni  
Conatu insequitur, ruitque punctim  
Ac casum feriens cruentus. ic̃ti  
Tres sunt per tenebras (amor coëgit  
Certum est) quò malè suada sæpe amantes  
Non pellis cupidos Venusque noxque?*

*Et jam creber ad arma ad arma clamor  
Implerat fora: jam gradu citato  
Turmatim excubia, quibus tuendi  
Data est cura palatii, advolarant:  
Et denso agmine cinxerant Fainum,  
Virtuti nimium innocentiaque  
Fidentem, & valide manus vigori.  
Abinstantibus apprehensus, armis  
Privatus clipeique cassidisque  
Est munimine. At est domum remissus  
Paulo post. (Quid enim mea Charondas*

Caussa non faceret? tamen tenéri  
 Armorum mala restitutioni  
 Se negat vigilum cohors. Tuam nos  
 Imploramus opem: & boni sodales,  
 Quos per Medoaci fluentia nuper  
 Cymba te comite adviveta Cai  
 Vexit: dum gremio tuo recumbens  
 Barbiti increpuit canora fila  
 Pulchra Livia pulchrior Dione.  
 Tunc suspiria crebra, tunc genarum  
 Inconstans rubor, & micans ocelli  
 Fulgor, prodidit intimis medullis  
 Arcanam Veneris latère flammam,  
 Qua te affirmet habere comitate  
 Cultra pectora: teque posse amantum,  
 Dum est equum, misceri, opemq; pressis  
 Ferre. Quòd si ego, pro ut merere, dudū  
 Te colo coluique, si sagittę  
 Te fixere Cupidis, jugumque  
 Si commune tulisse non negabis:  
 Nec peccasse fateberis Charondam,  
 Liberum mihi qui mecum Fainum  
 Volens restituit, precesque apud te  
 Si quid ponderis obtinere possunt.  
 Huic ablata jubebis arma reddi.

## A D B A S I L I V M

Charondam.

**N**onne fata quibus fui creatus,  
 Et sortem, Basili, meam execrabor:  
 Quòd nec consilio, nec arte possim

L

Fortunę effugere impetum ruentis?  
 Quod ego cupio mihi cavere  
 Circumspectius, hoc magis magisque  
 Damnorum miser obruor caterva.  
 Neu quid deesse hodie meo dolori  
 Possis credere : quorum ego innocens sum  
 Pœna in me luitur: Tuo Fainus  
 Quod est munere liber, obligatus  
 Ero in perpetuum tibi: Sed adde  
 Nunc novam veteri obligationem.

Arma poscimus, imperato reddi.  
 Consentit Saravesa, & id quidem ultro:  
 Solo in te posita ipsa difficultas.  
 Loricam & clipeum mea esse nemo  
 Ibit inficias: dabône pœnas  
 Quas non promerui? Reo remissa  
 Culpa, cur ego plus nocente plector?

His sum sideribus satus, Charonda,  
 Ut si concidat ultimis in Indis  
 Compages laceri soluta cœli,  
 Obortæ feriet (licet procul sim)  
 Caput pars aliqua hoc meum ruina.

ADRIANO VALERINO VERONENSI, Zelotyporum Comœdo.

V Erona decus Adriane, cujus  
 Manat ore lepos, Hymettiisque  
 Delibuta favis loquela: cujus  
 Bino lumine fulminat corusca

Blandum

Blandum nescioquid tener sagitta  
 Natus Cypridis: Eloquentiam illam  
 Tersam, mellifluam, gravem, disertam  
 Tui carminis annotavi, & acris  
 Abstrusam ingenii eruditionem.  
 Vidi scripta tua exarata dextra,  
 Quibus vincis Apollinis sequaces,  
 Et quoscunq; novem amulos sororum;  
 Et quò sæpius hæc mihi leguntur,  
 Sæpius relegi volunt, suoque  
 Sunt grata eloquio magis magisque.  
 Et suadent posito tuas pudore  
 Rursum sollicitem occupationes.

Rescribe, obsecro, flagitanti amico  
 Quod nuper tibi contigit, relato  
 Ad convexa nitentium polorum  
 Sidera: optio dum esset eligendi  
 Munus a Supero Tonante, quando  
 Iovis fulmen, & ægidem Minerva,  
 Sævum cærulei senis tridentem,  
 Et Ditis Stygii severa tela  
 Contempsti, frameamq; Martis, & quã  
 Vibrat Cynthia lanceam, quibusque  
 Quoddã usus temere est patris quadrigas  
 Infelix Phaëthon: sed his repulsis  
 Consultò, pueri alitis pharetra,  
 A que arcus placuit, facesque: quarum  
 Certa adjutus ope, furcens amantum  
 Virus pectore, & intimis medullis  
 Grassantem ipse retunderes furorem.



Da, quaeso, brevibus notata chartis,  
 Si quorum memor est adhuc tibi mens.  
 Sic Maiâ genitus tuos secundet  
 Conatus: tua sic labella Pitho  
 Facunda obsideat, foro frequente  
 Ut plausu populi omnium favorem,  
 Et laudes mereare. Silvia sic  
 Sacratu tibi sit decor: nec unquam  
 Cari destituat latus mariti.

AD PHILIPPAM LAZAEAM  
 Polanam Illyricam.

**A**More, fateor, Philippa, amo te:  
 Imo depereo impotente amore:  
 Tot tantisque animi bonis amandam:  
 Tot virtutibus usque perpolitam:  
 Tantis denique dotibus celebrem, ut  
 Qui te non amet, omnium astimari  
 Virtutum valeat profanus hostis.

Et pronum mihi pectus esse suavit  
 In doctæ ingenuum puellæ amorem.  
 Sic me Fulvia non lepore formæ,  
 Non astris oculi micantibus, nec  
 Comarum nitido subegit auro:  
 Sed quod Aonii perita plethri,  
 Suavi carmine barbiton canoram.  
 Doceret resonare: voce eandem  
 Concordi harmoniam exprimens manuque.  
 Fastidire viros soles, Philippa:

Et Cupidineum alitem Cyprimque.  
 Quorum numina pernegas: facesque  
 Audes temnere vel Deis timendas.  
 Sed fiet, video, aurea ut sagittâ  
 Furas saucia, amans tuum Iacobum.  
 Tuam dissimulans superbiam qui,  
 Tot post basia, quot polus relucet  
 Astra, te subigat, suisque pressam  
 Loris vinciat, offeratque captam  
 Contemptis Veneri Cupidinique.

A D F A B I V M T A E N I A M  
 S A L E R N I T A N U M.

**F**Abi, omni officio mihi colende,  
 Sed monende tamen tuo sodali:  
 Si jus hoc tribuis mihi, nec agrê.  
 Ereptum tibi doctum & eruditum  
 Natum funere dum doles, paternam  
 Tu mentem geris, at parùm virilem;  
 Dum accusas Superos, levisque Fati  
 Mæstus iudicium vocas iniquum.

Fuit filius & tuo & bonorum,  
 Dum vixit, studio atque amore dignus,  
 Ob dotes animi. Sed ut statutum  
 Mori est omnibus, illud in iuventâ,  
 Sive decrepita accidat senectâ,  
 Nil refert. Sapientis est Deorum  
 Subjici arbitrio, & pati libenter  
 Cuivis propositam necessitatem.

*Vita curriculum breve est: sed illa ad  
 Vivendum benè sat superque longa.  
 Nec mori est grave, sed bonum expetendum  
 Bono est: nî patria aut pii parentes,  
 Amicive operam tuam requirant:  
 Quæ post funera inutilis futura est,  
 In vita hac sumus hospites, iterque  
 Nobis difficile & labore plenum  
 Tot sudoribus antè metiendum  
 Quàm cœlis capiamur! est paterna  
 Vbi æterna domus quiesque parata.  
 Ad quam non nisi morte venit ullus.*

*Hi soli metuant mori, Deos qui  
 Curam habere hominum negant, suam sed  
 In vita hac statuunt beatitatem.  
 Mors nos liberat a malis: labores  
 Tollit: & bona dat bonis fruenda.*

*Defunctos lacrymis sequi, pium atque  
 Humanum puto, dum modum doloris  
 (Ignotum mulierculis) sequamur.*

MARCO FOSCARINO PRAE-  
 TORI PATAVINO.

*S**Vpplex hospes & indigus, tuosque  
 Ad pedes ego provolutus adsum,  
 Lumen Adriaci micans Senatus,  
 Fautor justiciæ integer, sacrarum  
 Tutor optime Foscarine legum.  
 Vita subsidium meæ crumenam*

Quinquaginta gravem aureis, & ultra  
Subtraxit mulier dolosa, cujus  
Receptus fueram domo: negatque  
Pertinaciter omnia: & superbit  
Certis fulta sodalibus viroque:  
Ad quos pars rediisse magna tanti  
Furti credibile est. Probare factum  
Coram iudice me jubet: minasque  
Miscet nescio quas: daturam ait se  
Per suos operam, ut mihi ista lis sit  
Magni caussa mali, necisque, si sic  
Opus sit fieri: equitate facta hæc  
Librata trutinentur omnia, oro.  
Et patrocinium meum, benigne  
Prætor, suscipe. Posco nil iniquum:  
Ereptum repeto sacrum tribunal  
Amplexus. Quid opus probationum  
Tot ambagibus? Hospitẽ est protervũ  
Tot forensibus implicare technis.  
Unicuique quod est suum dare, illud  
Opus justicię est. Age ergo, tuque  
Qui sis esto memor: locumque, quo tu  
Sedes, adspice. Sanctus en Senatus  
Hospitum inviolata jura mandat  
Esse, præcipuẽ Scholasticorum.  
Qui dum Maonidum occupant sororum  
Recessus, nequeunt vacare tectis  
Malorum insidiis. Dei tibi dent  
Prudens consilium: ut scelestæ tandem  
Correcto pateat rapina furto.

*Nec tulisse querar domum reversus  
Tanta iudice damna Foscarino.*

## AD LAELIVM CLEOPASSVM.

**A**H quanto satius fuit priorem  
Fortunam tolerare, quàm secundã  
Post tot tadia rebus experiri  
Submersis? Spoliatus ecce nummis  
(Quos furto abstulit illa anus nefando)  
Nunc gemo assiduus dolens querelis.  
Coram iudicibus peracta res est.  
Factum constat, ut esse clara verum  
Conjectura probat. Tamen quid ad me  
Nunc redisse putas? ad illa quinque &  
Quinquaginta dolosè adempta, junxi  
Rursum bis tria quæ superfuerunt.  
Merces hæc hodie data advocatis,  
Ut sint certius illa adempta nobis

## IN PHILAVTVM.

**Q**uàm felix potis es, Philaute, dicil  
Qui mysanthropos undique estimaris.  
Seu domi lateas, forove solus  
Erres: dicere nemini salutem  
Soles: nemo solet tibi salutem.  
Precari. Tibi non cupis sodalem?  
Nemo vult fieri tibi sodalis.  
Securum hac ratione ducis ævuum!  
Rivali sine dum te amas, Philaute.

A D A L A R D V M Q V I N T V -  
L U M N A R N I E N S E M . I . C .

**N** Vlla injuria non gravis videtur  
Cordato: intolerabilis sed est, quæ  
Prætextu pietatis atque honesti  
Viro illata bono est & innocenti.

Virtute, & meritis, modestiaque  
Fers indigna, tibi calumniator  
Notam dum malus ille virulenta  
Lingua inurere nuper ausus est: sed  
Non miror fieri id: peculiaris  
Doctorum populi tyrannis hæc est:  
Quorum incendere plumbea ira pectus  
Implacabile felle viperino  
Assuevit, quoties hypocrisis horum  
Non probaveris, aut quod hi patrarint  
Obliquis facinus notaris hircus.  
Deum protinus impudenter armant:  
Tanquam flagitiis Deus patronum  
His se præbeat: & manu corusca  
Horum ad imperium minax trifulca  
Vibret fulmina: Tartaroque ab imo  
Evocet Furias in ultionem,  
Quorum sacrilegis nocenter ausis  
Et fama opprimitur palam atque vita.  
Monstra hæc ambitionis & superbi  
Fastus, religionis & sacrorum  
(Quæ bonis pietas colenda mandat)  
Abusi titulis, simul profanant



*Divorumque hominumque jura: & aptant  
Hac affectibus & suo furori.*

*Nulla justiciæ videtur esse  
Savior capitaliorve pestis  
His, qui perniciem alteri struendo,  
Dum sunt, Quintule, maximè nocentes,  
Tam cautè tamen hoc gerunt, aguntque  
Vasfrè, ut inde viri boni æstimentur.*

AD PETRVM FRIDE-  
RUM MINDANUM.

**Q***ui larvam pietatis induit, qui  
Vivit a populo stipe erogata,  
Pauperumque avidè vorat labores:  
Nunc cum conjuge glubit otiosa,  
Ut ignavus inutilisque fucus,  
Apum dulce penu, omniumque in unum  
Corrasis opibus libidinatur:  
Qui post vina solet meridiari, &  
Plumis stertere molliter volutus:  
Indulgens genio domi, forisque,  
Se fingit Curio severiorem.  
Hesternis stomacho cibus gravato  
Mane pallet adhuc, saturque pleno  
Nunc jejunia ventre laudat: hujus  
Censura benè res geri necesse est:  
Atque restitui probè eius olim  
Corruptos imitatione mores.*

*Sugillat tamen illem ebonus vir,*

*Quòd*

Quòd privatus agam, procul remotus  
 Ab omni ambitione, quòd peculi  
 Contentus modici bonis, beata  
 Cum amicis paribus si uar quiete.  
 Cum queis otia litterata sector,  
 Frondosa recubans modò sub umbra,  
 Vatum carmina sacra lectitando,  
 Scita aut Philosophùm vetustiorum:  
 Modò in margine rivuli sonantis,  
 A scripti meditatione versûs,  
 Somnos murmure capto glarearum,  
 Quas crispo rotat unda mota fluctu.  
 Si laxare animum velim his relictis,  
 Atque subtrahere hunc iuvet labori:  
 Tunc fornacibus excoquo metalla,  
 Vividasque hominum typis figuras  
 Aut docto exprimo cuncta penicillo.

Tractantem ista, Frideric, censor ille  
 Curis me vacuum vocat, poëtam  
 Nugis implicitum & voluptuosum.  
 (Nam nil cōfero quod suem hunc saginet)  
 Nempe hæc est ea quam sequor voluptas:  
 Atque hoc iudice sum reus futurus.

## I N F V S C V M.

B Occaci, tuus ille frater, ille  
 Capelletus, honore quem deorum  
 (Impostoris hypocrisis haud videnda)  
 Tollit Divio ad astra, & æquat illi  
 Qui virtutibus atque sanctitate

*Vita sunt celebres: & æstimantur  
 Digni inter numerarier beatos.  
 Ille, inquam, veterator, & dolorum  
 Structor ingeniosus, huc magistro  
 Misit discipulum peritiorem.  
 Fuscum scilicet illum ineruditum,  
 Qui centonibus undequaque raptis,  
 Cantādum Arcadibus libellum a fellis,  
 Et cacantibus, edidit legendum.*

*Is mala ut valet, & loquace lingua,  
 Felle dum labra tincta viperino  
 Solvit, prob Superi, quot atque quantis  
 Fama fluctibus æstuat bonorum?  
 Quem non invidia, & malignitate  
 Proscindit? laniatque clamculum, quos  
 Coram sacrilego putes amicos.*

*Illi semper in ore charitas, &  
 Iura amicitie colenda rectis.  
 Illi iusticia æquitasque verbis  
 Summis laudibus evehuntur: hasque  
 Inculcat populo, quibus latenter  
 Tercentum artibus adstruit ruinam.*

*At docet tamen, instruitque plebem:  
 Suggestum occupat, intonatque quātis  
 Malos suppliciis fatigat Orcus.  
 Impudens balatro, Iovem latere hæc  
 Impostura nequit. Lucretiam cur,  
 Thais, virginibus canis sequendam?  
 Si te adhuc olidum tenet lupanar.  
 Impudentia sed tibi ista Virtus*

*Est: nam flagitii omnis atque culpe  
 Pallorem eluit, & retat rubre  
 Deprensam in scelere, atque veritatis  
 Morosam cohibet severitatem.  
 Perfriētē juvat esse nempe frontis.*

## AD PHILIPPAM LAZAEAM POLANAM.

**D**Octa es non modiocriter, Philippa:  
 Scribis & loqueris Latinē: & arte  
 Condidermina non inelegante.  
 Sed cum me vocites tuum magistrum,  
 Censoremque operum velis tuorum,  
 Es, sed cum venia, mihi monenda.

*Vsurpare diastolen licenter,  
 Non parvo vitio datur poëta.  
 Docemur leporem a lepore longē  
 Differre, & decus a decore: nullum  
 Discrimen facere in quibus videris.  
 Syllabis suus est modus: sed ipsa  
 Produētis, video, ūteris libenter.  
 Nunquam deficient tibi pedales.*

## PALINODIA.

### AD EANDEM.

**P**Eccavi, fateor: quis hoc negaret?  
 Dum stulta levitate doctiorem  
 Me multo reprehenderem puellam.

*Summum dedecus omnium troporum  
 Execranda diastole, negetur  
 Inter Grammaticas tibi figuras  
 Locus. Cur mihi nuper abstulisti  
 Meum cor, animam meam, meosque  
 Ocellos? scelerata, Dj Deęque  
 Perdant te simul, & mihi Philippam  
 Reddant. O mea lux Philippa, parce  
 Bile offendere luminum nitorem,  
 Atque illos radios, quibus corusca  
 Cęli sidera vincis: o amabo,  
 Ignosce immeritis tuis labellis:  
 Quę nunc coralii sui ruborem  
 Mutarunt in ebur: tuas amaro  
 Ne perstringe, precor, genas veneno.  
 Placetur mala bilis illa, quę te  
 Infestam mihi reddit: atque Iambum  
 In me scribito. Finge me, licebit,  
 Furem, sacrilegum, impium, latronem:  
 Feram qualibet: imo mę labella  
 Conteri patiar tuis labellis.*

## PALINODIA ALTERA.

### AD EANDEM.

*Q*uid feci miser? heu: scelus patravi,  
 Cur offensa magis gemas? Philippa:  
 Scriptis en ego publicis recanto,  
 Quę prius malę dixeram, pedalem  
 Aversor modò syllabam, & rigere

Quod

*Quod non nolle aliquando te jocabar.*

*Quid ultra, mea lux, rogas? quid ultra  
Vis me dicere? Qualibet fatchor,  
Agam, perpetiar, modò serena  
Me fronte excipias, minasque vultûs  
Exuas. Age, corculum: remitte  
Iram istam, placidoque cede amorì.  
Si mortem mereor, feram ipse mortem.  
Sed non sit mihi carnifex molestus:  
Lasi te, anima mea le vamen:  
Tu tu me crucia, tuisque pressum  
Exbalare animam jubeto labris.*

## A D E A N D E M.

**R** *Isit, o Superi, meo Philippa  
Lectò carmine: visit, & remisit  
Iram illam sceleratam, & hunc furorem,  
Ad suspendia qui quasi redegit  
Me nuper: rediit color genarum,  
Fulgor luminis, & rubor labelli.*

*Vocas me? propero citò, Philippa:  
Alas præstat amor. Iube: adsum: at adsû:  
Quid me vis, mea lux? Quid est tibi quod  
Præstari cupis? ad tuos paratus  
Nutus ad volo: seu mori velis me,  
Sive vivere, præsto ero. Negetur  
Boissardo prius illa vita, quam tu  
Illì restituis, jubarque solis  
Nunquam conspiciat, nisi unicam te  
Colat, te redamet, tibi que soli*



*Vsque ad funera serviat libenter.  
Sed quid funera dico? pectus istud  
Immortalis amor meum subivit:  
Servum in perpetuum me habebis avum.*

DE LIVIA, VETURII  
Leontii filia.

**D***ulce suaviolum patris, Veturi,  
Molles deliciae tuę parentis:  
Consolatio, mensque, corculumque,  
Optatumque avia atque avi levamen:  
Compta, bellula, delicata, alumna  
Pulchre, Livia, pulchrior Diones:  
Pulchra, Livia, pulchrior columba:  
Suavi, Livia, suavior lepore:  
Beatura simul tuos parentes,  
Avumque, atq; aviam, domumq; totam.*

*Cunas alma Venus tuas coronat:  
Coronant Charites Cupidinesque  
Ligustrisque, rosisque, liliisque:  
Et dicunt bona verba, suaviantes  
Pectus lacteolum, osculum, genasque.*

*Cur mulces teneros puellę ocellos,  
O amor scelerate? in his sagittas  
Ludendo pharetrę tuę recondens.  
O quot hinc juvenum futura posthac  
Corda saucia sunt! quot hinc volabunt  
Pasturi igne suo intimas medullas  
Ardentes radii, levesque flammæ!*

*Cresce sideribus benè auspicatis  
 Selectissime flos puellularum.  
 Cresce fœminei futura sexûs  
 Lux, jubarque, decusque, lausque, bonosque.  
 Cresce bellula, cresce delicata:  
 Cresce delicię Deûm atque alumna:  
 Blanda Livia blandior columbâ:  
 Suavi Livia suavior lepore:  
 Cura Cypridis alitisque nati,  
 Et trium Charitum: futura posthac  
 Parentumque & avi, & domûs levamen.*

---

**AD FRANCVM APOLLO-**  
**DORUM PICTOREM**  
 Venetum.

**S**ic te Dique Deæque, Apollodore,  
 Servent: sic tibi sit beata vita:  
 Fama sic tua, sic honos redundet,  
 Quâ pictis Hyperionem videmus  
 Ab Indis jubar, & facis corusca  
 Ignem tollere: & a plagis Eois  
 Longo tramite porrigatur usque  
 Ad Gades Zephyrumque, ubi peracto  
 Tandem curriculo cadens anhelos  
 Phœbus mergit equos, subitque salse  
 Stagna Doridis hospitæque Tethys.  
 Sic nomen tibi pullulet perenne,  
 Quâ sarraca piger movet Bootes:  
 Vicinisque polo refulget astris  
 Tarda Manalis: atque id augeatur,  
 M

Favorem glomeretque, donec imos  
 Paulatim antipodas, solumque flammis  
 Subiectum Amonię prehendat Argus,  
 Et Pelusiaci globum Canopi.

Sic te plausibus crebant Camœna  
 Quid vivos mihi Lælium & Fainum,  
 Et vivum mihi Paxium dedisti,  
 Tres partes animæ meæ, meaque  
 Mentis vincula: qui tuo fatentur  
 Munere esse superstites, diemque  
 Per te cernere, quique pollicentur  
 Testes se fore diligentis, atque  
 Pulchræ sedulitatis, heic & usque ad  
 Gallorum populos, tuasque laudes  
 Narrabunt memores, tuosque honores:  
 Quæ piscosa Dubis fluenta parvum  
 Dessubrim excipiunt: ubi paternis  
 Coniuncti Laribus, mihi colentur  
 Posthac. Nonne vides tibi ut renident  
 Spiranti in tabula? ut labella motu  
 Diducunt modico! ut meros amores  
 Blando lumine fulminant ocellis?

Cedant o tibi Zeuxidis labores:  
 Cedant Mentoris & Myronis artes:  
 Et Coi faciles manus Magistræ.  
 Te longè melior tulit Minerva.  
 Te longè auspicio potentiore  
 Mundo secula nostra suscitavunt:  
 Ut dextrâ artificis tui beares  
 Boissardum, & lepidis tuis tabellis.

*Sic te Dique Deaque, Apollodore,  
 Servent, sit tibi sic honos perennis:  
 Quòd vivos mihi Laliùm & Fainum,  
 Et vivum mihi Paxium tabellis  
 Tres partes anima mea dedisti.*

**A D N I C O L A V M C L E M E N -  
 T E M M O N A C H U M L u -  
 x o v i e n s e m .**

**M***Vsa ignoscite falsa suspicanti:  
 Musæ ignoscite perparam locuto:  
 Et tu Patria, quam nimis severam  
 Scripsi olim immerito fuisse alumno.  
 Quòd mihi veteres meos sodales,  
 Quòd mihi veteres meos amicos  
 Externis regionibus vaganti  
 Ausa es subripere, & negare eorum  
 Quasitam meritis fidelitatem.  
 Nostro ignosce dolori, & ulceratum  
 Ne tractes animum nimis severè.  
 Ex centum mihi qui fuerunt amici,  
 Vix unus superest, duove, quique  
 Nostram amicitiam volunt taceri,  
 Ævo consona turba tortuoso.*

*Iactura hac levis est, eritque semper,  
 Dum Clemens superest, suoque servat  
 Constanti studio fidem Iacobo.  
 Clemens Luxoviâ colens in urbe  
 Sacratos Heliconidum recessus:  
 Clemens condere doctus elegantes,*

*Dignosque Aoniâ modos Thaliâ.  
 Doctus plectra movere, barbitique  
 Fides sua visionis sequi labellis.  
 Clemens cui puero dedêre amicum  
 Me quondam puerum bonę Camœnę.  
 Quem non viderat ille quinque lustris,  
 Agnovit tamen ex loquelâ: & inquit.  
 Boissardum hac mihi prodidere verba.  
 Amplexusque petens: Have, o mei pars  
 Cordis intima, non mihi tot annis  
 Conspecte, at memori reposite mente.*

*Musæ ignoscite perperam locuto:  
 Musæ ignoscite falsa suspicanti:  
 Et tu, Patria, quam nimis se reverē  
 Dixi olim mihi sustulisse amicos.  
 Non illi mihi non fuere amici:  
 Non res, sed numerus fuere vanus.  
 Illi temporis ut fuere larvæ,  
 Sic cum tempore congrui evolarunt.  
 Pro nullis mihi sunt mali aestimandi:  
 Virtus quisquiliis removit istas:  
 Nolens sordibus his suum inquinari,  
 Quod colunt homines, Deique, numen.  
 Hac scobe & scoriâ procul repulsa,  
 Puri quicquid erat remansit auri,  
 Multorum vice Nicolaus unus.*

## AD MARCVM ANTONIVM

### V A R A N U M.

**V**isus sum tibi cœnitasse parcē,

Et laſiſſe meam æſtimationem.  
Viſus ſum tibi parcius bibendo,  
Levis parcere ſumptibus crumena.  
Sed tu falleris: æſtimationi  
Nihil derogo, nec levis crumenę  
Parco ſumptibus: at gulâ & palato  
Conſultis, rationem habere nitor  
Valetudinis & mei appetitus.

Quid riſu quateris? manuque labrum  
Comprimis, patulas trahiſque nares,  
Salſo ſcommate ſibilans Iacobum.  
Piſtor ingenioſe, primus, inquis,  
Exhibes mihi ſobrium poëtam.  
Iudicem ſtatuis, Varane, bellum.  
Dic, inſulſe, neceſſe judicabis,  
Muſas qui colat ebriofus ut ſi?  
Nec ſi Męoniuſ nota iſta tangat  
Vatem, & qui Samiuſ canit Bathyllũ:  
Enniuſque, Lycoridoſque amicum:  
Ceteroſque quibus vocatur Evan:  
Atque in Caſtaliſo iugo locatur,  
Commune id vitium omnibus poëtis  
Aſſeres? Age, dic amabo, quales  
Lęliuſque Veturiuſque cenſes,  
Duo lumina patria tuę? & queis  
Hac non præripies in arte palmam.  
Certę abſtemiuſ ille, nec meracum  
Hunc guſtaſſe fateberis Lyæum.

Rem ſed imminui cibo vereris;  
Ais: Tu bene ſuſpicare: ſic eſt



Placet, Marce: reus tenacitatis  
 Coram te trahar: Oro, subsequetur  
 Qua sententia? quid tibi videtur?  
 Quis prudentior esse judicatur?  
 Qui gulâ patrimonium vorace  
 Absumit, vel idem abstinentiâ auget?  
 Pro modo toga metienda panni est.

## IN LAMIAM.

INSULSISSIMUS ille caprimulgus,  
 Musarum Lamia osor atque Phœbi,  
 Qui vanos simul arguit pœtas,  
 Et mendacia qui vocat pœsim,  
 Laudari tamen expetit, suumque  
 Nostris vult celebrarier Camœnis  
 Nomen, Heus, bone vir, tibi cerebrum  
 Purgetur, moneo, & prius paretur  
 Totis Anticyrę medela succis:  
 Cúmque te Medici valere dicent,  
 Tua encomia publicabo. Postquam  
 De virtutibus, & tuorum avorum  
 Claro stemmate, & eruditione  
 Tua & moribus, optimaque fama  
 Scriptis plurima sinxero: vocabor  
 Verus judicio tuo pœta.

## A D N. N.

STOCAI generis perenne lumen,  
 Magni delicia atque alumne Martis:  
 Qui curas animi, & negotiorum

Duros tam benè temperas labores,  
 Ut (quæ difficilis malisque plena est)  
 Lenias studiis levesque vitam:  
 Nunc venatibus, aut tenace lucta:  
 Aut cæstu, aut nitidæ impetu palæstræ.  
 Nunc equum refugos agis per orbes  
 Gyro multiplici: modò huc modò illuc  
 Spumantem calidis regens lupatis.

Trahetantè tamè hæc (sed & volentem)  
 Cæco Cypria sauciavit ictu.  
 Arcuque Idalius puer reducto  
 Perstrinxit tibi cuspide aurea cor:  
 Dum flava objicit ora casta Nympha.  
 Fallaces laqueos comis in illis  
 Crispulis, nitidis, micantibusque  
 Recedens: quibus implicata postquæ est  
 Libertas tua, colla præbuisi  
 Severis domina præmenda vinculis.  
 Cujus corallium diserta Pithe  
 Laborum tenet, imperatque ferre  
 Dulce servitium: & mori, priusquam  
 Deseras stationem, & a cruenti  
 Te signis modicum vel oscitando,  
 Vel moto pede subtrahas amoris.  
 Quin in excubiis sedent ocelli:  
 Et tanquam e gemina pharo micantes,  
 Si quam fortè pares, fugam morantur,  
 Suavi compede pectus illigantes.

Quid mirum? ingeniis amor bonis est  
 Multo ardentior. Is Iovem coëgit

*Tauri cornua sustinere, & albis  
 Oloris nivei nitere pennis.  
 Nec tu firmior alto eris Tonante :  
 Nec ridere faces licebit illas  
 Impune, ipsi etiam Iovi timendas.  
 Sed commune jugum trahens, prementē  
 Dilectæ Veneris sinus Gradivum  
 Non absurdē imitabere. Inter arma  
 Pharetram truculentior Cupido  
 Persape exonerat: foditque summos  
 Per thoraca duces suis sagittis.*

*Sic Neoptolemi parens, Achæos  
 Ante Pergama dum fatigat Hector ;  
 Increpat querulam Chelyn sub umbra,  
 Cingens tempora floribus, suaque  
 In Lyrneſside totus est puella.*

*Sic sudoribus udus, éque pugna  
 Reversus Paris, omnibus videtur  
 Cristata galea magis decorus:  
 Ac per oscula mille suaviando  
 Pulchrâ amplexibus implicat Lacênâ.*

*At te siue amor occupat, sororve  
 Bellonę clipeo fremens Enyo :  
 Permessi aut sequeris chorū & canoras  
 Barbiti digitis fides laceſſis:  
 Aut, quorum studio frequente gaudes,  
 Doctorum relegis poemata vatū,  
 Non abs re fuerit tibi dicare  
 Hac Emblemata, lectione quorum  
 Te oblectes aliquando. Cū tu eandem*

*Bellici simul omnis apparatus,  
Sacrarumque colas scientiarum  
Sub torva agide praesidem Minervam.*

**STEPHANO VIALARDO**  
Versellensi.

**E** Quorum domitor ferociorum  
Quotquot Parthenopae rura quotquot  
Mantus fatidice colunt vireta:  
Pascuis veniunt vel ex Iberis,  
Ducti ab occidua calore Calpes:  
Lepos Italici soli, & tuarum  
Versellarum honor (ut decus genusque  
Spectes nobilitatis) o Deisque  
Mi carumque caput, colo quod aequè  
Quantum est nunc hominum venustior.  
Dic, quæso, Vialarde, dic amabo,  
Pectus candidulum, meique ocelli,  
Cur Metas veniens tuum Iacobum  
Non vidisse, nec alloqui horulam unam  
Es dignatus? an id nefas coegit  
Caca oblivio candidi sodalis?  
Boissardive tui relicta cura?

Sic tibi excidit, & quidem repente,  
Lustris penè tribus necessitudo,  
Inter nos stabili ligata vinclo?  
Sic tibi excidit, & quidem repente,  
Quam paulo antè mihi fidem obligasti?  
Quam complexibus, arbitraque dextra

*Firmasti: attamen omnia hac volucres  
In ventos abiere: negligique  
Adhuc se queritur tuus Iacobus.*

*Sed quorsum objicio hac? piumque amicum  
Importunè onero meis querelis?  
Nec mei immemor es: nec illa dextræ  
Firma pignora, mutuoque pressa  
Vinclo pectora, nec fides fefellit.  
Fuiſti meus, esque, erisque semper:  
Ut tuus quoque sum, fuique, eroque:  
Hoc magis quid amabile est amore?*

## AD IOANNEM BRACONER- rium Metensem.

**Q***uid moram facitis, le ves Phalæci?  
Cur ad mœnia nota Divoduni  
Non itis celeri gradu? meumque  
Huc tandem Braconerium citatis?  
Illum inquam Braconerium facetum,  
Et comem, & lepidum, & bonū & venustū.  
Cui nec fictio, nec dolus, nec artes  
Ingeni duplicis placent: sed illa  
Nostro tempore tam parū usitata  
Mentis integritas: abite, & illum  
Ad nos sistite: feria hoc die, quo  
Indicta populo vacatioque  
Urbi est: atque frequens in agro habetur  
Vulgi concio. Is huc suc sodali  
Festinet Lepido comes, sodali*

*Tam comi & lepidus, ut lepos nec ipse  
 Sit magis lepidus: nec ipsa comis  
 Comitatus magis: ambo adeste, & illa,  
 Quæ vestros genios facit politos,  
 Comitatus veniat simul leposque.*

*Ronsardum Lepidus, Baïsumque,  
 Bellaiumque feret: mihi Catullus,  
 Pelignoque poëta, Bilbilique  
 Natus prompti adcrunt: erunt puellæ  
 Vocata ex Helicone: & ipse Phæbus  
 Aurata resonans chely: & Lyæus  
 Dator latitiæ. Toros viventem  
 Præbebit recubantibus per verbum  
 Floreo varius colore cespēs.  
 Æstum, si quis erit, nemo propinquum,  
 Et suaves Zephyri, & fluentis undæ.  
 Leni murmure sublevabit aura.  
 Cantantum numeros sonante rostro  
 Augebunt philomelæ, acanthidesque:  
 Extremosque modos resumet Echo,  
 Auditas recinetque turri ab ima  
 Voces harmonia reverberante.  
 O lato Lepidum hoc canore letum!  
 O latos Braconerium & Iacobum!*

**AD PETRUM LEPIDVM**  
 Metensem: de Friderico.

**C**ontemptum doluit, nec absque causa:  
 Abs te se Fridericus: esse eadem



Quòd nolis patina, scyphisque eisdem  
 Degustare merum. Vereri ait te  
 Ne quid de scabie domum reportet,  
 Quam Gallam vocitant: at immerenti  
 Fit injuria. Non minùs leproso  
 Mundus est Fridericus. Heus inepte,  
 Quid rides? an & id sciens negarem,  
 Quodque his hausi oculis? at illa testor  
 Quæ vidi. Tepido ille se lavacro  
 Purgabat: scabies novem, decemve  
 Herebant lateri, illibusque frixis  
 Ovis fortè aliquantulum minores.  
 Debet hoc tibi nauseam movere?

AD ODOARDVM BISETVM  
 nobilem Campanum.

Vir clarissime, singularibusque  
 Cum quovis animique corporisque  
 Dotibus, meritisque conferende:  
 Qui lauros Aganippidum sororum,  
 Latoamque chelyn foves, piosque  
 Vates hospitio excipis, manuque  
 Iuvas munifica: an tuum Iacobum  
 Tam de te meritum benè esse censes?  
 Nunc curam illius ut geras libenter:  
 Leves consiliis, opemque pressò  
 Perhumaniter offeras. Probatùr  
 Adversis pietas amici: & illa  
 Bonorum officiosa se voluntas

*Apto tempore prodit, improba cūm  
Fortuna levitate fluctuamus.*

*Gratias duplices tibi fatebor  
Deberi duplici obligatione :  
Quas omni officio nisi rependam,  
Tua amicitia & favore posthac  
Indignum vocita. Tuo quietem  
Det Deus senio: benè ac beatè,  
Securè & placidè lares paternos  
Deinceps incolere: & tori pudicam  
Conserve sociam, augeatque pulchra  
Prole: qua senibus suis levamen,  
Solamenque parentibus ministret.  
Et simul mihi largiatur opto,  
Inter ut famulos tuos clientem  
Me quoque annumeres: ut imperata  
Non impigrè obeundo, jure dicas  
Non frustra redamasse te Iacobum.*

---

## IN N U P T I A S L A V R E N T I I

Frideri Mindani, & Annæ Cul-  
mannæ.

**H** Vc ades, Citherea, vosque Diva  
Suetæ Acidaliis lavari in undis.  
Mellitissime mi omnium Cupido,  
Huc te siste. Friderus ille vester  
Flos tener juvenum Thalassiorum,  
Iam de conjugè bellula, pudica,  
Prudente, ingeniosa, & erudita  
Agit: quam patrii ad vadum Visurgis

Rudolpho genitore clara Minda  
 Gente patricia sat am educavit.  
 Hanc hãc deperit ille: & hanc medullis  
 Intimis gerit: aurea sagitta  
 Demulcenda tibi est iugum ut capeſſat  
 Matris Idalia. En torum jugalem  
 Culmanna ingreditur decora, qualis  
 Tithoni croceum cubile nata  
 Taumantis ſubit: aut Diana Latmi  
 Summa culmina, baſio ut fruatur  
 Dilecti Endimionis. Euge, felix  
 Laurenti: accelera, novęque nuptę  
 Fidem amplexibus, oſculiſque (quorum  
 Nexus non hederæ, mariſque conchę  
 Vincant) comiter, arbitraque dextra  
 Firmato: aſpice ut illa nuptiali  
 Flammeo redimita, gemmeiſque  
 Floribus nitet: ut ſinus eburni  
 Pyropis ſimul atque margaritis  
 Scintillant: roſeo ut genas pudore  
 Virtus tinxit: ut illius coruſco  
 Bini lumine fulminant ocelli:  
 Ocelli, ingenui faces amoris  
 Quorum ex igne micant, dei que replent  
 Exhaustam pharetram ſuis ſagittis.  
 Hanc jungit ſociam tibi alma Cyprus:  
 Pactum obſignat Hymen: brevi audias ut  
 Robuſta ſobolis pater: ſenexque  
 Parentum ſimiles domi nepotes  
 Cernas de patria optimę merentes.

*Quos honoribus ampla Minda summis  
Saxonum evehat inter optimates.*

*Mekelburgica linque rura, Iane,  
Tu Petre, Austrasi solum Mosella,  
Hermanne, Allobrogis fluenta Rheni,  
Atque Hilla Carbarina cum sorore,  
Ad fratris thalamos venite cursu  
Festino: & precibus benè auspicatis  
Strenas fundite: sic dies requirit:  
Sic mos exigit usitatus inter  
Cognatos simul & bonos amicos.*

*Quàm feliciter omnia acciderunt!  
Quàm se suaviter invicem prementes  
Basio unanimes fatentur esse!  
Testanturque reciprocos amores!  
Sonet barbitus, & choris juventus,  
Et festis epulis vacet. Valet  
Omnes: nox properat: manu atque voce  
Lati applaudite. Votocompotes sunt,  
Qui rem numinibus gerunt amicis.*

**AD CAROLVM RENALDVM**  
S. Salvatoris Decanum apud  
Mediomatrices.

**P**resul, quo nihil alta Divoduni  
Vrbs videt meliusve doctiusve:  
Quàm felix mihi tu videris esse,  
Qui civilibus astuante bellis  
Gallia, trepidatione plena

*Dum sunt omnia, factionibusque,  
In tantis potis es tamen periclis  
Tranquilla studiis vacare pace.*

*Quàm facis benè, quamque Christianè!  
Regi cœlitus arma conferuntur,  
Malos ut reprimat, bonosque servet.  
Princeps viva Dei est imago: cui qui  
Se opponit temerariè, resistit  
Deo. Quisque suę vocationis  
Tractet munia: quamque quisque no vit  
Artem exerceat. Omne civitatum  
Insana quatitur rebellione  
Robur: iura cadunt, ruitque legum  
Majestas veneranda: polluantur  
Sacra: barbaricosque sacrosancta  
In ritus pietas abit. Vidésne  
Quò prorumpere jam licentiosa  
Militum petulantia audeat? quos  
Disciplina, nec ulla cura Divûm,  
Nulla relligio coërcet intra  
Fines officii sui. Iste fructus  
Est, quem sediciosa pessimorum  
Gignit mens hominum: impiata quando  
Omne per facinus furit: Malorum  
Tantum ô utinam inter eruditos  
Nemo præbeat excitetve causas.*

*Laudo consilium tuum, quod istos  
Motus non sine sentias dolore:  
Illis inferere attamen neges te.  
Sacerdos precibus vacet: Deoque*

Fundat thura litetque: vel docendo  
Instruat populum: arma, machinasque  
Sinat Principibus, quibusque bella  
Sunt cura. Sapit ille qui modestè  
Res suas agit, & periculosa  
Summa tangere vel manu recuset.  
Damnum incuria nostra si inferat, tunc  
Stulti est dicere, tale nil putabam.

IN CHILONEM.

**C**ensuram malè sanus ille Chilo,  
In nostros tulerat dolens libellos,  
Quòd nomen renui his suum referre.  
Stulti judicis ut levis brevisque  
Est sententia. Proh, ait, Poëtas  
Tot hæc sæcula proferunt, quot Hybla,  
Quotque Hymettus apes, agri cicadas.  
Neve horum sine laude publicentur  
Congesti innumeris libris labores,  
Sibi encomia mutant. Melissum  
Boissardus vocat omnium parentem  
Vatum, Teutone qui vigent in orbe.  
Ut gratus videatur, hunc Melissus  
Laudando vocitat joci magistrum.

Audi bellua, tu tuique, quotquot  
Audetis temerare nomen ejus,  
Est qui judicio omnium poëta  
Primus, quos hodierna servat ætas.  
Illi hæc scommata non queunt nocere.  
Pro me: non ego curo quo loco sim.



Non est ambitiosa nostra Musa :  
 Doctrinam mihi vindico nec ullam.  
 Leguntur tamen & mea eruditis:  
 Quorum suscipio libens favorem.  
 Et tam gaudeo displicere vobis,  
 Quàm mihi est aliis placere gratum.

## AD FRANCISCVM VILLERVM VALVILLARTIUM.

**Q** Vid me præcipiti fuga, meorum  
 France gloria prima Sequanorum,  
 Hærentem Vogesi subire cogis  
 Opacis nemus horridum tenebris?  
 Armis Batîca ne phalanx Iberis,  
 Belgis O Enotriam petens relictis,  
 Incautum opprimat. Hoc tibi esse cura  
 Singularis amor jubet, fidesque,  
 Quæ me prosequeris. Vale ergo, meque  
 Expecta interea foris manentem.

Non tanti fuit aureis arenis  
 Squalens ripa Tagri: nec ipsa aquosum  
 Quæ torum occidui tuere Solis  
 Ferox Hispali, vallis ut relictis  
 Villæ mœnibus, & meis amicis,  
 Desertis Vogesi lotis laterem.  
 Parendum tamen est necessitati.

## AD FERRVCIVM NODINO tum, Ecclesiæ Montis-aurei Præfectum.

**F** Erruci, iuga summa Montis-aurei

*Qui colis, nivea insula revinctus*  
*Frontem: quam decuit nitente mitra*  
*Cingi, aut Castalia tegi corolla.*  
*Iam jam temporis est satis tributum*  
*Musæque sacraque lectioni:*  
*Relaxare animos amœna veris*  
*Hortatur facies, fruique cœli*  
*Tam miti & placida serenitate.*  
*Flore vernat humus, solumque picto*  
*Surgit gramine: frundiumque densa*  
*Vmbras congerie nemus ministrat.*  
*Polo Tyndarei imperant nepotes*  
*Blandis sideribus: benignaque aura*  
*Mollis aëra temperat Favoni.*

*Da Musis aliquam tuis quietem:*  
*Et vitæ utere commodis: nec ante*  
*Diem accerere laboribus senectam.*  
*Linque opaca tui vireta montis,*  
*Instructumque operosiore sumptu*  
*Delubrum, & Superis placēs sacellum.*  
*Boissardo alloqui horulam roganti*  
*Indulgeto: sodalibusque, vallis*  
*Qui subiecta tenent roseta villa.*

*Phœbæi magis est canora plectri*  
*Vox, dum fila remissiùs movendo*  
*Chelyn ponere Delius videtur.*  
*Sic jucunda magis futura vita est,*  
*Si curis gravioribus relictis,*  
*Recrees genium tuum, levesque*  
*Serias aliquo otio Camœnas.*



## IANI IACOBI

BOISSARDI VESVNI  
TINI HENDECA-  
syllaborum.

LIBER SECVVNDVS.

AD MVSAM.



VSA, quò properas? mane  
Thalia:

Mane,inquam: oretine, Tha-  
lia, gressum.

Galla es, sat video: ruis sine  
ullo

Præceptis iudicio, favore ab-  
usa,

Quo te est ingeniosus ille Princeps  
Visus excipere, & tuas probare  
Nugas. Sit licet otiosus ille,  
Mole nec gravida negotiorum,  
Quæ respublica parturit, prematur:  
Mavult otia fructuosiora,  
Quàm dispendere tempus hac legendo,


Quæ

*Qua ingeris stolidè. Semel subisse  
Ejus atria clara gratiosam  
Multum est. Audiat impudens necesse est.  
Qui servare modum nequit: sed audax  
Fortuna temere experitur orbem.  
Nam cum Principibus periculosa  
Res est ludere: tutius coluntur.*

*Non páres? sed iter licenter ornas?  
Quòd fortè Hendecasyllabos priores  
Arrisisse putes. Satis superque est  
Huic non displicuisse. Tu cave sis  
Stulti papilionis amulatrix:  
Qui flamme nimiū volans propinquus  
Clara lampadis, in solum ustulatis  
Corruit subitò volutus alis.  
Sic dum Cres puer ad jubar corusci  
Solis tendit iter volante penna,  
Nec salubria Dædali parentis  
Audit dicta, repente ad ima lapsus  
Nomen Icariis dedit procellis.*

*Sed nil proficio: nec ista cordi  
Sunt exempla tibi. Ibis ergo, tuque  
Cultam ad Principis aulā iter capefces.  
Amœnum vitreu ubi Bipontum  
Lymphis Laura rigat: benignaque ora  
Patris Castalii chori subibis.*

*I faustis avibus, Thalia: Divis  
Debitam reverentiam exhibendo,  
Gesta non nisi re optimè redibis.*



AD ILLVSTRISSIMVM  
POTENTISSIMUMQUE  
Principem

IOANNEM Comitem Palatinum Rheni, Du-  
cem Bavarie, Comitem in Veldens  
& Sponheim.



IMPVDENS tibi forsitan videbor,  
Servandique parum memor decóri,  
Si, me Castalio ebrium liquore  
Insano quoties movebit æstro

Entheus furor, impetu citato

In tuum exonerem sinum, Camœnæ

Quicquid ex adytis canent reclusis.

Non satis fuit hæcenus libellos

Tibi obtrudere, nec satis politos,

Nec dignos oculis tuis, tuæque

Censuræ: en temerarius revertor,

(Princeps quo nihil orbis hic adoræ

Doctius moderatiusve) teque

Nugarum eneco lectione, tantum

Saturnalicis diebus apta.

Dum torpet rigido gelu december:

Et canet nivibus refusa tellus:

Foris stiria crebra, frigidique

Perstre-

*Perstrepunt boreæ, & graves pruinae  
 Nos cogunt hypocausta, vel caminos,  
 Aut structis loca temperata flammis  
 Servare. Heic genii quietiores.  
 Et curis gravioribus soluti  
 Indulgent epulis, choris, jocisque,  
 Eburnique levi alea fritilli.  
 Tunc tunc hac poterunt legi, otiosa  
 Si des dimidiam horulam Vacuna.  
 Quæ si lecta probes, nihil morabor  
 Quid effutiat imperita vulgi  
 Turba, aut iudicio improbè superbo  
 Tumentes scioli, gravesve Momi.  
 Instar omnium eris mihi. Per ampla est  
 Docto gloria Principi placere.*

---

A D G E N E R O S O S A D O L E -  
 scentes Ioannem, Casimirum, & Othonem, il-  
 lustrissimi Herois Othonis Ringra-  
 vii filios.

**P**ropago generosa magni Othonis  
 Iane, Otho, Casimire, qui paternum  
 Pectus indole nobili refertis:  
 Claro stemmate originem parentum  
 Pulchrum est ducere, pulchrius parentum  
 Virtutes pietatemque æmulari.  
 Non non est satis obtinere nomen  
 Illustre in patria: imperare multis  
 Teutonum populis: opes, honores  
 Semper obtinuisse non secundos,



Nî digni his videamini: Sed esse  
Dignos qui negat, is neget necesse est  
Se cognosse bona educatione, &  
Natura melioris instituto  
Quàm multos superetis: ut laborum  
Vestra sit patiens juventa: sive  
Tractare arma juvet, leviq; saltu, aut  
Cursu vincere: seu feros volucris  
Gyro flectere equos. Sed his Gradivi  
Cum vobis placet abstinere ludis,  
Et Musis & Apollini vacare:  
Quàm suavi harmonia manu atq; voce  
Concinnum exprimitis melos! diesque  
Totos in studiis gravis Minerva  
Labore ut toleratis obstinato!  
Euge progenies Deorum: honore hoc  
Sic sic itur ad astra: sic reverti  
Prestat in patriam probè expolitos  
Vita, moribus, eruditione.  
Tunc Oteilia mater, & sorores  
(Quas forma egregio decore culta  
Comparat Venerique Gratisque)  
Vos per oscula mille suaviabunt.  
Vos avunculus, ille clarus Heros  
Què Nassauvia stirps tulit, Philippus  
Amplectetur utrisque latus ulnis.  
Felicemque suam asseret sororem  
Tam pulchra sobole, & benè instituta.  
Et quando ad Venetos levi carina  
(Si quando Italiam libet videre)

*Trāsvecti, aurea tecta Contareni  
 (Qui se a Ringraviis venire jactat  
 Ante secula novem) subibitis, tunc  
 Toto pectore vos simul fovebit.  
 Gratis officiis juvabit: atque,  
 Ut consanguineum decet, studebit  
 Ne pars officii ulla relinquatur,  
 Qua vobis queat omnibus placere.  
 Vobis conferet omnia ista Virtus:  
 Virtus nobilitatis atque honoris  
 Causa præcipua, unicusque fomes.*

**AD HENRICVM SVEBERVM**  
 I. C. Ioann. Com. Pal. Ducis Bavar. & Bi-  
 ponti Cancellarium.

**V**otis deerat adhuc meis, & illud  
 Omni spe magis arduum, favorem  
 Nempe ut officiis tuum, atque amorem,  
 Vir clarissime, promerere possem.  
 Sat noram quibus usque es impeditus  
 Curarum studiis: negotiorum  
 Quæ moles humeris tuis recumbit.  
 Dum forensibus estuas sub armis:  
 Dum jus omnibus æquitate justa  
 Reddis, & patriæ juvas quietem.  
 Quod Pandionis Solon Athenis,  
 Atridæ gemino quod ille Nestor,  
 Quodque Nicomacho satus potentis  
 Amynthæ Æmathio fuit nepoti

Principi hocce tuo es, fuisti, erisque.  
Per te *Astræ* suas *Themis*que leges  
Sincera populis librant statera.  
Per te abest patriâ illa trux *Enyo*,  
Quæ civilibus incitata Gallum  
Divexat *Furiis*, suo insolenter  
Gratantem exitio, & sug ruinæ.  
Per te sacrilegæ procul cohortes  
Prædonum solitas agunt rapinas.  
Per te supplicium mali, bonique  
Ferunt præmia: filios, nepotes,  
Vxoresque, domosque, opesque partas,  
Atque prædia possident coloni:  
Secureq; Deum colunt, & aras  
Sacro thure adolent, tibi que partam  
Acceptam referunt ubique pacem.

Has inter tamen occupationes,  
(Quis te illis vacuū notabit unquam?)  
Nugis putidus obstrepo licenter.  
Sed bonus venia insolentiam istam  
Si dignaberis, assequar citò illud,  
Quod spei superest meæ: ut recurret  
Quando occasio radii levandi,  
Huc vertas oculos: brevemque librum  
Oblatum tibi perlegas. Sed heus, quò  
Insulsus feror? si tibi libelli  
Vna pagina, vel dua legantur,  
Imo dimidia, aut nihil: modò aqua  
Fronte suscipias ferasque munus,  
Mecum ætè benè ubique gloriabor.

## A D O D O A R D V M B I Z E T V M.

**O**blitum officii silentium me  
Tam longum argueret, nisi tibi essem  
Dudum cognitus. At mihi dolerem id  
Cum offensa attribui tua. Fatebor,  
Dum superstes ero, & quidem libenter,  
De me te meritum optimè esse. Nolem  
Tamen propterea subire turpem  
Notam ingrati animi: biennio uno  
Quòd nullis tibi litteris salutem  
Scripserim: accidit, occupationes  
Propter, queis similes mei gravantur.

Vixi huc usque sine anxio dolore  
Curarum: neque pectoris sub imo  
Mordaci trepidum astuavit olim.  
Cor avaricia, tuis, Apollo,  
Intentum studiis. Mihi vagari  
Libero est Heliconidum per antra  
Concessum, Idalium antequam lupatum  
Franato exciperem ore, calibatu  
Letam suaviter exigens juventam.  
Tunc Phœbo sacer audii, atque amicus  
Musis: tunc cecini exaranda cedro,  
Et Parnasside vincienda lauro.  
Nunc tadas Hymenæus ad jugales  
Adauctum, subigit, domesticarum  
Pressum pondere sub negotiorum:  
Insuetis etiam vacare rebus.  
Pro libris mihi liberè efferuntur;

*Pro Phœbo alma Ceres, merique Bacchus  
Inventor colitur: pigetque carum  
Vana impendere scriptione tempus.*

*Hec me ergastula detinent, simulque  
Adulci studio avocant, vetantque  
Me fungi officio, quod esse amicis  
Sacrum debet. At hætenus videbor  
Si peccasse tibi diu tacendo,  
Boissardo veniam dabis, virorum  
Præstantissime: diligentia qui  
Culpa quicquid erit refarciet. Tu  
Me tui studiosum & obsequentem  
Dilige interea, & tibi dicatnm.*

---

## AD NICOLEAM ET LOIDEM

*Viennæas, Claud. Antonii Baronis Clero-  
vantii, &c. Filias.*

**N***Imphe magnanimo satq; parente,  
Regum progenies (prioris saclo  
Quos Arar Rhodanusque, quosque flares  
Sensit Sequana) quas diserta Pallas,  
Quas Cypris Charitesque, & ales ille  
Puer dotibus omnibus, suisque  
Gratiis cumulant. Severiore  
Si quis iudicio rigens, libellum hunc  
Viderit, preciumque si æstimarit,  
Frontem contrahet illico, arguetque  
Me tanquam fatuum, quod hoc volumen,  
Virtuti minùs amplitudinique  
Vestræ conveniens, tamen dicatnm*

*Tantis*

*Tantis nominibus velim & sacratum.*

*At qui tam tetrico tumens notabit  
Me supercilio, sciat mihi esse  
Scopum hunc propositum, ut queam placere  
Vobis: nec tamen inscium esse quantis  
Vos virtutibus auxerit Minerva.  
Non solum artibus his, quibus puella  
Incumbunt, ut acu exprimatis omne  
Quod docti artifices imaginari  
Sive stamine, seu colore possunt:  
Sed simul studiis scientiarum,  
Queis pridem ingenia expolita habetis.  
His si congrua seligenda nobis  
Esset materia, ocyus fatiscam.*

*Sed quicumque tamen labor sit iste,  
Si vobis placeat, satis superque  
Adprobabitur omnibus. Sed illum  
Vobis quis neget esse jam probatum,  
Quem vestro imperio aggredi pararim?*

## PERONAE GERESMIAE LIGNEVILLAE AE.

**I**llustris soboles Geresmiorum,  
Et tuq; columen Perona gentis:  
Felix nominibus Perona multis:  
Sed hoc nomine maximè beata,  
Quòd Riam potis es vocare fratrem.  
Riam, sospite quo futura sospes  
Est Burgundia, tu, tuique, egoque.



Riam denique, cui Dei Deęque  
 Favent, & gemina illius sorori:  
 Vt te carmine Musa delicato,  
 Minuto, lepidò, brevi, faceto  
 Salutem jubet, imprecerque quantum  
 Solent sidera ferre gaudiorum:  
 Quot fortuna vehit secunda honores:  
 Quot Pactolus opes Tagique ripę.  
 Non perplexum animum, salubre corpus:  
 Cumęam & Pyliam simul senectam.  
 Votorum quoque particeps meorum  
 Ne excludar, tibi sim (ut fuique sumque  
 Carus) carior usque & usque. Sanci  
 Isthec: Iam rata sunt. Io triumphę,  
 Quę concessa mihi est beatitudo!

SABINAE AMORALIAE MAR-  
 CIA RY A FILIAE.

**N**ympharum unica, quas fluenta Perbę, &  
 Lentę fusus Arar Dubisque flavus  
 Vt Deam coluere, congerentes  
 Cunis parvulę amaracum rosasque,  
 Thymum, lilia, & albicans ligustrum.  
 Quam blandę Charites, Venusque, Amorque  
 Pulchritudine, gratiis, bonisque  
 Naturę omnibus expolitam amarunt:  
 Et dici voluere Erotionta.  
 Quęis te nominibus beatiorę  
 Censebo? an quod habes Riam parentem

Illum;

Illum, heroica cujus orbe toto est  
 Virtus cognita? Cæsarum trophæis  
 Qui aeterno referens honore famam,  
 Immortale decus sibi tibi que,  
 Et genti patriæque comparavit.  
 An quòd matre Ragueriâ educata es?  
 Matre, gloria cujus alta cœli  
 Astra implevit: an æmulus paternæ  
 Amplitudinis usque quaque quòd sit  
 Germanus tibi? vel quòd his relictis,  
 Quæ tu externa putas, velis honorem  
 Dotibus struere ex tuis tibi. O quàm  
 Iustum iudicium est puellæ! & æquâ  
 Libratum trutinâ! Tamen juvare  
 Hæc domestica sunt potis. Bonis nam  
 Externis propria adde: sic modo omni  
 Perfectissima laus tua est futura.

## A D P A V L V M M E L I S S V M.

N On semper fuerat necesse nostram  
 Malis expositam ratem procellis  
 Suspensi dubios maris per æstus.  
 Non semper fuerat necesse tanta  
 Per discrimina Syrtiumque arenas,  
 Per cæcum Euboici vadum Capharei  
 Tristi insistere navigationi.  
 Tandem mitior intuens Deus me  
 Exemit tumido vagum profundo:  
 Et tuto statuit, Melisse, portu.  
 Iam nihil querimonis relictum est:

*Spes votis me a jam suis potitur.*

*Nunc plenis mihi messis est manipulis*

*Concessa, & meritis repensa merces:*

*Merces digna laboribus peractis.*

*Ille Antonius, ille Sequanorum*

*Qui regum a serie genus trahendo*

*Per tot stemmata nobiles Viennas*

*Avis annumerat suis, quot annis*

*Libellas mihi de suo trecentas*

*(Quantum Rupiposæus ille quondam*

*Tuo Scaligero dedisse fertur)*

*Legavit, meritam rudem otiumque*

*Largiens, liceat mihi ut Camænis*

*Vitæ quod superest dare & quieti.*

*Nunc me nullus Hymen Venusq; nulli*

*Tota sollicitant die, anxiiisque*

*Curis pectora vellicant, nec ullum*

*Libertas mea jam feret capistrum.*

*Nil deinceps mihi crit, Cupido, tecum:*

*Nec flagrantibus hinc & inde tadis*

*Adstantes thalamis meis puellæ,*

*Et chorus juvenum manu atque voce*

*Applaudent, & iocis novello*

*Alternis recinent Thalasioni.*

*Nulla erit fateor toro jugali,*

*Quæ me blanditiis amans retentum*

*Suis detineat, domesticæque*

*Rei quæ satagat, necessitati*

*Nostre subveniens, juvetque sumptu.*

*Nec mi filiulus futurus bares,*

*Collum mollibus implicans laceretis  
Libabit tenero osculum labello.  
Nec prompto obsequio nucem pyrumve,  
Vel blando cerasum ambiet cachinno.*

*Sed morosa mihi nec imperabit  
Vxor, jurgiaque in dies & horas  
Non movebit, inertiamque verbis  
Malis arguet, algidumque duro  
Pulsabit cubito. Nec astuabo  
Turpi avariciâ, unde quaque lucra  
Captans, conjugis ut meę cupido  
Expleri queat, ultimâque natis  
Grande a morte peculium relinquam.*

*Vitâ celibelitteris vacando,  
Posthac absque molestiis beatos  
Dies exigam: & a fori remotus  
Tempestatibus aulicisque fumis,  
Rus sine invidiâ colam, bonisque  
Naturæ variis fruam, sub umbrâ  
Molle concipiens melos. Canentem,  
Tuos glauce Dubis perose cives,  
Non laudabis: erit Mosella, qui me  
Sacra tempora pampino revinctus  
Amplectatur ametque: gaudeatque  
(Vt quondam Ausonij lyram poëta)  
Sic meam quoque comprobare Musam.*

*Bona hac omnia dulciora reddent  
Iuncti perpetuâ fide sodales  
Clemens & Lepidus, meæque mentis  
Major portio qui fuisti erisque*

*Paschari Austrasia perenne fidus.*

*Quòd si me tibi, vel mihi dedisset*

*Te vicinia, vivere arbitraret*

*Deorum similem, Melisse, vitam.*

AD LUDOVICVM MALARM  
MAEVM VESUNTINVM

*Iurisconsultum.*

**A**ntiquissimus es, fuisti, erisque  
Dum vivam, atque sodalium meorū

*Dilectissimus: & tuum Iacobum*

*Amas, & redamaris a Iacobo.*

*Sed fortuna duos iniqua amantes*

*Per tot tempora lapsa separavit.*

*Quid prodest parili favore vinctos*

*A primis animos fuisse cunis?*

*Constantique labore per tot annos*

*Servasse in violatum utrinque pectus?*

*Si nos fata velint abesse semper:*

*Nec complexibus, osculisque jungi:*

*Atque his colloquiis, quibus dies sit*

*Integer brevior, quibus ciborum*

*Cedat & placidi cupidus somni.*

*At contraria sint tibi mihi que*

*Quamvis sidera, forsque non sat aqua:*

*Nosque ingentia separent locorum*

*Intervalla licet, tamen necesse est*

*Boissardum Ludovico amore summo*

*Vsq̃ue ad funera nigra copulari.*

AD TOBIAM HOMBERGE-  
RUM HESSUM. I. C.

*Humber-*

**H**Ombergere Heliconis almi alumne,  
Phæbo care & Hyantiis puellis:  
Ingens est mihi congruensque doctis  
Decertatio conferenda tecum.  
Non de Castalii canore plectri:  
Non de doctiloqua nitore lingnæ:  
Non de his artibus, & scientiarum  
Arcanis, studiisque, quæ secundum  
Te nulli esse sinunt, sed anteponunt  
Multis: in quibus ut tibi ipse cedo,  
Palmam sic tibi defero libenter.  
At contentio restat altera, in quâ  
Nec cedam tibi, nec dabo ipse palmam.  
Hanc in pectoris intimo recessu  
Conceptus meritis tuis amor nunc  
Protulit gravido ediditque partu.  
In hoc nemo quidem repertus antè  
Qui se pretulerit mihi, nec ullus  
A quo victus eam futurus unquam est.  
Certa pignore quo volēs, mei ecce  
Propono studii fidem, obligoque  
Boissardum tibi poscendum in ævum:  
Tu siquid melius probatiùsve  
Si laudabilius, magisve dignum  
Viro possideas bono, exere, atque  
Produc in medium. Eligatur inter  
Nos idoneus optimusque iudex:  
Quo lis hæc dirimatur, atque bellum,  
Non arcu, aut Balearicis habenis,  
Nec ferro Chalybum rogis recocto:



*Sed curâ, atque animis fidelitate  
 Instructis, & eis (decere possent  
 Quæ Ægiden, Strophio, Hyrtacoque natos)  
 Sincere officiis benignitatis:  
 Et candore, & amore transigendum.*

*Nostra tempora, posterique iusta  
 Discernent trutina, atque judicabunt,  
 Ut Boissardus amet suum Tobíam:  
 Ut Boissardon amet suum Tobías.  
 Dj boni, fuit, estve, vel futurum  
 Hoc magis quid amabile est amore!*

---

**AD PANTALEONEM CANDI-  
 DUM, ECCLESIAE BIPONTI-  
 næ præfectum.**

**T**olle Candide, tolle, tolle Phæbum:  
 Tolle Pieridasque & Hippocrenen:  
 Et quicquid valet eruditionis.  
 Quid vanos sequimur pede aestuante  
 Musarum titulos, juvatque vates  
 Vocari, & populi per ora ferri,  
 Atque inutilibus vacare libris?  
 Sunt vanissima nomina hæc: opes sunt  
 Lucrandæ, quibus omne continetur  
 Punctū: In his favor est, honorq;, & omnis  
 His sita est hominis beatitudo.  
 Virtus paupere sub lare alget, estque  
 Per se frigida, corporisque opaci,  
 Lunę instar (radiosa mutato  
 Quæ sit lumine solis) ista ut

Nî solaribus emicet coronis,  
 Furvis obsita delitet tenebris.  
 Cur me Fulvia noluit maritum?  
 Credidit relictus mihi esse curtos.  
 Mores illa meos probabat: imo  
 Dotes corporis ingenjque nostri,  
 Et, qui pectore candido vigeat,  
 Mirata ingenui facies amoris,  
 Prætulit me Italis suis frequenter.  
 Venit alter homo rudis, nec ullis  
 Excultus studiis, senex, caducus,  
 Turpis, sed locuples: morâ sine ullâ  
 Ille admittitur, atque me repulso,  
 Heu, prædam obtinet ille, me nec illo  
 Dignam, Principe sed, satoque Divis.  
 Opes prævalere: litteratum  
 Neglexit, licet erudita bellê,  
 Et prudens. Neque enim putabis abs re  
 Factum: Divitias gradu priore  
 Nostro tempore cogimur locare:  
 Virtus porrò sequetur, aut relicta  
 Inter Philosophos diserta laudum  
 Dabit themata garrula juventæ:  
 Præturis ea consulatibusque  
 Nunquam obnoxia, & a fori cathedris  
 Exsul. Nec pietas valebit ulla,  
 Destituta opibus: salusque nostra  
 (Sifas credere) certius paratur  
 Crebris muneribus gravis crumena.  
 Laus omnis, decus, æstimatioque

*Absque divitiis inane tantum  
 In se pondus habent: nihilque præter  
 Vanam, Candide, somnii instar umbram  
 Possessoribus exhibent: at illos  
 Claros & celebres & eruditos,  
 Bonosque arguo qui bonis abundant.*

# AD RAGVSSVM BLAEVIVM

HYDRUNTINUM.

De forma Fulviæ Lætæ.

**P**icturus Venerem, Ragusse, Cous,  
 Ut claram melius juvaret artem  
 Naturæ auxilio politioris:  
 Græcis omnibus adnotavit illud  
 Quod perfectius esset in puellis.  
 Hinc absolvit opus, quod ipse pictor  
 Vitam ducere sapius putavit,  
 Florentinus idem est iter secutus:  
 Qui picturus imaginem Minervæ:  
 Quam præ Flaminiiis videmus hortis.  
 Omnem ex Italiâ legit leporem.

Flavum Antennoreæ nurus capillum:  
 Turriæque oculos dedere Senæ.  
 Dentes Parthenope: Ravenna collum:  
 Et pectus Venetæ: Bononia aurum,  
 Quod pulchris redimiculis resulget,  
 Ut Ferraria dat manûs decorem,  
 Sic Verona suum venusta cinctum  
 Largitur. Probat arctæ Luca ventrem:  
 Lumbos Pisa salax: Femurque plenum

Viter-

*Viterbum: teretes Savona furas:*

*Candenti Ligures pedi nitorem:*

*Incessum tribuit superba Roma.*

*Ex his omnibus absoluta virgo,*

*Impensis gravibus, labore longo.*

*Sed quid, Pallas ait, Venusque, tantum*

*Intentastis opus? dedisset una*

*Vobis Fulvia quod foret necesse.*

## A D P A V L V M M E L I S S V M.

**S**criptura nisi nostra fulciatur  
Fides, debilis hinc & hinc vacillat  
Incerto pede: & heresis vocatur.

Hinc tam multiplices ubique sectæ

Doctrinae numerant suæ magistros.

Inter quos locus esse Chiliastris

Fama est: somnia mille qui docent de

Mille annis. Igitur, Melisse, dic quid

De Philone tuo tibi videtur?

Nonne erit tibi jure Chiliastra?

Aureos sibi mille qui putavit

(Pactos nempe suo antea labori)

Solvendos. Fatui fides redacta est

Iam pridem in nihilum: quod illa nullam

Syngrapham indicet, unde comprobetur:

Absque crimine culpa constat: at quæ

Risum non odium magis meretur.

Millenarius est potis vocari:

Sed non desinit esse Christianus:

# AD NITIDIVM PANERVVM SALINATEM.

**S** Lavata intimus est meus: colloque  
 Hunc tanquam dominum. Ad tuas Salinas  
 Quando venerit, & domo paterna,  
 Et vultu excipe quàm potes sereno.  
 Aut si maluerit rubri galeri  
 Hospes esse, operam dabis colatur  
 Omni sedulitate: namque dignum  
 Reddunt officiis tuis abunde  
 Dotes ingenii, & nitens quod illum  
 Produxit populo genus Bohemo.

In primis cupiam, tibi tui sive  
 Siquid sit reliqui illius liquoris,  
 Qui de Arbofiacis fluit racemis:  
 Seu clivosa Polychnios rubenti  
 Exprimat generosiora praelo  
 Vina, ut crebra refert ubique fama:  
 Sive quid melius tuæ Salinae  
 Fundant: fac veniant graves metreta,  
 Quæ scyphos radiantibus pyropis  
 Fœcudent. Nitidi, euge: teque ad haustum  
 Ultro accingito liberaliorem.  
 Heroem exhilarare ne gravcris  
 Tanti nominis, optimæque de me  
 Iam pridem meritum. O adesse posses  
 Huic, Dbonæ soli jubar Borussî:  
 Beares simul hospitemque & illum:  
 Hunc amplexibus, illum honore, quanto

Boissardus cuperet simul beari :  
 Testando dominis suum duobus  
 Devotum obsequium. Sed hoc nequibit  
 Quod per me fieri, tui sodalis  
 Partes suscipe: & hunc quibus licebit  
 Inventis hilara, juva, cole, orna.  
 Id quod exhibitum mihi arbitrabor.

---

AD ALARDVM QVINTVLVM  
 NARNIENSEM. I. C.  
 De Chilone.

**C**Hilonem scabiosum, hiante labro,  
 Muco cui lita barba, cui saliva  
 Scabris dentibus effluit loquenti,  
 Quem tu, Quintule duxeris? loquacem  
 Scurram, nonne? foret leve istud: at qui  
 Pædiconibus esse se patronum  
 Passim jactitat, & gregi cingdo.  
 Hunc per omnia corporis pudendi  
 Excepisse libidinem irruentum  
 Vulgatum est cava: spintriusque scædis  
 Stuprorum graveolentium inquinare  
 Allectam studio pari juventam.  
 Cui mos est pietatem, & ipsa jura  
 Palam temnere: & impiis cachinnus  
 Insultare Deo, & Dei parentem  
 Verbis ludere contumeliosis:  
 Sed moschum ex olida petes latrina?

AD PETRVM LEPIDVM  
 METENSEM.



**P**rivamur salibus facetiisque :  
 Privamur lepidissimis cachinnis :  
 Quos crebrô exhibuit tibi mihi que  
 Astérus meus ille. Sic statutum:  
 Urbem deserit, ut scholas celebres  
 Gallorum petat: Hunc parens uterque  
 Doctorem fieri cupit. Quid, inquam,  
 Sic nos destitues? tuoque Petro,  
 Boissardoque procul ferere, amoris  
 Contracti immemor? Absit hoc, Iacobe:  
 Quicquid est, facio coactus, ac vos  
 Invitus fugio: Sed est necesse,  
 Inquit: Parrhisios eam, daturus  
 Liberis operam, jubent parentes.  
 Hoc sudore scientia est paranda :  
 Sic mos est senioribus gerendus.

## AD MARCVM ANTONIVM VARANVM.

**P**Arce, quæso, tuum, Varane, amicum,  
 Parce, oro, dapibus merique potu  
 Aggravare: Satis superque factum est:  
 Consuetudo mihi sit ampla tecum,  
 Convivariet usque tadiofum est.  
 Nolo, inquam, magis ac magis ciborum  
 Tractari patinis, nec esculentis  
 Farciri. Valeant scyphi, metreta,  
 Cœna, prandia lautiore sumptu.  
 Res est vivere parcius salubris.

Ventre

Ventre ingratus est nihil: Quia ipsum  
 Nunc usque ad vomitum licet sagines:  
 Post horas tibi tresve quatuorve,  
 Immemor tamen omnium, adlatrabit.

### IN CHILONEM.

**G**ENUS nescio quod mala volucris  
 Rostra lancinat hos meos libellos:  
 Insulsos vocitans & imperitos.  
 Audi, furcifer: accipe, impudice  
 Chilo: qui mea polluisse es ausus  
 Dente putido, & inquinatiore  
 Buccâ. Quid tibi cum meis negoti  
 Libris? cui neque contigit Camœnas  
 Degustasse: nec inter eruditos  
 Versari: tamen arroganter horum  
 Sumis iudicium. Tace impudice:  
 Claude labra sero notata turpi:  
 Censorem volo castiore lingua.

### AD PAVLVM CAVALLE- RIUM. I. C.

**T**Antus testudiorum amor subegit,  
 Vt noctesque diesque lectioni  
 Incumbas, renuens tua quieti,  
 Otioque, rogantibusque amicis  
 Indulgere dieculam vel unam,  
 Librorum belluo Paule? nonne quanto  
 Colluctata labet vides periculo

*Vrbs Antennoris? ut forum scholæque  
Deserta pateant? situque longo  
Ecidentur plutei, luesque latè  
Grassans in populo furenter instet?  
Indicatque silentium Camænis.*

*Dum Pisæo iterum est eques theatro  
Decursurus Olympicoque circo,  
Addat lauream ut alteram priori:  
Non semper generosum equum fatigat  
Habenis resonantibus, nec illi  
Subducit stimulo rigente calcar.  
Sed nolentem etiam, Græcæ calcitrantem  
Lupato cohibet: data ut quiete  
Respirans animos resumat, atque  
Missis carceribus volet sagitta  
Ocyûs, Balearicaque funda  
Contorta silice: ac procul relictis  
A tergo fremit æmulis, superbo  
Hinnitu aëra repleat, notetque  
Optatam pede contigisse metam.*

*Alternæ requiæ novem sorores,  
Isto tempore languidas, tuumque  
Ne fraudæ genium, nimis severè,  
Hærens proposito in laborioso.*

*Nî te Moschopuli tenent diserta  
Suo nec tære colloctiones,  
Actæque vicens loquela lingua:  
Nî Cretes (tibi Victor atque Bozza,  
Fide perpetuoque amore juncti)  
Discessu impediunt: veni secundo*

*Ad nos Medoaco: veni sodales  
 Visurus veteres, tui videndi  
 Qui desiderio aestuant: diesque  
 Nobiscum heic aliquot moratus, inter  
 Frondosa Euganeæ vireta silvæ  
 Oblectando animum, ad tibi cupitos  
 Libros rursus alacrior redibis.*

*In magnis quia rebus arduisque  
 Necessaria semper otii atque  
 Laboris simul est vicissitudo.*

A D I A N V M A V B R I V M  
 Trecentem focerum suum.

**N**aturæ amule diligens magister,  
 Fabrûm gloria prima Gallicorum,  
 Est industria cui peculiaris  
 Sollerti ingenii sagacioris  
 Iuncta acumine: sed suo Iacobo  
 Arctæ amicitie necessitate  
 Longè carior. Huc mihi secundas  
 Tuo nomine quæ mihi precetur  
 Mutis Iuliolam novas Calendas.  
 Nec hoc sufficit: addis optioni  
 Donum munifico sodale dignum:  
 In quo candor amici, opusque, quale  
 Myroni, aut Phidie, aut suo Lysippo  
 Antiqua ars tribuit, videtur: & te  
 Boissardumque simul refert metallo.  
 Consulto est utriusque iuncta forma,

*Vt sunt juncti animi: æstimasque acutê,  
Vt est, unam animam, unicêque vinctam  
Duo pectora continere mentem.*

HVGONI DORDONÆO,  
HIPPOLYTANÆ ECCLE-  
siæ Præfecto.

**D**ordonæ vigil domûs sacrata  
Præsul, quã Hippolyti colût penates:  
*Mibi conciliate fido amore  
Tot annis: opis indigus tua sum.  
Sodali veteri pusillum opella  
Ne nega, rogitabo si quod æquum est.*  
Ferre munera Christiana mœstum  
Defuncti genitoris ad sepulchrum  
Me jubet pietas, avisque in usu  
Sæculis melioribus recepta  
Consuetudo, Quiritiumque ritus:  
Versus nempe, mei doloris, atque  
Testes officii. At quia immodestum -  
Esset, nec licitum, patrare quicquam  
In sacris venia absque vestra, amico  
Favebis: reliquisque promptus auctor  
Symmysis fueris, tholo ut sacra adis  
Fixa pendeat hac tabella: per quam  
Postremis cumulare sera donis  
Discat posteritas suos parentes.  
Sic mihi pietate opus, simulque  
Dignum amicitia tua relinques.

IN CLAUDVM HOMVNCI-  
nem Clavennatem, qui per Alpes iter facien-  
tem hospitio exclusit.

O Bscæni faciem gerens Priapi  
Claude, lurida cujus occupavit  
Livor ora, tuo quis æstimabit  
Guttam in pectore sanguinis latere  
Humani? Hercule nemo: nemo, nî cui  
Desit iudicium. Quid, oro, caussa est,  
Cur nos hospitium in tua rogantes  
Urbe, panè laboribus viarum  
Fractos, atque gravi gelu rigentes,  
Noctis tempore frigida, arroganti  
Excipi petulantia negasti?  
Quòd nî tunc pia comitas Lumagi,  
Tantum miseratâ tædiorum  
Molem, nos laribus suis repulso  
Cepisset, dubio procul periculum  
In prasens erat omnium redacta  
Vita. Barbaricam malignitatem est  
Civium melior, sed & minor pars,  
Detestata. Alii quidem improbabant  
Nutibus: tua pertinacia omnes  
Evicit tamen. O cani trifauci  
Devotum caput, es satus cruenta  
Tigri, non homine: & parens abortum  
Informem horruit, Alpiumque iussit  
Exponi alitibus. Sed ut sinistra  
Semper sors mala promoveret, fluentia



*Ad Mergē bibitura venit urſa,  
 Vbi inter ſilices hianſe riētū  
 Pro molli ubere ſaxa, glareaſque  
 Sugēbas. Olido luto volutum  
 Portentum fera vagiens reſugit:  
 Hanc licet rabies fameſque miris  
 Urgerent ſtimulis. Tamen reuerſa  
 (Invitam Stygia impulit Megera)  
 Monſtrum ſuſtulit ominis nefandī  
 Ad ſpelſea cacuminis nivoli.  
 Quæ lunę radii, jubarque ſolis  
 Nunquam conſpiciunt, nec aura molli  
 Perflat temperie. Heic tibi acta vita,  
 Inter ruderā montium, tuęque  
 Naturæ ſimiles feras: peractam  
 Ibidem quoque præſtitiffet. Ortu  
 Mæra non gerneret tuo: nec eſſet  
 Cur Clavenna apud exteros tui ergò  
 Audiret malè. Di Deaque deinceps  
 Mentem dent meliorem. At hi negent ſi  
 Hoc donum immerito, negent & ipſi  
 Vitam inter populi tui ſalebras  
 Poſthac ducere: Sed domo paterna  
 Extorris, fugias vagus: nec adſit  
 Qui præſtet profugo hoſpitalitatem.*

---

A D M A E R A M F L V V I V M,  
 Pleurium, Laurentis Lumagi patriam  
 interſecantem.

**M**æra, qui latices tuos ſonante

Fundis

Fundis gurgite, Pleuriumque amœnam  
Laurentis patriam alluis Lumagi.

A quo comiter, hospitāliterque  
Excepti, nivibus geluque sævo,  
Et labore refecimus viarum  
Fracta corpora, barbaramque claudi  
Clavennatis inhospitalitatem  
Evitavimus, arrogantiamque.  
Felix, nî tibi per rudes salebras  
Clavenna peragendum iter fuisset.  
Pleuriumque foret nimis beatum,  
Nî vicinia barbara obstitisset:  
Sed non desinet id tamen beatum  
Esse, dum similes sui Lumagi  
Cires proferet: atque, Mara, felix,  
Dum fufis liquida vadis procellæ,  
Pleurij mediam secabis urbem.

Dj, quorû arbitrium alpium est, perenni  
Vrnâ dent tibi aquas, viam nec unquam  
Cœnoso facias volutus alveo.

Cinctus undique cespitum vigore,  
Leni murmure glareas rotando,  
Illimis vitreis feraris undis.  
Conservent quoque Pleurio Lumagum:  
A quo comiter, hospitāliterque  
Excepti sumus, arrogantiamque  
Evitavimus, impiamque claudi  
Clavennatis inhospitalitatem.

A D P E T R V M F R I D E R V M

M I N D A N U M.

P

**C**ompagem aetherei rotundam Olympi,  
 Diversasque micantium figuras  
 Astrorum vigili labore pinxit  
 Eudoxi ingeniosa dextra: idemque  
 Tractavit studium erudita magni  
 Hipparchi manus. At suum ex utroque  
 Librum Phenomenum Cilix Aratus,  
 Describens, hodierna ad usque famam  
 Vexit sacra suam. Celebre nomen  
 Virtus nempe suis parit: tibi que  
 Aeternum decus adstruit, Fridere:  
 Quo dignum quoque te exhibes, Aratum  
 Lingua qui facias loqui Latina.  
 Et nostris tribuas scholis legendum.

Gratiam tibi debet haud minorum  
 Ille Afer Dionysius, diserto  
 Terras carmine qui notavit: atque hunc  
 Versu reddere dum pereleganti  
 Studes, quàm benè redàs, exprimisque  
 Argivum Latia melos Camœna!  
 Quippe sic juvat optimè mereri  
 De Musis. Agedum, Fridere: sic te  
 Innotescere posteris decorum est.  
 Nulla laus diuturnior manet, quàm  
 Quæ Virtute paratur: ingenique  
 Felicis monimenta docta linquit.  
 Merces redditur ampla litteratis,  
 Horum dum comes est honos labori.

AD IOANNEM ESCHFEL-  
 DIUM ANGLUM:

Quid

**Q**uid est? quod simulac mibi es relictus:  
 Nec planè ex oculis meis amœnum  
 Sublatum est Tigurum, lacûsque ripa  
 Novem sacra sororibus, repente  
 Æstuat mibi pectoris sub imo  
 Cor, & mœstitiâ intima medulla  
 Liquescent: & iter, quod antè gratum  
 Te fuit comitante, nunc videtur  
 Durum, & difficile, & labore plenum.

Istud omne modestiæ, atque amoris,  
 Eschfeldi, tribuam tuo necesse est:  
 Totum qui tibi me dicavit. Hujus  
 Nî memor fuero, superstitem me  
 Dum volent Superi, Alpium nivosa  
 Rursum trans jûga deferar, viâ que  
 Longâ languidus, & gelu tremiscens,  
 Clavennam veniam tenebricosa  
 Noctis tempore, nubiloque cœlo:  
 Occurratque iterum retortus hospes

## I N I M P I V M.

**B**Arbarum facinus, nefasque dirum,  
 Impiumque magis Neroniano,  
 Inter Cannibalas, Scythasve nunquam  
 Auditum accidit. O Dej, Deæque,  
 Terreque, & maris, & poli nitentis  
 Huc convertite lumina, & videte  
 Quæ tellus foveat, feratque monstra.

Ecce discipulus suum magistrum,  
 Magistrum sapientem, & eruditum,

*Optimè meritum impius necavit  
Parricida: fere ab meo ore nomen,  
Nomen excidit execrandum, & ipsi  
Devotum Furiis. Negare factum  
Audes, perditè? publico relatu  
Vulgatum in populo. Semel solutam  
Mercedem scieram necis patranda:  
Quod sicarius, id Deo volente,  
Diu non potuit tacere. postquam  
Res secus cecidisset ac volebas,  
Ut scelus sceleri adderetur, illum  
Tectâ proditione vendidisti.  
Prætextu obsequii peregre abactus:  
Vbi in compositas loco remoto  
Lapsus insidias ruit: sed ille  
A te venit, antequam veniret  
Illum fors inimica quò vocavit.*

*Nec satis, scelerate, credidisti  
Esse, fontem animam viri innocentis  
Inquinasse cruore, amarulentis  
Nî defuncti oneres probris sepulchrum.*

*Nō post sanguinea, & propinqua fata,  
Infestis tibi Manibus, Deisque,  
Expectanda quies, levisque tellus,  
Vernantesque croci, rosa, & ligustrum:  
Nec ver perpetuum. Sed angue torto  
Stridens Tisiphones manus, trucidque  
Orbis Tantalida, aut adunca rostra  
Alitis Titium vorantis. At te  
Antequam excipiat pavendum olentis*

*Coccyti barathrum, manet prius te,  
 Quæ rupto horret adhuc cruenta ventre  
 Matris, vipera, simiusque, & unâ  
 Tecum gallus ut insuatur, ac te  
 Diris omnibus obrutum, in profundum  
 Indignante vado rotet Somella.*

---

A D I A N A N T O N I V M V C E -  
 L I N U M M E D I O L A N E N S E M.

De morte Faini.

**C**ommunis jacet, Vceline, amicus:  
 Communes lacryma tuis meisque  
 Fluant luminibus. Iacet Fainus,  
 Fainus mens ille, carior qui  
 Thesaurus mihi erat meis ocellis.  
 Ah ah, occidit, Vceline, nobis  
 Dilectum caput, & suis amicis  
 Luctumque & gemitus cadens reliquit.

Illum non pietas, fidesque sancte  
 Servata, ingenuusque candor, aut quam  
 Nobis præstitit hospitalitatem  
 Tutari potuere: nec virilis  
 Virtus Dalmaticis probata bellis:  
 Non Corinthiaco sinu Getarum  
 Classis mersa, vel ad Cyprum triremes  
 Fusæ: aut postmodo Gallico furore,  
 Longo ad mœnia Piætonum natatu  
 Træjectus Clanio, hostiumque turmæ  
 Elusæ tacita sopore noctis:  
 Aut motus pavidæ metus Tolosæ.



*Quæ si singula nil opis tulerunt,  
Saltem debuerant simul juvare.*

*Nil cure hæc Superis: bonus, malusque,  
Prudens, ac fatuus, puer, senexque;  
Et reges moriuntur, ut coloni  
Agrorum. Æthereâ fruamur aura  
Dum licet. Celeri fugit rotatu  
Vita: nec didicit maligna cuiquam  
Clotho parcere. Namque Di sine ullo  
Nos discrimine subdidere eisdem  
Fatis. Quippe nocentem & innocentem  
Caca mors rapit, omnibus cruentâ  
Falce infesta. Quid ergo in his agendum  
Tempestatibus est? Deos amore  
Summo amplectere: proximoque quantû  
Tu potes bene fac, obesse nulli  
Memor: Quodque tibi favore cœli  
Vivendi spatium datur, sine ullis  
Curis exige, nec fames habendi  
Inexpleta tibi auferat soporem.  
Te, qui mane torum valens relinquis,  
Mortuum Hesperus inferet sepulchro.*

---

**AD SCALAS, QVIBVS AD  
FAINUM MORIENTEM  
noctu se contulit.**

**S**cala, quæ mihi per tenebricosa  
Noctis astra pedem gradu fideli  
Fulsistis, facilemque heri ad Fainum  
Exhalantem animam viam dedistis,

**Dum**

Dum lex lata minaciter vetaret,  
 Ægros lethifero tumore tactos  
 Aut contingere, mortuosve mæstis  
 Sepulchris tumulare nî quibus tunc  
 Commissum fuit id negoti: adactus  
 Sodalemque sodalis, & parentem  
 Natus deseruit parensque natum.  
 Tunc per vos licuit tamen pio esse:  
 Vicini paries mihi roseti  
 Dum saltu superatus est volucris.

O si nunc medicis liceret herbis:  
 Ad primum revocare vos vigorem:  
 Colchorum celeri solum carina  
 Festinus peterem: & prece evocatam  
 Huc huc Phasida ducerem, priorcm  
 Vobis restitui rogans juventam.  
 Surgeret viridi novata libro  
 Quercus, glandifero decora fructu,  
 Frunde luxurians, & umbra opaca.  
 Quales Chaonio jugosa luco  
 Fert Dodona, vel Alpium recessus,  
 Aut vastum Herciniæ nemus: corollas  
 Applaudens populus, sacrisque votis  
 Insignes tabulas, simulque ferta  
 Vestris cerneret implicata ramis.

At cum Thessalicis juvare succis  
 Vos non sim potis: hoc tamen precabor:  
 Vestrum ne caries, putredove ulla  
 Offendat gravior, situsve robur.  
 Vestri nec mutilata pars trabatur

*Vulcano subigenda: sed perennem  
Et palmam, Libanotidemque cedrum  
Vincatis. Pietas merentibus sic  
De nobis benè gratiam rependit.*

## AD MANES FAINI.

**N** Vlli amicus ero, Faine, posthac  
Statutum est: animum meum sodali  
Posthac adjiciam, Faine, nulli.  
Tecum cor, animamque sustulisti  
Meam. Iam rigeo magis salebris  
Clavennatibus, Alpiumque saxis:  
Dari nunc mihi sentio ferinam  
Naturam, & Scythicis ferociorem  
Gentibus: valeant futurum in ævum  
Imbelles animi impotentioris  
Affectus: mihi pectus induatur  
Malis impenetrabile, obstinatum.  
Ego Stoicus, & simul videri,  
Et simul fieri volo: ab coactum  
Boni Philosophum Dei adjuvate.  
Vires consilio date efficaces:  
Labasco: Heic opus, heic opus virili  
Mihī est robore: subvenite presso:  
Serò opus datis. Hæc fuit ferenda,  
Dum candoris eram, tuique amoris  
Ignarus, columen meum, meum cor.  
Victus sum: vetus ad jugum retraxit  
Per vim amicitia, & potente vinxit  
Servum compede: vim sequor trahentis.

*Mundo lumina solis auferunt, qui  
Vita amicitiam negant malignâ.  
Quâ nihil melius, beatiûsve  
Divûm munere, dulciûsve habemus.*

*Si non desino te, Faine, amare,  
Funesto lateas licet sepulchro,  
Fidum pectus, adhuc magis magisque  
Te (si nunc quoque viveres) amarem.*

I N E F F I G I E M I L L I V S,  
ab Apollodoro Veneto expressam.

**I**lluxit quoties, tuam, Faine,  
Propono effigiem omnibus videndam.  
Hanc contemplor, amo, deosculorque,  
Hanc laudoque, proboque, judicoque  
Mecum velle loqui, & meos labores  
Consolarier, & levare luctus,  
Qui meos lacrymis gravant ocellos.  
Atque hanc molliciem exprobrare amico,  
Qua meum cruciat dolore pectus.  
Hanc evincere me impotentiam vii  
Delicati animi, & virile robur  
Rursum assumere, ne aestimationem  
Reddam ridiculam vel imminutam.

*Quamvis unus & alter ex trecentis  
Hęc vix crediderit geri sine arte  
Tributa proprię omnibus poetis.  
Quisquis more poetico putabit  
Hęc me scribere, posteris relinquam ut*

*Firma amicitia meæ, & Faini  
 Argumenta, fatebor esse verum.  
 Sed qui more poëtico putabit,  
 Scripto fingere quos fero dolores:  
 Illum nunquam habuisse credam amicū,  
 Quem dilexerit: aut amore tanto  
 Sit complexus, ut hunc amo, coloque.*

*Odi funditus, omnibûsque in ævum  
 Chilonem simul & simul Nydartum  
 Divis devoveo: Tamen precabor  
 Divos ( si me odio tenace pergant, .  
 Et probris laniare virulentis )  
 Ne tractent gravius duo illa monstra:  
 Sed meo simili dolore vexent  
 Chilonem simul, & simul Nydartum.*

## AD PAULVM MELISSVM.

**N**î dudum meritis tuis sacraffes,  
 Integrumque tibi prius dicaffes  
 Boissardum, officio meam recenti  
 Lucrari poteras, Melisse, mentem.

*Pro tua pietate sic dolores  
 Meos imminuisti, & crudita  
 Mœsta pectora colloctione  
 Firmasti: cruciatibusque longis  
 Divexatum animum, & jubar perosum,  
 Pertæsumque suę usquequaque vita,  
 Quassum planetibus, atque humi jacentem  
 Docto carmine rursus elevasti.  
 Nec solum mihi, sed meo Faino*

*Summa vivere gloria dedisti.*

*Vixit ille sibi, suoque honori  
Satis: sed patria & suis amicis  
Parum: Sic voluere Fata: sic deorum  
Decretum irrevocabile expetivit.  
Vita hæc instabilis, caduca, plena  
Ærumnisque teterrimisque noxis,  
Suum principium dolore, & udis  
Orditur lacrymis: & in dolorem  
Exit, & lacrymas. Quod ille quondam  
Dixit Mygdonio senex tyranno  
Silenus Phrygia manu retentus.  
Optimum esse homini, haud videre lucē  
Vitalem: citò vel mori, priusquam  
Infelicem animam trahat per omnem  
Fortunæ petulantiam, & malignæ  
Sortis insidias. Satis superque id  
Multa exempla docet. Charybdis inde,  
Inde Scylla vorax biant, utrinque  
Nostræ naufragium rati minantes.  
Raptamur dubios vagi per æstus:  
Cæli fulgura desuper boatu  
Horrendo assiduè increpant: nigranti  
Nos voragine circuit procella.  
Securis tamen hæc pericla tonsis  
Insani petimus, juvatque prona  
In præceps rucere & trahi carina:  
Palmū unū a Lachesi, aut duos remota.  
Hæc secum meditans meus Fainus  
Mortì proximus ut fuit; beatus*



*Vive sæcula multa, dixit, atque  
Latos exigit dies, Iacobe:  
Hoc si Fata velint. Mihi lucro est mors,  
Expetita diu & diu cupita.  
Hæc me liberat a malis, quibus me  
Dura exercuit Atropos tot annis.  
Tui unius amore victitavi:  
Propter te tolerans lubenter hujus  
Vitæ curriculum laboriosum.  
Et foret mihi dulcis hora Lethi:  
Morte nî gravior mihi esset illa,  
Quæ te tristitia atteret, sodalis  
Sinceri interitu. Vale, atque vive  
Æternum: atque tui memor Faini,  
Nostram amicitiam piis Camænis  
Æternum effice posterumque in ævum  
Victuris (potes hoc labore parvo)  
Nostra nomina prorogato chartis.  
Sic totum Libitina sustulisse  
Non dicetur: eritque pars mei una  
Sospes, & cineri ultimo superstes.*

*Hæc mî, dulcis amice, lacrymanti,  
Postremumque diem Deos roganti  
Mandasti moriens. Suprema fido  
Nunc jussa obsequio sequor. Sed ecce  
Felix umbra etiam tibi parentant  
Tot vates Italique, Teutonesque,  
Galli, & Sauromatæ: Sed inter omnes  
Hujus gloria sæculi Melissus  
Libans munera, barbita canora*

*Fundit dulce melos. Cape hac ab atra  
Qua te celat humus levis favilla.*

*At tibi faveant, Melisse, semper  
Phæbus, Picridesque, & ipsa Pallas.  
Sic posthac tibi sit benè & beatè.*

*Sic tibi Superi tuos amicos  
Servent incolumes: nec ad sepulchra  
Illorum assiduis gemas querelis.*

*Sic semper tibi sit perenne nomen:  
Et primum decus inter eruditos:  
Sic, dum quæstio suscitata quæret  
Vatum quis meritò esse debeat rex:  
Applaudat tibi mundus universus,  
Et sine invidia negante nullo,  
Ore uno referatur, est Melissus.*

AD IACOBVM PASCHA-  
rium medicum.

**P***Aschari optime, cordis intima o pars  
Boissardi veteris tui sodalis:  
Boissardi miseri tui sodalis:  
Boissardi rigidis trabentis astris  
Infelicem animam: Tuus sodalis,  
Boissardus tuus ille, cui Camœna,  
Dum Fatis placuit, perenne nomen  
Faventes dederant: facetiisque  
Excultum omnibus, & fide probatum  
Antiqua, tibi junxerant amicum.  
Ille ille occidit, & Deum favore*

*Nudatus, subito volutus ictu  
Dura impactus humo est, rogatque mortem  
Planctuque & lacrymis (mibi heu mibi esset  
Lucro mors) tamen & Deum favore  
Illi vivere nec mori tributum est.*

*Paschari optime, si videbis illum,  
Horrebis stupidus, trahesque vultum.  
Nec siccis oculis, quid, inquires, hoc  
Est monstri? meus iste ne est Iacobus?  
Dilectus mihi tam fideli amore?  
Vnde hæ luminibus cavis tenebræ?  
Vnde ori attonito pavendus horror?  
Quod pallor maciesque, quod feretrum  
Lethæa vitiat færale larva.*

*O avi decus hujus, o amicis  
Prime ex omnibus: hac miserrima est, &  
Nostra conditio statusque vita.  
Vixi olim, voluere dum benigna  
Fati numina. Sed quies mea, atque  
Vni credita vita erat Faino.  
Qui me plus propria salute amavit:  
Quem tunc præposui meæ salutis:  
Cujus consilio atque amore fretus  
Dies cœlicolis vel invidendos  
Visus sum mihi ducere: unde quæque  
Felices mihi sic fuere, & illi  
Omnibus numeris suis beati.*

*Ille mortifera tumore pestis  
Ictus corruit: & cadens simul me  
Fecit participem suæ ruinæ.*

*Qui*

Qui nunc fufus humi dolens gemenſque  
 Lucem odi atque homines: cibo atque potu  
 Nauſeans poſito, & meis ocellis  
 Mollem pervigil abnegans ſoporem.  
 O quantum poteras meo dolori  
 Conſerre auxilium allocutione!  
 Conſolarier, & levare curas:  
 Eſt quibus tamen immori ſtatutum.

Quàm breves homini dies reliquit  
 Fati avara manus! malisſque quantis  
 Noſtra tempora miſcuit Deum viſ!  
 Nulli unquam ſine nube ſol coruſcos  
 Produxit roſeo nitore currus.  
 Queis aurora ſerena ſurgit, illos  
 Nimboſo inſequitur fragore veſper.  
 Firmum corpore & optimè valentem,  
 Perfunctumq; epulis choriſque primo  
 Nox ſomno rapit, excipitque lectus  
 Infernæ gravidus ſopore Lethes.  
 Vita hæc umbra mera eſt: fugitq; ſurtim  
 Vanior pluvia tumore bullæ.  
 Morte certius eſt nihil: globoque  
 Sub lunæ omnia tranſcunt volucris  
 Curſu. Sic placuit Iovi: ut doceret  
 Nos terreſtria temnere: atque ad altos  
 Adſpirare polos: ubi peracto  
 Vitæ curriculo, parata nobis  
 Arx & præſidium quieſque reſtat.

AD LENTVLVM VENTIDIVM

Nucerinum. I. C.

**C**Vras, Lentule, ut exuam, & dolores  
 Qui rodunt mihi cor jubes, simulque  
 Exhortaris amœnitate agrorum,  
 Colliumque vigore, floridisque  
 Ripis Medoaci fruar, locique  
 Miti temperie, & labore fessum  
 Thermarum recreem tepore corpus.

Prudens consilium tuum est, mihiq;  
 Necessarium: at obsequi recusat  
 Dolor sana monenti, & impotentis  
 Vrens cura animi: in diesque major  
 Angor ex obitu hospitii sepulti.

Felix tuque aliique, qui remissè  
 Amando, impatientiam potestis  
 Tadii cohibere, fortiterque  
 Ferendo omnia, in ordinem rebelles  
 Impetus agere, & furore quovis  
 Luctantes validis domare frenis.  
 Sic ut sceptrum habeat quietum, menti  
 Imperans ratio, & reducat arcta  
 Vagas sub juga cogitationes.

Infirmum magè, molliusque nobis  
 Cor natura dedit: meumque pectus  
 Affectus animi potentiores  
 Percellunt. Tolerabo ego bonorum  
 Iacturam levius, famem, sitimque,  
 Morbos, exsilium, gelu, calores,  
 Et quodcumque genus laborum. Amici  
 Aut absentia longa, morsve tanto  
 Me torquet cruciatu, ut aequiore

*Fata extrema animo feram. Faini  
 Post casum studii repente fervor  
 Extinctus cecidit: vigorque nostrî  
 Primus ingenii. Silet Camœna  
 Blanda garrulitas, sales, jocique.  
 Crebrarumque deambulationum  
 Recreatio, versuumque dulcis  
 Alternâ recitatione cantus.  
 Nostra denique gaudia, imo vitam  
 Funus sustulit unius sodalis.*

*Testor, Lentule, maximum Tonantem,  
 Ingratam mihi solis esse lucem,  
 Invitumque superstitem esse, postquam  
 Meus vivere desit Fainus.  
 Nec quicquam memini dolentius me  
 Post Guiasdovii necem tulisse.*

## AD BASILIVM CHARON- DAN EPIROTAM.

**Q**uod tu condoleas meo dolori,  
 Laboremque meum feras iniquè  
 (Quem jactura mei intulit Faini)  
 Gratias, Basili, tibi referre  
 Non est nostræ opis. Est satis superque  
 Actum a te: Inferiæ rogo soluta.  
 Et thura, & lacrymas, crocum, & Cilissim  
 Spicam in fudimus: ultima atque dona  
 Libata, & datus est cinis sepulchro.  
 Nullum ultra pietas potest amico



*Præstare officium. Sibi atque honori  
Vixerat satis: at tibi mihi que  
Parùm. Culpa sed imputanda Parcìs:  
Quæ mortalia fata sorte iniquâ  
Dispensant, rigidoque sæva fuso  
Torquēt stamina, dū optimis quibusq;  
Sunt inferre feras manus paratæ.*

*Nil restat, lacrymas nisi ut perenni  
Stillent lumina flumine, & sodalem  
(Quo non est melior, fuit ve, erit ve,  
Quot sunt, quot quot erūt ve, vel fuerūt  
In Antennoris urbe) lugemus  
Ut vixit benè, mortuus beatè est:  
Atque eo tumulatus est honore,  
Quo virum decuit bonum. Charonda,  
Hæc solatia maxima esse utrique  
Possunt: cætera providentiæ qui,  
Statutoque relinquimus Deorum.  
Nostra qui trutinant bilance justâ.  
Vitâ quiq; hominis brevè & caducam,  
Duram & difficilem, malisque plenam,  
Morte in perpetuam, bonam, & beatâ  
Mutant: Mors meritò ut queat videri  
Vita & grande lucrum bonis: quòd illa  
Æternum pariat quiete certâ  
Pacem & gaudia possidenda in ævum.*

RINHOLDVS AB HEIDEN-  
stein Borussus, Stephano Batthorio Sarma-  
tiæ regi a Consiliis : ad Boissardum.

Boissar-

**B**oissarde, o decus elegantiorum,  
 Idem carminis auctor eruditi,  
 En nostrum tibi munus ad beati  
 Quod tristes ferimus rogum Faini:  
 Incultum nimis & minus venustum.  
 Quale ferre solemus illa turba,  
 Qui Musas colimus severiores.  
 Qualecunque tamen tuo Faino  
 ( Si non omnia morte finiuntur )  
 Gratum existimo non minus futurum:  
 Quod a pectore candido profectum,  
 Testis est fidei, tuique amoris :  
 Quem fatalia fila dum sinebant,  
 Multis indiciis ei probasti.

Iamque ipsum tumultū piis frequentas  
 Donis, & lacrymis rigans amaris,  
 Et versu faciens tuo perennem.  
 Quod si non ita, sicuti merebat  
 Insignis tuus ille amor fidesque,  
 Nostro carmine prosecuta Musa est,  
 Sit probata tamen tibi voluntas:  
 Quamvis viribus illa destituta.

Sic cūm terribilem movebit urnam  
 Summus arbiter ille mortuorum,  
 Parcat Manibus is tui Faini.

BOISSARDVS AD HEIDEN-  
 STENIUM.

**V**t lego & relego tuum pœma,  
 Quo nil doctius est politiusve:

*Nihil dulcius, eruditiusve:*

*Expleri nequeo, Rinholde, mentem:*

*Quàm luctu assiduo & dolore fractam*

*Scriptorum recreas suâ vitate.*

*Gratum hoc officium est meo Faino:*

*Quem tu versibus eximis sepulchro,*

*Et das vivere sempiternum in ævum.*

*Nec gratum minùs est suo Iacobo:*

*Cujus tristitiam levas canendo,*

*Mortique eripis, & suis amicis*

*Illum restituis, tibi que firmâ*

*Fide concilias, tuumque reddis.*

*Felix vive igitur, Rinholde, posthac,*

*Arctoi decus atque honos Borussi:*

*Et virtute animisque claram avorum*

*Auge nobilitatem eques: tuique*

*Montis gloria Regii feraris.*

*Dumque Sarmaticum colis tribunal,*

*Et res imperii sagaciori*

*Fulcis consilio, tibi sit usque*

*Favens sancta Themis: locumque primû*

*In aulâ obtineas Polonâ, ametque*

*Summo Batthorides honore cultum.*

## IN TVMVLOS LAELII CLEO- PASSI HYDRUNTINI.

**P***Lorabam, & lacrymis meos rigabam*

*Sinus, nocte dieque conquerendo:*

*Quòd novem tibi vix benè absolutis*

Duris, tristibus, & laboriosis,  
 Tanta & tam mala per pericla lustris:  
 Quando jam stadio fere peracto,  
 Te victoria laureâ coronâ  
 Complectens redimiret, & labores  
 Compensaret honore percelebri:  
 Clotho forsice non benè auspicatâ  
 Vita stamina conscidisset, & te  
 Quassum lumine conderet sepulchro:  
 Consumpsi immodicis dies querelis,  
 Et rupi manibus meis capillos  
 Tuo in funere, tabuique luctu:  
 Quod mihi, Cleopasse, te carendum  
 Aeternum foret: & sodale, cujus  
 Dulci colloquio, pio, erudito  
 Vitam egi facilem, bonam, & beatam.

Invidere Dei hanc beatitatem  
 Sunt visi mihi, gaudiumque amaris  
 Mutarunt lacrymis: mori cupivi  
 Sapius: doluique prorogari  
 Cum mœrore diem, & cibos refugî  
 Tanquã tetrâ aloëm, aut nocēs venenũ.  
 Insomnesque agitando vigil tenebras,  
 Exortum timui videre solem,  
 Avertens oculos. Sed ista, Leli,  
 Tantum sunt mea damna. Tu doloris  
 Expers vivis, & ad Deos relatus,  
 Aeternam exigis Indiges quietem.

Flere desino, gratulorque amico  
 Salvo, & incolumi, & polis recepto.

Qui firmo palagus secans faselo,  
 Ventorum rabiem, salique fluctus  
 Infidi superavit: & procellas,  
 Et Capharea, Syrtiumque arenas,  
 Et mœstum Oebaliæ vadum Maleg:  
 Scyllæosque canes, voragineſque  
 Evadens Siculæ celer Charybdis  
 Servatâ fruitur rate, & deorum  
 Optatum subiit favore portum.

Nunc, Fortuna, vale: tuiſque ludę  
 Promiſſis alios. Vale ſimul Spes,  
 Eventu dubio fluens. valete  
 Divę numinibus nimis dolofiſ  
 Fallaces: levitate quę ſoletis  
 Suſpenſas hominum fovere mentes.  
 Solvant vota alii, ſacraſque ad aras  
 Triſtes naufragii ferant tabellas.  
 Et celeumate languido fatigent  
 Veſtra nomina: perditique tranſtris,  
 Oppreſſoribus adſtruant ſalutem.  
 Securâ Cleopaffus en quiete,  
 Chriſto vindice, & adjuvante curſum,  
 Tutâ ad littora flatibus ſecundis,  
 Emenſo æquore navigans potitur.  
 Quo quid latius eſt beatiuſque?

PAVLVS MELISSVS DE  
 CLEOPASSO.

**A** Mice magne Boiſſardi  
 Cleopaffe, cur tibi atram

*Sic de repente trux mortem  
 Properare Parca amavit?  
 Cur tam citò ipsa fatali  
 Scidit in colu diremptum  
 Pernice forfice stamen?  
 Similes paresque vobis  
 Nefama mente Thesèa  
 Negitaret uspiam ullo  
 Vllumque par amicorum  
 In amore vixit tanto.*

---

**A D I O A N N E M P O R N A E V M**  
 Piam mentem, in tumulos Mariæ Iugæ  
 Lugdunensis.

**O**ccidit tua lux Iugæ virgo,  
 Tua deliciæ occidere: & illa  
 Cordis intima concidit tui pars.  
 Plange pectus, & unguibus cruentis  
 Rumpe tempora, lacrymisque mæstos  
 Reple, Iane, sinus. Iacet Iugæ  
 Lugdunensis agri decus, parentum  
 Expectatio sola: Quam suis si  
 Servassent Superi, futura consors  
 Tandem erat thalami tui, exigendo  
 Tecum tempora læta. Sed bonum istud  
 Invidit tibi sors iniqua, morsque  
 Prematura. Deos tenella virgo  
 Cur non hæc tetiguit? subibis istam,  
 O cælum, invidiam, & trium sororum  
 Nudata ante diem colus, truncique



*Rupta stamina forfice: hæc pusilla  
 Ætas quid meruit? quid ista forma  
 Expers labis, amoribusque solis  
 Dicatus decor, innocensque sexus?*

*O vitæ fragilis tenor caducæ!  
 O iuventa gradu ruens citato!  
 Spes incerta hominum: vniuscque noctis  
 Insistens glacie. Quid heic relictum est  
 Firmi? quid stabile est? nisi rotatam  
 Dicas assidua volutione  
 Fortuna volucris fugacitatem.*

*Felix quem Superi, volente Fato  
 Natum, hinc eripiunt, locantque cælo.  
 Nam qui vivere iudicat beatum  
 Istis temporibus, quibus maligna  
 Sors bonis inimica, amica pravis  
 Miscet omnia fraudibus dolisque,  
 Furtis, cædibus, infidelitate,  
 Tempestatibus & meris procellis:  
 Huic senis Pylæi precabor annos:  
 Serosque Euboicæ dies Sibyllæ:  
 Ut tandem ipse mori æstimet beatum.*

AD PETRUM MONAVIVM  
 Vratislaviensem, Rudolphi Rom. Imp. Medic.

**A**lmæ patricium decus Budorgis,  
 Quam pulchro Viader rigat fluento,  
 Monavi Aoniis amate Musis:  
 Rusticus meriti tibi videbor,

*Amo-*

*Amorisque parùm memor, mihi olim  
Qui cum fratre tuo fuit: quòd annis  
Duobus Pata vi fere absolutis,  
Boissardus tibi vix fuisse notus  
Diceturque obiter fuisse visus.*

*Qui meas propiùs tuebitur res,  
Et qua conditione victitarim:  
Non mirabitur accidisse, suavi  
Ut sodalicio omnium relicto  
Abstrusis latitaverim tenebris.*

*Namque in Euganei schola Lycei  
Semper sollicitè anxiequè degi,  
Fato obnoxius, & fere occupatus  
Publicisque domesticisque curis.  
Nunc morbo implicitus mei Vienna:  
Nunc captum illius ingemens parentem:  
Nunc prædè expositos meos penates,  
Sublatamque pecuniam locellis.  
His superveniens lues acerba,  
Tam frequentibus Adria colonos  
Hauserit funeribus, foro ut sit urbis  
Nil desertius. Et furore eodem  
In suum interitum ruens fatiscit  
Urbs Antennoris. Undequaque furva  
Grassatur Lachesis colo, & cupressu  
Ferali Libitina vineta frontem  
Ex æquo omnibus ingerit venenum.*

*Heu quantos misero, & quot hæc amicos  
Sors mihi abstulit! Heu jaces, Veturi  
Phæbi delicia, nihilque juvit,*

*Quod bini Podalirii nepotes  
Paternus, Capovacciusque prudens,  
Lapsa contulerint opem saluti.  
Te Pomponius est brevi secutus:  
Te Prosperque, Titusque, Lelinsque,  
Alfonsusque, senexque Apollodorus.  
Sed longè omnibus his amantiorem  
Nostri, pessima mors, mihi Fainum  
Cruda forsice sæviens necasti.  
Amaris lacrymis & ejulatu  
Miscens omnia, meque tam fideli,  
Tam caro, facilique, amabilique  
Privans hospite: cujus in sinum omnes  
Affectus animi latentiores  
Consueram exonerare: qui mihi uni  
Sensa abscondita mentis explicabat.  
Morti proximus ut fuit, suprema  
Mî mandata dedit, valèque dixit  
Æternum. Illi aquula sitim levavi:  
Lethi cordolium, ut sinebat hora,  
Demens assidua adlocutione.  
Lessum funeris ergo, & ad sepulchrum  
Tristes exsequias dolens peregi:  
Non minùs miserabilis sodale  
Perempto: imo miser magis magisque,  
Quo minùs licuit mori volenti.*

*Causis hætenus impeditus istis,  
Dulci colloquio tuo fruisce,  
Et consortia tam diu cupita  
Frequentare nequivi. In his procellis*

*Confusa omnia sunt mea, otiumque  
Vix mentemque animumque colligendi  
Datum a mœstitia est, maloque luctu.*

*Ecce nunc Clerevantii repente  
Hinc excedere litteris jubemur.  
Nec vale tibi diximus. Pudet me  
Mei non mediocriter, pigetque:  
Quod partem officii mei videbor  
Omisisse levis parumq; gratus.  
Sed tu, ut comis es ingenique mitis,  
Et fellis modici, volens amico  
Ignosces, scio: Nec mihi imputata  
Culpa ulla veniam dabis benignè  
Paucis hendecasyllabis roganti.*

*Verona facimus moram die isto,  
Catulli patriam ut meus Vienna  
Agnoscat: videatque restituti  
Ambitum amphitheatri, imaginesque  
Antiqui monimenta prisca secli,  
Quæ passim in celebri locantur urbe.  
Hinc nobis superanda Rhaticarum  
Alpium juga sunt viam ad Lcmanñ  
Facturis celeri pede: Hinc petentes  
Arva Rauraca, Theutoneq; Rhenñ, ad  
Alsatos veniemus, unde cultum  
Sistamur vitrei ad solum Mosellæ.*

*Me sive Austrasia hospitem tenebit,  
Sive Sequanicum ad Dubim vocatus,  
Invisam patriam Vesuntionem:  
Atque illic aliqandiu moratus*

*Rebus compositis, via reflexa  
 Rursum ed Medoacum citus revertar,  
 Te, mi Petre, animo intimaque mente  
 Gestabo assiduè, tuumque fratrem.  
 Nec vestri immemorem dies vel hora  
 Boissardum arguet aut notabit unquam.*

**VITO VINSHEMIO, FRIDE-**  
**rici Daniæ regis ad Henricum III. Galliar.**  
**regem Oratori.**

**V** *Ite Castaliis amate Divis,  
 Phæbi delicia, tuæque gentis  
 Splendor, quem mihi dulci amore quondam  
 Charis conciliavit & Camæna.  
 Oris quàm vagus Ister a Suëvis  
 Boios ingreditur, lavatque amœni  
 Valla Ingolstadii tumente fluctu:  
 Qui mecum Adriacos sinus adisti,  
 Inque Antennorei foro Lycei  
 Exigendo dies simul beatos,  
 Imo cœlicolis fere invidendos  
 Boissardum tibi dedicasti in ævum.*

*Quod crimen misero mihi imputatur?  
 Quo Deum scelere impiatus istud  
 In caput cumulasse dicar iram?  
 Qui morbo implicitus malè ominoso,  
 Vicinas habitaverim Grimontis  
 Arces, vix lapide hac secundo ab urbe,  
 Danis dum Austrasium essedis Mosellam*

Breide Ranzovio comes petisti.  
Personam ille Iovis, nepotem Athlantis  
Tu dio referens nitore lingua :  
Tunc mihi haud licuit salutem amico  
Paucis dicere, & in tuos venire  
Amplexus, & Hymettio liquore  
Audire ora rigata. Væ misello,  
Olim sideribus sato sinistris:  
Quem tanta immeritò parùm faventes  
Privarunt Superi beatitate.  
Sed tamen veterem tuum sodalem  
Gestas pectore, & intimis medullis.  
Nec te pœnituit rogare de me:  
De rebusque meis amanter, atque  
Ægro condoluisse. Vive felix,  
Vinschemi, atq; valens: probèque rebus  
Gestis, muneribusque honoreque auctū  
Aula regia Cimbrici Monarcha  
Te tandem excipiat, col atque tota  
Chersonesus ametque: sisque ditis  
Hamburgi columnen. Tibi sit usque  
Facundè proprium loqui & disertè.  
Sic Pithe insideat tuis labellis:  
Suadam sic habeas tibi obsequentem,  
Et Maia genitum, ora dum resolves  
Galli suavia Regis ad tribunal,  
Te fronte audiat ille differentem  
Pacata utilibusque non repugnans  
Cedat consiliis, proculque pellat  
Te suadente feros ubique motus:



*Quos civilibus incitata Enyo  
Augēt dissidiis, Erinnyasque  
Vasra, prob dolor, arte quinque lustris  
In nostrum exitium furenter armat.  
Per te intelligat ille tot bonorum  
Preces, & lacrymas, & ejulatus,  
Quos hi pro patria ruente fundunt.  
Rex ut est bonus, atque amans suorum,  
Et qui iudicio acriore pollet,  
Dicenti facilem benignus aurem  
Præbebit. Sciēt ut dolis adactus,  
Sua in viscera acinacem reflectat,  
Tale nil meditans, sibi que dextram  
Decepta inscius amputet sinistra:  
Sceptri diminuat potentiam, quæ  
Robur sumere subditorum amore,  
Concordique animū fidelitate  
Suevit: Vt taceas beata pacis  
Almę munera, queis opes parantur,  
Sunt Emporia fructuosiora:  
Florescit studiis bonis iuventus:  
Et grato colitur labore tellus.  
Certant flava Ceres, Paterque Liber  
Fœcundare solum, artibusque pulchris  
Ornat doctus Apollo civitates,  
Chorusq; Aonidū, & Minerva præses.  
Isthæc omnia, Vite, si impetremus  
Per te, Gallia lata sempiternas  
Gratiasaget, & rependet ultro.  
Inscribetque tibi hoc memor trophæum.*

VITO, CUJUS OPE FST SUPERSTES, ATQUE  
PRISCAE GALLIA RESTITUTA FORMAE.  
MARMOR HOC BENE CONSECRAT MERENTI.

A D P A V L V M M E L I S S V M.

**V**Xorem senior, Melisse, cum sim,  
Lustrorum cupiam trium Marillam  
Odetta genitam Aubrioque patre,  
Acuti & lepidi ingeni puellam  
Miraris. Quid enim aut inusitatum,  
Absurdumve gero? Mihi haud Cupido  
Id suadet, fateor, Cyprisve caca.  
Necessum sequimur. Satis superque  
Malum agnosco, quod eligo: at duobus  
Damnis propositis, locum minori  
Concedo. Mihi coelibatus esse  
Gratior poterat. Sed is sine ullo  
Fructu servitium trahit: molestum  
Vxoris minus est subire iussa,  
Quam frenos domini pati vel aequi.

Vsus nunc patriæ mihi negatur:  
Et me canicies ruentis ævi  
A tergo premit. Irritus prioris  
Vitæ deperiit labos. Carina  
Excussus, dubii maris procellis  
Naufragus feror. Hinc furit Charybdis,  
Inde Scylla fremit. Mihi hæc voraci  
Quamvis inguine iniqua præferetur  
Abruptis Siculi radis profundi.

*Vxor difficilis, molestaque est res;  
 Quæ tamen patientia levatur.  
 Fitque usu tolerabilis. Sed ipsa  
 Servitus mala semper esse suevit.  
 Ingrata est juveni, virum perurit:  
 Sed magis miserum in dies & horas  
 Mordaci cruciat senem capistro.*

*Cùm sit alterutrum mihi ferendum,  
 Damnum quod minus esse mihi videtur  
 Coactus subeo. Haud podagra, nec, quæ  
 Languidam Venerem facit, senectæ  
 Deterrent. Viduam, Melisse, nolo:  
 Quæ mihi memoret virum priorem.  
 Et noctes aliquot beatiores,  
 Olim primus Hymen quibus vacavit,  
 Ina mente gerat, mihi que tristi  
 Vultu segniciem exprobet, velit que  
 Secubare alio subinde lecto.*

*Ero impar juveni, frequensque rixa  
 Intrabit thalamum, metusque ne quem  
 Rivalem improba clamculum marito  
 Inducat. Vetula torum voluptas  
 Nulla aut frigida permeat. Calorem,  
 Ætas quem mihi debilem reliquit,  
 Restauret cupio virens juvenia  
 Primo flore puellula: atque nostri  
 Brumam pectoris algidam tepenti  
 Vere mihi recreet suo. Libido  
 Ut sedata magis, minus proterva  
 Est in virgine, quæ jugale vinculum*

Non expert a prius pudore salvo  
 Ludorum rudis est Thalassiorum.  
 Comit illa libentiùs capillos:  
 NeEtit serica, textilique vento  
 Frontem obnubit, & aureum monile  
 Collo neEttere gaudet, institaque  
 Diverso variare texta limbo,  
 Ducere aut tenui choros crocotâ.  
 Indulgentem ea diligit maritum,  
 Observatque velut suum parentem.

Fallor forsitan heic, meumque vanâ  
 Pectus spe foveo. Nec his nec illis  
 Contenta, miserum senem hauriendo,  
 Fractum corpore cernuoque vultu  
 Curvatum subito ingeret sepulchro.  
 Esto: suavis enim est futurus error.  
 Et si decipiar, levis sequetur  
 Pœna credulitatis. Huic duello  
 Si nobis erit immori necesse,  
 Dulcius fuerit novo necari,  
 Quàm scabro & veteri perire cultro.

## AD SIMONEM ROVERVM ME- DICUM LINGONENSEM.

**Q**uid doctos Podalirii nepotes?  
 Quid artes Amythaonis, senemque  
 Centaurum Amonio docentem in antro,  
 Pharmacisque Epidaurium potentem  
 Miramur? similesque maximis Dis

R

*In cælum immodico vehunt honore  
Mortales? Sileant leues Palasq̃,  
Commentis hominum ora, fabulisque  
Detinere licenter instituti.*

*Herbarum medicamine, atque succis  
Proditum est Stygiis reductum ab oris  
(Reluctantibus inferoque Diti,  
Fatisque) Androgeona, redditumque  
Dictæo esse superstitem parenti.*

*Vulgat fama eadem, innocenter actū  
Minæ Hippolytum dolis novercæ  
Domo Cecropiæ, minasque sævi  
Ægidæ fugientem, equis citatus  
Discerptū, æthereasque rursū ad auras  
Perductum medicæ vigore dextra.*

*Antiqui monimenta prisca sacri,  
Per me intacta manete: nec mihi sit  
Fas, incredulitate polluisse  
Quæ mysteria clauditis recessu.  
Absit: vivite sempiternum in ævum,  
Manes floribus & vivente lauro  
Digni: At quid vetat hujus in decbris  
Partem, accersere vel recentiores?*

*Audi posteritas: fides habetur  
Si experto, mihi nunc faveto testi.  
Illis nunc referā haud minora, quæque  
Sensi atque hausi oculis: videre nunquam  
Posthac talia Dî Deæque faxint:  
Falsa dicere malo judicari:*

*Mensibus mihi plus tribus furenter*

*Infestus capitis dolor feretro  
 Penè invexerat: atque anhela febris  
 Igne continuo astuans vorabat  
 Mî præcordia, nausæque putor  
 Languentem stomachū, oraque inquinabat.  
 Desperata salus medelam in ipso  
 Solo funere queritans, ruebat.  
 Trama dum mihi vix subest figuræ,  
 Caligantibus incubant ocellis  
 Dum nox perpetua, & graves tenebræ:  
 Ossa dum cute vix teguntur, atque  
 Hoc de corpore sola restat umbra:  
 (Spectro hæc est eademque forma larvæ)  
 Cui pallor, maciesque turpem hiatum  
 Laborum trahit: his malis gravatum,  
 Horrendum, atque meis pavendū amicis  
 Eductum violenter e sepulchro  
 Luci reddidit, & videre solem  
 Concessit medicæ decus cohortis  
 Roverius: Liceat virum ergo tantum  
 Illis equiparare, quos vetusta  
 Summis tempora laudibus celebrant.*

*Tollatur tua fama summa ad astra,  
 Simon, nec metuas fugacis orbem  
 Fortunæ, invidia aut nocens acumen,  
 Oro: & Lingonibus tuis in ævum  
 Serveris: facilesque primum honorem  
 Cedant, ut merito optimoque civi,  
 Qui Machaonis sacra instituit  
 Dedunt tempora. Posterique norint,*



*Boissardum arte tuâ tenere vitam*

# IN FVSCVM.

**C***Antatos mihi Fuscus ut Fainum,  
Et Guiasdovium audiit, meoque  
Ambos carmine redditos beatos:  
Plurimosque etiam invidere functis:  
Quod nacti fuerint uterque amicum  
Talem, cujus ab arte gloriosam  
Æterno referant honore famam,  
Illum, inquit, faciam mihi sodalem:  
Causa non aliâ, nisi mori me  
Si fortè ante diem accidat, sepultum  
Me canat lepidus suis Phalæcis.*

*Placet, Fusce: igitur mihi esto amicus:  
Et citò morere. Hec tibi Iacobus  
Adjurans recipit fore, ut sepultum  
Te canat lepidus suis Phalæcis.*

---

## EPITHALAMIVM IN NV- PTIAS IANI IACOBI BOIS- fardi, & Mariæ Aubriæ.

**V***vamus mea saculum Marilla  
Curis sepositis procul. Marilla  
Dulce presidium mea senectæ,  
Vivamus placidè simul, nec ullis  
Deinceps nostra molestiis sinamus  
Carpi tempora. Cypris en jugali*

*Me*

Me tibi face junxit: & marita  
 Zonam solvit Hymen, sacraque myrto  
 Tibi tempora cinxit: annuerunt  
 Divæ Castalides, quibus sacraram  
 Me longo studiûmque calibatu.  
 Votum Delius irritum probavit:  
 Et nostrum ad thalamum melos canorû  
 Aurata increpuit chely. Faventes  
 Sint linguæ. Bona verba quisque dicat.  
 Bonis auspiciis secunda queque  
 Succedant. Cape flammeum, Marilla:  
 Frontem obnube. Parens Odetta natam,  
 Aubriusque pater suo marito  
 Tradant, & genero optimê precentur.  
 Is socru soceroque latus, ævum  
 Felix exigit, & dies beatos.  
 Et socrum socerumque pulchra proles  
 Filia ingenuo beet nepote.  
 Qui possit patria utilis videri,  
 Sua gentis honos, decusque sacri.  
 Vota hæc audiat, & probata firmet  
 Largitor Deus omnium bonorum.  
 Æternûmque viro suam Marillam  
 Servet, atque sua Aubriæ Iacobum.

## IN CHILONEM.

O Indis preciosior lapillis!  
 O omni preciosior metallo!  
 Vita deliciis magis beata  
 Omnibus, Sybariticisque mensis

Recti quę sibi conscia atque honesti  
Tranquillum peragit quiete cursum.

Chilo, rodere mortuos caninum est.  
Nullas livor edax fatigat umbras:  
Nam cymba excipere hunc Charon recusat.  
Adlatra, licet, improboque morsu  
Defunctum lacera invidus leonem,  
Qui Virtutem habet optimam patronam.  
Famam ledere non potes sepulti.  
In solem spue: mox tibi relabens  
Sputum luminaque oraque inquinabit.

AD RUTILIVM SARAVES-  
SAM I. C. VENETUM.

MUlti sunt, Saravesa, & eruditi  
Queis urbana videtur atque bella  
Libertas ea quidlibet loquendi.  
His diſſertiva salsa, scommatumque  
Dura amaricie fluens loquela  
Mirę perplacet unde dissolutas  
Sæpe amicitias videmus, inque  
Conversas odium. Hos velut vicienum  
Et pestem, Rutili, fugis, nec abs re.

Qui quę vult loquitur, frequenter audit  
Quę non vult: Sapiens est tacere,  
Si res exigat, aut loqui modestę.  
Mens sit libera cuique, lingua serva.

T

IANI

IANI IACOBI

BOISSARDI VESVN-

TINI TUMULORUM

& Epitaphiorum

\*\*\*

LIBER VNVS.

*AD LECTOREM.*

**E**ctor, quisquis ades, non heic jocus, aut  
fale cultum

Carmen erit: lacrymas pulla feretra notant.

Haftenus esse puta risum satis: heic tibi luctum

Ostentant mœsta scripta notata manu.

Sed quid tum? Tibi non isthæc legisse nocebit:

Te quoque, si nescis, ultima fata manent.

AD



AD ILLVSTRISSIMUM  
POTENTISSIMUMQUE

Principem

IOANNEM Comitem Palatinum Rheni, Du-  
cem Bavarie, Comitem in Veldens  
& Sponheim.



RNABAM titulos functis dum mœ-  
stus amicis,

Noluerã heic, Princeps, nomẽ inesse tuũ.

Nil te pollinctor, nil te vespillo juvare

Est potis, aut tristes funeris exequia.

Te decet auratis latum fulgere sub armis,

Ponere victrici & crabra trophæa manu.

Vel lemniscata pulchram redimire corona

Frontem, clavata vel radiare toga.

Et populum iussis ad sacrum accire tribunal,

Quod tibi regali stravit honore Themis.

Pullati pompam lesi, nigraeque cupressos,

Postremos ornat queis Libitina rogos,

Et qua sacrificis ad busta cremantur acervis

Thura (nisi hoc pietas exigat officium)

Esse tuis indigna oculis quis nesciat? illos

Nulla perstringi nempe dolore licet.



*Tu tamen heic divum invenies recubare parentem,  
 Atque aliquid laudis carmine habere meo.  
 Non quòd ab exigua radiosus lampade Phœbus  
 Mendicet rutilo quo micat igne jubar.  
 Cantica sed Superis gratissima semper habentur :  
 Quodque hominum puro psallitur ore melos.  
 Atque animæ Heroum laudari voce requirunt :  
 Et sua diverso flore sepulchra tegi.  
 Non semper sacris Hecatombe fumat in aris :  
 Summum etiam placat sæpius agna Iovem.  
 Sic tuus ex alto Genitor conversus Olympo  
 Versibus a nostris non alienus erit.  
 Tu quoque eris facilis, vultuque notabis eodem  
 Præcipuè sancto verba dicata patri.  
 Quid potui feci: Sacrosancti hoc munere Manes  
 A me majori non potuere coli.  
 Pauca leges numeris quæ sunt heic scripta Phalæcis:  
 In reliquis poterit cura tibi esse levis.*

IN TVMVLOS ILLVSTRIS-  
 mi Principis Vvolfgangi Comitis Palatini  
 Rhēni, Ducis Bavarix, & Biponti.

**H**Ensisiste parumper, o viator:  
 Resiste, obsecro, nū periculum in ipsa  
 Mora sit. Strepitum sub hoc sepulchro,  
 Armorumque sonum duelllicorum  
 Audi, & Castaliæ lyræ ejulatus,  
 Et tonos quærule chelys. Viator,  
 Nonne audis resonare nescio quid,

Quod

Quod nostros superet modos? & omnem  
Humanam harmoniam? olfacis ne suavem  
Thuris, oro, fragrantiam Sabæi?  
Staëten, cinnama, balsamum atq; costū?  
Divini heic aliquid subesse certum est.  
Hunc locum venerare, cernuusque  
Sepulti ad tumulum Deos adora.

Heic cubat venerādus ille Princeps,  
Divorum inclyta Caesarum propago,  
Vvolfgangus patria perenne lumen.  
Qui compescere Gallicos furores  
Dum studet, rabiemque, Rheni ab oris  
Regna in Celtica Teutonum phalanges  
Belli fulmina dux creatus egit.

Adventu illius in fugam timore  
Se dedit subitò illa trux Enyo,  
Quæ intestina odia ingerens, furentes  
Ad civilia bella concitabat.

Pax rursus placido serena vultu  
Illo vindice restituta, tristes  
Restaurare parata erat ruinas:  
Gallorum imperium quibus sepultum  
Deformi & mutilo situ jacebat.  
Non tulit Lachesis, colum sed atram  
Pullo vellere contegens, malignè  
Forfice ante suum diem cruenta  
Boni stamina Principis peregit.

Quassum lumine vidit ut Gradivus  
Abjecit frameam, & manu subinde  
Planxit pectora, consciditque peltam.

*Hastam rupit, & Agidem Minerva  
 Conculcans lacrymis genas rigavit.  
 Sed vectum ad Superos Deus recepit  
 Ad se, & Indigetem polo locavit :  
 Defuncti exuvias, caduca morti  
 Quas natura dicarat, hoc sepulchro  
 Virtus mœsta locat : Gemunt Camœnæ:  
 Et Phœbus pater optimum patronum  
 Luget occubuisse, barbitoque  
 Tristes exequias dolens celebrat.*

*Sparge busta rosis, viator : atque  
 Sanctis candida Manibus ligustra  
 Funde, & florea ferta. Ver sacratum est  
 Urna perpetuum, & quies beata.*

## CAROLI V. ROMANO- rum Imperatoris.

**C***Arole, te pullo ut vidit Fortuna feretro  
 Tectum, oculos lacrymis solvit, & ingemuit.  
 Indignum facinus mirentur secula, dixit:  
 Quis fugiet Parcis stamina fusa tribus?  
 Magnanimam dura qui cinxit casside frontem.  
 Rupit & hostiles qui ferus ense globos,  
 Sub quo magna olim tremuerunt regna, Ducesque  
 Teutonicas hodie qui moderantur opes.  
 Albis & immensi norunt vada cœrula Rheni:  
 Latus & Euxinas qui petit Ister aquas:  
 Et Ligeris, Rhodanusque potens, Aravisque fluentæ,  
 Et Padus, & cultam regna per Oenotriam:*

*Quem*

*Quem Mauri Nomadumq; cohors, quē Punicus hostis.  
Quem nec lunati sustinuere Getæ:  
Exanimis tumulo mandatur Carolus: heu heu  
Non parcit generi mors fera, nec titulis.*

Epitaphium ejusdem.

*C*arolus Austriacę celeberrima gloria gentis,  
Atque Europæi conditor Imperii,  
Cum totum validis orbem pressisset in armis,  
Exiguo victor clauditur h eic tumulo.

Marci a Rya, Baronis Dicæi.

*S*iste gradu, quisquis cava marmora suspicis hospes:  
Spargere humum fufis nec grave sit lacrymis.  
Hoc patrem patriæ clausit Burgundia busto:  
Cum quo spes populi vita salusque jacet.  
Hinc titulis discant nimium ne fidere magnis,  
Qui mundum imperio divitiisque premunt.  
Si neq; opes, nec honos, sceptrique potentia a viti,  
Parta nec a proavis gloria Principibus:  
Si neque tutata est pietas, quin sine propinquo  
Clauferit extremum morte jubente diem.  
Te maneant quę fata velis hinc discere, tu qui  
Virtute & meritis hospes es inferior.

Francisci a Rya. M. F.

*S*urgebat, proavos animo qui vincere posset,  
Franciscus clari clara propago ducis:  
Dum patriam duro pressam defendit ab hoste,  
Magna que dum tentat fortiter ausa Rya:

*Vagina elabens capulo tenus ilia subter*

*Sica inopinato rupit inerme latus.*

*Sic propriam & patriæ fudit cum sanguine vitam:*

*Illo sustinuit quæ moriente mori.*

*Mariæ Ragueriæ, Marci a Ryâ uxoris.*

**S***I quam nobilitas, honosque, opesque,*  
*Si pudicitia modestiaque*

*Dotes, ingenique acumen, atque*

*Prudens consilium juvare possent,*

*Immortalis eras futura: teque*

*Tot virtutibus usque, gratiisque*

*Illustrem, numerosa sæcla agentem,*

*Volentem Superi Deabus illis*

*Antiquis similem polo intulissent.*

*Sed cujus thalamos fide atque amore*

*Servaras stabili (ut fuit superstes)*

*Matronam ut decuit piam & pudicam,*

*Morte magnanimum virum secuta es.*

*Ergo posteritas memor, perenni*

*Tuum tollet ad astra honore nomen.*

*Et fama excitus undequaque, busta*

*Visat qui tua, confluet viator:*

*Nardumque & casiam, & Sabæa thura*

*Sanctæ Heroidos ingeret sepulchro.*

*Claudii Antonii a Vienna, Equitis, Ba-*  
*ronis Clerevantii, &c.*

**B***Vrgundo regum seriem de stemmate ducens*  
*Claudius hac, hospes, contumulatur humo.*

*Pace*

*Pace bonus, belloque valens, in utroque fidelis:  
Clarus consilio, clarus & eloquio.  
Qui patria ut prodesset, opes vitamque profudit:  
Hac caussa in vivis se superesseratus.  
Gallia civilis furia dum flagrat Enyûs,  
Inque suam demens æstuat usque necem:  
Allobrogum hastatas trabeato agit agmine turmas,  
Infelix duri temporis auxilium.  
Quod bruma in nihilum & pluvie frigusq; redegit:  
Infectisque (scelus) toxica mixta cibis.  
Concessit Fatis magno mœrore bonorum:  
Cui tumulum & titulos fide Lemanne locas.  
Parte sui tamen is vivit meliore superstes,  
Inter Semideos Indiges astra colens,  
Gallia magnanimi laudes famamque Vienna  
Cantitat, & patriis calat in historiis.  
Hoc precium est vite summa integritate peractæ.  
Sic premitur Virtus, non tamen opprimitur.*

*Helenæ a Rya, Marci fil.*

**H***Eic sita est Helene, Viator, illa,  
Non cui Tyndaris est parens, olorque,  
Marci bellula sed Rye propago.  
Forma corporis elegantioris,  
Et candore animi modestioris;  
Culta, & moribus. Expetas quid ultra?  
Rege digna viro? viro illa regi  
Idcirco Superum puella nubsit.  
Sed mortale habuit quod, hoc quiescit  
Inclusum tumulo Rosis sepulchrum*



Spargito, violisque, liliisque.  
 Dona isthac cinerem juvant sepultum.  
 Hoc tantum jubet, atque te valere.

Annæ Hassonvillææ, Sancti Petri apud Medi-  
 diomatrices Antistitæ.

**G**ente sata illustri heic Hassonvillæa quiescit,  
 Virginei custos Anna pudica chori.  
 Vestales rexit prudens Antistita cœtus:  
 Cui studium Virtus, castaque religio.  
 Quodque vides, hospes, vasta testudine templum  
 Extolli erectis parte ab utraque tholis,  
 Extruxit proprio sumptu: sacrisque peractis  
 Devotum Petro rite sacravit opus.  
 Nil tamen hæc pietas, nil Virtus juvit, & illa  
 Nobilitas priscis edita Principibus:  
 Quin dulcem ante diem supremo funere vitam  
 Desereret, Superis excipienda polis.  
 I nunc, quem multo cumulat Fortuna favore,  
 Quem regalis honos, robur, opesque beant.  
 Qua modo in Austrasia pulchra celeberrima fama  
 Claruit, infestis vermibus esca jacet.  
 Ne tamen interiisse putes: post funera vivit.  
 Cœlum animam excepit, membra caduca solum.  
 Postea in integrum quæ restaurata resurgent,  
 Terminus ut rerum venerit illa dies.  
 Interea corpus tranquilla dormiat urna:  
 Nec cinerem sacrum marmora dura premant.

Francisci a Vienna, Claudii Antonii filii.

Heic

**H**ic jacet indigna sublatuſ morte Viennas,  
 Sequanicis quondam regibus ortuſ avuſ.  
 Cui penſum glomerans ſelici ſtamine Parca,  
 Vix quinque exactas nerat Olympiadas.  
 Acceptum Muſis, & Phœbo Pallas amicum  
 Suſcipiens propriis artibus erudit.  
 Perque gradus omnes ſumma ad faſtigia vexit  
 Militiæ: atque Ducis nomen habere dedit.  
 Nerviuſ hunc, Eburonque potens, fortiſque Sicãber,  
 Et fortunatum Belgica amavit humuſ.  
 Invidit Mavors: juvenemque immitibus auſis  
 Audacem curſu ſuſtulit e medio.  
 Ingemuit tanto mœrens Antverpia caſu:  
 Et lacrymis oculos ſolvit Alenſoniuſ.  
 Vltima ad inferias ſolverunt munera turmæ:  
 Et tota planctuſ triſtiſ in urbe fuit.  
 Tranſrectum a Scaldi excipiunt, grateque ſepulchro  
 In tritavi corpꝯ depoſuere Brygæ.

## Iacobi Soliaci Aſſaraci Lemovicis.

**Q**uid tumuliſ hères iſtiſ intente viator?  
 Aſſaracum heic duro marmore claudit humuſ.  
 In quo Soliacę gentiſ decuſ omne renaſci  
 (Si Fata hoc poſſent tollere) debuerat.  
 Dum patriæ juſtiſ hoſteſ ulciſcitur armis,  
 Ad Ligerim pulchro vulnere fuſuſ obit.  
 Parca immaturo truncarunt funere vitam.  
 Quam Virtuſ duplici ſcœnore reſtituit.  
 Haud moritur totuſ, quæ amviſ ſit lumine caſſuſ,  
 Fortia qui potuſ eſt & gerere, atque pati.

## Petri Ronfardi Vindocini.

**L** Vgete Aonides, simulque fufis  
 Stillent undique lacrymis: lyraque  
 Mæstum & flebile personent. Amores  
 Blandi, & vos Charites facietiarum  
 Oblita, saliumque, quassa crebro  
 Planctu tundite pectora: & choræis  
 Nec posthac juvet immorariet, vel  
 Vocalem digitis chelym increpare.  
 Huc concurrite crinibus solutis:  
 Et ploratibus ejulatibusque  
 Strepant omnia: tristibus querelis  
 Parnassi reboet virens cacumen.  
 Priventurque suo nitore lauri,  
 Et molles hederæ, brevesque myrti.  
 Luctum Gallia publicum ecce cunctis  
 Indixit. Iacet heu jacet patronus  
 Ille Castalij chori & Sacerdos  
 Ronfardus, citharam sonare Grajam  
 Gallos qui docuit modos, suisque  
 Qui Celtis Heliconæ pandit: hisque  
 Ostendit liquida vadam Hippocrenes,  
 Illum condidit hoc Apollo busto:  
 Aureasque comas scidit, deditque  
 Scissas inferis: rogique flammis  
 Munus nobile barbiton cremavit.

Lessum ducite cantibusque pullam  
 Ter circum tremulos vocate pompam.  
 Sacri solvite Manibus poëta

Munera

*Munera ultima: ferte thura: ferte  
 Staetem: spargite floribus sepulchrum:  
 Spicâ perpetuô locus Cilissâ  
 Spiret, Assyriique odore mœchi.  
 Locum hunc Pythius eligit relietâ  
 Delpho & Phocide: Phœbas enthea unde  
 Sacra oracula vatibus patente  
 Cortinâ, atque adytis canat reclusis.  
 Cognomen veteris Clari, atque Cyrrhæ  
 Nunc odit: Lyciique Deliique  
 Rejicit titulos procul: sed est jam  
 Ronsardus patiens Deus vocari.  
 O nulli decus hætenus tributum!*

Hugonis Babeli Philosophi Hippolytani.

*C*ujus reliquias tegit hic lapis? ossa Babeli hac  
 Aonidum comitis contumulantur humo.  
 Ille Brabantini est qui Buslidiana Lovani  
 Instruxit summâ doctâ Lycea fide,  
 Quem Graiis olim scriptis intenta juvenus  
 Pandentem coluit dogmata Aristotelis.  
 Atque explanantem veterum secreta Pelasgum:  
 Quicquid & implicitis hæret in historiis.  
 Sectatus Musas studiis, & calibe vitâ,  
 Bis deciman ingressus vidit Olympiadem.  
 Dumque sui Phœbi sacras inservit ad aras.  
 Exegit seros absque labore dies.  
 Funde sacro cineri flores & thura, viator.  
 Atque ævum incolumi transige sorte tuum.  
 Veturij Leontii Hydruntini.

**Q**uid te magnifici gravis sepulchri  
 Moles detinet, hospes? inque pictis  
 Hares marmoribus? Rogas in urna hac  
 Cuius sint cineres? habeto paucis.  
 Hæc sub busta Veturius quiescit,  
 Magnus ille Heliconidum sacerdos,  
 Martis deliciæ sui atque alumnus,  
 Hydrunti geniale sidus: ille  
 Quo nil doctius aut magis politum,  
 Nihil comius aut magis benignum,  
 Nil robustius aut magis virile,  
 Nihil nobilius magisve clarum  
 Tellus Itala possidebit unquam.  
 Virtus nil tamen hæc severa Fata  
 Flexit, quin subitum hauserit venenum  
 Pestis Euganeæ: & dies supremos  
 Vita clausit Adria ad paludes.  
 Illum Apollo gemit, comisque scissis  
 Plorat Pieridum chorus, Charisque, &  
 Quantum est nunc hominum eruditiorum.  
 Audis, & lacrymæ fluunt ocellis.  
 Hospes: esse animæ bonæ probaris:  
 Cum te publicus hic dolor laceßit.

Lælii Cleopassi Hydruntini.

**N**ostræ quisquis ades viator urnæ  
 Spectator, monumenta mæsta lustrans:  
 Quæris qui fuerim? quibusve natus?  
 Quis vitæ fuerit status modusque?  
 Hydruntus patria est: parens uterque

Primâ

*Primâ nobilitate Iapygum orti.  
 Me Libetrides, atque Apollo amarunt:  
 Et manu instituit sua Gradivus.  
 Naupaëtum, & bimaris salum Corinthi  
 Me ducem horruit: & meam probarunt  
 Cyprus, & Melite, Illyrisque dextram.  
 Pestis Euganeo nocens veneno  
 Stravit: Appula humus dedit sepulchrum.  
 Summo spiritus est polo receptus.  
 Vixi lustra novem, dies duos si  
 Demas de numero undecimque menses,  
 Quid ultra? Cleopassus heic quiesco.  
 Plura ne rogites. vale, atque vive.*

Octaviani Cleopassi, Lælii filii.

*P*Arve puer, quem vix plenâ trieteride mater  
 Viderat, es Parcis parva rapina tribus.  
 Si caperent, Divæ, vos grandia nomina, nere  
 Huic totam Phryxi debueratis ovem.  
 Sed titulis nulla est heic gratia, Virtutique.  
 Omnia mors aquâ sternit iniqua manu.

Sfortiæ Hugonii Brixiani, Fortunati filii.

*P*Arce locum hunc hospes plantâ violare molestâ:  
 Hec situs est Veneris Sfortia delicia.  
 Funde rosas cineri, da candida lilia busto,  
 Mixtaque Coricio cinnama lecta croco.  
 Nulla heic assurgit graviori pondere moles,  
 Molliæ ne durus comprimat ossa lapis.  
 Theobaldi Boissardi I. C. Patris sui.



**H**Æc tibi, care parens, mœsti cum conjugem  
 Busta parant multis ultima cum lacrymis.  
 Accusantque tua crudelia funera moris:

Et duram Lachésin, dūraque Fata vocant.  
 Solatur tristes spes hæc tamen una querelas,  
 Quòd iusta parvam rexeris arte domum.  
 Quòd conjuncta deo mens, irreprehensaque vita,  
 Et laudata bonis & sine labe fuit.  
 Altaque percipias sperati gaudia cœli.  
 Hæc est electis munere parva quies.

Ejusdem.

**H**oc, ubi postremos vitam traxisset ad annos  
 Boissardus patrio condidit ossa solo.  
 Vixerat ille satis jam naturaque sibi que:  
 Cognata domui sed patrięque parum.

Ejusdem.

**N**atorum hac pietas Theobaldum cōdidit urna:  
 Pro patre quòd caro non potuere mori.

D. O.

M. S.

THEOBALDO BOISSARDO  
 NEGOTIORVM CIVILIVM

PROCVRATORI: ET  
 IOANNAE BABELAE  
 PARENTIB. OPTIMIS

B. B.

M. M.

MOESTA LIBERORVM  
 NEPOTVMQVE PIETAS

H. M.

P. C.

Ioan-

Ioannæ Babelæ matris suæ.

**H**oc jacet tumulo Babela, primus  
Matronarum honor, ad Dubis fluenta  
Quas parvi Hippolyti tulere ripæ.  
Hac virum officio fideque semper,  
Atque amore secuta singulari,  
Octavo genitrix vocata partu est.  
Quinti exacta simul quibus decenni  
Postquam est vita quieta, lata, concors,  
Et rei indiga nullius, maritum  
Mandavit patrio suum sepulchro,  
Vingintique iterum superstes annis,  
Quibus bis geminū addidit decēbrem,  
Servavit viduos annis penates:  
Cultrix religionis, & sacrorum,  
Quæ priscus patriæ docebat usus.  
Atque inter calathos, colosque natas  
Exercens, ut acu decente quasvis,  
Formas pingere, vividosque vultus  
Possent auxilio sua Minerva.  
Tandē has blandus Hymen toro jugali  
Addixit, thalamoque nuptiali.

Iam nati poterant domi nepotes,  
Et longo ordine filii nepotum  
Tenellis aviam vocare labris.  
Quæ vitam instituit mori ut parata.  
Multis profuit, obfuitque nulli,  
Pari pectore fronte nata eadem.  
Et sine invidia doloque septem &

Nonaginta hyemes, decemque soles,  
 Et menses totidem integrè peregit.  
 Tandem annis satura, evocante calo  
 Defuncta occidua est anus senecta.

Hos cum fratre suo sororibusque,  
 Dum solatia præparant dolori,  
 Sancta cum lacrymis, pioque planctu  
 Boissardus titulos locat parenti.

At tu quisquis es, o bone hospes, hæc dum  
 Securus legis inscius futuri,  
 Ediscendo aliena facta, & acti  
 Temporis seriem, necessitatem  
 Communem hanc quoque te sequi latenter,  
 Et certò statue: atque comparato  
 Hanc vitæ rationem, ut in futuro  
 Abrumpentibus atra fila Parcis,  
 Nunquam pœniteat prius peractè.

Margaris Boissardæ, Theob. fil.

**H**Eic mater, natiq; duo, & bisquinque nepotes,  
 Quos simul extinxit pestis acerba, jacent.  
 Omnibus una dies lethum intulit, omnibus una.

Communem functis terra dedit tumulum.  
 Discite mortales tenui quàm stamine vitæ hæc  
 Pendeat: instabili quàm ruat illa gradu.  
 Qui modò florenti cursu transegimus ævum,  
 Nunc muti Manes, pulvis, & umbra sumus.  
 Felices hodie rebus super este secundis.

Vos tamen hic omnes exitus unus habet

Claudæ Boissardæ, Theob. fil.

**H** Octumulata jacet Boissardi Claudia busto,  
Matrona antiqua clara pudicitia.  
Cui studium fusi, telæ, calathique, colique,  
Textaque, & artificii stamina ducta manu.  
Gnara placere viro, castos servare penates,  
Et prolem exemplis scita docere bonis.  
Hæc cùm bisquino impleisset trieterida lustrum,  
Menses bisgeminos tergeminosque dies,  
Restituit Superis animam, unde duxerat ortum:  
Terra mortales reddidit exuvias.  
Quisquis præteriens vises loca sacra, Viator,  
Et tacito titulum marmoris ore leges:  
Intra te dices: Manes salvete beati:  
Conditæque æternùm molliter ossa cubent.  
Richarti Malarmæi Vesuntini.

**H** Eus, hospes, modicum ut morere marmor  
Erectum rogat, & legas brevi quod  
Mandatum est titulo. Hic cubat Richartus  
Malarmæus bonos Vesuntionis,  
Antique probitatis æmulator.  
Hoc non justius æquiusve quisquam  
Tota vixit in urbe, quam sagaci,  
Ut civem patriæ optimum decebat,  
Iuvit consilio, labore, & ære.

Postquã annis satur, & gravis sene Etæ  
Reposcenti animam Deo dedisset,  
Terrestres tumulavit hac humo uxor  
Mœrens exuvias, piique nati  
Ianus & Ludovicus atque Francus.

Qui pullis humeros togis amicti,  
 Tristes inferias, atram cupressum,  
 Et nardum, & cassiam, atque odora ferta,  
 Et plenis Nabathæa thura acervis,  
 Munera ultima Manibus parentis  
 Solverunt. Datus est cinis sepulchro:  
 Cœlestes animus polos revisit,  
 Fama per celebri relicta ubique.

Quis felicius ordinare vitam,  
 Et finem expeteret beatior?

Antonia Bercinæ, Richarti Malarmæi  
 uxoris.

**D**Efuncto statuit tumulos Bercina marito,  
 Communi cupiens funere posse tegi.  
 Sed tutela domûs & tres pia pignora nati  
 Suaferunt viduos huic tolerare toros.  
 Ast annis postquam juvenesadolescere visi;  
 Maternaque illis non opus esset ope,  
 Argentis cineres repetit Bercina mariti:  
 Sic visa est natis fida viroque simul.

Francisci Malarmæi, Richarti filii.

**F**Vnerea quicumque vides frundere cupressu  
 Busta, & Oronthæo thure fragrare locum.  
 Condi hac disce, Hospes, Franciscum mole sepulchri  
 Stirpe Malarmæa quem tulit ora Dubis.  
 Occubuisse dolet me mœsta Vcsuntio: tantum est  
 Carum ob virtutes civibus esse suis.  
 Quisquis in humanis spem censes posse reponi,  
 Heic quo (si sapias) erudiaris habes.

*Lubrica vesana attentus ludibria sortis  
 Cerne, volubilibus continuata tropis.  
 Nil mihi divitiæ, nec aviti gloria censûs  
 Profuit, aut summa laude paratus honos:  
 Patricia aut de gente genus traxisse celebre:  
 Terribili mors hæc omnia falce metit.  
 Tutius in scilices impinget fragile vitrum:  
 Firma erit opposito stiria sole magis:  
 Quàm quæ vita homini Fatis malè cedit iniquis:  
 Quæ miserè exposita est undique mille malis.  
 Sed mihi præsidium non expugnabile Virtus  
 Exitit: hac felix vindice tutus ago.  
 Parte mei meliore colo cœlestia regna:  
 Membra, solo & morti debita, terra tegit.*

Domitii Faini Veronensis.

**H**oc sub marmore quis jacer? Fainus,  
 Hôspes Aonii chori atque amicus.  
 Integerrimus omnium, optimusque  
 Quos Antennoris urbs tulisse sæclis  
 Multis creditur. At capax duorum,  
 Cùm sit únus, est locus sepulchri.  
 Hoc simul tumularier volebat  
 Major pars animæ illius Iacobus,  
 Infelixque dolensque, quòd superstes  
 Solus sustineat jubar, sodale  
 Sublato subita tumore pestis.  
 Quòd si inferre manus sibi liceret,  
 Ixisset gladio fidele adaçto  
 Pectus, & sociis rogam subisset



*Vterque exequiis: Negavit illi  
Mors dura officium, ut dolore tandem  
Confectus cruciatibusque longis  
Exosam toleret miser sene etiam.*

*Hospes qui legis hæc, meosque luctus  
Vides, si pietas inest tibi ulla:  
Si fortè illius es rigoris expers,  
Qui gentem antipodum tenère fertur:  
(Commentum nisi fabulamve credas)  
Dum risu atque jocis suos amicos  
Efferunt, verubusque caccabisque  
Excoctos epulis vorant cruentis:  
Nostri ut te moveant precor dolores:  
Hoc per numina cuncta, perque amicos  
(Si quos fortè habeas) rogo, & sepulto  
Preceris benè: non quòd is tuarum,  
Summa qui super est relatus astra,  
Sit precum indigus: Id tamen levamen  
Boissardo fuerit. Bone hospes, hoc est  
Quod te scire volebam. Abi, valeque:  
Amicisque tuis diu fruarè.*

*Ejusdem.*

**H***ospitum decus omnium Fainus  
Quotquot sunt Patavi heic jacet: dolete  
Qui fontes Aganippidum sororum  
Visuri Euganeam petistis urbem.  
Damna hinc maxima publicè redundant,  
Nunquam fortè resarcienda: namque  
Candoris simul & fidelitatis,  
Et quicquid fuit hospitalitatis*

*Intra*

*Intra mœnia, secum habet sepultum.*

D. O. M.

DOMITIO FAINO VERONENSI  
VIRO INTEGERRIMO

I A. I A C. BOISSARDVS  
VESVNTINVS

AMICO SINGVLARI  
HOSPITIQUE OPT. D. S. M.

H. M. P. C.

VIX. ANN. XLII. M. IX. D. VI.  
O. AN. SAL. M. D. LXXVI. EID. AVG.

*Ejusdem a Paulo Melisso.*

**D** Omiti Faine, *cujus*  
Verona Letum patria  
Hodieque luget, atque  
Planctu dolorem & lacrymis  
Athesis, pięque Nymphę  
Testantur, ut vitalibus  
Spoliavit ipsa te auris  
Crudelis Atropos, Atropos  
Inimica dira amicis,  
Hostisque atrox sodalibus.  
Niveum heu tuum sodalem  
Boissardum, amicumque optimum  
Viden, o pia umbra, quali  
Quantoque damno adfecerit?  
Moriente te, Faine,  
Boissardus appetens mori,

*Spoliatus ipse & aura,*

*Intra se sui orbus est.*

*Animo licet vigentem*

*Cernas, & valentem corpore,*

*Tamem ex dolore tanto*

*Vivum putabis mortuum.*

**A** Ioanne Posthio Germershemio, Elect.

Pal. Archiatro: aliud.

**L** Vgete o Aganippides puella,

**E**t quantâ est hominum eruditiorû:

*Et vos ante alios boni Poëta.*

*Vester occubuit patronus eben:*

*Vester mortuus est Fainus ille,*

*Veronæ decus Urbis, atque ocellus:*

*Patris deliciæque amorque Phœbi:*

*Musici gregis, omnium & bonorum*

*Omni tempore liberalis hospes.*

*Ille eben, ille bonus Fainus athra*

*Tactus pestifera reliquit auras*

*Vitales subito, furente dextra*

*Dum mors Ausonias flagellat urbes.*

*O factum malè, o maligna Fata.*

*Quæ prima optima quæque devoratis.*

*Verùm parte sui manet superstes*

*Fainus meliore ad astra vectus,*

*Virtutumque suarum in orbe dignos*

*Pracones habet. Hunc canit Pinellus,*

*Muretusque, Sigoniusque, & Aldus,*

*Boissardusque meus, mihi que summo*

*Ancantherus amore amandus, at que*

*Melissus*

*Melissus meus: o nimis beatum,  
Et cælo genitum favente, vita  
Cui post fata datur nova & perennis!*

*A Friderico Lessotæo Steblæo Sile-  
fio: aliud.*

*S*iste gradum: tanti parva est jactura, viator,  
Temporis: & mea sunt nomina digna legi.  
Hac ego Musarum fautorque hospesque Fainus  
Condor ab immiti peste peremptus humo.  
Unanimis tumulum Boissardus amicus amico,  
Et titulos (Parca sic voluere) dedit.  
O me felicem, qui tanti munere vatis  
Vitali cassus lumine, vivo tamen:

*Polydori Marini Epirotæ.*

*N*on oblita tui es, Lachesis, quæ sata bonorum  
Diceris injusta præcipitasse colu.  
Ergo jaces, Polydore, genus nec juvit avitum,  
Quod quondam Epiri sceptrâ beata tulit,  
Non te Regis amor Galli servavit, & illa  
Desponsata tuo Mœia Nympha toro.  
Non Epernonii textit tutela favoris:  
Non lepidis cultum moribus ingenium.  
Una eadem est cunctis lethi via. Regibus idem,  
Qui de plebe satis, exitus esse solet.  
Nec ratio ætatis, nec conditionis habetur.  
O rigidum austeri numinis arbitrium!

*Vvolffii Munzeri, Equitis  
Franci.*

**Q** Vitumuli, quos ara tegunt radiantia latê?  
 Signaque diversis splendida marmoribus?  
 Heic jacet antiquo Francorum stemmate cretus  
 Munzerus clara nobilitatis eques.  
 Ortum cui Bambergæ dedit, vitamque polivit  
 Longis Europa est quæ peragrata viis.  
 Et Ptolomæa Pharos, Nilo & contermina Memphis:  
 Et Syrus, & rapido sole perustus Arabs.  
 Excepit reducem respublica Norica, & omne  
 In civem meritum contulit officium.  
 Quam (quia dum vixit contento calibe vita  
 Conjugii dederat pignora nullus Hymen)  
 Heredem instituit fortunarum atque peculi,  
 Prædives gazæ quod locuplete fuit.  
 Huic memor æterna cumulado laude Senatus  
 Hæc ad Pegnesi flumina busta locat.

Lentuli Ventidii Nucerini, & Prosperi  
 fratris ejus.

**L** Entulus hac clausus, Prosperq; Viator, in urna,  
 Fratrum Benaco fata gemente, cubant.  
 Doctus uterque, animique bonis præclarus, & armis:  
 Nam propria instruxit Pallas utrumque manu.  
 Occubuerunt tamen valide sub flore juventæ:  
 Nec tantæ caros profuit esse Deæ.  
 Ardua nec juvit vivaci in pectore Virtus:  
 Nescit Parca ullis parcere nominibus.

Hieronymi Capovaccii Medici  
 Patavini.

Ille

**I**Lle ego qui solitus Stygii frenare Charontis  
Ausæ, & fatales arte domare colos:  
Sensi prob dolor, heu sensi implacabile numen:  
Et tandem imperio Parca subegit atrox.  
Nil animo nocuit, cælo quem Iuppiter alto  
Intulit: at corpus contegit iste lapis.  
Servavit famam Virtus, quâ vindice dicor  
Integer, & nullo tempore posse mori.

Alphonſi Aiallæ Hispani.

**S**I vitam manus ad duella nata,  
Si fortes animi, metuque nullo  
Quassa pectora, visque vel Gradivo  
Digna, & consilium decens Minervam  
Tutari potuisset, atque pulla  
Tela obtundere mortis, invidendum  
Fatis, plurima Olympias valentem  
Vidiſſet. Tacitis cruenta repit  
Falx Parcæ insidiis, metens sine ullo  
Nos discrimine. Gratiam meretur  
Nullam conditio, status, nec ætas.

Diversis studiis mea est juvenus  
Culta: Castalios bibi liquores:  
Linguarum que peritiâ celebris  
Audiui. Hesperique utrique carum  
Virtus bellica reddidit: meamque  
Senſerunt Nomades Getæque dextram.  
Tricenos numerâtem, & undecim annos,  
Nihil tale timentem atrox venenum  
Pestis me rapuit male, inferique

T



*Sacravit Stygiæ rati Charontis,  
 Atallam Elysiæ inferens cohorti.  
 Sic suos patitur perire Virtus?*

Theodori Zozimi.

**G**racus Olympiaca Theodorus ab Elide Romam  
 Culturus Latii moribus ingenium  
 Veneram: at in Latio me mors inopina peremit.

Roma Quirinali colle dedit tumulum.  
 Græco homini, Latii Manes, estote faventes:

Et placidè bustis his facitote cubem.  
 Omnibus æquus erit Patris suprema potestas  
 Extremi Christus tempore judicij.

Franci Apollodori Veneti  
 Pictoris.

**I**nterit Phidias, & præclaræ artis Apelles:  
 Mortuus est multo cultus honore Myron.  
 Totque alii, quorum sæclis servata vetustis  
 Sacrata est priscas fama per historias.

Ex æquo imperitat Fatum omnibus, una superstes  
 Parcarum Virtus stamina pulla fugit.

Debetur corpus telluri: animus petit astra  
 Salvus. Parte bonis hac superesse sat est.

Sic tu, qui vitam multis doctâ arte dedisti,  
 Hosque & te morti subripuisse juvat.

Æquo animo omni homini communia fata ferendo  
 Magnanimum tu te, France, fuisse probas.

Valentini Grevii Bacfarci  
 Pannonii.

**M**ors rapuit Greviū: Manes gaudete profundi:  
 Ecce iterum. vobis fulget amica quies.  
 Ad vos descendit novus Orpheus: ille canorâ  
 Pannonicæ Ditem leniet arte lygæ.  
 Sisyphiis saxum ex humeris cadet: orbe rotari  
 Desinet Ixion, Tantalus amne bibet.  
 Belides abjicient utres, Tytiique cruento  
 Cessabit rodi vulturis ore jecur.  
 Miescet Minos: Rhadamanton & Æacon umbræ  
 Gaudebunt torvas deposuisse minas.  
 Este alacres: ac dum cessant tormenta, catenis  
 Exuti, evadat qui potis effugere est.  
 Ad libertatem portis concurrите apertis,  
 Baccharco Elysias ingrediente vias.

Philippæ Lazææ Polanæ.

**I**llyricam Sapphoa tegunt hæc busta, viator:  
 Ortum Polanâ quæ prius urbe tulit.  
 Carmine cantavit quæ gessit filia Costi,  
 Quis Zephyrum Flora conciliavit amor.  
 Bombycum laudes, Pyrrhique immania sacra  
 Argutâ & facili texuit historiâ.  
 Concessit satis, hominum tot millia luci  
 Vitali eriperet dum Patavina lues.

Eiusdem.

**P**olu mihi patria est: Musæ mea sola voluptas:  
 Et sacer intacta virginitate pudor.  
 Lustrorum bis vita trium mihi lata peracta est:  
 Tergestina brevem terra dedit tumulum.

*Plura rogas? hospes: Laxam marmora celant  
Ista, sui sexus & decus Illyrici.*

*Aeliæ Zabareliæ, & Silviæ Filiæ ejus*

**H***Ac non vulgaris forma jacet Ælia terrâ:  
Fœmina sed rarâ clara pudicitia.*

*Silviaque ingenuos mores sectata parentis:*

*Sed matrem superans carmine & arte lyra.*

*Hujus erat thalamis jam desponsatus Achilles,*

*Bellochari soboles ingeniosa senis.*

*Ingruit atra lues Venetam grassata per urbem,*

*Quæ letho natam cum genitrice dedit.*

*Indoluit juvenis: tollensque ad sidera palmas,*

*Exclamat: misero da mihi Cypris opem.*

*Annuat: ille die morti succumbit eodem:*

*Sed non implevit cetera vota Venus.*

*Nam Veneti busto patris est tumulatus Achilles:*

*Euganeo clausa est Silvia sarcophago.*

*Iannûs Beretinae, Petri Lepidi Me-  
tensis primæ uxoris.*

**L***ongua diu tituli teneat ne lectio nostri,  
Hospes, te: tumulis his Beretina tegor.*

*Maturam thalamo jam me tria lustra videbant,*

*Cum Lepido faustus me sociavit Hymen.*

*Binâ prole parens fuerat vir: tertia quando*

*Curaret partus Ilithyia meos,*

*Adfuit auxilio nobis, Statilius iniquo:*

*Nec juvit nixus seva Levana graves.*

*Vidisses Fatis obstare Machaonas omnes:*

*Sed matrem & sobolem sustulit atra dies.*

*Quid*

Quid tu suspiras? lacrymisque per ora profusis,  
 O hospes, soricem nostraque fata doles?  
 Cara viro exegi felices hætenus annos:  
 Aetas æta brevis, sed sine nube fuit.  
 Ecce locata polo vita meliore fruiscor:  
 Qua sit ad immitem non reditura colum.  
 Grata tua est pietas: Tu longum vive per ævum:  
 Sed restare tibi fata suprema memor.

Mariæ Lepidæ Petri senioris filiæ.

**S**i rosa, si violæ, si mollis amaracus istos  
 Perpetuo ad tumulos veris honore nitent:  
 Si busto Idaliæ faciunt umbracula myrti:  
 Si sparsus variis floribus halat ager:  
 Non est quod nuniùm attonitus mirere, Viator.  
 Condidit heic Paphius nam sua tela puer:  
 Et Cypris alma faces: Lepidæ pullata feretrum  
 Lethæa instrueret dum Libitina pyra.  
 Cinnamamœsta Charis puros conjecit in ignes:  
 Et Panchæa dolens thura adolevit Amor.  
 Ac fufis lacrymis dixere novissima verba:  
 Conscius & sensit dona suprema cinis:  
 Felix umbra, tua tranquilla pace sub urna  
 Dege: levis tellus sit tibi: Hæve, atque vale.

Annæ Bellæ, Petri Lepidi aviæ.

**T**empora longevæ statuit tranquilla senectæ  
 Queis voluit facilis cœlitus esse Deus:  
 At status istiùs fecit miserabilis avi  
 Ne multi hac possent conditione frui.

*Tu tamen invito hæc superasti incommoda sæclo:*

*Nec fraudare tuis te potuere bonis.*

*Inter natorum natos, dulcesque nepotes*

*Securos vitæ degere certa dies.*

*Candor enim & probitas, & mens sibi conscia recti*

*Remigium cursûs sustinuerere tui.*

*Hu tibi Scilla minax, his evitata Charybdis:*

*Et tua per placidum prora cucurrit iter.*

*Donc speratos peragrato tramite portus*

*Carpis: ubi æterna est nunc tibi parta quies.*

Samuelis Aubrii, Iani filij.

**A** Vbrius heic situs est: primo quem flore juventa  
Incautum rigida fata tulere manu.

Quo potuit vivo domus illius esse superstes:

Tantus erat studiis: tantus & ingenio.

Non tulit hoc fera mors: sed qua merit omnia falce,

Hac juvenis gnavos abscidit atra dies.

Mæsta urbs hunc luxit, mæsti luxere parentes:

Omnibus ex aquo mors ea acerba fuit.

Multum est Virtutem a primis sectarier annis:

Funere & extremo quam comitatur amor.

Amisse frustra damnum irreparabile vita,

Et Clothûs querimur fata severa manûs.

Debemur mortis: trita est hæc semita cunctis.

Heic nullis superest gratia nominibus:

Sed qui in venturum famam virtutibus ævum

Prorogat, æternum hunc vivere credibile est

Solus hic obscuris Lethes non occubat umbris.

Solus hic insigni posteritate valet.

Felices

*Telices placidè hac tellure quiescite Manes ;  
Dum Christi veniet iudicis illa dies :  
Corpora in integrum qua restaurata resurgent :  
Et formam hac capiet machina magna novam.*

*Iuliæ Aubriæ, Iani fil.*

**H***Vmana quis non miretur stamina vita,  
Qua dubia Fati sunt glomerata rota?  
Hac ego cura mei non importuna mariti,  
Et tutela domûs Iulia condor humo.  
Lucina primo jam facta puerpera partu,  
Actais dederam dulcia liba favis.  
Bis duo vicanos numeranti lustra per annos  
Injecit dextram Parca cruenta mihi.  
Astra adii: corpus mæsti hac tellure locarunt  
Cum lacrimis carus vir, geminûsque parens.*

*Gabrielis Diespachii Abbatis Vallisclusæ, &  
Canonici Vesuntini.*

*Hospes siste gradum parumper: atque hoc  
Quod saxum velit & loquatur audi.*

**H***Eic sunt Diespachii sita ossa: cujus  
Morte mæsta Vesuntio gemiscit.  
Non illo melior, pientiorve,  
Non prudentior, eruditiorve,  
Quisquã ad flumina Sequanae Dubisq;  
Est visus, vel amantior suorum.  
Qui postquam benè de suis merendo,  
Amplis functus honoribus, secundo  
Esset tramite vitam adeptus, annis*



*Mors gravem abstulit, intulitque cælo.*

*Disce hinc, disce hominum statum caducum:  
Disce spes fragiles, dies fugaces,  
Parcarumque colos cruenta Fata,  
Nulli parcere quæ sciant velint ve.  
Hinc, rudens tibi provide: tuisque  
Rebus consule dum licet. Valentem  
Aurora excipiet, videbit agrum  
Vesper: nox tenebris, nigraque morti  
Tradet, lethifero tegens sepulchro.  
Hac si mente tenes, abi in bonam rem:  
Sed semper memor ultimi receptus.*

*Iacobi Chassigneti, Medici Vefuntini.*

**S***ollicitis hæres oculis dum, care Viator,  
Et te suspensum detinet iste lapis,  
Poscis cui busta hæc tristis Libitina paravit?  
His Chassigneti molliter ossa cubant.  
Ille Machaonia florens celeberrimus arte,  
Devotis patriæ profuit officiis.  
Optimè & hæc merito post fata novissima civi  
Æterno clarum nomen honore sacrat.  
Cælo anima excepta est: sed vivit fama superstes,  
Parcarum immites despiciens calathos.  
Mæstaque natorum pietas, & flebilis uxor  
Defuncti hoc corpus deposuere solo.  
Hoc tituli te summa docet: da thura, Viator.  
Et cineri ut fueris fausta precatus, abi.*

*Henrici Magneri, Præfecti Monasterii sancti  
Vincentii Vefuntione.*

**N** Il heic flegibile conspicias, Viator:  
 Nil quod funerea notet cū pressu,  
 Aut planctu, aut lacrymis comisq̃ue vulsis,  
 Aut dolore aliquo fuisse busta  
 Lacesita. Virente picta sero  
 Vere perpetuo albicans ligustrum  
 Produxit, violasq̃ue humus: sepulti  
 Candorem ut notet, integramq̃ mentem.  
 His dignum putat esse se: & quadrare  
 Illa, quos miseranda vita mœstis  
 Ad mortem exequiis cōggit. At qui  
 Henricus jacet heic deusq̃ue honosq̃ue  
 Hujus cœnobii, Vesuntionis  
 Ornamentum, & amor novem sororum,  
 Et Phœbi Charitumque veritatis,  
 Recti, a quique tenax. Suo sed ævo  
 Quod passim pietas, Deique cultus  
 Nullo vindice languidus jaceret,  
 Rogavit Superos, & impetravit,  
 Maturê ut peteret polos: priusquam  
 Hanc (quæ est præ foribus) ferat ruinam.

Hospes optime, compotem esse voti  
 Si gaudes, benè Manibus precando,  
 Vitam illi quoque prosperam precantur,  
 Et semper tibi sit benè & beatè.

Antonii Pascharii.

**A** Dst a hospes modicum Pascharius heic jacet: ille  
 In celebri clarus qui fuit Austrasia.  
 Occubuisse doles? eadem tibi funera restant:  
 Me quondam hac genuit conditione parens,

*Vt morerer Superis aliquando volentibus: atqui  
 Mortalis subii fata suprema libens.  
 Proposita una via est cunctis ad flumina Lethes.  
 Parcarum mæsis nos lacrymosa sumus.  
 Sed placuisse Deo satis est: Tellure sepultum  
 Est corpus: cæli Spiritus astra colit.  
 Nominis æterni concessa loquacibus annis  
 Fama est: An non hoc vivere bis vivere est?*

*Caroli Renaldi Pontimussiani, Collegii  
 S. Servatoris apud Mediomatrices  
 Decani.*

**C***Arolus hoc busto tegitur, non mortuus: ille  
 Haud moritur, Virtus quem vetat alma mori.  
 Sed vitam mutans vita meliore caducam,  
 Cum Christo victa morte quietus agit.  
 Discite mortales Fatorum quanta potestas  
 Rebus in humanis ludat & imperitet.  
 Cui modo sacratam vela verat infula frontem,  
 Dum summo offerret thura adolenda Deo:  
 Vix totam a seno complens tricterida lustrò,  
 Funestus tumulo hoc pulvis & umbra cubat.  
 Fortuna trochus omnis homo est: quo firmior est quæ  
 Enata in summis bulla videtur aquis.  
 Nitimur incassum ætatique, opibusque paternis:  
 Adscribit prædæ nos Libitina suæ.  
 Sed falci mortis nos eripit unica Virtus:  
 Nos donat cælo, conciliatque Deo.  
 Hujus præsidio fultus super astra relatus  
 Pace fruor: textit putre cadaver humus.*

Claudii Sartorii Metensis.

**H**Ac situs est patria columen Sartorius urna :  
Quem patria e vivis mœsta abiisse gemit.  
E vivis abiit, quia vivere desiit inter

Mortales, cœli posset ut arce capi.  
Nemo bonus moritur. Virtus est funeris expers.

Illa suis facilem pandit ad astra viam.  
Quodque malis mors est, & ineluctabile Fatum,  
Hoc est præsidium, vitæque certa bonis.

Felix, Virtuti qui sese dedicat: illa  
Lethæas nunquam vindice gustat aquas.

Hugonis Dordonæi, Præsulis Hippolytani.

**H**ic jacet eximia cultus pietate sacerdos,  
Esse pari suetus pectore fronte pari.  
Iusticiæque tenax, & moribus integer æquis:  
Fidus, & antiqua simplicitate bonus.  
Da cineriflores, tumulis intente Viator.  
Ingenuum pietas nam decet ista? vale.

Nic. Clementis Trelæi Viseliffii.

**A**Vdi, qui legis hæc, funestaque marmora lustras:  
Hoc Clementis sunt ossa reposta solo.  
Ad cuius numeros Brennon, vitreusque Mosella  
In liquidis cursus detinucere vadis.

Atque choros mediis duxerunt Naiades undis,  
Plaudentes suavem Vatis ad harmoniam.

Huic pater inferias planctu lachrymisque paravit:  
Quod patri natus debuit officium.

Sparge sacro cineri flores & thura, Viator:  
Munera placatis Manibus ista placent.

*Mors etenim obscuris totum non obruit undis,  
 Quem prohibet vindex Musa & Apollo mori.  
 Petri Monavii Vratislaviensis, Me-  
 dici Cæsarei.*

**S***I prece, si precio, si vi reparabilis esset  
 Vita, ego millenas viverem Olympiadas.  
 Exorare etenim Parcarum mœsta Budorgis  
 Pensa brevesque colos quæ potuisset erat:  
 Ditia Cæsareæ voluere araria gazæ  
 Solvere munifica multa talenta manu.  
 Sed nimium est rigidi dura inclementia Fati:  
 Heu, novit nullis parcere nominibus.  
 Non mihi Apollineis coluisse fideliter artes  
 Profuit, & patriæ consuluisse mea.  
 Non juvit magno officiis placuisse Rudolpho:  
 Cæsaris & tanti promeruisse fidem.  
 Quin mihi Lethæa Lachesis redimita cupressu  
 Eriperet caris lumina luminibus.  
 At non eripuit lumen: mortale cadaver,  
 Ut visum est Superis, hac tumultatur humo.  
 Cælo anima excepta est mortis secunda secundæ:  
 Heic mihi perpetua vivere pace datur.  
 At tu, quem nostri movere incommoda casus,  
 Quid luges? istis pone modum lacrymis.  
 Deserui vario concussam turbine mundum:  
 Ut nostram accipret mitior aura ratem:  
 Et mihi sunt dubia superata pericula sortis:  
 Ætherea capior nunc statione redux.  
 Grata tamen pietas hæc est tua. Dj tibi dulcis  
 Prolongent vitæ tempora fausta. Vale.*

Iulii Boissardi, Iacobi fil.

**S**iste gradū, o Hōspes: nō heic mora lōga futura est:  
 Iulius exiguis contegor bis tumulis.  
 Dulcia debueram patri dare gaudia: sed me  
 Præcipiti rapuit mors inopina manu.  
 Adfuerat Lucina favens, dum præcoce paritū  
 Octavo dicta est mense Marilla parens.  
 Æthereas hausit teneris vagitibus auras,  
 Aucturus patrium posteritate genus.  
 Fata obstant: pulloque mihi de stamine vitam  
 Nec Lachesis: Clotho forfice pensa secat.  
 Vix revolutæ novo radiabat Cynthia cornu,  
 Infanti injecit cū Libitina manus.  
 Funera cum planctu curarunt nostra parentes:  
 Thuraque cum lacrymis ultima fudit avus.  
 Astra peto, & vita felix meliore potitus,  
 In media inventa est nunc mihi morte salus.  
 At tu secura peragens bona tempora vita,  
 Te quoque mortalem noris: hævè, atque vale.

De eodem.

**I**ulius heic situs est: quē ad flumina glauca Mosellæ  
 Boissardo enixa est casta Marilla patri.  
 Huic trux pro cunis stravit Lucina feretrum:  
 Et lucem subitò quam dedit eripuit.  
 Iuli noster amor, Iuli dulcissime Iuli,  
 O Iuli thalami gaudia prima mei:  
 Tantū ostenderunt terris te Fata, nec ultra  
 Immites Parca te superesse sinunt.



Inter cœlestes genios, anima, que beatas

*Æterna cœli sidera pace colis.*

*Felix es, cui parta quies: nos mœsta manet fors,*

*Perpetui gemitus, perpetuę lacryma.*

*Ergo vale æternum: cęspes candente ligustro,*

*Et viola, & verne spiret odore rosa.*

*Nature exuvias, & morti debita membra*

*Tristis uterque parens contegit his tumulis.*

*Heic tenerum fragili corpus claudatur in urna:*

*Ossa tamen tellus non onerosa premat.*

### Ditmari Cislebii.

**N**obile Saxonice columen Cislebius ora  
Hac, ut permisit fors, tumultatur humo.

*Aurea tollentur rutilante toreumata signo:*

*Opportuna istud tempora quando sinent.*

*Nunc solis tumulos lacrymis ornamus amici:*

*Non plura indulsit nam minùs apta dies.*

*Non quod sit Virtus ornamenti indiga, per se*

*Fulget enim, & laudes continet ipsa suas.*

*Sed gaudent cultis Manes recubare sepulchris:*

*Est quibus extremo funere gratus honos.*

*Accipe dona igitur, tacitis que fundimus umbris,*

*Ditmare: & hoc longa pace quiesce solo.*

### P. Aretini. Ex Italico versum.

**H**ic situs est Aretinus amari vipera fellis:  
Propritim famam cui mala lingua dedit.

*Evastit cujus nemo diſſeria: functis*

*Imo etiam suevit Manibus esse gravis.*

Cur non traduxit numen cœleste, requiris?  
Causa est hac: nullum credidit esse Deum.

Fusci.

Fuscus mortuus est: jacet rubenti  
Tinctus murice nasus, & popina  
Præses vermiculatus. Ille Fuscus,  
Cujus venter erat gula a baratbro  
Plantas continuatus usque ad imas,  
Capax dimidti cadi, ampliùsque.  
Protrahens vigil ad diem tenebras,  
(Ut notam fugeret viri otiosi)  
Integrumque diem occupans bibendo.  
Cui visum est penetrare post lagenas  
Exhaustas, super astra: & angelorum  
Contemplarier ordines chorosque.  
Qui semper duplicata cuncta vidit:  
Illi tanta acies fuit videndo:  
In vitro geminum scyphoque fundum:  
Lampadum geminas micare flammæ:  
Solem denique, duplicemque lunam.  
Qui nunquam sitiisse se asserebat:  
Prævertit quoniam sitim metreta.  
Huic parùm ingenii fuisse fama est:  
Posteros tamen ex bonis relictis  
Ne contentio lisve concitaret,  
Prudenti ratione cavit antè,  
Nam totum patrimonium voravit.  
Pestis hunc subito abstulit veneno:  
Sed non absque aliquo favore: namque

*Ebrium sine sustulit dolore.*

*Loca hæc qui per agras, viator, heic te  
Gradum sistere paululum rogarem,  
Atque hæc cum lacrymis notare: sed te,  
Illa udis video genis legentem,  
Quas rigant madidis cachinni ocellis.  
Ridendos quoque tu astimas sepultos?*

IANI IACOBI

BOISSARDI VESVN-

TINI EPIGRAM.


matum

LIBER PRIMVS.

v .

## AD LECTOREM.

*Ignosces, bone lector, ad hæc qui lumina flectis,  
Si quid mordacis carmina fellis habent.  
Dictavit multa indignatio: se tamen illis  
Nemo mea læsum sentiet esse manu.  
Quæ proprium & cognomen habent, ea vera putato:  
Cætera sunt opera nomina ficta data.  
Sed plerumque tamen veris accommoda rebus,  
Harum natura conveniente nota.  
Vt Fuscus, Priscus, Margites, Chilo, Nydartus,  
Congilus & Fucus, Pontia, Nais, Aper.  
Atque alii: quorum personis parcere visum est:  
Sed signo aptati nominis exprimere.  
Mens mihi nullius famam perstringere: quadam  
In vitium, certè, dicere cuique licet.  
Offendi his nemo potis est, nisi conscius: atqui  
Propositus scopus est versibus iste meus.*



## IANI IACOBI

BOISSARDI VESVN-

TINI EPIGRAM.

matum

LIBER PRIMVS.

AD LIBRVM SVVM.



EV S mea cessatis suscepto  
Epigrammata cursu  
Ire Bipontini qua viget au-  
la Ducis?

Ite bonis aribus, tutis licet i-  
re sub auras:

Securo Princeps vos jubet i-  
re pede.

Boiorum Princeps de stemmate nobilis, est quo  
Exculto nemo doctior ingenio.

Venerat ad calcem librorum fortè priorum:

Cedo alium, dixit, lectio lata placet.

His aliquot gratum est has disperdere nugis,

Dum vacat, & cura non graviore premor.

Ohe quò Boissarde ruis? quis nuncius isthæc

Afferri? aut quonam hæc indice nota tibi?



*Quid facis, o de mens? unde hæc persuasio menti*

*Hæret? Nempe hæc sunt somnia, somnia sunt:*

*Nonne vides qui te distorto sibilet ore?*

*Ac te stultitia scommate jure notet?*

*Boissardo mediam festini incidite venam:*

*Delirat: medico est huic opus helleboro.*

*Tanto etenim credit sua carmina Principe digna:*

*Carmina plebeiis auribus apta magis.*

*Vir bone, cur judex operum vis esse meorum?*

*Mira est, confiteor, res ea, vera tamen.*

*Non ego deliro, nec me persuasio fallit*

*Ista, venit Clario quæ mihi de tripode.*

*Qui Deus in nobis habitat, mihi vellicat aurem:*

*Macte, ait, & vanos excute corde metus.*

*Posceris en iterum festiva Epigrammata, si quæ*

*Sint tibi: nam Princeps talia doctus amat.*

*Quæ tua selectis mandavit Musa papyris,*

*Hæc primâ ad auras flumina mitte viâ.*

*Quis pudor hæret adhuc? quid cessas, nostra Thalia;*

*Ire Bipontini quæ viget aula Ducis?*

*Ito bonis avibus, tuò licet ire sub auras:*

*Securo Princeps te jubet ire pede.*



AD ILLVSTRISSIMUM  
POTENTISSIMUMQUE  
Principem

IOANNEM Comitem Palatinum Rheni, Du-  
cem Bavarie, Comitem in Veldens  
& Sponheim.



RINCEPS care Deis, qui stemmata  
regia, qua te  
Illustrant, ornas dotibus ingenii:  
Tu licet incumbas studiis gravioribus,  
acte

*Publica sollicitum munia detineant:*

*Paucula qua positis legeres Epigrammata curis  
Indulsi rudibus nostra Thalia modis.*

*Finge tuis indigna oculis: non hercle refragor:  
Sed tuus hac potis est reddere digna favor.*

*Si placidè excipias, nec tractes postmodo, quid tum?  
Nil moror: illa tamen lecta putabo tibi.*

*Et tanquam multa cumulus laude superbus  
Efferar: & credam me meruisse legi.*

I. I. BOISSARDI  
AD EVNDEM.

De duobus ejus filiis Ioanne, & Fridericō  
Casimiro.

**N**obilis Eois ales qua venit ab oris,  
Panchæoque suos prorogat igne dies:  
Ilia novem quassam renovat post secula vitam:  
Parturiente rogo cogitur antè mori.  
Sed tu dum vivis florente ætate superstes  
Crescis, ut enatis vinca palmitibus.  
Inque tuis natis, Princeps generose, renasci,  
Teque novo rursus flore nitere vides.  
Adspice ut ille tui IANVS cognominis heres  
Patrem oculis, naso, fronte, humerisque refert.  
Induit & vultus puer ut CASIMIRVS avitos:  
Et susceptoris pectora dia sui.  
Cresce Deum soboles magnum patriæ incrementum,  
Cresce Palatinæ subsidiumq; domûs.  
Hercle is divina qui fulget in indole fervor  
In vobis, plus quàm mens capit, esse notat.  
Neuter enim vestrum magno Virtute Parenti  
Cernetur posthac cedere, neuter avo.

De illustrissima Principe Magdalena, Ducē  
Gueldriæ: Illustrissimi Principis Ioannis Co-  
mitis Palatini, &c. uxore.

**A**rbtrio speculi faciem dum Cypria comit,  
Flavaque concinna tempora torquet acu:  
Ut vicisse juvat natamque Iovisque sororem,  
Fama inquit, tibi par Magdalis esse potest.

Indoluit

Indoluit: Phrygiam redeundum, dixit, ad Idam:

Dardanio victrix iudice rursus ero.

Gargara contigerant: ponunt holoserica nuda

Texta, quibus roseo subjicit ore Paris.

Hæc opibus Iunonem æquat, Virtute Minervam:

De forma restat quæstio sola tibi.

Confer te Superis, vinctes, formosa Dione:

Inter mortales, Magdali, palma tua est.

In effigies lectissimarum Principum, Mariæ E-  
lisabethæ, & Elisabethæ Dorotheæ, Illustrissi-  
mi Principis Ioan. Com. Pal. fil.

**L**ector, ad has vertes quisquis tua lumina chartas,  
Prima, & quam facias heic mora major erit.

Exprimere artifici potuerunt ista labore

Ora, sed ingenium non potuere manus.

Expositus decor est oculis: ac iudice visu

Pulchrior est nunquam ficta ab Apelle Cypris.

At quæ virginco resident in pectore dotes,

Et Virtus nulla pingier arte potest.

Sed tu si quid in his cernas spirare tabellis,

Quod dignum forma numinis esse putēs:

Iudicium libra trutinasse videberis æqua:

De tribus heic picta est nam tibi bina Charis.

Ad illustrissimum Principem Ioannem Com.  
Pal. Rheni, &c.

**H**æc tibi cùm primis Iani sint missa Calendis,  
Poscimus his, inquis, munera muneribus.

Non importuni quæ sita occasio namque est

Temporis: ista trabax xenia viscus habent.

*His hami strenis tacitè plerumque teguntur:*

*Argutum docti Principis ingenium!*

*Ad eundem, in symbolum, Plus liceat  
quàm libeat.*

**V***iva Dei Princeps prudens viventis imago est:  
Ingenita tibi quod sat probitate doces.*

*Non semper, quoties peccamus, Iuppiter ira  
Ardet, & in fontes fulmina torta rotat.*

*Sic quoque ne sceptri imperio videaris abuti,  
Tu mavis liceat plus tibi quàm libeat.*

*Ad eundem.*

**I***usticia rigidum Clementia temperat enscm:  
Nec finit exacta cuncta balance regi.*

*Institue his ducibus, Princeps mitissime, vitam:  
Diverum sic tu rite imitator eris.*

*De Beatrice Vergeia, Evandelini Cuisantii  
Baronis uxore.*

**S***Equanité regionis honos, quam sidere fausto  
Ornant nobilitas, gratia, forma, decor:*

*Te pater ille tuus regum de sanguine cretus  
Vxorem potuit jungere Principibus.*

*Postposuit titulos, & grandia nomina (ladunt  
Quæ possessorem sæpe onerosa suum.*

*Elegit generum de mille Heroibus, illum  
In quo erat & Virtus inclyta, parque genus.*

*Cui Rex Hesperia Phryxæi velleris auro  
Insignem torquem manus habere dedit.*

*Cui patria æternos merito sacravit honores,  
Laudibus illius nomen ad astra vehens.*

*Hujus*

*Hujus juncta toro tada matrona jugali,  
 Pulchra illum facies postmodò prole patrem,  
 Et Cuisantina servabis stemmata gentis,  
 Illustri ditans posteritate domum.  
 Non vano evenit, quòd es omine dicta Beatrix:  
 Tu vitute virum & nobilitate beas.*

*De Iana Bolæa, Claudii Antonii a Viennâ  
 sorore uterina.*

**P***Allada mirata est olim dum prisca vetustas,  
 Suspexit doctæ virginis ingenium.  
 Forma Cyprin divam fecit: cæloque locavit  
 Turritam ob mores Phryx veneratus Opin.  
 Laude pudicitia celebris quòd facta Diana est,  
 Hanc coluit summo Delos amata Iovi.  
 Si cælum meruere illis virtutibus, isthac  
 Nonne suas possunt sæcula habere Deas?  
 Quæ se cum sæclis conferre prioribus audent:  
 Imo etiam cedent sæpe priora novis.  
 Natio quæque aliquas sibi deligat, inclyta Virtus  
 Quas superos inter colloquet Indigetes.  
 Si pietas, formaque decor, si lingua diserta,  
 Prudens consilium, nobilitasque placet:  
 Magnarum fuerit Divarum nomine digna  
 Inter Neustriacas Iana Bolæa nurus.*

*De Domitio Faino Veronensi.*

**M***Vnera si duplici cum scenore Gallia reddit:  
 Si matrem vocites Hellada, alumne lepos:  
 Si propriè O Enotrio prudentia competit: Et te  
 Integritas, Tauto, vendicat ipsa sibi:*



*Dicetur meritò Gallus, Græcusque, Italusque,  
Germanusque simul jure Farnus erit.*

*Ad amicum.*

**D**omi : arus es : & bonis relinquis  
Instructam omnibus alteri regendam,  
Vxorem juvenem, duasque natas.  
Consultum tibi ne satis putato.  
Nolem in his leviter vicario uti.  
Per te res agere heic tuas memento :  
Et penu proprio comessè dente.

*Ad Baronem Copetii Franciscum a Vienna.*

**V**T radios suevit natus Iovis alite pullus  
Solis & ille solumine ferre jubar :  
Sic tibi magnanimum factis imitate parentem,  
Mens fuit a cunis optima quæque sequi.  
Dum colis assiduè generosus utramque Mincrvam,  
Armis ac studiis pectora perpoliens.  
Maeste animo, tantis restant sua præmia gestis.  
Sic nato pater est dignus, & ille patre.

*Ad Lælium Cleopassum Hydruntinum,  
de Octaviano filio ejus.*

**N**atus erat, Cleopasse, tibi dignissimus olim  
In servire Iovi pro Ganymede puer.  
Sustulit hunc primis tibi mors inopina sub annis:  
Forsan & hunc jussu sustulit illa Iovis.  
Marmoreo mandans quem mæsta Maryca sepulchro,  
Penè simul junctis occubuit tumulis.  
Hoc vultu profcissa comas lacrymosa sedebat  
Tristis ad O Et æos Deiantra rogos.

*Hac*

Hac facie ad bustum vidit Cissæis Achillis  
 Vim nata jugulis ferre Neoptolemmum.  
 Threicioque caput Polydori in littore, avarus  
 Ultrices sensit dum Polynestor acus.  
 Deplorata salus nati est: succurre parenti:  
 Vivat adhuc, natum nec velit illa sequi.  
 Hac tentare potest pellaci numina formâ.  
 Iurgia Iunoni prima movere sat est.

## Ad Paulum Melissum.

**C**Vi Scyllæ caput est, adunca parvis,  
 Sileni facies, canina vultûs  
 Impudentia, bucca sannionis,  
 Noctua intuitus, caprina barba,  
 Setoso horrida frons brevis capillos,  
 Rictus assiduâ fluens saliva,  
 Passæ labra marem soluta vacæ,  
 Verrucosa manus, tumensque callus,  
 Stellulis varij indecenter unguis,  
 Incumbens olidis tragus sub alis,  
 Et crispis latera inquieta lumbis,  
 Tuo iudicio, Melisse, fultus,  
 Nec bonum arguo, nec satis pudicum.

## De Angelica Malipira Venetâ.

**D**Vm natum Cynara sequitur formosa Dione,  
 Venatuque diem fallere cogit amor:  
 Induit & pharetram in morem succincta Diana,  
 Nec placet Idalion, nec placet ipsa Paphos:  
 Disquirunt dominam Cyprij: non alta Cithera,  
 Non Gnidos, aut Amathus detinere Deam.

*Venère ad Venetos, quò crebrò diva recessit,*

*Atque ibi posthabitâ maluit esse Cypro.*

*Angelica occurrit: clamant, concurrite cives*

*Cum plausu, est nobis namque reperta Venus.*

*De Nicolea a Vienna.*

**D**E formâ quondam nataſque Ioviſque ſororem  
Dardanium fama eſt conſuluiſſe Parin.

*Viſtricem Cyprin quid mirum eſt? illa dolosê*

*Induerat vultus nempe, Vienna, tuos.*

*De Loide a Vienna.*

**Q**U*i tecum priſcas formoſo Heroidas ore*  
*Conferet, & flava, Nympha, decore comæ:*

*Fortè e tam multis, tecum quæ certet, habebit.*

*Sed quæ te ſuperet non erit ingenio.*

*Ad Ioannem Laſicium Polonum.*

**S**CULPTUM pectore quem intimoque corde  
Geſtare eſ ſolitus, geresque ſemper

*Opinor, veterem tuum ſodalem*

*Boiſſardum notat hæc brevis ſigura.*

*Sed, quo proſequitur te uſque & uſque*

*Quæſitum meritis tuis amorem,*

*Et deſiderium tui videndi,*

*(Cum vincat ſtudioſum laborioſum*

*Scopæ, aut ingenium ſagax Apellis)*

*Laſici, exprimere hoc manus nequivit.*

*Ad Lælium Cleopaffum Hy-*  
*druntinum.*

**C**UM mihi dilecto eſt conjunctio tanta Faino, ut  
Non poſſit fratrem frater amare magis.

*Et*

Et meritò, Cleopasse: vir est frugique bonusque:

Et nostra cultor summus amicitia.

Ille, ut doctrina, Virtute excellit & armis:

Penè Getis Melite prodita testis erit.

Debellata Cyprus, Dictæi littoris ora, &

Victæ Corinthiaci tu Saracossa sinu.

Illyris & Galli civilia tela furoris,

Punicaque Hispano milite fusa cohors.

Bellaque in externis regionibus: in quibus ille

Cum valido audaces contulit hoste manus.

Purus & integro spectatus in hospite candor:

Et per tot menses non temeratus amor.

Omnia si trutina judex libraveris aqua,

Invenies nostram promeruisse fidem.

Ad Philippam Lazæam Polanam Illyricam,  
in librum suorum lyricorum.

**L** Esboo Phariam celebras dum Costida versu,  
Argutâ recitans Virginis acta lyra.

Vincis, crede mihi, multos Lazæa poëtas;

Et sexum superas ingeniosa tuum.

Polaque te Grajam cithara sociasse Latina

Iactabit titulis ambitiosa tuis.

Insta operi: Illyrica merita es cognomina Sapphūs.

Dignior his unquam nulla puella fuit.

Ad I. I. Boissardum Philippa Lazæa.

**M** Agnum opus tentat, variaque plenum  
Difficultatis, studet in futuro.

Qui sibi veri titulos honoris

Quærere saclo.

*Hos ita exculito assequeris labore,  
Iane, dum cura vigili ora viva  
Casarum lingua serie Sophorumque  
Exprimis arte.*

*Sed vide ne dum nimium polutis  
Versibus nomen celebras Philippa,  
Illius vultum statuisque in illa  
Classe virorum:*

*Ne parum dignè Tyrio colori  
Conferas succos ebuli, horridamque  
Noctuam audacter videre pulchris  
Iungere pavis.*

*Barbitus nobis humilisque Musa est:  
Et fides surdę Illyrico boatu  
Perstrepunt: rancus resonos ut inter  
Anser olores.*

*Sufficit, si me relegant puella,  
Quę colunt dulci studio Minervam.  
Sufficit, si me relegat suo cum  
Ianus Alardo.*

*Si probent nostris mala scripta libris:  
Si legi dicant meruere: cur non  
Laudibus tantis reputem aestimandam  
Iure Philippam?*

*Ad Philippam Lazæam.*

**N**on sine iudicio, Lazæa, reponeris inter  
Nomina clarorum laude colenda virum.  
Digna quidem es laurus cui cingat tempora, quę quę  
Non vulgare tui sis decus Illyrici.

Tu mihi, dum vivam, Polana vocabere Sappho.

Non melior versu Lesbia quippe fuit.

Si me cecat amor, tua teque modestia fallit,

Discernat iudex aequior ista rogo:

Nonne vides Phœbum, doctasque assurgere Musas,

Quorum affirmeris docta patrocinio?

Desinite in dubium rem notam adducere, dicunt:

Pars etenim nostri est facta Philippa chori.

Ad Paulum Melissum.

**D**amnum dissimulas, Melisse? damnum  
Invitas patientia. Vltionem

Qui differt, sibi procreat subinde

Causam legitima ultione dignam.

Prudens decipitur semel: bis & ter

Quisquis mentis inops: vasram leoni

Vulpem oppone, licet. Iuвет videre

Invidum ilia rupta habere Codrum.

Cum bonis benè rem geri decorum est.

Propulsare dolum dolo necesse est.

Qui se ovem facit, a lupo voratur.

Ad Alardum Quintulum. I. C. Narniensem.

**D**octa meę quę tu sacraſti carmina Muſę  
Vt certum fidi pignus amoris amo.

Tanta tamen noſtrę non eſt veſania menti,

Hiſ ut me credam laudibus eſſe parem.

Dum me Naſoni conſers, doctoꝛque Catullo,

Fuſus iit ſubitò noſtra per ora rubor.

Qualem me eſſe voles, non qui ſim, Quintule, dicis:

Quod candore tuę ſcribis amicitia.



*At mihi tantus honos oneri est: mihi conscius ut sum,*

*Sic omnis nasum, Quintule, lector habet.*

*Quod nimium est nostris nulla ornamenta libellis*

*Addet: Et haud Musa est ambitiosa mea.*

*Ne commendentur nulla ratione repugno:*

*Sufficiet nobis, si merüere legi.*

*Ni placeant, piperi domino vidente cucullos,*

*Et thuri, & scombris, capparibusque dabunt.*

*Ad Anatolium Pollionem.*

**N**olo, Pollio, nolo Salviati

*Aures assidua rogatione*

*Lassare: pudet & piget precando*

*Tot bonas sine fruge perdere horas.*

*Homo est difficilis, tenax, avarus.*

*Non sum audax petitor, nimis citò mi*

*Rustico imbuitur rubore vultus.*

*Soli munera nunc ferunt petaces.*

*Posco, proposita tamen repulsa.*

*Qui rogat timidè, docet negare.*

*Ad Lentulum Ventidium.*

**N**emo adeo prudens qui falli nesciat: ars est

*Summa, suo quævis dissimulare loco.*

*Est mala fraus omnis: sed erit me iudice longè*

*Pessima, prætexit quæ pietatis habet.*

*Signa tamen multis quadam natura reliquit,*

*Quæis tanquam speculo proditur ingenium.*

*Quæ benè si pridem tibi, Lentule, nota fuissent,*

*Non esses factus proditione reus.*

*Teutoniger, rufusque Italus, simul albus Iberus,*

*Rarò quidem, possunt attamen esse boni.*

*Ad*

Ad Lælium Cleopassum.

**N**E me muneribus ditatum credito, Læli.  
 Nostra gravis non est arcula muneribus.  
 Ditia mittuntur locupletis dona Lucullo.  
 Pauper in argenti sede Menippus eget.  
 Neglectas canibus buccellas devorat Irus:  
 Phasis aves crasso dantur Aristogeni.  
 Divitibus solis capiuntur munera lauta:  
 Donum de raphano aut de nuce pauper habet.  
 Venator fisco, fisco piscator, & auceps:  
 Nec mihi de vario præda labere venit.  
 Magna tamen nobis dicuntur dona parari:  
 O utinam firmet credita fama fidem.  
 Spem cepi tardam claudo pede: messis in herba est:  
 Sed quam tempestas carpere prima potest.  
 Anguillam cauda teneo, quæ lubrica furtim  
 Pressantem fugiet mobilitate manum.

Ad Rutilium Saravesam I. C. Venetum.

**M**Ittis asparagos, gravesque vesco  
 Lupino filiquas cicerque primum.  
 Et grandes cinaras cibos salaces:  
 Mittis ostrea, mugilesque binos,  
 Plenum & Psitacis nucis cophinum:  
 Digna te, Saravesa, dona sunt hæc,  
 Cui fidus Veneris favet secundum.  
 Deserto solitus cubare lecto  
 Cum sim, rariùs & mihi Cupido  
 Exhaust latus. Ista nempe causa est  
 Cur mihi stimulos recalcitranti

*Subdis: falsus es: Hoc modo supinum  
Quàm bellè arguis esse me caballum!*

*Ad Veturium Leontium Hydruntinum.*

**F**ulviam amo celebrique libens, licet illa, Veturi,  
Sempronii optato sit sociata toro.

Tuque mones ne liberius scribamve loquarve,  
De qua spes posthac nulla futura mihi est.

Ignoscat cupio nostris Sempronius ausis:  
Nec nimium uxoris laudibus invideat.

Illam oculis aequat Venerem, virtute Minervam,  
Dictynnâ niveq; laude pudicitiae.

Seu carmen pangat, citharam sive increpet, unan  
Castalidum e docto dixeris esse choro.

Adde quod & me olim meminisse puellae:  
Hancque mihi junxit penè pudicus Hymen.

Lesbia si tenero dictavit multa Catullo,

Ingeniumque dedit, Naso, Corinna tibi:

Cynthia nec minimùm si auxit tua verba, Propertii.

Et tibi si stimulus, Galle, Lycoris erat:

Cur mihi non inflat calamum, mollesque ministret  
Boissardo numeros Fulvia amata suo?

*Ad Rutilium Saravesam I. C. Venetum.*

**R**ogas quid cinare, novi lupini,  
Nuces psitaciae, recensque mugil,

Ostrea, asparagi, & meri lagena

Graci profuerint Veturio, qui

Mi conviva fuit? torum usque pronus

Tundat assidua ut volutione,

Tensor fidibus lyrae Catagni.

*Tormen-*

Tormentis, Saravesa, inusitatis  
 Verum sic adigis reos fateri?  
 Nil te cominus est salaciusque.

In Naidem.

Sape tuo, Nais, non agnoscenda marito  
 Prodis, ut Lydo par videare Gygi.  
 Sic calvam aptato solita es variare galero:  
Sic trita faciem docta polire faba.  
 Hirta fatigantur volfella labra tenace,  
 Et cerussata tempora dura cute.  
 Sedula rugosum veneto ceromate collum,  
 Psilotroque linis pectora opaca pilo.  
 Alarum Cyprio diapasmate corrigis hircum:  
 Fitque olidum, ut credis, dropace virus hebes.  
 Supposita turpem celas analectide gibbum:  
 Aequaturque levi subere pes brevior.  
 Defectusque alios forma medicamine supple:  
 Namque es millenis condita pyxidibus.  
 Ambiguo cum tu secleris Protea vultu,  
 Immundum prohibet nulla medela tragum.  
 Tu licet innumero transforma enigmatè corpus:  
 Quarenti qua sis Naida prodet odor.

Pomponii Ricii Nolani Aenigma,  
 ad Boissardum.

Quid sit cum villos villis committimus, atque  
 Vdo mulcemus tegmine quod medium est?  
 Quid sine peccato licitum est patrare inhonestè?  
 Dic Boissarde, & tu sic mihi Phæbus eris.  
 Boissardi Responsio.

**C**um das luminibus tuis quietem,  
Committis cili utriusque villos:  
Palpebrisque oculi teguntur udis.  
Peccato sine concacabis illas  
Quas geris caligas, honore lafo.  
Rici, sum tibi sic Apollo factus?

In effigiem Amymones ab Apollodoro  
Veneto depictam.

**I**nscia Amymone myrti sub fründe jacentem  
Capripedem torta cuspidē Pana ferit.  
Ardet, & Argolicam rigido siphone puellam  
Insequitur: clamat, fer, Deus, Auxilium.  
Obstitit instanti liquidi salis arbiter, & te  
In partem jussit, Nympha, venire tori.  
Tam prompto auxilio potuit, Neptune, carere:  
Si raptō grates virgo pudore refert.

Ad Lælium Cleopassum.

**H**eri dum solio eluuntur uno  
Prosper atque Veturius, rogarunt  
Labrum ut ingrederer simul lavandus.  
Hirtis inguina nigricare setis,  
Prosperique tuens nates pilosas,  
Quale subligar, inquit, induisti?  
Tum Veturius hoc joco solutus  
In risum, Herculis hanc fuisse formam  
Olim credibile est, ait, Iacobe.  
Quod si Sennonidis duo heic adessent  
Nati, Basalus improbusque Achemon,  
Nudum & corpore Prosperum viderent,  
Fuga consulerent sibi, putantes

*Clavę se leporum in modum alligandos  
Rursum esse, inque Melampygm incidisse.*

*Ad Prosperum Ventidium Nucerinum.*

**A** *Lcidę similem setę, cervixque torosa  
Te facit, & densis clunis opaca pilis.*

*Tu potes invisus Cercopibus esse timori,  
Expertis clavę pondera dura tua.*

*Sed cur sollicito te lumine cernit Amanus?  
Illiformosa est Lyda puella domi.*

*Ne nova suspectum tibi concitet Omphale amorem,  
Neve suum incurves ille veretur Hylam.*

*Ad Paulum Melissum, de Apro decoctore.*

**C** *um fuerit locuples, miror quid contigit, ut sit  
Tempore tam exiguo factus egenus Aper.*

*Is mollem Phœbolectum agrę deserit orto:*

*Dum sumptu ne sint lucra minora cavet.*

*Tu mihi, ait, capo vel turdis instrue mensam:*

*Quęrenti quę sit cœna paranda coquo.*

*Perdicem precio possum cœnare minori.*

*Quam, quo plena vides esse macella, bovem.*

*Neve colam tanti patrios vendemus agellos:*

*Hos etiam constat dum pluit esse lutum.*

*Cœnavit modicis, cœnum divendidit auro:*

*Perque hyemem impensas nulla lucerna dedit.*

*Cum prudenter agat quodcūque, Melisse, quid est hoc?*

*Ex locuplete quid est factus egenus Aper?*

*De eodem : Ad eundem.*

**P** *erdicem solitus cœnare, epulasque vorare  
Qui dubias, dulci & crustula tincta favo:*



*Quique bibit tantum pralis expressa Falernis,  
Creticaque annofo condita vina cado:*

*Ille, inquam, decoctor Aper, cui cura fritillus,  
Et juncta imbelli crapula desidia:*

*Nunc tota seris incumbere nocte lucernis  
Gaudet, & electis incubat usque libris.*

*Huc schola commissa est urbis, juvenesque docenda  
Nunc illi Virtus sola, Melisse, placet.*

*Arte hac quaesivit Dionysius ara Corinthii  
Credę mihi, res est ingeniosa fames.*

*De Seipso: Ad Petrum Lepidum  
Metensem.*

**N***Ecme lucra juvant: nec illa si me  
Luvarent, Lepide, obtinere possem.  
Libertatem amo, vanitatis huius  
(Qua sunt mancipia aulica usque plena)  
Pertæsus. Simulabo nunc dolorem,  
Nunc risum, ut placeam tibi, Nydarte?  
Succorum Anticyra indigus viderer,  
Si quid tale mihi accidat: carere  
Malo amicitia & tuo favore:  
Quam tam turpiter inquinare nostra  
Tuis laudibus ora. Asellum asellum  
Et lupum vocito lupum: impoliti &  
Nullis compositi tropis mihi sunt  
Mores, sum quia simplicis figura.*

*Lentulus Ventidius Nucerinus,  
ad Boissardum.*

**V***xorem alterius redamare obtrudis, & id mi  
Tu patria crimen simplicitate putas.*

*Sed,*

*Sed, Boissarde, Italo vitium scortarier hau d est :*

*Mentiri Gallis ut solet esse jocus.*

*Teutonibusque capi vino, Grecisque cinedi*

*Basia nec laeso carpere honore palam.*

*Cuique suus mos est: quem tollere qui volet, is se*

*Purgandum multo judicet helleboro.*

*Ad Lentulum Ventidium.*

**M***entiri Gallo nulla est infamia, dicis:*

*Nec scortari Italo, Lentule, turpe putas.*

*In pueros prouum ferri licet usque Pelasgo:*

*Ebrius & Tauto vir bonus esse potest.*

*Si depravati confirmet opinio moris*

*Talia, Virtutis lex manet ista tamen:*

*Qua scortatores, vinosos, atque cinados,*

*Mendacesque simul judicet esse malos.*

*Ad Paulum Melissum.*

**S***vam Fucus ut aestimationem*

*Auctam redderet, hinc & inde mille*

*Centonum accumulans, Melisse, acervũ,*

*Paginas aliquot malè ordinatas*

*Farcivit: Potuit liber videri:*

*Sed quem Lampfacus hostia Priapi*

*Convenire putaret: Arcadumque*

*Ad praesepia saepe cantitatum.*

*Lambit quo magis, ac magis relambit*

*Massam illam fatuam atque ineruditã,*

*Tanto insulsior est labos: amicis*

*Indigestum opus ille corrigendum*

*Tradit. Quilibet expolit, dolatque*

*Quod potest. Fuerat rigens a fello  
Detrahitur corium: sed ut libellus  
Cœpit rudere, prodidit parentem.*

*In Phyllidem.*

**Q**uod malè non audis, nec fama, Phylli, laboras,  
Vllis nec dicta es succubuisse procis,  
Hoc tribuit facies Lamia deformior: ista  
Ægide, Phylli, tua est tuta pudicitia.

*In Lippum.*

**L**ippe, salutari a nobis dum poscis, honorem  
Non meritum usurpans, ambitiosus homo es.  
Quod doceas populum, & latratibus omnia turbes,  
Lippe, illinc nulla laude paratur honos.  
Quod tibi mens odiis, & fraudibus astuet intus,  
Quod sub fucata sis probitate nocens,  
Nequid dissimulem, si vis me dicere quicquid  
Ingenuè de te sentio, vir malus es.

*Ad Ludovicum Malarmæum Vesuntinum.*

**O**ptasti toties nostri legisse Melissi  
Scripta, tot & tantis concelebrata viris.  
Edita cujus ego tibi nunc Schediasmata mitto:  
Vlli quod meritò cedere nolit opus.  
Non Apinas, Ludovice, leges, quas Mævius auctor,  
Quas Bavius, fatuo aut Cherilus ore blattit.  
Heic tu Pindaricis videas dignissima pleetris:  
Maonia quæ sint non aliena tuba.  
Quæque representant antiqui pulpita sæcli:  
Denique sunt Franci hæc carmina Callimachi.

*De Gongylo.*

**V**Xor est data Gongylo puella,  
 Flava, bellula, culta, delicata:  
 Cum qua continuis miser duellis  
 Colluctatus, & intimas medullas  
 Fax Cupidineo cremavit igne.  
 Tabet emaciatuſ: atque laxiſ  
 Ducit ilia diſſoluta nerviſ.

Huc adeſte Machaoneſ, ſalubrem  
 Et decernite Gongylo medelam.  
 Inſani eſt propria mero taberna  
 Quantumviſ generoſo inebriari.

Ad Alardum Quintulum I.C.Narnienſem.

**D**Emerê quod ſimi viſa eſt natura Pyreti  
 Naſo, eadem longiſ contulit auriculiſ.  
 Cornua ne deſint fronti nova cogitat uxor:  
 Nulla geniſ, mento barba caprina riget.  
 Scilicet hac Satyri forma pinguntur & ore:  
 Nec Satyri Nymphiſ diſplicuere ſuiſ.  
 Ridiculuſ preſſa ſi fiat nare, quid ad te?  
 Non qui viſ naſum, Quintule, habere poteſt.

In Zoilum.

**O**Mne tuum in noſtroſ virus vomo, Zoile, libroſ.  
 Sunt nugę: nugę cur legiſ ergo meoſ?  
 Verſibuſ omnia ſunt trivialibuſ edita: nec ſunt  
 Doctrinam qua nullam verba vetuſta notent.  
 Scribimuſ hac vacuiſ, menſaque legenda remota:  
 Dum multo eſt ſegniſ lectio ſacta mero.  
 Tu Curio, tu ſcribe Catoni, Pſeraclitoque,  
 Verba Sophocleiſ vel potiora modis.

*Nō equidem invideo: sed enam, atq; relecta probabo:*

*Meque feres palmam iudice, si bona sunt.*

*Si mala, cūm mihi par fueris, tibi Zoile parcam:*

*Nunc, dum nil scribis, non meliora facis.*

*Ad Veturium Leontium Hydruntinum.*

**C***ommendo hunc juvenem tibi, eruditum,*

*Germanum, & patria æquitate cultum:*

*Natura facilem, probum, modestum.*

*Musarum studiis benè expolitum:*

*Et tui cupidum ut decet poëtam.*

*Ne illi, quaeso, nega tuum favorem:*

*Sentiatque Veturio Iacobum*

*Carum esse, atque tuum mereri amorem.*

*Quod si me tuus ille non fefellit*

*Perspectus toties ubique candor,*

*Pari pectore tu quoque hunc fovebis.*

*Cognitus mihi Lælioque longo*

*Fuit tempore: Dignus est, Leonti,*

*Cum quo vel mediis mices tenebris.*

*De seipso.*

**P***Arthenopes quassa peterem dum mœnia pinu,*

*Tyrrhenam accepi naufragus Inarimen.*

*Hospita languenti tutum dedit insula portum:*

*Nec fuit in tota finibus hospes humo.*

*Cercopithecorum me nunc mala turba lacescit:*

*A quibus extrudor naufragus Inarime.*

*Votum Neptuno.*

**M***agne maris rector, sævo qui mota tridente*

*Æquora, qui nutu cœrula monstra domas:*

*Boissar-*

Boissardus lacera post longa pericula puppe  
Pro restaurata vota salute facit.

Pertulit ora modis mersus latrantia miris,  
Qualia sub Sicula rupe, Pelore, tegis.

Sensit inexpleto Zancleam ventre Charybdin:  
Carbasaque in refluxum perdidit æta vadum.

Elapsus scopulos vastæque voraginis æstum,  
Serò redux tabulam naufraga signa locat.

Ad Fuscum.

**D**um te Cynthia, Fusce, per recessus  
Silvarum tenet, & feris, ut alter  
Orion, metuendus es, tibi dat  
Liberos Erycina, conjugemque  
Efficit sine fertilem marito.

Nec quisquam venit ad tuos penates,  
Præter sacrificum, helciariumque.

Robustus tamen & valens uterque:  
Natos instruit ille: curat iste

Necessaria quæ requirit usus.

Suspectos tamen hos putato nulli:

Invadat temere heus tuas quis ades?

Cum sit plena domus tibi hybridarum.

DE CAECILIANA.

Ad Abrahamum Fabrum Typographum.

**G**randia suppresso suspiria pectore ducit,  
Ut bibit e patulo Cæciliانا vitro.

Quid mirum est? nobis defecit spiritus inquit.

Dum pario, anxietas non mihi major adest.

In medio partu gemitus licet edere: sed mihi

Hiscere nec minima, dum bibo, voce datur.



Ad Paulum Melissum: De Loide.

**E**T matura viro est, & plenis nubilis annis  
 Lous, & hanc stimulat nulla, Melisse, Venus.  
 In promptu caussa est: fugit otia. Casta Diana est  
 Venatu: casta est agide nata Iovis.  
 Nympha suę assiduò sacris operata Minervę,  
 Vivit honoratos & sine labe dies.  
 Alii acus & tereti versatus pollice fusus,  
 Staminaque, & calathi plectaque texta placent.  
 Sedula Palladiis insistens scæmina pensis,  
 Rarò amor hanc Paphia concutit igne facis.  
 In maledicam.

**T**V qui bilem acuis furentis antè  
 In culpe vacuum, dicacitatem  
 Scelestam cohibe, efferamque linguam.  
 Vel sis quod Mareotico tyranno  
 Infelix Thrasius, truci ve quondam  
 Perillus Phalari: Perire eadem  
 Qua quis arte nocet, meretur auctor.

De quatuor præcipuis Europæ nationibus.

**D**Etinet Hispanum assiduo oblectatio ludo:  
 Gallo lautitiis plena culina placet.  
 Teutonibus grata est vinaria cella: lupanar  
 Nemo Italo meliùs quitueatur erit.

De Livia Martucia.

**L**ivia concepit: soboli ista precata futurę est:  
 Si sit qua tractet scæmina nata colum:  
 Hauriat Hetruscis primas in vallibus auras,  
 Vivat apud Venetos, Roma sepulchra paret.

Masculi

*Masculus at gravida si forsan prodeat alro,  
Voto illi veniant hæc quoque fata meo.  
Natus in Italia, vitam traducat ut inter  
Gallos: Hispana sed tumultetur humo.*

De Siluia Rizza: ad Melissum.

*S*Uum Zelotypa furens phrenesi  
Virum Silvia sustulit veneno.  
Passa est vincula, Principisque jussu  
Damnata est capite. Hæc phrenesis hujus  
Non erat remedi indiga: at Melisse,  
Chirurgus potuit carere tali.  
Ignoscant medici, horum opinionis  
Si non sim: mihi non potest probari  
Vena sectio tam periculosa.

De Abrahamo Ortelio Cosmographo.

*S*IMIbi Fortunam vellem concedere munus,  
Ortelii primùm poscerem amicitiam.  
Cui doctrina potens, facilesque ante omnia mores,  
Cui lepidi vis est ingeniosa salis.  
Denique in hoc residet quicquid pulchrique bonique  
Proprium habent Musæ, Pallas, Apollo, Charis.  
Vltro equidem evenere mihi hæc bona: nonne beavit  
Eximiis me fors optima divitiis?  
Ortelius meus est, ego sum illius: esse quid isto  
Dulcius, aut felix quid mage amore potest?

Lentulo Ventidio Nucerino.

*V*TE Dique simul Deæque servant,  
Et quem Philosophum trucem & pilosum  
Commendas mihi litteris. Vocatus

*Ad cœnam Samii scholam tacendo*

*Se probat coluisse non edendo.*

*Armum namque voravit ille ovillum.*

*Integram arctocream, & duos botellos.*

*Ab hoc vel prece verbulum nec unum*

*Nos extorsimus: Omnia ille gestu*

*Et nutu tetrico est locutus: est vir*

*Rari iudicii, reconditaque*

*(Ut scripto asseris) eruditionis.*

*Georgio Cæciliano Patavino.*

**C***Ur nascente mihi ponis jentacula Phœbo?*  
*Et cupidam stimulas, Cæciliane, gulam?*

*Si vix instructas liceat contingere mensas,*

*Cum medio Circe suspicit orbe patrem.*

*Matutina necat recitatus lectio nugis:*

*Suavior hæc multò, si comedamus, erit.*

*Dum satur est, placidum se præbet ad omnia venter:*

*Iejunus vacuis obstrepat auriculis.*

*In Phorbum.*

**B***Vxæa circumagit qui tetricus ora, cruentos*  
*Cui pridem infecit livor edax oculos,*

*Ille ille est Phorbus Virtutis larva: lupinam*

*Agnina cautus sub cute nosce feram.*

*Vipereum dulci commiscet melle venenum:*

*Quas Nili lacrymas bellua fundit habet.*

*Phorbe, recede procul: famoso stigmatate notum*

*Malo, quàm ficta simplicitate malum.*

*Ad Omphacen.*

**P***Robè differis, Omphace: erudito,*

Di boni, ingenio gravique polles,  
 Mendates vocitans simul poëtas.  
 Quòd mendacia sola cantionum  
 Sumant materiem. Virente lauro  
 Omphaces religato Phœbe frontem:  
 Prasces illa sit omnibus poëtis.  
 Nam poëtria nata cùm sit, omnes  
 Et natos genuit simul poëtas.

In Pholoën.

**O**Rba viro Pholoë vix pollinctore relicto  
 Nupsit: & hoc non est conjuge lata diu.  
 Illa iterat tumulos: levis est jactura mariti:  
 Qui thalamis, inquit, substituatur erit.  
 Non opus est tibi me, dixit vespillo vocatus.  
 Quâ perimis, functos hac scrobe conde viros.

Ad Philippam Lazæam Polanam.

**H**ortaris studeam, Philippa, formæ,  
 Inungam faciem, comasque molli  
 Cincinno impediam, & sine arte fusam  
 Crispem casariam, pilemque pectus.  
 Sapius refecetur hirta densis  
 Iubes barba pilis. Inepta, duris  
 Setis corpora vestiuntur aptè,  
 Ornatumque viris ferunt. At illo  
 Ora conquereris rigore pungi.  
 An & cætera dic rigere nolis?

Ad Titum Celsum Syracusanum.

**A**Equoreo petitur, Tite, dum sata Paula Ligurnæ  
 Sunt ubi in oppositis Ælia busta vadis:

*Exiguum brevior præbet tibi penula tegmen:*

*Et summo rugas dat femorale genu.*

*Talis amatori, dixit, foret apta Britanno*

*Vestis, cui longa damna dedere moræ.*

*Si sandix stabuli foribus retinetur apertis,*

*Es vereor tardus, Celse, futurus eques.*

### De Cotylo infante.

**V***ix ætas Cotylum videt trimestrem,*  
*Matris ubera respuit lagena*

*Conspecta, teneroque pocla risu*

*Ambit. Surge age, & ocyùs move te:*

*Da vitrum puero proterva nutrix.*

*Fautorem egregium popina habebit*

*Paulo post: amo te, puer, patriſſas.*

### Petro Lepido Metensi.

**I***vre suo an Lyde pulsata est quæris Amanus,*

*Obdere nocturnas nuper adorsa fores?*

*Inductura illi rivalem exclusit amicum:*

*Quem durum queritur sustinuisse diu.*

*Caussam hanc prætexit: scopus at diversus utriq; est.*

*Hic poscit gratis, quod facere illa negat.*

### De Lyda Patavina.

**E***xponit soli fuscum dum Lyda capillum,*  
*Prodeat ut flavæ compta nitore comæ:*

*In faciem est nigredo tenax translata, simulque*

*Memnonii crines Lyda coloris habet.*

*Sic igitur Gallas imitabere, dixit Amanus,*

*Quæis tegitur nigro vultus epistomio.*

### De Pauli Cimetti morte.

Paulus

**P**aulus occidit, & patrem sepulchro  
Mandat filia vix madente oculo.  
Cur plorem occidua gravem senectâ?  
Fatis sic placuit: Deo quis, inquit,  
Refragabitur? Impotentis illud  
Esset signum animi: mihi datū est plus  
Mentis, gratia Djs: meique sexūs  
Evinco impatientiam ferendo.

O constantia fœminæ virilis  
Inaudita prius! tibi ista patris  
Consolatio cistulis reperta est.

De Lælia Brassæa, ad Ludovicum  
Malarmæum.

**N**olit amatori cur Lælia nubere Marco,  
Sit censu quamvis hic locuplete, rogas?  
Passus idem est quod qui Sagaritidos arsit amore:  
Quod qui truncato Dindyma teste colunt.  
Quid miseram crucias natâ, pater improbe? non vult  
Divitias, sed vult Lælia habere virum.

Ad Gongylum.

**F**rustra, Congile, liberalis esse  
Tuis muneribus cupis videri,  
Quæ cras obiciies mihi superbê.

Dum confers memori, exprobrasque donum,  
Dic te perdere gratiam atque donum.

Ad Nic. Houllonium Metensem.

**F**ortunam stolidi rarò experiri ntur amant.  
Sors etenim ignavos semper iniqua premit.  
Consilio dum cuncta geres, cadet alea felix:  
Eventus fatua est regula stulticia.



*Vt tibi contingant eventum quæque secundo,  
Houlloni, magna dexteritate facis.*

*Hinc tibi divitiæ studio quaruntur, & arte,  
Quas mala nullius carpere lingua potest.*

*Invidiam patitur nam res quæ sit a dolosè:  
Aut quas indignè servat avarus opes.*

*Officiis ulli facilè haud concedis amico.*

*Namque ut dives opum, dives amicitie es.  
Perge age: successu semper meliore fruaris:*

*Nullaque damna unquam rem tibi diminuunt.  
Sed valeas: videasque tuam Curetida matrem:*

*Et par sit proles ingeniosa patri.  
Heredem extrema natum qui morte relinquit,  
Vt subeat Lethes flumina, non moritur.*

### De Topheo.

**O**ccupat ignavum paulatim Tophea caudex:  
Quàm metuo reddat Tophea mancipium!

*Surge, puer: stupidoque hosti contrarius ito.*

*Excute corda rigens quod tua suber habet.  
Succubuit: natura sui est non nescia: quonam  
Ex bubone modo cresceret accipiter?*

### In Hypocritam.

**T**u qui Mopsopie sectaris Bapta Cotyttus  
Inguina, Sotadicis mollior Androgynis:  
Cur vultu simulas hunc quem Minois amavit?

*Et nudo accipit quem Sthenobœa sinu?  
Subdola larvæ tuleris si anigmata frontis,  
Prodet se vasro putidus ore pudor.*

### In Sphyn gem.

Oedipo-

**O** Edipodionis Sphynge[m] produxit ab oris  
 Tempus, & ambages noxia verba serit.  
**O** alter veniat Thebarum rector, ut illa  
 Solvendo, reddat te, fera, precipitem.

## Ad Lamiam.

**C** Vr nomen Lamiæ tibi indo, quæris?  
 Foris lumen habes, domique cacus.

## De Scipso.

**Q** Vis ducat vitio mihi dolorem  
 Hunc, quem percipio ex gravi Nydarti  
 Lingua? Quis, rogo, quis mihi reclamari?  
 Si dum pungor ab hoste, tollo vocem  
 Heu Heu, signa dolentis. O inique  
 Iudex, qui rationem habere nescis,  
 Discrimenque valentis & dolentis.  
 Tu si heic sis aliter tibi videri  
 Nostra caussa queat: sciasque verti  
 Offensam patientiam in furorem.

## De Topheo.

**R** Idet me stolido distorquens ora cachinno  
 Topheus, & tanquam turpis asella rudis.  
 Pictorem qui vult, inquit, cognosse poetam?  
 Id tibi Boissardus noster utrumque dabit.  
 Si simul & cantor queat aut citharædus haberi,  
 Lunarem hunc posses dicere Geryonem.  
 Mira refers, Topheu struis & vomere digne:  
 (Si teretem truncum vomer aduncus amet)  
 Sed te felicem si te cognoscere possis,  
 Vnum deque istis assequere tribus.

*Donec eris similis que tui similis que tuorum.  
Pictor, nec vates, nec citbarædus eris.*

*Alardo Quintulo I. C.*

**P***ictoris nomen tribuit mihi, Alarde, Melissus:  
Vnde mihi famam quarere turpe putas.  
Materies eadem pictori est atque poeta:  
Hic vitam tribuit, corporis ille habitum.  
Mens eadem utrique est, cognâtaque munia tractât:  
Nil refert pictor si vè poeta vocer.*

*Ad amicum.*

**E***xpulsum officio doles priore  
Fratrem Nicoles tui, atque docto  
Rudem protinus esse substitutum.  
Sic matri stolidè liber: quis illi  
Repugnet? placuit minùs perito  
Natum tradere, sed magis loquaci.  
Saltat sat benè, cui favens sonat fors.*

*Ad Paulum Cimettum iuniorem.*

**D***um patris effertur lacrymosa ad busta cadaver,  
Tusa repercussa pectora plange manu.  
Adspicis ut tristi jam non vacet esse sorori?  
Impedit afflictè cura molesta domûs.  
Luminibus ne parce tuis: hanc deficit humor:  
Non habuit siccas patre valente genas.*

*Ad Marcum Antonium Varanum.*

**N***il agis insulcè: salsè loquerisque facisque  
Omnia: salsa tibi noxque diesque venit,  
Tu quàm longa dies potas distentus, & idem  
Qui salsè dormis, mane, Varane, sitis.*

## Ad Topheum.

**P** Ande sesquipedalis ora victus:  
 Ride quod rudis a molis asellus:  
 Dic, Boissarde, geris perenne nomen:  
 Pictor diceris & simul poëta.  
 O magnum ingenium, o potens cerebrum!  
 Dicam, nomen habes perenne, Topheu:  
 Nec pictor potes esse, nec poëta.  
 O rude ingenium, o hebes cerebrum!

## Paulo Aloysio Amano.

**S** I tua nunc vitet prudens commercia Lyde,  
 Immeritum hæc dicet te quis, Amane, pati?  
 Visa foras quicumque eliminat, ille meretur  
 Excludi offensi jure sodalicij.  
 Ridiculum est, inquis: si quid tamen oris haberes,  
 Debueras alio dissimulare modo.  
 Quisquis ad externos venies conviva penates,  
 Sis linguam atque oculos continuisse memor.

## Ad Philippum Carionem.

**S** I tantus Lamiam dolor teneret,  
 Quanta stultitia miser laborat:  
 Tempestiva satis, Philippe, nunquam  
 Illius fieret medela morbo.

## De Naso Lamix.

**Q** Vid nasus Lamix refert, rogatus?  
 Caudam infundibuli mero rubentis.

## Ad Lælium Cleopassum.

**S** I conviva mihi, Cleopasse, Leontius esset,  
 Et partem nostri te roget esse chori,

*Quid faceres? nonne officium hoc renuisse puderet?*

*Id rogat: officium hoc sit renuisse pudor.*

*Nos dabimus cœna non longi temporis horam:*

*Colloquiis, moneo, sed mora major erit.*

*Nec deerit cuius capiaris amore paratus:*

*Et non vulgari mensa erit apta dape.*

*Quod tibi fortassis dudum esuriatur habebis,*

*Ni tibi torpentis sit sapor oris hebes.*

*Morosos solitus non fastidire palato,*

*Quas tibi proponit pauper amicus, opes.*

*Instructus venies illo (ut sint omnia lata,*

*Et sine quo fatua est cœna futura) sale.*

*Pauca Faventinis coquus instruct assa quatillis*

*Fercula, quæ melius condiet ipsa fames.*

#### De Lamia.

**C***Ur, cùm de Lamia loquor, brevis sum?*  
*Ille encomia longa non meretur,*

#### De Lippo.

**L***ippo oculi stillant lacrymis, multoque rubore*  
*Infecit nasum murice tincta Tyros.*

*Id, Lenæ Pater, tribuit tibi, cui benè noti*

*Quos Lippi calices sugat anhelis sitis.*

*Quid si aliud causæ est? fumorum venditor ille est:*

*Est oculis fumi noxius acris odor.*

#### Ad Linum Sagatium.

**A***egonis, Line, colloctionem*  
*Suavem & mellifluam vocas, soporem*

*Quòd induxerit audientibus. Sed*

*Iejunam & fatuam puto æstimandam,*

*Quidd*

*Quòd suo sale neminem excitaret.*

Ad Matthæum Cognetium I. C. De terra sigillatâ sibi dono missâ.

**M** Vnera Threicio cepi miranda sigillo,  
 Quæ quondam tellus Hypsipylea tulit.  
 Nulla agro juveni potuit presentior esse,  
 Quàm quæ Lemniaco est facta medela luto.  
 Alvi tormina sunt fluxû sique coërcitus: at non  
 Qui miseri loculos evacua vit heri.  
 Cui qui succurret, formosa vir sit amicæ,  
 Sed non ut Lemni contigit esse Deo.

Ad Georgium Gernerum.

**S** I pecco quoties dominus mihi diceris, & me  
 Bis decies reddit quælibet hora reum:  
 Atque gravis penso multa est solvenda quadrante,  
 Enormem secum lex trahet invidiam.  
 Non ero solvendo, cùm deficiente crumena  
 Opprimar, & nummos hauserit una dies.  
 Nempe mihi dominus poteris, Gernere, vocari,  
 Arbitrii fuerit cùm mea vita tui.  
 Ne tamen excludi nomen videatur amici,  
 Te gerere heic audi qua ratione velim.  
 Medoaci ad ripas hypocausta Laconica mecum,  
 Cras ubi lux fuerit, mane lavandus adi.  
 Illic duriciem lex eluet, & simul auctor.  
 Et poteris multis mundior esse meis.

De Pyreto.

**P** yretus Theodorum amans, puellam  
 Offensam blateratione reddit.



*Indignata hominis procacitatem,  
Nugantem stolidis jocis rogabat,  
Inter bruta animalia est, Pyrete,  
Quodnam grandius? ille, Barrhus, inquit.  
Barrhe ergo, Theodora ait, recede hinc.*

*Ad Philippum Carionem, de Lamiâ.*

**E***Alfa cur Lamię omnium videntur  
Dicta? vera quod is loqui negetur.*

*Ad Alardum Quintulum I.C.*

**N***ostra Melissa conjuncta epigrammata voto  
Postremo quod sint sine reposta doles.  
Sed nihil hinc damni capiunt: quocunque locetur,  
Quintule, non curat nostra Thaleia situm.  
Si bona sunt, extremo etiam sub fine legentur:  
Si mala, erunt primo non meliora loco.*

*Ad Pomponium Ricium Nolanum.*

**S***is hodie nobis, Ricci, conviva, docebo  
Quod Laio genitus solvere posse neget.  
Dicam quę matrem generavit filia: dicam  
Cui mel felque simul, frigus inest que calor.  
Quis naves recta feriat jaculator, ad imos  
Collimata licet sit catapulta pedes.  
Quę res sit pluvio quę tempore recta madabit:  
Illa eadem fuerit sub Iove sicca magis.  
Quę res sit, cujus numerus quo major abundat,  
Hac numero levior dicitur esse suo.  
Hęc mihi si solvas Thebanæ oracula Mantus  
Te credam & Clavii verba tenere Dei.*

*Ad eundem.*

*Venantur*

**V**enantur gemini juvenes, horumque parentes,  
Grátaque tres lepores præda fuere canum.  
Hos inter, Rici, captam sic divide prædam  
Ex æquo, integrum ut quisque ferat leporem.

Ad Robertum Fevinum Medicum Ambianũ

**D**Vos caupo viros suã in popina  
Excepit, sociamque uterque secum.  
Vxorem jubet assidere: cœnam  
Commendat cibus & jocus. Remota  
Mensa, a quolibet exigũ decem asses:  
Triginta numerantur, estque caupo  
Contentus precio hoc: tamen decẽ unas  
Quisque solverat. Id, Fevine, amabo,  
Qua factum ratione sit, doceto.

Ad Pomponium Ricium.

**T**V Colophoniaco objectas ænigmata vati  
Proposita: Hac Arcas nauta soluta dabit.  
En tibi Alexandri nodus non pervius ense  
Gordius: ingenio dissoluẽdus erit.  
Dic quid sit, cui quò plus porrigis, exigit id plus:  
Dic quid mollescit sole, liquore riget.  
Dic quid nec linguam nec vocem habet: attamẽ illud  
Dulci homines captos detinet harmonia.  
Quid caret auditu & visu, verbisque loquentum  
Tanquam intellectis, nutibus erigitur?  
Assiduo pulsu qui quassant limen amica,  
Nec subeunt, quam vis hæ patuere, fores?  
Quid nec corpus habet, nec quo quicquã ore loquatur  
Attamen illi vox articulata subest?

*Quæ tria sunt, cum quis nulli sat ludere tutum est?*

*Quæ tria prudenti sunt reticenda metu?*

*Quis non jungitur his crebrò quos aggregat una?*

*Et quid plus recipit quàm queat esse capax?*

*Hæc sata declaret Phœbas Cisseïde: vel qua*

*Grynæa Euboicis virgo latet specubus.*

*Ad eundem.*

**S***I quanta est utriusque rogas distantia solis*  
*Vera, mathematicis edoceare modis.*

*At si enigmaticum, mihi quod proponis, habetur,*

*Quod reor: hæc paucis expedienda dabo.*

*Occiduis distans Eo occasus ab ortu est,*

*Esse viatoris quanta diæta potest.*

*Carpit iter cùm mane rubet Tithonia conjux,*

*Hospitium fessus sole cadente subit.*

*In Lamiam.*

**M***Orbus est gravis, est gravis senectas:*  
*Paupertas gravior potest haberi.*

*Sed gravissimus omnium malignus*

*Est tuus, Lamia o superbe, fastus.*

*Ad Lælium Cleopassum.*

**E***De tuos, Cleopasse, libros post funera nostro*  
*Tempore namque bonis fama maligna venit.*

*Sorbe aliquid de illa (meruit quam industria) laude.*

*Est aliquid proprio posse labore frui.*

*Quid tibi iudicium vulgi & sententia cure?*

*Doctus Aristarchum sic quoque Homerus habet.*

*Stulti esset cultæ non credere semina terræ,*

*Condita quòd sulcis depopulentur aves.*

*De*

## De Fusco.

**B**acchanalibus, ut prius solebat  
 Personata choros levis iuventus  
 Omisit: neque enim licet profanis  
 Vti ritibus: idque jam severè  
 Edictum prohibet sacri Senatûs,  
 Hortante assiduè & monente Fusco:  
 Dum responsa Deûm docere plebem  
 Cretatus paries cupit videri.  
 Carcer pœna res, decemque multa  
 Librarum. Propera, manusque Fusco  
 Lictor injice, compedumque vinculis  
 Arcta: multaq; ad ultimum quadrantè  
 Solvatur. Solet ille, sive tractet  
 Ludum, aut seria, publicè domique,  
 In sacris etiam subire larvam.

## Ad eundem.

**S**criptitat assiduè versus, & turpe pœtæ  
 Nomen ait. Stultum quàm tibi, Fusce, caput!  
 Talis es & tantus, qualis tu & quantus haberis:  
 Carmina qui scribas, Fusce, pœta nec es.

## Ad eundem.

**F**usce ego te nunquam, ne tu fallaris, amavi,  
 Accedat titulis neve amor iste tuis.  
 Nec te odio, ut quereris malè sanus, prosequor ullo:  
 Tam levibus curis pectora nostra vacant.  
 Despicio te, ut nauci hominem: cur angeris ultra?  
 Fusce, ego non odi, sed tamen haud amo te.

## Ad Linum Sagatium.

**F**Vscum audi, Line, de Deis loquentem,  
De rectoque bonoque differentem,  
Dices esse virum bonum atque rectum.  
Hunc cognoveris intimamque mentem,  
Dices: Dique simul Deaque perdant  
Probrorum hanc, Line, fœtidam cloacam.

Ad Ioannem Lobetium I. C.

**N**on cuivis tribuit doctis natura placere:  
Cœlitus hac paucis gratia parta datur.  
Multum etenim refert quali nascare sub astro:  
Sidera nam in cœlis non otiosa micant.  
At si cuiquam hominum sit constellatio felix,  
Tu facile in primo constituere loco,  
Ut taceam quæ te clarum prudentia reddit,  
Quæ tibi doctrina est, quod tibi iudicium:  
Quamque diserta subest facundia, quàm tibi mores  
Sint lepidi, & genio gratia quanta tuo.  
Officiosus homo es, nulli candore secundus  
Diceris: & multis fido in amore prior.  
Cum te tam varieg. di. vino munere dotes  
Ornent, multiplici laude colendus eris.  
Et te, Lobbeti doctissime, multus ubique  
Selecto excipiet iunctus honore favor.  
Inter tam multos, quæis tu cumulabere, amicos,  
Tu quoque ut adscribas nomina nostra rogo.  
Nulla homines inter constat concordia major,  
Quàm quæ Virtutis numine fulta venit.

**C**Ad Petrum Friderum Mindanum.  
Redis, Petre, mihi referta nummis

Esse scrinia: quòd mihi podagra  
 (Quæ solis locupletibus molesta est)  
 Pedes debilitet. Velim esse veram  
 Creditam omnibus hanc opinionem.

Deus, dum mihi de mali metreta  
 Triste atritida munus extulisset,  
 Non prompsit mihi vase de bonorum  
 Opes, quæ mala nostra mitigarent.  
 Sive illas ratus haud mihi expedire:  
 Sive ut assiduo dolore pressus,  
 Implorem assiduò a Deo medelam,  
 Cujus nil sine providentia sit.

Quicquid ille hominum Deumque Rector  
 De nobis statuit boni malive,  
 Fronte aqua patienter est ferendum.

Ad Pantaleonem Candidum Austriacum.

Sive tones grandi sublimia verba coturno,  
 Sive canas Elegos, Candide, cuncta decent.  
 Tu scribis Clio, tu scribis Apolline digna:  
 Vsq̃ue adeo felix, Candide, Musa tua est.  
 Omnia ad exactam tibi sic tractantur amussim.

Premia Aristarcho ut iudice prima feras.  
 Sed dum tu sacros meditare epigrammate versus,  
 Commendat studium gratia quanta tuum!  
 Nil nisi perfectum est, omniq̃ue ex parte politum,  
 Quodque tuum genium prodat & ingenium.  
 Sicuti tibi successu veniunt dum cuncta secundo,  
 Candide, si nescis, candida fama tua est.

Ad Petrum Friderum.



**P**Receptis teneram quisquis formare juventam  
 Aggreditur, magnū & pulchrū opus aggreditur.  
 Nam puerum instituens primis præceptor ab annis,  
 Iudicio peragat cuncta necesse bono est.  
 Qui sese insinuat, rarò est reparabilis error:  
 Usque adeo pravi est pristina culpa tenax.  
 Testa recens primum, quo imbuta est, servat odorem.  
 Chartaque calchographos excipit alba typos:  
 Quos nisi correcta prudens librarius arte  
 Exprimat, haud tollent præla secunda notas.  
 At tu sic Phœbo studiumque iuvante Minerva  
 Quidlibet exactè, doctè Fridere, facis:  
 Perfacili methodo dias ediscat ut artes  
 Præceptis pubes erudienda tuis.  
 Et tibi se Latine debent compendia lingue:  
 Quæ tu non parva cum utilitate doces.  
 Perge age: posteritas meritis subscribet: eritque  
 Perpetuus posthac, quo cumuleris, bonos.

### Ad Linum Sagatium.

**S**Vetam non nisi pipione vesci,  
 Assa aut turture, vel spadone gallo,  
 Perdice, aut meliore phasiano  
 Invitas: patinasque bubula, atque  
 Ververcina oneras, suisque tergo:  
 Convivam haud memor heic tibi esse Gallam,  
 Palati, Line, sceminam eruditi.  
 Lardum non comedit Psecas libenter,  
 Extremis nisi partibus sit assum.

### Ad Georgium Cæcilianum.

Aquo

**A** Equo animo pateris convitia, Cæciliane:  
 Et te hac laudari simplicitate putas.  
 Laudatur meritò patientia ferre coactis.  
 Qui sapit ultorem, Cæciliane, timet.  
 Argueris timidus, dum circumspèctus haberi  
 Poscis: & hæc virtus certè asinina tua est.

In importunè iocantes.

**D** Vm malo tumidi pedes dolore  
 Nobis excruciantur: & medela  
 Sæva atritis eget, movere risum  
 Iocis desinite, o boni sodales,  
 Quos admittere nescit ægritudo.  
 Consolatio nulla, nec faceta  
 Duro tempore fabulationes,  
 Nec cibus juvat, imperitus istam  
 Dum curabit Acesias podagram.

Ad Antonium Cassium Appulum.

**A** Crior esse tibi videor, nimiumque severus,  
 Cassi, quòd scribam carmina amara nimis.  
 Falleris: hoc versùs nostri natura requirit,  
 Ut stimulis scateat linea crebra suis  
 Perstringo, fateor, vitium vehementius: atqui  
 Personas tectis transeo nominibus.  
 Si qua Lycambæo furit ardens pagina reste,  
 Nemo, legat quamvis, noverit esse suam.  
 Perspicuū quod erit, quod purum, quod breve, Cassi,  
 Melle, aut felle fluens sit que epigramma sale.

Ad Paulum Melissum.

**F** Vco fucus inest - nihilque præter

*Fucatum loquiturque perficitque.*

*Nil fucatius est, Melisse, Fuco.*

*Sed fucatiore quater quaterque,*

*Fraudat quæ thalamos, velutque casta*

*Vxor diligitur suo marito.*

*De Orlando Lassæo musico.*

**S***Vavia miramur Thebani plectra Poëtæ,  
Et Metymnææ fila canora lyre:*

*Et quæ Bistonii modulans ad Strymonis undas  
Thraciæ Vates protulit arte chelys.*

*Laudamus meritos. Virtuti nempe bonorum  
Invita sua laus redditur invidia.*

*Atqui id si spectes, saxis silvisque videbis,  
Et cantata vagis illa fuisse feris.*

*Sed quanto majus fuerit Divosque hominesque  
Flectere, & Aoniis conciliare modis?*

*Pace tua, Latoë pater, comperta fat chor:  
Hoc docta Orlandus præstitit harmonia.*

*Si cui Castaliæ debetur gloria palmæ,  
Ille sit æterno laudis honore prior.*

*Ad Abrahamum Ortelium Cosmographum regium.*

**O***Rtelius nobis se ultro promittit amicum:  
Proh pudor, id pridem poscere debueram.*

*Imo prece, aut precio, aut quovis mercarier auro:  
Aut auro si quid carius esse potest.*

*Candor enim illius tanti est, doctrina, fidesque  
Rara animi, & cultis dotibus ingenium.*

*Inferior Virtute igitur superabor ab illo?  
Sic vinci a comi nempe sodale juvat.*

*Accipe*

Accipe quod poscis, doctissime: meque per arum

Vtere: Proprium sic tuus esse volo:

Sic tuus esse volo, ut de me statuas, jubeasque

Quidlibet: hoc certi pignus amoris habe.

Hoc titulis gaudebo meis accedere, quod pars

Vna sodalium sim potis esse tui.

Sequanico cantate Dubi gauderis: eruntque

Cognita per Belgas nomina nostra plagas.

Ad Petrum Lepidum Metensem.

**A**rcanum, Lepide, explicas sodali?

Libertas tua jam periclitatur.

Orco Ixione natus est receptus:

Cælum Tyndarei tenent nepotes:

Ceteri Elysios colunt recessus:

Quibus sancta fides amorque cordi

Fuit. Nos hodie nihil videmus

Vera amicitia quod esse dignum

Possit: Omnia pessum eunt: & umbras

Corporum vice creduli fovemus:

Nostro tempore fuitiles viri sunt,

Quod vix credibile est, & eruditi.

Ad Fridericum Lessotam Steblæum

Silesium.

**I**ngenium, Friderice, tuum, facilesque Camænas

Miror, & eloquij verba diserta tui.

Hac mihi conceptos animo minuere dolores,

Atque iterum me me restituere mihi.

Talia iustonum, peteret dum Tartara, Vatem

Credibile est docta concinuisse chely.

*Tormentisque animas, & pectora mœsta levando*

*Dicitur infernas imminuisse cruces.*

*Sic cura a nobis subito fugere, meam dum*

*Flexanimo lenis carmine tristitiam.*

*At te Phœbus amet: tibi sic suavisima Pitho*

*Mellifluis tingat docta labella favis.*

*Sic Lessotæ fidus geniale ferarum*

*Gentis: sic Viadri gloria prima tui.*

### De Coquo & Vetula.

**T**orret ut ignitis integro cortice prunis  
*Castantæ modica cultus ab arte coquæ:*

*In ventos humor calido dum solvitur æstu,*

*Hiscentes subitis concrepuere sonis.*

*Ne pedant, tenui scissura incidere oportet*

*Hæc nuces, puero proxima dixit anus.*

*Cui puer: birto igitur, mater, quam cingis echino*

*Nunquam vel prunis torrida pedet, ait.*

### Ad Omphacem.

**A**cre est ingenium, Omphace, tibi, acres  
*Mores, acris in omnibus voluntas.*

*Acris vita tua est, & acre nomen.*

*Imo (quo brevius loquamur) ipsa*

*Acrimonia tu potes vocari.*

*Cur non acre etiam dares acetum?*

### Ad Langæum.

**I**nsulsum quid me vocitas? caliga mihi quod sunt

*In quibus aut nulla est bracca vel exigua.*

*Sed magis es fatuus, gemino cui bracca cuculi*

*Non minor exertum separat una femur.*

*Nugaris: stabulum quantum solet esse, frequenter  
Clas si illo tanti penè putantur equi.*

*Ad Paulum Cortesium.*

**Q**uod me quæsieris domi subinde,  
Nec sum, Paule, tibi doles reperçus,  
Cui pà omni carco. Quis usque & usque  
Claudi sustineat, librisque pronos  
Excæcare oculos velit libenter?  
Nobis est studium minus severum.  
Quod certis mihi mitigatur horis  
Lusu, vel modico deambulat u.  
Sed tu me quæreris domi fuisse:  
Quod dixisse tibi Philippa fertur:  
Id nullis, scio, testibus probabit.

*Ad Alardum Quintulum.*

**S**ollicitant Lippum permulti ut migret in urbem:  
Secessum præfert, ruris at ille sui.  
Delirare putas hominem: sapienter agit rem.  
Namque ille est vici gloria prima sui  
Vixerit is cives doctos millesimus inter,  
Postremum semper iussus inire locum.  
Non sine iudicio Lippus gerit omnia. Princeps  
Cæcorum in regno, Quintula, luscus erit.

*Ad Lælium Cleopassum.*

**N**on tantus meus error est putandus,  
Si dum persimilem tibi statua,  
Et vultu, & patria, atque amore summo  
Coniunctum esse Læntium viderem,  
Vos fratres ego suspicarer esse.



*Non absurdè uterinus ille dici  
Est potis tibi: namque, sitis olim  
Diverſo geniti licet parente,  
Ambos, credo, uterus tulit Lyciſca.*

*De Plautia Pylæa.*

**D***ives & ingenua natus de plebe Philippus  
Conſortem thalami Plautiam habere cupit.  
Illa tumens titulis & nobilitate paterna,  
Vah ait, indigni conjugis uxor ero?  
E patria ſociam quærat ſibi ſece P hilippus.  
Nunquam tam vili polluar ipſa toro.  
Dumque moratur Hymen tædas præferre jugales,  
Compreſſa eſt ſervi calliditate patris.  
Plebeium ſtultum eſt non admiſſiſſe maritum,  
Cum te nec ſamulo concubiſſe pudet.*

*Paulo Aloyſio Amano.*

**Q***uid tibi promittis? quid ſpe te paſcis inani?  
Non eſt arbitrij Lyda ſororve tui.  
Concinnata tuis non eſt hæc faucibus offa:  
Tu nondum juſti ponderis inguen habes.  
Dum licet, egreſſumque vides, cane, Paule, receptus:  
Fibula conſtringit non benè nexa femur.  
Nî tibi contingat Satyro quod fecit Apollo,  
In ſtulti vereor ne moriæ cute.*

*Ad eundem.*

**V***T ad te veniam rogas, Amane,  
Cœnaturus apud tuam Phlogillam.  
Cui reconciliarier ſtuderēs,  
Antequam tibi ſubrogetur alter.*

Nunc prodire per occupationes  
 Neutiquam licet: at probè monenti  
 Si parère velis, utramque missam  
 Phlogillam facies simulque Lydam.  
 Ludis namque operam: in domo utriusque  
 Illud juris habes miser, quod acer  
 In pingui canis obtinet macello.

## De Taræo.

**D** ipsas anus parco datur edentata Taræo:  
 Dote in non curvam ducit avarus anum.  
 Consultum penui est, dixit, sportamque macelli  
 Non toties loculos evacuasse querar.  
 Auferet una famem puls, conscissumque minutal:  
 Nil solidi amissis dentibus esse potest.  
 Cœna tamen sumptu multo majore paratur:  
 Dum minùs illa cibi, plus capit illa meri.  
 Fallimur, exclamat, vetula superest gula: nam quo  
 Parciùs illa vorat, largiùs illa bibit.

## De luppo a rusticis capto.

**L** upum rustica gens ferum & rapacem,  
 Infestumque ovibus capit: cruci què  
 Suffigendum alii volunt, vel igni  
 Torrendum: ast alii secante ferro  
 Conscissum canibus dari vorandum.  
 Inter quos aliquis malis maritus  
 Factus auspiciis (quod evenire  
 Non paucis solet) o viri, inquit, istas  
 Furcas tollite, vestiumque nodos,  
 Ferrum, ignem, laqueos, crucem, flagella.

*Sunt leviſſima. Majus inferendum  
Sontꝛ ſupplicium. Iuberis illum  
Pœnas, ut meruit, luiſſe? nubat.*

*Ad Fuſcum.*

**G***Allica Burgundos vocitant diſteria ſalſos:  
Hoc me rexari ſcommate, Fuſce, putas.  
Ad ravim uſque, licet, clames id, Fuſce: viciffim  
Inſulſus mihi eris, dum tibi ſalſus ego.*

*Ad Gorgylum.*

**S***Enſi non ſemel, id mihi fatendum eſt,  
Tua munera liberalitatis.  
Nec dictus ſemel optinẽ mereri  
De me: quin tibi gratias rependi.  
Sed ex quo benefacta publicare,  
Et præco tuus eſſe maluiſti,  
Mî indiſtum eſſe ſilentium putavi.  
Primæ nam hac ratione firmus antè  
Nodus ſolvitur obligationis.*

*Ad Paulum Meliſſum, de Arno.*

**X***Antippe nupturus abit malè providus Arnus:  
Quartana huic poterat mitior eſſe tremor.  
Cur? quia nulla unquã miſero expectanda quies eſt:  
Rides, & quæ ſit cauſſa, Meliſſe, rogas?  
Imperioſa virum per jurgia mille necabit:  
Et ſumptu loculos hauriet atque latus.  
Febriat ille licet, detento ſebre quieti  
Namque duo poterant de tribus eſſe dies.*

*In Nydartum.*

**O***Btrudi ſibi cunſta vult Nydartus,*

*Vnde*

Vnde conciliari ait cachinnum.

Ductum illi omnibus inquit esse callu n:

Idcirco omnia liberè fateri.

Vngues in scabie inquinare tali

Si velim, obijciam & simul probabo

De multis aliqua omnibusque nota:

Risum fortè tibi illa concitabunt,

Sed Sardous erit, Nydarte, risus.

De Langæo.

**D**efinet ergo vagus Langæus amoribus uri,  
Et prius insueta lege maritus erit.

Dum laqueus igitur vetus est vulpecula capta,

Gallinis turò nunc licet ire foras.

Ad Iuliam Iffam.

**V**enturum esse virum spondebat Lælius, idque  
Pignoribus cautè fecit utrinque datis.

Obtiuit precium nondum redeunte marito:

Delusam sic te, Iulia, conquereris.

Nunc colaphis certa, & servato pignora: ab illo

Sic fiet nullo ut decipiare modo.

Ad Lælium Cleopassum.

**O**mphacen, Cleopasse, mi colendam  
Suscepi: hanc homines licet Deique

Oderint malè. Belluè trifauci

Sic Tirynthius, aureique pomi

Custodi vigili obtulit vorandam,

Sic tauris Pagasæus offam Iason.

Majores sequimur, bonis malisque

Deis sacrificando: ut hi nocere

Desinant, alii ut velint juvare.

## De Pontia,

**F** Lagitat ut scriptis celebretur Pontia nostris:  
 Mercaturque datis carmina muneribus.  
 Sed neq, forma tibi est, nec gratia, nec genus, aut qua  
 Tu celebris possis esse, pudicitia.  
 Quod si non moriar donec laudabere nobis,  
 Evincam Pylui tempora tarda senis.

## Ad Arnum.

**E** St uxor tibi qua stomacho jejuna laborat:  
 Nescia ferre sitim, nescia ferre famem.  
 Ora duo ab sorbet postquam diluxit: & illi  
 Fervida Diæctus diluit ora liquor.  
 Et molli stertens post hac jentacula somno,  
 Expectat placida prandia lauta gula.  
 Displicet hoc vitium tibi, sed malè displicet, Arne,  
 Isto aliud conjux majus habere potest.

## Ad Paulum Melissum.

**D** Ona qualibetingere & superbo &  
 Ingrato Lamia, Melisse, perdes  
 Dona qualibet, & scies superbum &  
 Ingratum Lamsam fore. Ille quod vis  
 Munus spernit, & accipit tamen: sed  
 Nec grates agit aut rependit ullas.  
 Astutè: Omnia nec pili astimando  
 Res suas agit hoc modo, ut nec ipsi  
 Datori in minimo sit obligatus.

## In Margiten.

**A** Ntiquam ducens seriem de stemmate prisco  
 Margites claris sicque superbus avis,  
 Plebeio institui reputat sibi turpe magistro.

Plebeio Virtus quare amet esse loco?  
Nobilis antiquę ut videatur stirps afellus,  
Nobilis illi aptę doctōr agaso datur.

Ad Veturium Leontium.

**N**ec nimis petulans, nimisve amarus  
Tuis scommatibus soles, Leonti,  
Hanc perstringere lenam & impudicam.  
Non, si tetra aconita, si rubetas,  
Restes, & laqueos romas in illam.  
His pejora meretur illa Erinnyis.

Quod scriptum est brevibusque lucidisque,  
Et verbis Latiusque propriisque,  
Mel fel salque epigramma habere debet.

In Fucum.

**S**cripta Giganthæo dum struxit Fucus hiatus,  
Ridiculus vasto est mus generatus Atho.  
Prostabatque liber, sed quem nemo velit emptum:  
Iam chartas malet bibliopola meras.  
Cum pipere & scombris divendi posse putavit:  
Et nunc nihili aut quovis institor asse tulit.  
Et domus omnis habet confectos inde cucullos:  
Sic Fucus tota se putat urbe legi.  
Inter quisquiliis sordent fragmenta, sed esse  
Tergendis naribus commodiora queant.

In Omphacen.

**O**mphace famulos habere mavult  
Fungos & fatui rudes cerebri,  
Quam cultros benę moribus politis.  
Horum iudicium veretur illos  
Nauci non putat aut pili aestimandos.



Vexat pro arbitrio fame sitique,  
 Contemptosque laboribus fatigat.  
 Oderunt dominam, omnibusque diris  
 Devovent simul, & malè imprecantur.  
 Has novit tamen imprecationes,  
 Et perfert toleranter has, atque.  
 Oderint, metuant modò, feremus.  
 O sententia congruens Neroni!

## Ad Ponticum.

**A** Te sat memini quondam me, Pontice, amatum,  
 Reddere nec gratias me voluisse vices.  
 Hoc ideo feci, quo me importunus amare  
 Desineres: tanti non ego amare volo.  
 Nunc quia me levius, multoque remissius ardes,  
 Pontice, te quàm cor malo videre meum.

## De Lea puella.

**I** Am non capripedes negabo Faunos:  
 Nec quas pubetennis natasse pisces  
 Fama fert Acheloidas puellas.  
 Nec quas Telegoni parens figuras  
 Versis corporibus subinde fecit.  
 Nec monstri species triplex Iberi  
 Est mira, aut Lyciæ pavor Chimære.  
 Solam ait Lea se domi fuisse,  
 Quadrupes tamen, occiputque binum  
 Est, & visa duplex habere tergum.

## Ad Ponticum.

**T** Antus amor meus est in te, ut vitæ studioque,  
 Teque meo cordi, Pontice, prætulerim.

*Impius erga me ingratusque vidéris: Oportet  
Dissuere, at nunquam rumpere amicitias.*

*In Fucum.*

**O**ccurrit quoties mihi ille Fucus.  
Scriptor ridiculi miser libelli,  
Obtundit mihi lectione crebra  
Nugarum caput: Et meum requirit  
In his iudicium. Institor petatur,  
Qui salpamque, piperque, capparimque,  
Cordyllasque breves cavis cucullis  
Divendit populo Tamen rogatus  
Nequid dissimulem amplius, vidéris  
Asellus mihi palliatus esse.

*Ad amicum.*

**Q**uod graviore rogas ut scribam carmina versu:  
Nec pede quo soleo tam petulante jocer.  
Id docet hos, sacre quibus est nexa insula mitra:  
Est mihi, si nescis, Musa remissa magis.  
Hæc tamen indigno nulli unquam noxia morsu,  
Hæc tæus immisso nec gravis ungue fuit.  
Quod si forte tui nugis applaudere Fuci  
Non potuit, bombos hæc meruere alios.

*A. C. Alardum Quintulum.*

**S**i quid liberiùs procaciùsve  
Dicas aut facias, mihi imputatur.  
Si falsè loquar aut nimis licenter,  
Auctorem sapere id ferunt Alardum.  
Si verum est, imitarius probamur  
Illos, Quintule, qui nigris caminis  
Labore assiduo excoquunt metalla,

Tactu qui citò mutuo inquinantur.

Ad Ponticum.

**S**I me, Pontice, amas, merui tibi, Pontice amari:  
Odisti? est odii non mihi cura tui.

Tanti ego amicitias mercari, Pontice, nolo.

Qui prostat donis est inimicus amor.

Ad Gongylum.

**C**OENA lauta tua est, & esculentis  
Plena est omnibus: ac graves meraco,  
Sitis perniciēs, tument lagna.

Elixis gabata refertę & assu

Famem sufficiunt levare nostram.

Pulchrę quęlibet, & benę ordinata.

Sed his, Gongyle, salque gratiamque

Perlecti toties tui libelli

Tollunt, qui saturis queant placere.

Veni quò recreer vocatus, haud ut

Nugis putidus obstrepas edenti.

Dum gula esurit obstruuntur aures.

Ad Georgium Cæcilianum.

**V**Tere consilio rebus prudenter agendis,  
Et similem simili junge paremque pari.

Insana insano quare Aulo Pyrrha negatur?

Par utriusque atas par utriusque color.

Ditior hęc fertur, nam pradia possidet ampla:

Indiga sed formę est indiga & ingenii.

Prater virtutisque & opum (si dicere fas est)

Caciliane, rei nullius Aulus eget.

Ad amicum.

**B**Is denis mihi jam peracta lustris

*Ætas*

*Ætas vertitur: ablicatque rara  
Caput canicie: nitetque vultu  
Flos tener juvenilis in senili.*

*Te versa vice Olympias novena  
Vix dum vidit: & es nive atque gloriis  
Pluma candidior: tuamque frontem  
Striatis caperat senecta rugis.  
Hebes meque ideo vocas maritum.*


*Nulla Hebe thalamo meo recumbit:  
Roræ Acidalio nec ora lavi  
Pulchris Orchomeni cavis receptus.  
Lectæ cælibe dormio, mihi que  
Importuna Venus, Severe, non est:  
Nec rumpit mihi amor vâgus quietem.  
At tu in perpetua actione totas  
Insomnis teris, exigisque noctes,  
Equarum in stabulo cubare suctus.*

*In Effigiem Pauli Melissi.*

*Sic gerit os oculosque, incinctaque tempora lauro.  
Quæ Musa & Phæbus, quæque amat ipsa Chorus.  
In cuius labris Pitho suadæque medulla  
Thesaurum eloquij constituere sui.  
Denique hic est toto celeberrimus orbe Melissus.  
Notus apud superos, atque apud antipodas.*

*Inscriptum crumenæ Sericæ.*

*Vr, aliò tendas: non hinc tibi prada paratur:  
Nam Musis tantum est sacculus iste sacer.  
Plena alij servant rutilis marsupia nummis:  
Lucra parata illinc, & tibi restis erit.*



IANI IACOBI  
BOISSARDI VESVNTINI  
EPIGRAMMATUM.

\*\*\*

LIBER SECVNDVS.

Ad librum suorum Epigrammatum.



DISCE, disce, libelle, disce posthac  
Nulli displicitura comminisci.  
Scribe Naida castam, & eruditum  
Insulsi auriculas Midę gerentem.  
Sancto carmine finge Christianum,  
Qui solo profitetur ore Christum,  
Vita sacrilegus sit & profanus,  
Et summum licet expuat Tonantem.  
Nostra tempora sic volunt jubentque,  
Si vis doctus haberi, & eruditus.

Cur nullam tibi gratiam decusque  
Tot nuge pariunt laboriosę?  
Adularier, o libelle, nescis.  
Nescis, crede mihi, necesse quid sit

Nostro tempore: simplici figura es.  
Diversa varianda vita forma.  
Sis gnatho, parasitus, improbusque,  
Impudensque, malusque, consciusque,  
Assentariæ & libelle noris,  
Tu convivias, tu domos potentum,  
Amplexusque petes negante nullo.

Non potes video, scaphamque dicis  
Scapham: nec tenebras dici asserebas:  
Antiquos sequere, imperite, ronceos:  
Et nullis femoralibus maritos  
Securæ solitos chorum inchoare:  
Nec laudabere, nec placebis ulli.

Perge, perge libelle, perge semper,  
Contemptus domino licet minetur,  
Vera dicere vera comminisci.





AD ILLVSTRISSIMVM PO-  
TENTISSIMUMQUE  
Principem,

IOANNEM Comitem Palatinum Rheni, Du-  
cem Bavarix, Comitem in Veldens  
& Sponheim.



VOS legis, o Princeps fortunatissime  
versus

Boissardi hos mittit festa Thaleia tui.

Optat longeva tibi dulcia tempora vita,

Vxorique tua, pignoribusque tuis.

Optat semotis tranquilla per otia curis

Hec vultu ut placidus liberiore legas.

Tu tibi devotum potis es servare poetam:

Cujus es & fautor presidium atque decus.

Ille parum gratus tibi ne videatur, adornat

Xenia, quæ studii sint monimenta sui.

Quæ tibi si placeant, grates Superisque tibi que

Dicet, & hoc posthac munere dives erit.

Ad Henricum Sueberum Bipontini Du-  
cis Cancellarium.

*Asiræa*

**A** Stræ & Themidis sanctæ intemerate Sacerdos,  
Boiorum ut magno es Nestor & ipse Duci:  
Qui bibis Aoniæ sacrum laticem Hippocrenes,  
Et pangis Clario carmina digna Deo:  
Sape ego te volui multâ impartire salute:  
Atque retenta mea est saepe pudore manus.  
Sed Lepidus, qui præcō tui candoris ubique est,  
Immunem istius me jubet esse metus.  
Experiar, dixi: neque enim temerarius esse  
Arguar, ignotum si coluisse ferar.  
Hoc paritur Princeps, quo nil clementius esse,  
Aut quicquam toto mitius orbe potest.  
Credibile est te doctrina ingenioque politum  
Per similem domini moribus esse tui.  
Boissardum Suebere igitur tibi disce dicatum,  
Imperioque tuo nominibusque tuis.  
Quod si me recipis, nec dedignaris amicum,  
Narrabit laudes pagina crebra tuas.  
Præstabo officiis ne possis jure videri  
Postea amicitie pœnituisse mea.  
Ad Pantaleonem Candidum Austriacum,  
Ecclesiæ Bipontinæ præfectum.  
**C** Andide Castaliis dilectæ sororibus, abs re  
Non est quod niveæ nomina mentis habes.  
Candida vita tibi est, doctrina est pura: tibi que  
Suavibus instructum est moribus ingenium,  
Adde quod & Superum responsa arcana recludis,  
Atque e suggestu dogmata sacra doces.  
Interpres summi cum tu dicare Tonantis,  
Candoris nivei nomine dignus eras.

Ad amicū.

**A**rcanum tibi dixeram, idque in aurem,  
 Lege hac ut tibi creditum taceres.  
 Dicis id lapidi, inquis, atque muto.  
 Nunc muti & lapides, quid hoc? loquuntur.

In effigiem Nic. Reusneri Leorini I. C.

**R**eusneri faciem pictam qui viderit, & quas  
 Vivaci suevit lumine ferre faces:  
 Talis erat quondam frons inquiet alta Solonis:  
 Si regerent canis tempora, Nestor erat.  
 Tu bonus es iudex, spectator candidus: sed tu  
 Solius cernis cor poris effigiem.  
 Quid si doctrinam noris, moresque politos,  
 Polleat & quantis dotibus ingenium.  
 Delie, tu dices, spreta que valete Camæna.  
 Hic mihi erit Phœbi Castalidumque loco.

In ejusdem insignia.

**M**agnanimum gestant insignia vestra leonem,  
 Exerto cujus fidus in ungue micat.  
 Perpetuum signo hoc Leorina fidus in urbe,  
 Quod Reusnerorum stemmata nobilitet,  
 Promisit Virtus, nec vos decepit: at inter  
 Tot patriæ stirpis lumina quotus eris?  
 Cum genus illustrent Reusnerum sidera multa,  
 Tu gentis potis es Phosforus esse tua.

Ad Georgium Bertinum Campanum  
Medicum.

**N**atura interpres magna doctissime, rerum  
 Cui Phœbus causas noscere posse dedit:

Cui

Cui nihil ignotum est, cœlo, terraque, marique  
Compages lati vasta quod orbis habet.

Pectoribus diis quoties mens enthea flagrat:

Solvis & interno labra agitata Deo:

Quam lingua tradis Medicinæ arcana disertâ

Et multa plenis utilitate libris.

Quicquid ad humani conducit corporis usus,

Congesta argutè disseris historiâ.

Qua primum morbus nascatur origine pandis:

Saneturque idem qua ratione doces.

Quid potuit lectis melius Podalirius herbis?

Dextera quid Coi doctior Hippocratis?

Omnia tu peragis Musis & Apolline digna:

Atque quod ex omni parte probetur opus.

Propterea, Bertine, colit te Gallia tota:

Et gemina nati finibus Hesperia.

Et Rheni ripam tua fama implevit utramque:

Imo Europa tua laude superba tumet.

Æternumque tibi nomen doctrina paravit:

Quam pulchrum ingenio est innotuisse suo!

Ad Dionysium Lebæum Batilliū Tricassinū.

**Q**uicquid homo aggreditur, quicquid molitur  
& audet

Nil nisi quod vanum est audet & aggreditur.

Arbitrio instabili Fortunę cuncta rotantur:

Omnia temporibus stantque caduntque suis.

Pyramidum intereunt moles, vastique colossi:

Marcescuntque putri marmora quassa situ:

Forma perit: languent corrupto robore vires:

Aggestis fulcrum est debile divitis.

*Sola animi extrema monumenta a morte supersunt*

*Famaque quæ docto quæritur ingenio.*

*Quam tibi jampridem vigiles peperere labores:*

*Vt titulis desit gloria nulla tuis.*

*Vt taceam exacta quæ Emblemata facta Minerva,*

*Et bis centenis sunt tibi facta typis:*

*Fastorum seriem, & transactis tempora sacris*

*Quàm pura & facili promissis in historia!*

*Quid quodd & Aonia studium admirante Thaleia,*

*Castalio pangis dulce poema favo?*

*Nonne hoc egregius famam est extendere factis?*

*Dignaque Virtuti præmia ferre tuæ?*

*Præmia quæ meritis veniunt dum congrua, nonne*

*Terselix dici jure, Lebae, potes?*

*Lemniscata tibi succinget tempora laurus,*

*Æterna ut possis posteritate frui.*

*Ad Paulum Melissum, de Pyrrha.*

**P***Yrrha audit malè: & hæc negat dolere*

*Sibi aures: culicem audiet volentem:*

*Et gressum tipula procul notabit.*

*Falsa est fama igitur, Melisse: non est.*

*Natura, atque mala educatione*

*Dammum hoc traxit ab unguibus tenellis.*

*Cui gradaria mater est, Melisse,*

*Nata hujus facile ambulat tolutim.*

*Ad Franciscum Loygium V. M.*

*Doctorem.*

**S***Acra M ichaonia exerces dum sedulus artis,*

*Et tractas Cos dogmata dia senis:*

*Ervul-*

Evulgasque ampla Medicorum adstante corona,  
 Natura arcano qua latuere sinu:  
 Regali dignum suggestu iudicat omnis  
 Te schola Pæonia frunde revincta caput.  
 Cultiæ tuæ facta est doctrinæ Gallia iudex:  
 Atque tuum ingenium suspicit & genium.  
 Sed tamen Austrasiis tu mavis utilis esse:  
 Et Gallis patriam præposuisse tuam.  
 Nascimur, ut generi humano prosimus: ad usus  
 Communes qui nil addit, ineptus homo est.  
 Sed patriæ officium hoc primò debetur: id ipsum  
 Ut gratus præstes, quàm sapienter agis!  
 Idcirco acquiris decus immortale, Loysi.  
 Virtutem semper gloria subsequitur.

In effigiem Iacobi Pascharii Medici.

**A**Rs ita naturam est sollers imitata, labella,  
 Paschari, credas ut tua velle loqui.  
 Si manus exprimere ingenium potuisset ut ora,  
 Hoc, Superi, quantum & quale fuisset opus!

De Laura.

**D**Vm multo quatitur jocans cachinno  
 Laura mollibus insidens tapetis:  
 Fortè contigit (huc repente & illuc  
 Dum latus petulentiore motu  
 Versaret) gemina solutiore  
 Ut symplegade miserit sonum, qui  
 Nos fecit socios sui cachinni.  
 Factum dissimulamus, ut pudori  
 Parceremus obesulæ puella.



Cuirursum harmonia intonanti, eadem  
 Heus, inquā, hac lyra congruente plectro  
 Servari thalamis potest suillis.  
 Sed nullo penitus rubore vultum  
 Tincta subicit: Euge Laura, sordes  
 Pectus nobile non tulit, sed a se  
 Explosit procul hoc modo. Euge Laura,  
 Esto forti animo: Euge: commodê, inquam,  
 Equo te tubicem fuisset usus:  
 Te nullus, licet imminente pugna,  
 Movisset strepitus, tubeve clangor.

De Arno.

**O** Disse uxorem cunctis convincitur Arnus,  
 Frigida deserto quod cubet illa toro.  
 Hanc sibi dilectam tamen asscrit, atque marita  
 Vti se alterius parcat ut ille sua:  
 Ad Carolum Renaldum, Decanum ecclesiæ S.  
 Salvatoris apud Mediomatrices.

**N** I te, Garole amem, nî toto pectore gestem,  
 Non amer a Phœbo, Castaliisque Deis.  
 Tam mihi grata fuit tersa facundia lingua, &  
 Gratia tam doctis cognita colloquiis.  
 Quid quod me fratris compellas nomine? nonne  
 Dignus Boissardi est hic amor officio?  
 Hercle, amor hic dignus qui me vivente colatur:  
 Et te germani nomine fratris amem:  
 Hoc igitur tibi sacro caput cordisque recessus  
 Majus amicitia pignus habere voles?

De Pyreto.

**M** Artinalibus unicum quem habebat

Occisu-

Occisurus erat suem Pyretus.  
 Vicinum rogat anxius, quid illi  
 Facto opus foret: inchoante brumæ  
 Hujus tempore, singulis amicis  
 Si dandum xenium est, ait, mihi vix  
 Porcelli superest futura cauda.  
 Ereptum simula, inquit, atque vultu  
 Finge mœstitiâ dolosè: erunt sic  
 Celandi tibi commodè botelli,  
 Consultor monet optimè. sed idem  
 Furto sustulit ex hara suem: quem  
 Raptum de stabulo ut videt Pyretus,  
 Exclamat: simulatione nulla  
 Nunc utor: mihi raptus ex hara est sus:  
 Cui vicinus: id est benè institutum.  
 Dj boni, ingeniosus es vir! o quàm  
 Nemo fingere te putaret! ore  
 Sices composito probè ad dolorem.  
 Sic opus fieri, Pyrete: sic sunt  
 Celandi tibi commodè botelli.

### In Antinomum.

**I**lla meo quondam quæ consobrina parenti  
 Extiterat, fatuum protulit Antinomum.  
 Qui consanguineam non vult agnoscere gentem:  
 Et me cognatum pernegat esse sibi.  
 Perneget usque, licet: lis illi hinc nulla futura est:  
 Nec mihi cognatus, nec mihi amicus erit.  
 Propter quas demens postis venerandus haberi,  
 Hæ, non tu, populo, stulte, coluntur opes.

*Pauper (sed qui sit Musis & Apolline dignus)*

*Carior Irus erit, quàm queat esse Midas,*

*Ad Philippum Carionem.*

**V**eni ad Medoaci, Philippe, ripam:  
(Vbi Antennorea caput puella

*Exornant radiantibus capillis)*

*Convenique tua Annula parentem.*

*Cui tuas ubi litteras dedissem,*

*Ab illa hospitio excipi rogabam.*

*Partem posco domûs remotam ab omni*

*Fabrorum strepitu: helciariorum*

*Quam celeumata rauca, quamque nulla*

*Pistoris mola, nec rudens asellus*

*Infestet: Mibi subjicit facete*

*Ridens: Posterioribus relictis,*

*Quà venti tonitrusque sunt frequentes,*

*Sumes anteriora, si placebunt.*

*Scripto subjicere hæc tuo jubebas:*

*Hic tu ludificas jocis amicum?*

*Claudio Bourgeo.*

**C**um tu inter primos, Claudii, numerere sodales,  
Quos mihi perpetuo fœdere junxit amor:

*Nec longo inter nos spatio vicinia distet,*

*Tàm sæpe alternis didimur alloquiis.*

*Nescis amicitiam crebrò languere, nisi illi*

*Vitam sæpe recens excitet officium?*

*Sed te non retinent morosi oblivia fastus:*

*Est tibi mens niveus candida pectoribus:*

*Publica te assiduum tractare negotia novi:*

*Dum studium poscit curia tota tuum.*

*Perge*

*Perge age, sic patria semper servire decorum  
 Est, nostram quoties illa requirit opem.  
 Digna homine ingenuos est sollertia: dulci  
 Indignus vitæ est munere fucus iners.*

*Ad amicum.*

**A***Rma paras & bella sequi, cum febre labores:  
 Et medici poscis jam moriturus opem.  
 Helleboro est tibi opus. Quod si nil profficit, & te  
 Non movet apta domus, non movet uxor amans:  
 Quid tibi cum Medicis? cum venæ sectio prosit,  
 Mars chirurgorum millia multa dabit.  
 Ardens conflictu febris sanabitur uno:  
 Prestare id quisnam Pharmacopola potest?*

*Ad Alardum Quintulum.*

**L***Egi, Quintule, epistolam, & relegi,  
 Quam misit tuus Annius. Facetè  
 Carrit: nec dedit quid aula monstri  
 Alat. Quem putat esse liberalem,  
 Quem comem, facilem, probum, benignū:  
 Hunc ipsum invenies domi tenacem,  
 Morosum, querulum, malum, superbum.  
 Nil fallacius est, minúsque certum  
 Aule pollicitis: reiecta vulgus  
 Est superficies, latet sub imo  
 Sed mens pectore, quæ nequit videri.  
 Non quicquid nitet aut refulget aurum est.*

*Ad Abrahamum Fabrum Typographum:*

**A***ssiduo dum te exerceas, Abrahame, labore,  
 Arte typographica nocte dieque vacans:*

*Laudaris meritô. Sollertia roborat artes:*

*Ars omnis vigili sedulitate viget.*

*Plantinum evexit studiosa industria, & Aldum:*

*Illae eadem Stephanos reddidit & celebres.*

*Cum genero socerum laudamus utroque Vechelum:*

*Iure quidem: laudes nam meruere suas.*

*Vt pote procurent qui publica commoda: dentque*

*Correcto in lucem scripta novata typo.*

*Quorum dum sequeris studium, nomen tibi condis,*

*Et queis legitima laude fruaris opes.*

*Cui labor est in visus eget plerumque: nec abs re:*

*Ignavum atque bebetem vexat acerba fames.*

*In maledicum.*

**C***ui tincta est facies rubente cocco:*

*Cui dēs est scaber, os hians, capillus*

*Ruber, posteriora terga gibba,*

*Pes alter brevior, putabis illi*

*Fidendum? Mihi non tripes Agilei*

*Persuasor fuerit: licet subinde hoc*

*Phœbas ex adytis canat reclusis.*

*Quem natura notavit, hunc caveto.*

*Ad Nic. Tentrusium.*

**D***eviētam Ithmiaco juveni quicumq; Chimērā,*

*Et Lycii scripsit monstra subacta soli:*

*Vita hujus diversa pericla, parumque fidele*

*Humani docuit corporis hospitium.*

*Has animas malefida caro (ut Sthenohœa pudicum*

*Hospitem & immeritum) fraude dolisque prœmit,*

*Servati Divūm tutela evadimus: ac de*

*Truncata ferimus raptâ trophœa fera.*

*Quod*

Quod tu perpulchre, Tentrusi, emblemate doctè  
 Insinuas, vita conveniente tua.  
 Pegaseo sequeris dum Bellerophonta volatu,  
 Alta tibi facilem pandis ad astra viam.

## De Arno.

**S** En ex Arnus amat, furitque quantum  
 Insanit media pueri juventa.  
 Frigus pectoris, & nivem comarum,  
 Rorantem assiduo liquore nasum,  
 Stillantesque oculos, manusque dura  
 Callosas cute, concavumque ventrem  
 Ridendo objicit huic puella. Siccis  
 Ex lignis, ait ille, suscitatur  
 Pyra ardentior, ac magis magisque  
 Aridis violenta flamma surgit.  
 Aetas cur vitio seni esse debet?  
 Rigens judicio puella iniquo:  
 Naturam est imitatus ille porri,  
 Cui canum caput est virensque cauda.

Ad Iaco. Chassignetum, Medic. Vesuntinum:

**N** Il mihi de Superis vultu indignante querendū  
 Vita ex majori parte secunda fluit. (est:  
 Si mihi divitias Fortunę dextra negavit,  
 Contemptus ditem me facit unus opum.  
 Vivo mea calebs contentus sorte: nec ulla est  
 Quæ curas nobis augeat anxietas.  
 Tranquillum felix & non inglorius avum  
 Vivo, & in Austrasia non inhonorus ago.



Atque in venturos nomen mihi prorogat annos  
 Quæ mihi Musarum fama favore venit.  
 Excultum Medicis te Chassignete per artes  
 Percelebri ante alios Phœbus honore beat.  
 Tu locuples totâque equis spectabilis urbe:  
 Lantique nobilium prandia cultus adis.  
 Sed quoties fastus (mihi quæso fatere) superbos  
 Cogerus, & fatuum ferre supercilium?  
 Malo, crede mihi, tenui jentacula lardo  
 Ante vacunales esse parata focos:  
 Quàm libertatem patinis mutare potentum:  
 Quæ toto est nobis carior Imperio.

Ad Veturium Leontium.

**R**iste, fateor quidem, Leonti.  
 Quod nos (ut tibi comitas Calabra est  
 Dimittis quoties: vale, inquis, omni  
 Vale servitio colende in ævum.  
 Inbe quælibet, impera sodali:  
 Vrgens calcar equo quod est citato,  
 Id futura tua est mihi voluntas,  
 Calcari quid equus facit, Leonti,  
 Dum sibi ilia sentit icta? pedit.

Ad Lælium Cleopassum. De Chilone.

**C**hilonis contemno odium, detestor amorem,  
 Inde nocens, aut hinc utilis esse nequit.  
 Intonet usque licet per mille injuria verba:  
 Et rabido tumidus jurgia felle vomat.  
 Ridebo, & furiis agitatam scommate monstrum  
 Insequar: hoc risu quod furat ille magis.

Nam

Nam quę inculpatę sibi mens est conscia vitę,  
 Viperei spernit tetra venena labri.  
 Non omnis, Lali, sed debet sola probari  
 Laus, à laudati quę venit ore viri.

Ad Medicum. De Omphace.

O He, quid medice oscitavis? ac te  
 Non moves piger? Omphace agra languet,  
 Ac tuam lacrymis opem requirit.  
 Ohe, non properas scelestę nec te  
 Delicata movet puella? bombum  
 Obtusi crepuit soni: medelam  
 Aptam porrige, pharmacumque pedat  
 Vt argutiùs, illico valebit.

Ad Ludovicum Malarmæum Vefuntin. I.C.

S I tibi non visum quereris pridem esse Iacobum,  
 Cujus amicitiam pascis ut ille tuam:  
 Illius effigiem (muto quam dextra metallo  
 Designat) tibi nunc usque videre datur.  
 Is quia non potuit præsens, argentens ibit,  
 Materia ingenio conveniente suo.  
 Exprimit una eadem corpusque animumque figura:  
 Candorem absentis nempe numisma refert.

Ad Petrum Lepidum Metensem.

V Idisti, Lepide, exerto mucrone Thrasonem  
 (Dum nemo obsistit) cuncta replere metu?  
 Oraque blasphemata ventosa resolvere voce?  
 Stultaque contempto fundere verba Deo?  
 Evomat usque licet prędas, incendia, cedes,  
 Omnibus his tantum est: nil nisi verba vomit.

*Audacem fatua præsefert fronte Leonem:*

*Degeneri pavidum corde gerit leporem.*

*De Antonia Lycæa. Quæ marito cæso dolore  
consternata, subita morte concidit.*

**F**lebat, & insistens tumulis Antonia cæsi  
Conjugis hæc fufis verba dedit lacrymis.

*Si thalami algentes mihi post tua fata supersunt,  
Si mihi, vir, sola morte carendus abes:*

*Ecce volens mortem subeo: nec plura locuta,  
Corruit, atque oculos strinxit, & occubuit.*

*De Ditmaro Cislebio Saxone.*

**D**itmarus Idæi pereuntem Antennoris urbem  
Liquit, ut Euganeis tutior esset aquis.

*Nil minùs hunc lento pressit languore jacentem  
In mediis Aponi febris anhelæ jugis.*

*Sic omnem ritè posuit dum morte laborem,  
Hunc Aponum electi reddidit aura loci.*

*Ad Leonartum Vncium Transilvanum.*

**D**um Transilvano cantas diademata plectro  
Dacica, & Hungarica ditia regna domus,  
Magnum, Vnci, moliris opus: sed quod duce Cleo  
Felici poteris concinuisse tuba.

*Batthoridem nacta ut fuerit tua Musa patronum,  
Principis auspiciis vena diserta fluet.*

*Progredere, & grandi sublatus ad astra cothurno,  
Lumina Pannonibus da diuturna tuis.*

*Intra te quoties pluteo indignabere cæso!  
Demorsis quoties unguibus ager eris?*

*Dum*

*Dum voti optatam compos pertingere metam  
 Sis potis, & lauri cingere frunde caput.  
 Sed tibi, ne dubita, veniet cum tempore justus,  
 Suscepti merces magna laboris, honos.*

*Ad Paulum Melissum, de Pyreto.*

**S***Imus rus adit suum Pyretus,  
 Dum Regalibus astuat Lyæus.  
 Inter pocula jam ebrios agrestes  
 Insulsis salibus jocans laceffit,  
 Tantum ludere se putans. Canina  
 Ut connubia, festa rusticorum  
 Rixis non sine jurgii que fiunt.  
 Pugnis hunc alapisque comprehensum  
 Certatim excipiunt. Foras misellus  
 Perciso ore fugit, movetque risum  
 His, quos læserat antea cachinnis.  
 Rus suum petit, Melisse, sinus,  
 Cum naso rediit domum Pyretus.*

*Ad eundem.*

**D***Um ter septenos & tres piscator in annos  
 Assiduo cacum capto labore fretum :  
 Nunc quassæ ad filices rumpuntur vimina nasse:  
 Nunc hami & calami gurgite depereunt.  
 Scissa aut nodoso lacerantur retia plexu:  
 Aut vibrata in aquas fuscina torpet hebes.  
 Cuncta reluctantur: fraudat captura laborem.  
 Pauper, & in vacua per vada l'intre feror.  
 Ecce anguilla hamo tandem spem præter adhesit  
 Longa, sed exili continuata modo:*

*Aut aliquid forsā, vel nil cepisse videbor:*

*Tutius affirmem, Paule, ut utrumque reor.*

*Prensabo hanc digitis: sed cūm retinere putabo,*

*Viscosa effugiet lubricitate manus.*

### De Fuco.

**S***Cripta qui volet imperita Fuci*  
*Latrinarum ad opus, vel ad fenestras*  
*Hare vel stabuli resarciendas:*  
*Tabernas petat is salariorum:*  
*Vnde vel minimo quadrante habebit*  
*Quantum ulnis famulus feret duabus.*  
*Nusquam vilius hac emet papyrus.*

### Ad Quintium Lætum Romanum.

**B***Arbarico turgens ausa est te spernere fastu*  
*Barbara, & ad thalamos nolle venire tuos.*  
*Quæ mihi cum tetricis, inquit, commercia Musis?*  
*Enerves reddunt in validosque viros.*  
*Callosus galea, & sudoribus nudus anhelis,*  
*Deque nova rediens cede maritus erit.*  
*Arguit ista trucem, Quinti, sententia mentem:*  
*Sed cur non saperet Barbara barbariem?*

### Ad Fucum.

**I***N populo nihil est tua quod diætaria vitet:*  
*Vsque adeo linguæ diceris esse mala.*  
*Tristia, ut es solers, tibi, Fuce, venena leguntur,*  
*Vnde favis nectar sedula cogit apis.*  
*Mygdoniam ingenio cū sic imiteris Arachnen,*  
*Tu pendere inter veria dignus eras.*

### Ad eundem.

**P**allidus ad populum prodixi dum, Fuce, docendū,  
 Et Curium gestu, Fabriciumque refers:  
 Longaque palloris simulacra jejunia caussam:  
 Id verum, cui non notus es, esse putat.  
 Viderit at cœnas quas tu deglubis Apici,  
 Pallorem hunc dicet crapula, Fuce, facit.

## In Zoilum.

**D**isticha clarorum, nomen qua illustre virorum  
 Designant, geminis sunt mihi scripta libris.  
 Inter quæ nostrum numerari, Zoile, ridet:  
 Arguis & præco quod meus esse velim:  
 Arrogo quod nobis modicum est: ac iudice quovis  
 Quicquid id est in nos jure quadrare potest.  
 Te quoque, si nescis, numero signamus in illo.  
 Typhonem ostendit quem breve carmen is es.

## In Fucum.

**N**ile, Pargionias qui diluis imbrifer oras,  
 Tot sacris proprius cui crocodilus erat:  
 Huc quoque transvecta est ad nos tua bellua: morsus  
 Et fictus lacrymis bellua facta nocens.  
 Sauciat incautos, & tetro lancinat ore.  
 Cœnosis melius quàm latuisset aquas!

## In Phorbum.

**T**estem Phorbus ait colore culpam  
 Vultum prodere, consciamque saepe  
 Pallorem arguere & probare mentem.  
 Si pallor notat arguitque crimen,  
 Potes dicier ipse parricida.

## De Fusco.



**L** Iberiùs soleo mensis videre remotis,  
 Convivam quoties me meus Aldus habet.  
 Vidit id exhaustas doctus siccare lagenas  
 Fuscus, & hic, dixit, sobrius esse nequit.  
 Falleris: est inter libertas grata sodales:  
 Mutua quâ semper gaudet amicitia.  
 Palliduli & nullo mihi tincti murice vultus  
 Potorem gelidæ me satis esse probant.  
 At tibi quæ cocco radiat flammante proboscis,  
 Assiduè potum te arguit esse mero.

Ad Philippum Carionem.

**P** Lanta lasa tibi est, & a meraco:  
 Ut jubent medici, abstinere non vis.  
 Nimirum gula prævalebit, atque  
 Dum pes defuerit tibi unus, alter  
 Empusa aptus crit, Philippe, ludo.

De Xantippe Taræi.

**T** Ormina disruciât Fabiû, putria ulcera Fuscû:  
 Panticibus sædis Livia tristis olet.  
 Morte suam Stephanus vellet mutare podagram:  
 Pestifero taeta est antrace Laura femur.  
 Febribus assiduis miserè consumitur Aulus:  
 Irum sollicitat nocte dieque fames.  
 Sint ea sæva licet, si vis me dicere verum,  
 Hac quàm Xantippem malo, Taræe, tuam.

De eadem.

**G** Allica dum Eumenides quatit civilibus armis  
 Regna, datur miseris sub Phlegethonte quies.  
 Indoluit Rhadamantus: at his non est opus, inquit  
 Aacus: has terras destinat ira Iovis.

Qua

*Quæ Furias superet, nostrumque exterreat Orcum  
Vnam Xantippen namque Targus habet.*

*Ad Marcum Antonium Varanum.*

**I***ndulges nimium, Varane, rixis:  
Nec prudens satis adspicis quibus cum  
Suscepta est tibi lis. Potentiolem  
Irritare cavet, sibi benè esse  
Qui vult. Vtilius Vetustum atque  
Lelium faceres tibi sodales.  
Quibus cum nequeas nocere, possunt  
Mille te obruere in dies periclis.  
Molire omnia quæ voles, tibi que  
Modum occasio suppetat nocendi,  
Tu pugno lapidem, Varane, tundes.*

*Ad Fabianum Burgravi um & Baronem a  
Dhona Borussum.*

**B***Althica dum repetis fluctu commota Gedano  
Æquora, & alipedem jam premis altus equum:  
Insonuit Lithavis stridens aquilonibus aer:  
Prussus in amplexus & tibi ventus iit.  
Scilicet his ducibus, Fabiane, Borussida terram,  
Et repetes tibi quos Memela sulcat agros.  
Æquum erat ut domino patriam repetente probares  
Gaudia non parvâ Mænalis urfa notâ.*

*Ad Petrum Lepidum.*

**Q***uam, Lepide, intueris bysso splendere Camillâ.  
Gemmatosque habili torque nitere sinus:  
Quam stola clavatis exornat Serica limbis:  
Candida cui niveos cingit aluta pedes.*

*E jure hesterno, ut niteat, panem vorat atrum:*

*Deque cado putri mucida villa bibit.*

*Imo urgente fame rarò jentacula sumit.*

*Quàm miserè fraudat sumptibus hisce gulam!*

*Quid si esset vitam summorum imitata Deorum?*

*Quorum nil editur nil bibiturque domi.*

De Taræo.

**C**ommessatori nubit vinosa Taræo

*Dipsas anus: ventri conciliata gula est.*

*Plaudant conjugibus læti caupoque coquusque:*

*Quod satagat deinceps unus & alter habet.*

De Anna. N.

**P**olluerat thalamos, & erat deprensus adulter.

*Iamque erat extremo proxima supplicio.*

*Vt posset moritura mori, & prevertere fatum,*

*Præcipitem mediis se dedit Anna vadis.*

Ad Georgium Cæcilianum Patavinum.

**D**ixi Italos rarò ruffos sine labe vidcri:

*Nec læsi famam, Cæciliane, tuam.*

*Arbitrio speculi, ac te iudice plura probabo,*

*Nemo unquam ruffus quòd sine labe fuit.*

De Friderico. N.

**N**vpturus flavæ niger est Fridericus Amatæ:

*Gestit, & assiduo dum scabit ungue caput,*

*Illa inquit, teneros imitavis gestibus agnos.*

*Queis ruptâ emergunt cornua prima cute.*

Ad Nic. Clementem Trelæum, in librum

Hieremiæ Prophetæ.

**L**vges tempora nostra, mi Trelæ.

Et

Et lugēs meritō, tuosque luctus  
 Lacrymis Solymi adjicis Propheta.  
 Non nos Assyrię ligant catenæ:  
 Nec sumus Babylonio tyranno  
 Serræ conditione mancipati:  
 Peccatis premimur, jugum ferentes  
 Immanis Sathana, impiaque carnis.  
 At nobis Deus unus ad salutem  
 Sufficit: sacra naufragis sit unus!  
 Nobis ancora. Vindice hoc procel  
 Circumstantibus eximemur: atque  
 Nostra spes (Lachesis colum retundens)  
 Devicta statuet trophæa morte.

Ad Rutilium Saravesam Venetum I. C.

**P**rodest pauperies nonnunquam & tristis egestas:  
 Esse aliquando inopem, mi Saravesa, juvat.  
 Importuna meos quatiebat turba penates:  
 Nostraque erat crebro plena sodale domus.  
 Dixi, egeo: pignus poscit me creditor aut rem.  
 Nec possum pignus tradere, nec precium.  
 Conticuere omnes: nemo mihi mutuat assen:  
 Discedunt: solus sic ego destituor.  
 Non ego vos aurum precibus, mala turba, poposci.  
 Noram vos: vobis mî caruisse sat est.

De Pyrrha.

**A**vlo Pyrrha datur: thalamus præfecta sororis  
 Typhonē piceas ventilat atra faces.  
 Applaudit triplici latrator Cerberus ore.  
 Dictat & a Stygia cantica lintre Charon.

*Insanum juvenem conjux rabiosa domabit.*

*Hac nulli posset fors magis aqua dari.*

*Mortuus infernum nihil, Aule, vereberis Orcum.*

*Qui lecto vivens excipis Eumenidas.*

*Ad Veturium Leontium.*

**M**ihi non vitio est puto Leonti,  
i me rusticitate nescio qua,

*Et curis retinentibus, Varano*

*Nostro dimidium diem negarim:*

*Sis conviva licet simul futurus.*

*Terrent pocula me, scyphique grandes:*

*Bibo pro ut fitis exigit, nec ultra.*

*Primus, dum bibis, & secundus haustus*  
*Siti traditur & necessitati.*

*Voluptas sibi dat duos sequentes:*

*Quintus sanguineo datur furori.*

*Cui sextus, rogo, septimūque cedit?*

*Ad Lælium Cleopassum.*

**A**mbit amicitias fucatum nomen Amandus:  
Arce ab amicitia quem, Cleopasse, tua.

*Ille sui similes Frasum, Gabiumque requirat.*

*Hunc non mentito nomine Phorbus amet.*

*Sed fuge, & illius vita commercia, cum sit*

*Perfidus, & ficta simplicitate vaser.*

*Prætextu quovis quisquis decepit amicum,*

*Hunc ego quo diras execror ore cruces.*

*Qui bonus est, galea Stygii sub tegmine Ditis,*

*Nec fuerit Lydi peior in orbe Gygis.*

*In effigies Lælii Cleopassi & Veturii Leontii.*

*Quam*

**Q**uam vobis dederat vitam natura, sororum  
Arbitrio fuerat non benè tuta trium.  
Nunc immortalis Vallæi reddita dextra est:  
Aternus per quem vivere uterque potest.

In-effigiem Petri Lepidi, à Larmæo Galloïo  
Trecenſi pictore depictam.

**A**ntè tibi dederant aternum vivere Musæ:  
Et tibi erat scriptis fama parata tuis.  
Corrigis ecce iterum Parcarum ſtamina: quarum  
Exoraffe breves viſus es ipſe colos.  
Larmæus cavit vivaci nempe tabella  
Ne poſthac totum te Libitina ferat.

De Cæcilio.

**A**mat Cæcilius parentem utrumque:  
Imo amat meritò uſq; & uſq; utrūq;  
Nempe qui patrimonii futurus  
Hæres ſit locupletis. Utque utrique  
Sit gratus, ſtudet uſquequaque: & optat  
Ne mancam officii relinquat ullam  
Partem: donec is ultimos honores  
Debitos cineri ferat ſepulchro.

Succeſſit benè, Cæcili: atque lætus  
Es non immeritò, quòd illa votis  
Reſpondent: placuiſti utrique vivo  
Juſtis officiis: opus tuaque  
Condignum pietate preſtituiſti.  
Mandaſti tumulo parentem utrumque:  
Esque hæres patrimonii relictus.  
Quid te lætius eſt beatiusque?



## Ad Fucum.

**S**E mea nunc claudi possunt Musæ, suisque  
Se queritur minui bibliotheca libris.

*Illi suspectum te reddidit unguis aduncus:*

*Forfice damnosas, Fuce, recide notas.*

*Fecisti? Musæa tamen te admittere nolunt.*

*Nam viscata tibi est & piceata manus.*

Ad Paulum Aloysium Amanum.

**E**Xcandescere non decet poëtam, aut  
'rasci petulantis & dolosa

*Iurgiis gravioribus puella.*

*Omnis fœmina maxime est Tonantis*

*Indignatio & ira: quæ retundit*

*Mentem sanam hominis: sed hæc caveto*

*Maritale tibi ingerat capistrum.*

*Infelix domus illa jure dicta est,*

*Cui præest mulier. sed illo duplo*

*Infelicior æstimanda, Paule,*

*Vbi uxorius imperat maritus.*

Ad Alard. Quintulum.

**B**Acchus amorq; homini juvenilia tēpora reddūt.

*Sit Pylæi cœnæ sacula bina licet.*

*Ambit Xantippem lustris bis quinque peractis*

*Arnus, & ætatem vincit, Alarde, suam.*

*Cæsaries pexa, & quæ nos albere videmus*

*Traxere hanc morbis tempora caniciem.*

*Cætera vult juvenis dici: luditque, bibitque,*

*Luxuriatque epulis, luxuriatque choris.*

*Maturam hunc meritis dices tetigisse juventam,*

*Cui riget hirsutis auris utrinque pilis.*

Ad

## Ad Eryphylen.

**T**V rixas, Eriphyle, amas: & illis  
 (Anum ut Mopsopiam ferunt cicutam)  
 Vivis. Nulla dies tibi sine illis  
 Post hac accidat. Imo morte postquam  
 Tam rixosam animam reposcet Orcus,  
 Mille jurgia sint tibi parata  
 Cum Diris: requies tibi negetur,  
 Ut nullam requiem tuis relinquis.

## Ad Omphacen.

**L** Est halem tristi quisquis vorat ore cicutam,  
 Pallet: qui potat vina Falerna, rubet.  
 Et tua qui imprudens repetit convivium, tota  
 Infamis subito contrahit urbe notam.  
 Qui non vult sentire tuæ contagia lingua,  
 Conviva is nunquam sit memor esse tuus.  
 Horrendam monstris fecerunt pocula Circen.  
 Sed monstrum horrendum te mala lingua facit.

## In Pyretum.

**A**Vrita Arcadici propago aselli,  
 Cui nulla est Charis aut Camæna amica,  
 Cui nec risit amor parensve amoris,  
 Capax nullius aut joci aut leporis,  
 Facetus tamen esse, & astimari  
 Stulta rusticitate vult Pyretus.  
 Nugis putide desine occupatis  
 Nobis obstrepere, & movere risum.  
 Quis non riserit usque & usque? quod dum  
 Urbanus cupis esse, scurra fias.

## In Fuscum.

**N**obilis est Fuscus, nemo inficiatur: at ille,  
 Ignorat quo sit caudice natus avus.  
 Nempe huic di vitia fecerunt stemmata: fungi  
 Emergunt una sic quoque nocte pares.

## In petulantius, jocantem.

**N**ec lusus amo nec tuos cachinnos,  
 Ex quibus dolor aut pudor redundat.  
 Irrides quasi me meticulosum,  
 Tuas quòd fugiam jocationes:  
 Te vito, fateor, nec absque caussa.  
 Insanum sapientis est timere.

## Ad Omphacen.

**N**il præter pugnas, nil præter prælia narrat  
 Omphace, & armatos garrat inepta viros.  
 Quàm melius domuique tuæ natisque, relictis  
 Provideas bellis, Omphace, & utiliùs!  
 Culta sit & caro placeat matrona marito:  
 Linum illi & fusis grata sit apta colus.  
 Lanificamque colat studio sollerte Minervam:  
 Quæ docet artificii pingere texta manu.  
 Arma vir, uxor acus tractet: Si munia mutent,  
 Indignè sexum fraudat uterque suum.

## Ad Rutilium Saravesam I.C.

**Q**uàm nasutus homo es! potes ruborem  
 Qui solo intuitu movere falsa  
 Narranti, Saravesa: Mira res est -  
 Quàm præsentia sit tua impudenti  
 Gravis, quamque onerosa. Maurus ille

Non

Non est Rhinoceros magis timendus  
 Cornu quod gerit eminente nare,  
 Quàm tuus fatuo solet subinde  
 Pseudarcho esse aquilinus ille nasus.

In Zoilum.

**P**utide perlecto frendes hoc, Zoile, versu,  
 Et tacita demens ringeris invidia.  
 Non mihi Lampfacius lascivit charta figuris:  
 Nuda nec in nostris est Venus ulla libris.  
 Heic nihil admixtū est, quod tetra calumnia carpat:  
 Si nescis, mores nostra papyrus habet.  
 In corium alterius mordacem, Zoile, dentem  
 Exerce: huic quod vis esca cadaver erit.

Ad Fortunatum Hugonium Brixianum, de  
 morte Sfortiæ filii ejus.

**S**fortia natus erat, risuque agnosce tenello,  
 Et blando letum cœperat ore patrem.  
 Refortunatus poterat ut nomine dici,  
 Gaudia nū pueri sunere rapta forent.  
 Sed benè successit: sic te, Silene, fatemur  
 Mygdonio doctē his insinuassee Midæ.  
 Optima res homini est non nasci: proxima, si te  
 Nasci Fata velint, quàm citò posse mori.

In Domitii Faini, & Lælii Cleopassi obitum.

**P**orta vetus, Domiti, tua novit busta: minaci  
 Quà Phryx Antennor spectat ab arce vadum.  
 Appula te, Læli, tellus malè fida carinis  
 (Gargani objecta est quàm Illyris ora) tegit.

*Est ego nec vivus nec mortuus hæreo: tanquam  
 Cernitur in Sipylo qui lacrymare lapis.  
 Alterutri esse cinis poteram benè junctus: Amicis  
 Quæ venit orba suis, vita dolenda venit.*

*De seipso.*

*V*æ mihi misero, meos amicos  
 Si dum mors rapit id mihi imputatur.  
 Væ mihi misero, quòd orbui illis  
 Vitam continuo labore duco.

*Qui deinceps mihi vis amicus esse,  
 Sis cautus moneo: ut leonis antrum  
 Vulpes non subiit, quòd illa nulla  
 Huc vestigia cerneret redire.  
 Invidet mala mors meis amicis.  
 Nemo amicitiam meam recepit,  
 Quem non læserit illico: recenter  
 In Antennoris urbe sæva pestis  
 Dilectum mihi sustulit Fainum.  
 Lentulum mihi, Prosperumque ademit:  
 Titum sustulit, atque Apollodorum,  
 Alfonsumque, Veturiumque pressit:  
 Dilectumque magis meis ocellis  
 Tellus Appula Lælium peremit.*

*Langueo tamen omnibus superstes,  
 Vivo nec similis sepulto, at inter  
 Infelicem animam trahens dolores:  
 Infelix, mihi quòd mori negetur:  
 Infelix magè, quòd meos amicos  
 Dum mors sustulit, id mihi imputatur.*

Ad Hieronymum Capovaccium, Medicum  
Patavinum.

**M**agne Machaonię Capovacci gloria gentis,  
Quem pendens est vitę mortis & imperium,  
Cui concessum animas furvis Acherontis ab undis  
Vertere, & ad superum ducere posse jubar.  
Ecce tuo jam his data nobis munere vita est.  
Namquę Vienna tua sedulitate valet.  
Sed magis effulsit tua Virtus, quando miselli  
Deplorata mei fata Myconis erant.  
Sciverat absentem te mors, qua luce Fainum  
Sustulit, in cujus funere concidimus.  
Ille tuam cum si viveret arte superstes,  
Servatis poteras tu Iovis esse loco.

Ad Petrum Lepidum Metensem.

**G**allica quę lepidō cecinisti carmina versu,  
Tam benę nominibus conveniente tuis,  
Defuncti Manes placidę accipere Faini,  
Et quę Antennoreo clauditur urna solo.  
At licet Elysię potarit flumina Lethes,  
Mortales curet funęta nec umbra modos:  
Illa tamen tales non aspernatur honores:  
Cur non & cineres ultima dona juvent?  
Non mihi id officium soli, sed magna sepulto  
Pars dabitur, cujus nomine prestiteras.  
Immortalis amor, qui me devinxerat illi,  
Consimili effectu me facit esse tuum.  
Si me proprię ames, illum quoque pectore toto  
Possideam, Lepidi jure Fainus erit.



Ineffigiem Herculis & Omphales.

**D** Vm clava & positis calathos Tirynthius armis  
 Tractat, & ad Lyde jussa tremit domina:  
 Et tibi sollicitus morem gerit, alma Dione:  
 Erigit Idalio quanta trophæa Deo!

Fritillo inscriptum.

**D** Vlcia sollicito fallis quicumque fritillo  
 Otia, tum sortis sis memor ipse tua.  
 Tempora lascivæ impendis dum cara Vacunæ,  
 Excubat ante tuas en Libitina fores.

Ad Lentulum Ventidium.

**D** Vm sumptus facis ut tuam augeas rem,  
 Lucrum te facere haud potes negare.  
 Audit, Lentule, jure scænerator,  
 Qui damno alterius replet locellos.  
 Si vis colligere, est tibi serendum.

De Maria Aubria uxore sua.

**N** Ata Rhodo & Latia flos selectissime Romæ,  
 Tam tenerê quondam Fulvia amata mihi:  
 Tuque Philippa vale, atque mihi dilecta Melantho,  
 Dignæ omnes Phœbo, propicioque Iovi.  
 Iam vestris nolem thalamis hæsisse, quod olim  
 Spondebat Cypria cum genitrice puer:  
 Aubria Boissardo nam desponsata marito est.  
 Ite peregrina nunc procul ite faces.  
 Sola meum commissa mihi premat Aubria pectus.  
 Sola Marilla meis præsideat thalamis.  
 Filiolum est enixa mihi, qui pignore certo  
 Externo nunquam me sinat igne rapi.

Ergo

*Ergo valete: vebat vos laudibus Itala tellus.  
Boissardo placeat sola Marilla suo.*

*De quatuor orbis partibus.*

**A***Rtium genitrix, scientiarumque  
Europa ut fuit, estque, eritque semper:  
Serum stamine fulgido celebris,  
Et dente Indo Asia est, odoribusque.  
Auro fertilis atque margaritis  
Est, & murice dives Afra tellus.  
Balsamum Americi legunt, piperque:  
Thus & zinziber, & fragrans amomum.*

---

**INSCRIPTIONES NON NVL-**  
*læ, quæ inscribendæ erant Marsaliæ, in arcubus  
triumphalibus, altaribus, statuis, & tabulis,  
in adventu Ducis Epernonii.*

*In Arcu triumphali, ante Urbis portam.*

*Sub statua Honoris.*

**H***Anc tibi pro meritis lauri de frunde coronam,  
Præmia Virtuti debita, sacrat bonos.*

*Sub statua Famæ.*

**M***Aste animo: titulos ad cælum gloria tollit:  
Quæque tibi surgit nescia fama mori.  
In arcus frontispicio.*

**O** Bruerat bellis Celtas civilis Enyo :  
 Atque intestinis Gallica regna malis.  
 Laus erat in sanctos ferro saxire penates,  
 Et patrię armata perdere tecta manu.  
 Nil nec consilio reges potuere, nec armis  
 Conferre attritis viribus auxilii.  
 Donec felici te Iuppiter extulit ortu,  
 Solamen Gallis tempus in omne tuis.  
 Mitia queis positis procuras otia telis,  
 Claraque devicto Marte trophæa locas.  
 Pacifico effusi cives gratantur: & ipse  
 Turcus pro te publica vota facit.  
 Sponte sua tellus merito tibi lilia promit,  
 Atque novis domino floribus halat ager.  
 Et te Marsalii servatorem urbis & orbis  
 Acclamant: & io læte triumphę canunt.

Inscriptum Arcui, inter statuas victoriarum.

Perpetua securitati.

**I**no Ludovico Valletæo Epernonio Duci,  
 Pedestrium ord. Gallicor. magistro vigilantissimo,  
 Prudentissimo moderatissimoque Principi:  
 Quem cæli benignitas,  
 Henriciq. III. Galliar. Regis Christian. providetia,  
 Saculo felici  
 Marsaliensium Vrbi rectorem dedit,  
 N. N. in urbis præfectura  
 illius vicem gerens,  
 Civesque omnes,  
 Qui se nomini ejus in perpetuum colendo obligarunt,  
 Publi.

*Publicè votis susceptus,  
Vnanimò consensu,  
Virtuti ac memoriæ ejus DD.*

*Ad dextram arcûs triumphalis partem, ubi  
Napææ & Najades Duci lilia & flores  
offerunt.*

*Tibi lilia plenis ecce ferunt Nympha calathis.*

*S*icut ab Eoo consurgens Delius ortu  
Illustrat radiis latè sola picta coruscis:  
Adventu sic nostra tuo viridævia frudent:  
Atque novis halant vernantes floribus horti.

*Ad sinistram: Vbi Fauni Ducem quernâ coro-  
nant corollâ, & Dryades illius laudes  
decantant.*

*Semper honos, nomenque tuum, laudesq; manebunt.*

*V*Idelicet ut fronte geris, Djs proxime, lauros,  
Quas tua regali possedit munere Virtus:  
Cingimus ecce tibi civili tempora quercu:  
Esse hoc servandum memor ut sis pignore civem.

*Adscriptum statuæ Ducis, qui habitu Neptuni  
a Glauco paludum Marsaliensium Deo, aqua-  
rum gubernacula recipit.*

*E*N tibi nostrarum, Iuvenis, modocramen aquarû:  
Te duce eant placidis nostra fluentia vadis.

*Sub statua Iovis Galliam bellis civilibus ful-  
minantis: sub persôna Glauci.*

**D** Vm mala tempestas Gallos divexat, & angit,  
Mî pro Neptuni numine tutor eris.

Ad ingressum lōgæ porticusegregio opere cō-  
structæ: Dux in tribunali sedens, officium  
Senatûs & populi Marsaliensis recipit.

**V** T patris patria capias, mitissime, nomen,  
Devotum effusa spectas cum plebe Senat um.

Qui tibi se, dulcesque lares, agrosque feraces,  
Et quicquid servant cari patrimonia sacrant.  
Ad finem porticûs, sub statua Religionis.

**S** E tibi committit Divorum cultus, & ara:  
Sacræque, quæ patrius mystica ritus habet.  
Grata erit hac pietas Superis: horumque favore,  
Adjicies rebus robora firma tuis.

Ante portam Palatii: sub statua Urbis.

**S** Vscipe servandam caris cum civibus Urbem:  
Atque hæc æterna mœnia pace bea.

Ibidem: sub statua politiæ, volumen legum pa-  
triarum tenentis.

**N** Ostra suas leges Respublica possidet: illa  
Hus poscit tutor justus ut esse velis.

In Aetnam ardentem, ventis & tempestatibus  
circum agitatam: Symbolum principis:

ADVERSIS CLARIUS ARDET.

**I** N sano rabidi feriant licet agmine venti,  
Omniaque horrendo quassa fragore crepent:

Inconcussa manens adversis clarior ardet,  
Et duplicat vires ignibus Aetna novis.

Sic quisquis meritis ad summum vectus honorem est,  
Sæpe malos sola prosperitate movet.

Con-

*Constanti tamen ille animo perdurat, & illam  
Temnit: quam Virtus concitat, in vidiā.*

*In Deambulacro: ubi tabula ingens erecta  
erat: in qua Henricus III. Galli. rex sceptrum,  
diadema, & lilia Christo servatori  
sacrat.*

**P***Acata est domito quòd per te Gallia Marte,  
Atque tuis quòd Rex floreat auspiciis:  
Ille tuas donis onerat solennibus aras:  
Idcircoque iuvans diceris esse pater.  
Et sacrat nitido tibi candida lilia flore,  
Qua tua semoto fulmine dextra gerat.  
Dona placent: Galli, posthac sperate quietem:  
Placato arrident florea sceptrā Iovi.*

*In eodem deambulacro: in alia tabula: in qua  
Deus orbem terrarum Principibus moderan-  
dum comittit. Galliis Henricum III. præficit:  
Henricus verò Epernonio Duci Austrasiam  
tradit gubernandam.*

**A***rbitrario e cœlis totum dum temperat orbem  
Iuppiter, Henrico Gallica regna dedit.  
Damque amplas sceptri Henricus partitur habenas,  
Cultam Epernonio tradidit Austrasiam.  
Quàm benè, summe Deum, provisum est omnibus! ille  
Te propria, hic regem dum bonitate refert.  
Securus gaudere licebit postmodo Gallis,  
Æternum his quibus est pax data Principibus.*



**DISTICHA, QUÆ TABVLIS ET  
iconibus adscripta sunt.**

**Iosephus & Phutifar's uxor.**

**D**eperit Hebręum juvenem Mareotica conjux:  
Arguit & raptu vestis adulterium:

**Tarquinius & Lucretia.**

Desine vim thalamis, scelcrate, inferre pudicis:  
Exsilio quam tu, sed luet illa nece.

**Susanna: castê & Christianê.**

Omnia servasti: vita est integra: nec antè  
Pręda Semiramis est tua forma procis.

**Sophronia: castê sed non Christianê.**

Dum Decii ferro vitata libido fatiscit,  
Castâ quidem es, pietas sed tibi victa jacet.

**Lucretia: nec castê nec Christianê.**

Tarquini frustra vim sanguine corrigis: ille  
Laudatur, superest qui sine cadê, pudor.

**Diana & Endimion.**

Castâ licet Latmum nocturno Delia curru,  
Vt ferat amplexus Endimionis, adit.

**Venus & Adonis.**

Vt gerat heic humeris habilem coryton & arcum,  
Secleturque feras Cypria, fecit amor.

**Pallas & Mercurius.**

Mercurio Sais liquidi ad Bobeidos undam  
Fama refert placidum conseruisse femur.

**Iardanis & Hercules.**

**Robusto**

*Robusto teretes minuit dum poll. ce fusos,*

*Inriti Alcide Iardanis arma gerit:*

*Procris & Cephalus.*

*Dona tuę tibi sunt, Cephale, haud satis aqua Dianę:*

*Qua tingat proprio hac sanguine Procris erit.*

*Latona & rustici Lycii.*

*Scommata & impure meritis conritia lingua est*

*In Lycius ultus Iuppiter agricolis.*

**DISTICHA, QUÆ CORONIS TRI-**  
*umphalibus Petri Lepidi Metēsis adscripta sunt.*

*Quercus.*

*Qui pressos forti descendit robore cives,*

*Illi pro meritis querna corona datur.*

*Laurus.*

*Lemniscata tegit victorum tempora laurus:*

*Hoc celebris Virtus crescere Honore solet.*

*Oliva.*

*Victor Olympiaco qui pulvere certat, Olivam*

*Sudoris precium si potiatur habet.*

*Palma.*

*Palma triumphales ornat celeberrima currus.*

*Hoc precium Virtus majus habere nequit.*

*Myrtus.*

*Virginibus Paphiam Cypris dicat aurea myrtum*

*Pręcingit flavas qua nova nupta comas.*

*Lilia, vitis, & populus.*

*Lilia Iunoni, vitis pergrata Lyæ est:*

*Herculeas cingit populus alba comas.*

Cedrus.

*Incluta victuris mandantur nomina Cedris:  
 Quis fama aeternum vivere posse dedit.*

Pinus.

*Montana gaudet frontem Pan cingere pinu.  
 Nulla hac Idea est gratior arbor Opi.*

Hedera.

*Turba Mimalonidum festos redimita corymbos  
 Lymphato pompas in Citherone vocat.*

Cupressus.

*Tristia signamus ferali recta cupressu,  
 Ad lessum gemitus dum Libitina ciet.*

Malus arbor.

*Aurea Phryx pastor sacravit mala Dione:  
 Sape etenim his blandus crescere suevit amor.*

Rosa.

*Qui thalamum sine lite premis, lectumque jugalem  
 Idalia matri sparge marite rosas.*

Spica.

*Persephones matri selecto farre litabis:  
 Poscit nil prater spicea ferta Ceres.*

Gramen.

*Gramineam Fabio decrevit Roma coronam,  
 Punica dum Latio est milite fusa cohors.*

Malus punica.


*Punica disposito radiantia mala pyropo  
 Concordi quæ sit vis in amore docent.*

Quatuor venti præcipui.

*Eurus ab aurora: Boreas bacchatur ab Arcto:  
 Vesper amat Zephyros: Africa sicca Notos.*

I N

# INDEX



## INDEX TITVLORVM LIBRI.

<b>A</b> Brahamus Faber Typographus	331. 377.
<b>A</b> Abrahamus Ortelius	333. 352.
<b>A</b> drianus Chenerus	110.
<b>A</b> drianus Valerinus	162.
<b>A</b> Elia Zabarella	292.
<b>A</b> lardus Quintulus	24. 162. 217. 319. 329. 339. 344. 355. 363. 377. 392.
<b>A</b> lphonfus Ayalla	299.
<b>A</b> damicos	109. 314. 340. 363. 364. 370. 377.
<b>A</b> moralia Sabina a Rya	206.
<b>A</b> natollius Poluo	320.
<b>A</b> ngelica Malipira	315.
<b>A</b> нна N.	388.
<b>A</b> нна Bellæa	293.
<b>A</b> ndræas Crotossius	19.
<b>A</b> нна Culmanna	189.
<b>A</b> нна Hassonvillæa	272.
<b>A</b> nonymus	182.
<b>A</b> ntinomus	375.
<b>A</b> ntonia Lycæa	382.
<b>A</b> ntonius Cassius	351.
<b>A</b> ntonius Pascharius	297.
<b>A</b> ntonia Bercina	182.
<b>A</b> rnus	360. 374. 379.
<b>A</b> per decoctor	325.

## B.

Basilus Charondas	155.159.161.241.
Beatrix Vergeya	312
Bernardinus Paternus.	78.

## C.

Cæcilius	391.
Cæciliana	331.
Carolus V. Rom. Imp.	268.269.
Carolus Renaldus	191.298.374.
Casimirus Ringravius	199.
Chilo.	36.83.110.193.219.261.380.
Claudius Antonius a Vienna	270.
Claudius Bourgæus	376.
Claudius Sartorius	299.
Clavennas Homuncio.	225.
Cocus & Vetula	354.
Cotylus	336.
Crumena Serica.	365.

## D.

Dionisius Lebæus Batillius	371.
Ditmarus Cislebius	302.382.
Domicius Fainus.	91.97.148.149.155.232.283. 284.285.286.287.313.

## E

Effigies Amymones	324.
Effigies Faini.	91.233.
Effigies Herculis & Omphales.	398.
Effigies Lælii Cleopassi	390.
Effigies Iac. Pascharii	373.
Effigies Pauli Melissi	365.
Effi.	

# I N D E X.

Effigies Petri Lepidi	391.
Effigies Nic. Reusneri	370.
Effigies Veturii Leontii	390.
Elisabetha Dorothea Ducis Bipontini filia.	311.
Eriphyle	393.
Europæ 4 nationes.	332.

## D.

Fabianus a Dhona	11.133.387.
Fabius Tænius	165.
Ferrucius Nodinus	194.
Fluviorum descriptio	49.
Fortunatus Hugonius	395.
Francus Apollodorus	177.290.
Franciscus Malarmæus	282.
Franciscus a Rya	269.
Franciscus Loysius	372.
Franciscus a Vienna	136.273.314.
Franciscus Villerus	194.
Fridericus N.	388.
Fridericus Casimirus Com. Pal. Rheni dux	
Bavariæ	310.
Fridericus Lessotæus Stebleus	287.358.
Fritillo inscriptum	398.
Fucus	361.363.384.385.392.
Fulvia Læta	214.
Fuscus.	171.260.303.331.347.358.385.394.

## G.

Gabriel Diespachius	295.
---------------------	------



# I N D E X.

Gedeon a Vienna	138.
Georgius Bertinus	370.
Georgius Cæcilianus	31.334.350.364.388.
Georgius Gernerus	343.
Gongylus.	329.337.358.364.

## H.

Helena a Rya	271.
Henricus Magnerus	297.
Henricus Sueberus	201.368.
Hieronymus Capovaccius	289.397.
Hugo Babelus	275.
Hugo Dordonæus	222 299.
Hypocrita.	338.

## I.

Iacobus Chassignetus	296.379.
Iacobus Codræus Clarius	26.
Iacobus Monavius	82.
Iacobus Pascharius	67.71.145.237.
Iana Bolæa	313.
Ianno Beretina	292.
Ianantonius Vcelinus	229.
Iacobus Santalbinus	12.73.
Iacobus Soliacus Affaracus	140.273.
Ianus Delaberus	47.
Ianus Vpilio	117.
Impius	227.
Importunê jocantes	351.
Ingrati	153.
	Inferi.

# INDEX

Inscriptiones Marsalienses in adventu Ducis

Epernonij 399.

Ianus Aubrius 221.

Ioanna Babéla 279.

Ioan. Comes Pal. Rheni, Dux Bavariae & Bi-  
ponti. 1.3.58.59.90.129.198.265.309.311.  
312.368.

Ioannes Com. Pal. Rheni filius 310.

Ioannes Braconerius 186.

Ioannes Eschefeldius 227.

Ioannes Laficius 316.

Ioannes Lobetius 348.

Ioannes Posthius 143.

Ioannes Pornæus Piementa 247.

Ioannes Ringravius 199.

Ioannes Rocoffovius 19.

Iulia Aubria 295.

Iulia Issa 359.

Iulius Boissardus. 301.302.

## L.

Lælia Brassæa 337.

Lælius Clæopassus 22.28.105.150.151.158.168.  
244.276.314.316.321.324.341.346.355.359.  
380.390.395.

Lamia 182.339.341.342.346.

Langæus 354.358.359.

Laura 373.

Laurentius Friderus 189.

Laurentius Magnerus 111.

Lea puella 362.

# I N D E X

Ad Lectorem.	126.264.306.
Lentulus Ventidius	100.240.288.320.326.327. 333. 398.
Leonardus Vncius	382.
Ad librum suum	127.307.366.
Linus Sagatius	87.342.347.350.
Lippus	84.85.328.342.
Livia Martucia	332.
Livia Veturii filia	176.
Livius Algerius	88.
Lois a Vienna	204 316.
Ludovicus Malarmæus.	15.76.210.328 381.
Ludovicus Moustellius	63.
Lupus a rusticis captus	357.
Lyda Patavina.	337.

## M.

Mæra fluvius.	224.
Magdalena Gueldrię dux	131.310.
Maledicus	332.378.
Margites	360.
Marcus Antonius Varanus	180.218.340 387.
Marcus a Rya	269.
Marcus Claudius a Rya	134.
Marcus Foscarinus	166.
Margaris Boissarda	281.
Maria Aubria	260.398.
Maria Elisabetha Ducis Bipont. fil.	311.
Maria Lepida	293.
Maria Ragueria	270.
Matthæus Cognetius	343.
Medi-	

# I N D E X.

Medicus	381.
Michael Slavata	136.
Ad Musam	196.
Michael Cormæus Paxius.	35.
N.	

Nais	323.
Nicolæa a Vienna	204.316.
Nicolaus Clemens Luxovienſis	179.
Nicolaus Clemens Trelæus	299.388.
Nicolaus Goullonus	357.
Nicolaus Houllonius	337.
Nicolaus Reufnerus	122.123.
Nicolauſ Taurellus	33.
Nicolaus Tentruſius	378.
Nicolaus Villerus	113.
Nitidius Panerus	216.
Nydartus	36.358.

## O.

Octavianus Cleopaffus	277.314.
Odoardus Bizetus	188.201.
Omphace	334.354.361.381.393.
Orbis partes quatuor	399.
Orlandus Laſſæus	352.
Otho Henricus Dux Brunſvigæ	132.
Otho Ringravius.	199.

## P.

Pantaleon Candidus	212.349.369.
Paulus Aloyſius Amanus	341.356.392.
Paulus Cavallerius	219.
Paulus Cimettus	336.340.

# INDEX.

Paulus Cortesius	355.
Paulus Melissus	6.38.60.142.207. 215.234.246.255.315.319.325.327.332.351.358. 350.372.383.
Perona Geresmia	205.
Plautia Pylæa	356.
Philautus	168.
Philippus Cario	340.344.376.386.
Philippa Lazæa	49.164.173.174.175.291.317.318. 335.
Philo Vinitor	117.
Pholoë	315.
Phorbus	334.385.
Phyllis	328.
Petrus Aretinus	302.
Petrus Friderus	85.170.226.348.349.
Petrus Lepidus	29.64.187.218.326.336.353.381. 387.397
Petrus Monavius	248.300.
Petrus Ronfardus	274.
Petulantius jocantes	394.
Polydorus Marinus	287.
Pomponius Ricius	48.323.344.345.346.
Pontia	360.
Ponticus	362.364.
Priscus	4.
Prosper Ventidius	288.325.
Pyretus	343.374.383.393.
Pyrrha.	372.389.
	Quin-

# INDEX.

## Q.

Quinctius Lætus.

384.

## R.

Raguffus Blævius

214.

Richartus Boissardus

77.

Richartus Malarmæus

281.

Rinholdus ab Heyden stein.

99.243.

Robertus Fevinus

345.

Rutilius Saravefa.

159.262.321.322. 389.

## S.

Sabina Amoralia a Rya

206.

Samuel Aubrius

294.

Schalæ Faini

230.

De seipso

95.96.98.330.339.396.

Sfortia Hugonius

277.395.

Silvia Rizza

343

Silvia Zabarella

292.

Simon Cliverus

99.103.

Simon Roverus

257.

Sphinx

348.

Stephanus Vialardus.

195.

## T.

Taræus

357.388.

Theobaldus Boissardus

278.

Theodorus Zozimus

290.

Timandra Raphais

157.

Titus Celsus

335.

Tobias Hombergerus

211.

Topheus.

338.339.341.



# I N D E X.

## V.

Valentinus Grevius Bacfarcus.	201.
Veturius Leontius	153. 276. 322. 330. 361. 380. 390.
Vitus Vinshemius	252.
Volfgangus Dux Biponti	266.
Volfius Munzerus	288.
Votum Neptuno.	330.
X.	
Xantippe Taræi.	86.

## Z.

Zoilus.	329. 385. 395.
---------	----------------

## E R R A T A.

Pagina 11. linea 1. ab at l. balat. p. 18. l. 1. indonea l. in  
 idonea. p. 21. l. 28. audicial. audacia. p. 27. l. 10. Cui l.  
 Qui. p. 28. l. 13. Parca l. Parce. p. 32. l. 19. perticipem l.  
 participem p. 42. l. 20. culpa l. culpa. p. 87. l. 3. confon-  
 das. l. confundas. p. 104. l. 6. attenuenda l. attenuada.  
 p. 158. l. 11. illis l. illius p. 171. l. 2. abitione l. ambitione.  
 p. 236. l. 16. Aeternum l. Aeternam. p. 251. l. 24. Theuto-  
 neque l. Theutonemq. p. 265. l. 13. crabra l. crebra. p.  
 298. l. 8. An non hoc vivere bis vivere est? l. nonne hoc  
 est vivere vivere bis? p. 308. l. 18. ad aura l. ad Laura.  
 p. 312. l. 28. manus. l. munus. p. 315. l. 14. capillos l. capil-  
 lo. p. 318. l. 3. lōgua l. longa. p. 349. l. 6. aruvida l. artri-  
 vida. p. 351. l. 10. atritis l. artritis. p. 365. l. 5. oloriis l. o-  
 loris. p. 372. l. 6. facta l. ficta p. 373. l. 24. petulentiore  
 l. petulantiore. p. 387. l. 27. intueru l. aspicias heic. p.  
 390. l. 6. i me l. Si me.





- 1.10.

- e

+